

(مرح المعالي)

(في شرح الامالي)

بسم الله الرحمن الرحيم

سبحان من توحد في ذاته القديم \* سبحان من تفرد في وصفه القويم  
سبحان خالق خلق اللوح والقلم \* ثم الشئون قدر بالنهج الحكيم  
الواجب الوجود محال له العديل \* الدائم القديم برئ عن العديم  
هذا الوجود لمعة جونا جوده \* هذا الشهود قطعة احسانه العيم  
صلى على محمد المصطفى الذي \* تخمير خلقه لعلى خلق عظيم  
سلطانه تنور كالشمس في السماء \* برهانه تقر ركا لطود في الاديم  
والال والحكمة ما ارتاحت النسم \* باللطيف في الربيع اذا نسيم النسيم  
اما بعد صورت مقدمة آتية ده بيان اولديغى اوزره \* جملة علوم  
شريفه \* وجه فنون منيفه دن \* علم كلام ايله معلم اولان  
علم توحيد وصفات اهم واقدم اولديغى \* ارباب هدايه هويدا  
واصحاب نهايه ناه عن الانهادر \* بنابر بن بوعبد كترين \* يعنى  
درماند او اصر قواصم السيد احمد عاصم \* جعله الله تعالى  
من عصبة المعاصم \* جملة دن اوفر \* اول علم على الشان  
معتبر \* وفن مثرة الافنان مقتر ايله \* توغل واشغال  
ودوحة دائمة ابحاث فائضة الفايحه سندن \* دو دست باصرة

امعانه

امعانه \* اجتنای شمار مفهوم ومأل ايدوب \* اول نهجه  
ذات البهجه اوزره اشويك ايكوزاون بش سنه سي \* ماه رمضان  
منفرت فيضاتنده بعد الافطار \* فطرتي فطانتله مايه دار \* اولان  
بعض محصلين صلاح آثار ايله \* اسوة العلماء المحققين  
قدوة الفضلاء المدققين سراج الملة والدين \* على بن عثمان الاوشي \*  
عليه الرحمة مامر الفداة وكر العشي حضر تارينك \* محتفل كافة  
اصول دينه \* ومتكفل عامة عقائد يقينه اولوب \* وبين الطلاب  
(امالي) اسميله شهر تياب اولان منظومه فاخرة پر بها \* ونشيدة  
ذاخرة بي بهاري كه \* هر مصراعى چاك افكن كريمان باب قصر  
خورنق \* وهر بيتى بيت معمور اطلاقه احق واليقدر \* مدارس  
ومذاكره سنه ابتدار اولنوب \* كچه اول متن متينك \* شرح وتبيين  
بابنده \* افاضل عديده عديمة الاقران اعمال بنان بيان \* واشغال  
قواى قوية الاركان ايلشلى \* لكن بسيط پرا بنساط بسط وعياننده  
كيت خامه فضائل عنوانرينه ارخاي عنان \* يعنى هر مذهبك  
براهين وادله سن \* كاهي ثبت صحيفه اتقان ايلدكلر ندن بشقه  
لهجه عرييه اوزره اولغين \* مائدة فائده لرى جملته به ارزیده  
وسماط عا ئده لرى \* پيشاپيش همكسانه كسترانیده اولما مغل  
ذكر اولنان طلاب معالي اكنسابدن \* بعض نباهت نصا بلرى بوزمين  
اوزره كوهر پاش طلاب اولديلر كه \* هر فرقه نك مسلك مختار يعنى  
عقيدة منعقد الاعتبار لرى \* بالادلة والبراهين \* توضيح وتبيين  
ومعتقد ومعتقد من اولان اهل سنت مذهب مهذبى \* مقرون بابطال  
مذاهب مخالفين اولديغى حالده \* تلويح وتعيين اولنه رقى \* سبك تركى  
اوزره بر شرح معتدل تحريرا ولسه \* في ذاته اثر جليل \* واجله واقله به  
شامل المنفعة اولمغله \* موجب اجر جزيل \* ومستوجب ذكر جليل  
اوله جنى بي نياز تفصيلدر \* واقعا هر قوملرك بو مضمون اصابت



متضمنه \* مسوق اولان كلام كال انتاری دلنشین \* و مهیج شوق  
 خاطر فتور اکین اولغله \* یاری باری بیچون \* و یاوری داور ربع  
 مسکون ایل \* لوای فوز التوای کتبه مسلمان \* سر بسپهر نصرت  
 واعلام خیت انجام دشمن بدآیین \* رو زمین خزی و هزیمت اولوب  
 اولوجهله ساحه الصفاء خاطر عاطر حضرت پادشاه دین \* مانند  
 کلشنسرای فردوس پرین \* منشرح و مسرور \* و قلوب جله مؤمنین  
 مظهر کشایش فرحت و حبور اولق \* تفالی علاوه هیجان جذبه  
 عاشقانه \* و سلسله جنبان قبس ذی ساق قلب صادقانه من اولغله همان  
 مستمداً من المستعان وفق المنا \* شرح و املا سنه وضع قلم ابتدا اولوب  
 اسلوب مطلوب \* و منهج مرغوب اوزره \* توفیق رب منعمامه  
 قرین حسن ختام و (مرح المعالی فی شرح الامالی) ایله بنام اولاد قدن  
 صکره \* دأب بهین عبد دیرین اولدیغی اوزره \* مایه تقبل و اعتبار  
 و وایه تباهی و افتخار اوله جغندن بشقه \* طرف جامع الشرف  
 شاهیلرینه وسیله جلب دعا \* و ذریعه تخلید ذکر و ثنای شهنشاهیاری  
 اولق مرام بمراسیله \* حالا صبح و مسا \* موارد فوائد شامله سی  
 عروق و اعصاب جهان وجهانیه \* مانند جان ساری \* و مرافق  
 مرافد کامله سی حیاض ریاض حواصل اهل ایمانه \* مثال آب روان  
 جاری اولغله \* بهمه آن \* غوطه خواریم بی کار لطف و احسان  
 و سرتایا غمخور لجه ایشار و انعام بی پایانلری اولدیغمن حسبیه دوام ایام  
 عمر و شوکت \* و قیام هنکام فروسلطنتلری خدمت دعای خلوص  
 احتواری اساناً و جناناً \* ذمت جمع کثرت اسلامه لازم \* و فرداً فرداً  
 عهده هر شخصه واجب و متحتم اولان امیر المؤمنین \* و امام المسلمین  
 حجه الحق \* خلیفه الله علی الخلق \* ولی نعم عالم \* سری سروات اتم  
 پادشاه اسلام \* شهنشاه انام \* ظل وارف اله \* شاه دل آگاه باننباه


اسوه سلاله سلیله عثمانی \* نخبه خاندان نبیله خاقانی \* فلك قدرت  
 ملك خصلت \* شهاب ضمیر \* عطار دتدیر \* قریکر \* زهره منظر  
 بیضا ضیا \* مشتری سیمیا \* بهرام صولت \* کیوان مکانت \* فرازنده  
 ریات سروری \* فروزنده مشکوة دین پیغمبری \* نیر خیر سپهر  
 سلطنت \* قطب دوائر فلك خلافت \* باعث اسایش عالم \* مورت  
 آرامش اتم \* معنی مشکل (انا جعلناک خلیفه فی الارض) منطوق  
 مجسم (ورفعنا بعضکم فوق بعض) غره غرای ناصیه فرمانروایی  
 دره ینکای اکلیل جهان کشایی \* قبله الحاجات \* کعبه المناجات  
 کشف الامان دردندان \* معقل المعاز مستندان \* صباح العید ایام  
 سعد و اقبال \* نوروز نجسته بروز موسم مجد و اجلال \* صبا  
 مهب مرحت \* ضیای مشرق معدلت \* محسن ارکان دین احدى  
 مرصن بنیان شرع محمدی \* سلطان البرین و البحرین \* خادم  
 الحرمین المحترمین \* السلطان ابن السلطان السلطان (سلیم) خان  
 ابن السلطان مصطفی خان \* لازال الدهر مفتنما بوجوده الاکرم  
 الاکل \* و ما برح الخلق متعماً بوجوده الاعم الاشمل \* الی وقوف  
 حد الزمان \* و قطوع طالع الامکان حضرت تیرینک \* اسم سامی  
 مسعد ترسم ملوکانه \* و نام نامی منقبتوسم خسروانه لری \* اشبو  
 وجیره ناچیز ضارعانه \* فرق مفخرته تاج پراتهاج \* و منار فرور و رواج  
 قیلمشدر \* حضرت مؤسس کارخانه کون و مکان \* و مسدس  
 کاشانه عالم امکان \* جل ذاته عن نسبة الجهة و اضافه الزمان  
 اول شهریار کرد و ن تخت \* تاجدار فرید و ن بخت \* خدایکان  
 فرخنده جناب \* خداوند همایون القاب \* تمیمة بازوی ملت بیضا  
 تعویذ کردن شریعت سمحا \* کوب نجسه طالع زایچه بختیاری  
 نجم الشرف مینت لامع تدویر کامکاری \* طرازنده تاج و دیریم



فرمانده هفت اقلیم \* زینده حقیقه لطف و احسان \* آرایش  
دهنده نهالستان بهت و عنوان \* قلزم بیکران رویت و رشاد \* عمان  
ز کا و زهانت خداداد \* کامل و عارف \* کان جواهر معارف و عوارف  
داننده مقادیر ارباب دانش و مقال \* رساننده رواتب اصحاب فضل  
و کمال \* لمعه پاش جهان دانایی \* روشنی بخش دیده بینایی \* موج  
کوه افکن دریای سخا \* نور ظلمت شکن بیضای عطا \* روح جسد  
اسلامیان \* سر الاسرار افتد اهل ایمان \* مرتب اسباب غزو  
و جهاد \* مجهز مهمات اجناد و غا اعیاد \* باسط العدل و الانصاف  
کاشط الضیم و الاعنصاف حضرت تیرینک \* مدی الايام و الیال \* سرو  
طوبی سایه ذات همایون بیهمال خدیو یلرین \* پیراینده روضه شان  
و شوکت \* و پاینده پالیز علو و عظمت \* و آفتاب عالم آرای قلب  
منور لرین \* همواره دائر مدار سرور و شادمانی \* و ماهتاب جهان  
بیرای خاطر ضیا کستر لرین \* سائر منازل حبور و حضور و کامرانی  
ایلدیکی حالد \* لوا مع احکام معدلت اتسام شاهانه لرین \* ظلام انداز  
ظلم و عدوان \* و سوا طع او امر نصفت ارتسام پادشاهانه لرین \* روشنا  
ساز شئون و احوال زیر دستان ایدوب \* دولت علیه ابدی القرار  
خاقانیرین \* قاطبه دول اوزره غالبیت مطلقه ایل \* دمدم حائز فوز  
و نصرت \* و سلطنت سنیه سرمدی الاستقرار سلیمانیرین \* فلك  
الافلاك آسا \* عامه ملك و مال اوزره محیط و مستولی ایتکله  
جمله سنی زبردائرة انقیادنده \* سرفرو برده هرگز تسلیم و طواعیت  
و ظل ظلیل رأفت و عنایت رحیمانه لرنده \* زمرة مسلمین  
آسوده و مرفه البال \* و مصون تابش اکدار و ملال \* خصوصاً  
فرقه علما \* و زمرة هنرمندان و عرفا \* هبوب نسایم عنبر شمام  
عواطف کریمانه لریله \* اکشوده دل و خوشحال \* و ارکان  
صداقت بنیان دولت علیه \* و خول و خدمت خالصت اقتران

سلطنت سنیه لرین \* موافق رضای همایون \* و مطابق دلخواه  
اصحاب تقرون شهر یاری \* آرای صائبه و سدید \* و خدمات رضیه  
و مفیده به مظهر یتله \* نائل مطالب و مباغی \* و فائز رفاه و رفاغی ایلوب  
ساحه ممالك محروسه خدیوانه لرین \* مکنسه حسن تدبیر ایل \*  
خس و خاشاک بغی و عصیاندن تطهیر \* و صفحه کشور را حتماً نوسه  
ملیکانه لرین \* مصقله شمشیر جهانگیر بره \* و کدره تمرد و طغیاندن  
تجلیه و تنویر ایل \* جعل الله عون و صونه ملازما لحضرت  
فی کل اللیل و النهار \* و اطفه و توفیقه منادما لخدمته حتی ینال کل  
ما یتناه علی وجه البسار \* و جعل اعداد عمره و اقباله قاصیا عن بلوغ  
الاحصاء \* و او تاد مجده و اجلاله مرتبطا بطناب الخیمه الخضراء  
و ادام دعه الاسلام \* بادامه ذاته ذی العز و الاحترام \* و انام عیون  
الالام \* بايقاظ سیف سطوته الحسام \* و جمع فی جنوده اسباب  
الانتصار \* فشنت شمل العداة باسوء الحزى و اشوه الخسار \*  
واقر قریبا عینه بمشاهده جلال الاجتدال عن اجتدال  
اعداء الدین \* و اسر سمعه بتسلسل احادیث البشر  
من الشمال و الیمین \* علی الفتح المبین آمین \* بمكانه  
من نزل فی حقه عند ذی العرش مکن





وتیره مقدمه کتاب اولی اوزره علم توحیدک شرفی \* و فرقه ناجیه  
اولان اهل سنت و جماعت مذهبک شیخین مکرمینی اولان (ابو منصور  
ماتریدی) و (ابو الحسن الاشعری) بینلرنده اولان اختلافاتک ذکر  
ویانی \* ملایم وجدان اولغله \* علی طریق الاجمال \* ثبت صحیفه مقال  
قیلندی معلوم اوله که (علامه تفتازانی) علیه الرحه حضرت تارینک  
کشیده سلاک سطور ایلدیکی اوزره \* کیفیت عمله متعلق اولان احکام  
شرعیه به \* فرعیه عمله اطلاق اولنور \* اعتقاده متعلق اولانه اصلیه  
و اعتقاده اطلاق اولنور \* و قسم اوله متعلق اولان علمه \* علم شرایع  
و احکام دینور \* زیرا احکام شرعیه \* انجق جهت شرعدن مستفاد  
اولور \* قسم ثانی به متعلق اولانه \* علم توحید و صفات دینور \* زیرا  
مباحث توحید و صفات \* علم مزبورک اشهر مباحتی و اشرف  
مقاصد دینر صدور اسلامیه که (صحابه کرام) و تابعین ذوی الاحترامدر  
صحب نبوی برکاتی \* و زمان سعادت قریت حیثیتی ایله \* صفوت  
عقایداری اولدیغندن بشقه \* وقایع مسائلک و اختلافاتک قلتی \*  
و اقتضایدن مشکلاتک حل و کشفنده \* خلفای راشدین و ضبط  
و حفظ لری و امور دینیله آراء صاحب لری مقطوع اولان ثقات کاملینه  
مراجعتک سهولتی اولغله \* ذکر اولنان علم شرایع \* و علم توحیدک

تدوینلرندن مستغنی اولوب \* لکن قرن مر قوم انقضا سندن صکره  
تدریجه بین المسلمین \* فن کونا کون حدوث \* وائمه دین اوزره  
یغات و طغایک غلبه سی ظهور ایتمکه \* اختلاف آراء و تشعب  
اشوا و بدع و محدثات \* یوما فیوما بروز \* و فتاوی و واقعات  
متکثر \* و مهمات دینیله ده \* علمای کزینہ \* مراجعت متر احم  
اولغله \* مجتهدین عظام \* آیات و احادیث و آثاره نظر و استدلال  
و اجتهاد و استنباط احکامه اشتغال ایتمکه \* استنباط ایلدگری  
احکامی ضبط و تیسیر ایچون قواعد و اصول ضابطه سنه اخذ  
و بالنا سبه ابواب و فصول وضع \* و هر حکمک ادله و جهات  
ادله سنی \* و اصطلاحات مخصوصه و اوضاع منصوصه سنی  
تبیین ایله \* فن خاص اولی اوزره \* شیرازه بند تلفیق اولوب \* ادله  
تفصیلیه سندن احکام عملیه معرفتی مفید اولان فقه \* علم فقه  
و افاده احکام یابنده \* اجمالاً ادله احوالک معرفتی مفید اولان فقه  
اصول فقه \* و ادله یقینیله دن معرفت عقایدی مفید اولان فقه  
علم کلام \* تسمیه ایلدیلم \* زیرا علم مزبورک \* عنوان  
مباحثی الکلام کذا و کذا اولدیغندن بشقه \* اکثر مباحتی  
مسئله کلام \* یعنی کلام الهی مخلوقیدر دکلیدر \* مجتبی اولوب  
و تحقیق شرعیات \* و ازام خصوصمه کلامه قدرتی مورث  
و سائل و مجیب \* و معلم و متعلم طرفلرندن اداره کلامه مدار  
تحقق \* و علوم سائرہ دن ازید \* نزاع و خلاقی مشتمل اولی حسیبله  
مخالفتیه کلامه \* و کلاملرین رد و ابطاله \* احتیاجه باعث  
اولغله \* علم کلام ایله \* تسمیه اولندی \* و چونکه ذکر  
اولندیغنی وجه اوزره \* تدریجی اختلافات ظهور  
وبر مقتضای هوا \* هر خلافده بر طائفه عقد وفاق ایدرک  
ستفترق امتی ثلثا و سبعین فرقه کلها فی النار الا واحده



قيل ومن هم قال الذين هم على ما انا عليه واصحابي  
حديث شريفی اوزره ❦ امت محمد عقاید جهتیله ❦ یتش اوچ فرقه  
اولوب ❦ اهل سنت و جماعتدن ماعداسی ❦ موجب دخول نیران  
اوله جق انواع هذیانہ ابتدار ایلدیلر ❦ اشاعره که حضرت  
رسول الله واصحاب کرامنک اعتقادری اوزره در ❦ فرقه ناجیه  
اولوب ماعدایتش ایکی فرقه ❦ مخالفت اوزره اولملریله هالکه در  
محمد شهرستانی علیه الرحه ❦ ملل نحل نام کابنده بسط ایلدیکی  
اوزره ❦ ذکر اولسان یتش ایکی فرقه نک اصولی یدیدر  
اولکبسی معتزله در ❦ وجه تسمیه بودر که سر کرده لری اولان  
واصل بن عطا نام کسنه ❦ حسن بصری علیه الرحه حضرت تریز نک  
مجلسنه متردد اولغله ❦ برکون خلال محاوراتده مرتکب کیره یه  
مؤمن ❦ وکافر ❦ اطلاق اولمز دیوب ❦ کفر و ایمان بیننده  
بر منزله اثبات ایتدکله ❦ حسن بصری علیه الرحه بزدن اعتزال  
ایلدی بیور مغله ❦ مزبور و توابعی ❦ معتزله ایله ملقب اولدیلر  
و حق تعالی اوزرینه مطیع ثواب ❦ وعاصی به عقابک ❦ وجوبنه  
وصفات قدیمه نک نفینه ❦ ذاهب اولملریله ❦ کندی ملتزینه  
اهل توحید و اهل عدل اطلاق ایلدیلر ❦ وقدری انکار ایتلریله انلره  
قدریه دخی دیرلر ❦ فرقه ثانیه شیعه در ❦ ثالثه خوار جدر ❦ رابعه  
مرجئه در ❦ خامسه نجاریه در ❦ سادسه جبریه در ❦ سابعه  
مشبهه در ❦ فرقه اولی معتزله در که آنفا ذکر اولندیغی اوزره  
ریساری واصل بن عطا در ❦ بعض مسائل اعتقاده ❦ توابعلری  
بیننده تشاجر اختلافاته ❦ یکرمی فرقه اولدیلر ❦ فرقه اولی  
واصلیه در که ذکر اولندی ❦ ثانیه هذیلیه در که ابوالهذیل  
ابن العلاف توابعیدر ❦ ثالثه نظامیه در که ابراهیم بن بشار النظام  
کسند توابعیدر ❦ رابعه حائطیه در که محمد بن حائط توابعیدر

خامسه بشریه در که بشر بن المعتمر اتباعیدر ❦ سادسه معمریه در که  
معمر بن عباد السملی توابعیدر ❦ سابعه مزداریه در که مزدار  
صورتنده مزدار ایله ملقب عبسی بن صبح اتباعیدر ❦ ثامنیه ثمامیه در که  
ثمامه ابن اشرف النخیری توابعیدر ❦ تاسعه هشامیه در که هشام  
بن عمرو الغوطی اتباعیدر ❦ عاشره جاحظیه در که عمر بن الجاحظ  
اصحابیدر ❦ حادی عشر خیاطیه در که ابو الحسن ابن ابی عمرو  
الخیاط اتباعیدر ❦ ثانی عشر کعبیه در که ابوالقاسم بن محمد الکعبی  
اتباعیدر ❦ ثالث عشر جبایه در که محمد بن عبد الوهاب الجبائی  
اتباعیدر ❦ رابع عشر بهشمیه در که ابو هاشم بن عبد السلام  
اتباعیدر ❦ خامس عشر عمرویه در که عمرو بن عبید اتباعیدر  
سادس عشر اسواریه در که اسوار نام کسنه اتباعیدر ❦ سابع عشر  
اسکافیه در که ابو جعفر الاسکافی اتباعیدر ❦ ثامن عشر جعفریه در که  
جعفر بن بشر اتباعیدر ❦ تاسع عشر صالحیه در که صالح نام  
بر شخص اتباعیدر ❦ عشرین حدیه در که حدب نام کسنه توابعیدر  
فرقه ثانیه که شیعه در ❦ حضرت رسول الله صکره ❦ نص جلی  
یا خود نص خفی ایله امام ❦ حضرت علی بن ابی طالب در دیرلر ❦ بونلر  
اصوللری او جدر ❦ اول غلاة شیعه در که اون سکر فرقه اولدیلر  
ثانی زیدیه ❦ ثالث امامیه در ❦ مجموعی یکرمی فرقه در ❦ فرقه اولی  
سبائییه در که عبدالله بن سبا اتباعیدر ❦ ثانی کاملیه در که ابو کامل  
اتباعیدر ❦ ثالث علیائییه در که علیاء بن زراع الاسدی اتباعیدر  
رابع مغیره در که مغیره بن سعید العجلی اتباعیدر ❦ خامس  
منصوریه در که ابو منصور العجلی اتباعیدر ❦ سادس خطابییه در که  
ابو الخطاب محمد الاسدی اتباعیدر ❦ سابع هشامیه در که هشام بن  
الحکم اتباعیدر ❦ ثامن نعمانییه در که محمد بن النعمان اتباعیدر ❦ تاسع  
یونسیه در که یونس بن عبد الرحمن اتباعیدر ❦ عاشر نصیرییه در که



نصیر نام کسسه اتباعیدر \* حادی عشر جناحیه در که ذوالجناحین  
 اتباعیدر \* ثانی عشر غرایه در که محمدک علییه مشابیهی \* غرایک  
 غرایه مشابیهی کبیر دیرلر \* ثالث عشر رزایه در که رزام بن شاقوا  
 اتباعیدر \* رابع عشر زراریه در که زرار اتباعیدر \* خامس عشر  
 مفوضه در که حق تعالی خلق دنیایی \* محمدیه تفویض ایلدی دیرلر  
 سادس عشر بدایه در که حق تعالی یه بدا اسناد ایدرلر \* یعنی  
 حق جل و علا \* بر نسنه اراده ایلد کدن صکره \* رجوع و ندامت  
 ایدر دیرلر \* سابع عشر بنانیه در که بنان بن سمعان اتباعیدر  
 ثامن عشر \* اسمعیلیه در که یدی لقبله ملقبدر \* باطنیه و قرامطه  
 و حریمه و سبعیه و بابکیه و محمره و اسمعیلیه در \* امامتی جعفر صادق  
 حضرت تارینک بیوک اوغلی اسمعیله اثبات ایتدیلر \* تاسع عشر  
 زیدیه در که زید بن علی بن حسین بن علی \* امامته ذاهب  
 اولدیلر \* حالا بمن اهل بسنی بو مذهب اوزره در \* و کونا کون  
 مخالفتری وار \* و بوزیدیه طائفه سی اوچ فرقه در \* اول  
 جارودیه در که ابو جاروده تابعدر \* ثانی سلیمانیه در که سلیمان  
 بن جریره اتباعیدر \* ثالث صالحیه در که حسن بن صالحه تابعدر  
 پس بو اوچ فرقه ابله شیعه یکر می بفرقه اولور \* یکر می ابکنجی  
 امامیه در \* فرقه ثالثه خوار جدر \* امام بالحق اوزرینه خروج  
 ایدنه \* خارجی اطلاق اولور \* بونلرده یدی فرقه در \* و هر فرقه نک  
 شعبه لری اولغله \* مجموعی یکر می فرقه اولشدر \* فرقه رابعه  
 مرجئه در که عملی رتبه ده \* نیتدن واعتقاددن \* تأخیر ایدرلر  
 ارجا تأخیر معناسنه اولغله \* مرجئه ابله تسمیه اولدیلر  
 و بو فرقه بش فرقه یه منشعبدر \* فرقه خامسه جبریه در که  
 عباددن فعلی حقیقه نفی ایدوب \* جمله افعالی جناب عزته  
 اسناد ایدرلر \* فرقه سادسه نجاریه در \* بونلر حسن بن محمد بن النجار

نام بر کسسه توابعیدر \* خلق افعالده \* واستطاعت فعل ابله اولدیغنده  
 اهل سننه متابعلدر \* لکن نفی صفات وجودیه ده \* وحدوت  
 کلامده \* ونفی رویتده مخالفدر \* فرقه سابعه مشبهه در که  
 حضرت حق \* مخلوقات تشبیه ایدرلر \* پس ذکر اولنان فرق  
 هالکه مجموعی \* یتیمش ایکی اولدی \* بونلرک تفصیل مذاهب باطله لری  
 ذکر اولنان ملل و نحل نام کاید \* مبسوطدر \* پس بو فرقه لرک  
 اکثری \* دلائل سمعیه به راضی اولوبوب \* خصوصاً  
 معتزله طائفه سی \* اکثر اصول فلاسفه یه تشبیه \* محض عقلی  
 و فلسفه یی \* اصول عقائده خلط \* و بین الناس مذهب لری  
 اشاعه ایتکلر \* هرج و مرج عقائده باعث اولوب \* تا که  
 شیخ ابو الحسن الاشعری \* اشبو منظومه خلاصه \* و ما ان  
 فعل اصلح \* یتیم شرحنده \* ذکر اولندیغی اوزره \* استاذی  
 اولان ابو علی الجبائی بی مبهوت ایتکلر \* مذهبنی ترک و فراغت  
 و تلامذه و توابعیه \* کتب و سنت و جماعت مقتضای ادا  
 و براهینه \* اول طائفه نک مذهب لری ابطاله \* صرف غیرت  
 کذلک ابو منصور ماتریدی علیه الرحه \* امام اعظم \* و همای اقدم  
 حضرت تارینک \* فقه اکبر \* و سائر اثرانور لرندن بالاستفاده  
 عقائد حقه یی \* سیم ناب کبی \* ظاهره اخراج ایدوب \* بعده  
 خلفای عباسیه عصرنده \* ابو نصر فارابی \* کتب فلاسفه یی  
 یونانیدن عربی یه ترجمه ایدوب \* اسلامبون فلسفه یه خوض  
 و ملازمت \* و شریعت مخالف اولان مذهب لری \* ابطاله مبادرت  
 و مذهب حقه نصرت \* لاسیمما متأخریندن \* امام الحرمین  
 و امام فخر رازی \* و سائر اعلام امت \* عقائد اهل سننه یی  
 ضرب دست براهینه \* ایدی مخالفیندن \* نزع و استخلاص ایتکلر  
 مظهر شایع عوام و خواص اولشدر \* بوجهته علم کلام



اساس احكام شرعيه \* ومدار علوم دينيه \* وبالجمله مسائل  
عقائد اسلاميه \* وغايتي سعادات اخرويه اولوب \* لكن  
ذكر اولنديغي اوزره \* باشي غوغالي بر علم عزيز اولغله \* بعض  
متورعين سلف \* اشتغالنه رضا داده اوليوب \* لكن عدم  
رضاسي \* علت قابليت \* علت فاعليه دن مقدم قاعده سي اوزره  
قاصر ين ومتقصرينه نسبت اولوب حتى \* عَلَيْكُمْ بِعَقَائِدِ الْعِبَارِ  
كلامي دخي \* اولقوله اشخاصه خطايدر \* يوخسه نهاد سلينده  
جوهر استعداد وطبع مستقيمده \* مایه فیض خداداد مرکوز اولوب  
قوای متمیزه سي \* مرصوص اولان \* طلاب علومه واجب  
اولديغه \* عامه علماء اتفاق ایلدیلر \* حتی فقهای عظام اجاع  
ایلدیلر که هر مسافه سه روزه ده \* ازاله شبهه والزام معاندین  
وارشاد مشرشدین ایلکه مقتدر \* بر ذاتک وجودی لازم  
اولوب \* وقتک امامنه ذکر اولنديغي اوزره هر مسافه سه روزه یی  
بوصفته متصف عالمدن اخلا ایلک حرامدر \* نته کیم هر نصف  
مرحله محلی \* نظواهر احکام شریعته عالم \* ذاتدن اخلا ایلک  
حرامدر \* خلاصه علم عقائد اصل واجبات \* ومبنای مشروعات  
اولغله \* اجل علوم اولیق ملاسه سي \* اعتنا واهتمامه شایان  
وکمال خواهش ورغبت طلبه کرامه جساباندر \* وخفی  
اولیه که \* ذکر اولنان حدیث شریف منطوقی اوزره \* فرقه  
ناجیه اهل سنت وجماعتدر \* وانلر شیخ ابومنصور ماتریدی  
وشیخ ابوالحسن الاشعری توابعیدر \* حنفیه عقاید ده ماتریدی یه  
تابعدر \* زیرامشار الیه اصول وفروعده \* امام اعظم حضرتلرینک  
مذهبی اوزره در \* ومالکیه وشافعیه وحنابله عقایدده \* اشعری  
مذهبنده در \* مخالفینه مقابل ذکر اولندقدده اشاعره ایله تعبیر  
اولنور \* وماتریدی ایله اشعری میاننده \* بعض مسائلده

اختلاف وارددر \* تاج الدین ابن السبکی سبکنه کوره \* همان  
اون اوچ مسئله ده \* اختلاف ایلدیلر \* انلرکده بعضیسی لفظیدر  
حقیقیننده دخي \* بدعت وضلالتنه نسبت اولنه حق ماده یوقدر  
خادمی علیه الرحمة طریقت شرحنده \* یتش اوچ کونه اختلافات  
ثبت ایدوب لكن بعضیسی بعضیسنه راجع \* واکثری نزاع لفظی  
اولوب وبعضی دخي جمهور کلامی اولغله \* بنه مومی الیه سبکی زاده  
قولنه راجعدر \* اختلافات مذکوره نک اولکبسی \* جمهور  
ماتریدی دیدیلر که \* وجوب معرفت الهی عقلیدر \* شرعی  
دکدر (۲) ناسه رسول بعث اولمنسه ده اوزرلرینه معرفت  
الهی واجبدر (۳) صانع عالم صفاتیه \* حق معرفتله  
یلنور (۴) وجود واجب فی التحقیق \* ذاتک عینیدر (۵) بعض  
امورک حسن وقبی \* عقلله ادراک اولنور (۶) صفات افعالک  
مجموعی صفت ذاتیه حقیقیه یه که \* تکوین صفتیدر راجعدر  
وتکوین عدمدن وجوده اخراجک مبدیدر \* وفعلیه ذاتیه کی  
حقیقیه در \* اعتباریه دکدر \* ذات باری ایله قائمه قدیمدر (۷)  
واجب الوجودک هر بر صفت ذاتیه سی \* وفعلیه سی \* ممکنه  
دکدر (۸) صفات افعال که خالق \* وباری \* ورازق \* وامثالها  
مفهوما تیدر \* قدرک غیریدر (۹) تکوین مکونک غیریدر (۱۰)  
بقاء صفت زائده دکدر (۱۱) سمع وبصر صفتلری \* مسموع  
ومبصره \* علمک غیریدر (۱۲) مشموم ومذوق وملوسی ادراک  
شان الهیده علمک غیری \* صفت دکدر (۱۳) افعال الهی  
حکم ومصالحله معللدر (۱۴) اراده رضا ومحبتی مستلزم دکدر  
(۱۵) حق جل وعلا ازله متکلمدر مکلم دکدر (۱۶) بعض  
قرآن بعضندن اعظمدر (۱۷) معدومه خطاب ازلی \* تعلق  
ایتمز (۱۸) اشیاک وجودی ایجاد ایله در \* کن خطابی ایله



دکدر \* پزدودی علیه الرحمه مجموعه در دیدی (۱۹) ایمان زائد  
و ناقص اولماز (۲۰) ایمانده استثناء \* یعنی ان شاء الله کله سنی  
ترکیب \* حالا واستقبالا جائز دکدر (۲۱) حالا شقی اولان سعید  
وسعید اولان \* شقی اولور (۲۲) هر موجوده \* سماعک تعلق جائز  
دکدر \* هر موجوده رؤیتک تعلق \* جائز ایسه ده (۲۳) حضرت  
موسی علی نبینا وعلیه السلام \* کلام نفسی بی استماع ایتوب  
بلکه حروف و اصواتدن مرکب کلام \* استماع ایله دی (۲۴)  
تکلیف مالا بطلاق جائز دکدر (۲۵) مطیع تعذیب \* و کافری  
تنعیم \* و مؤمنی نارد \* و کافری جنده تخلید \* حکمته مخالف  
و شئی موضعنک غیریه وضع اولغله \* عقلا جائز دکدر (۲۶)  
حق سبحانه و تعالی منامده مرئی اولماز \* لکن اکثر حنفیه  
خلافه ذاهب اولوب \* شیخ کلامنی تأویل ایله دیلر (۲۷)  
رؤیا خیال باطل دکدر \* بلکه نوع مشاهد و روحانیدر  
(۲۸) استطاعت طاعت \* بعینها استطاعت معصیتدر  
زیرا قدرت واحده علی سبیل البدل ضدینه صالحدر (۲۹) علم  
واحد مخلوق \* ایکی معلومه دخی زیاده یه تعلق ایدر (۳۰) انبیای  
عظامک رسالتلری \* موتله منقطع اولماز (۳۱) حضرت رسول الله  
علیه الصلوة والسلام احکام شرعییه ده \* وحی ایله \* و رأیه  
واجتهاد ایله عمل بیوردیلر (۳۲) مقلدک ایمانی صحیحدر \* هر نقدر  
استدلالی ترکله عاصی اولور لر ایسه ده (۳۳) ایمان استدلالیده  
جمع مسائل اعتقادیه ایچون \* دلیل عقلی لازم دکدر \* بلکه  
قول رسوله اعتقاد کفایت ایدر \* وفیه تأمل (۳۴) اسم سمانک  
عینیدر (۳۵) حکمت اول نسنه در که کندی ایچون عاقبت  
حیدر اوله \* سفه بونک ضدیدر \* یو خسه فاعلک قصدینه  
و ضدینه واقع \* و فاعلک منفعتی و مضرتی اولان اشیا دکدر

(۳۶) عبدک فعلنه کسب اطلاق اولنور \* خلق اطلاق  
اولنور (۳۷) فعل الهی خلقددر \* کسب دکدر (۳۸) فعل اسمی  
افعال الهی به \* و افعال عباد \* بطریق الحقیقه و المجاز  
اطلاق اولنور (۳۹) بغیر آله واقع اولان ایجاد خلقددر \* مع الاله  
کسبدر (۴۰) شئی \* حواس خسه نک بریله ادراک \* علم دکدر  
بلکه انلر علمه آلتلردر (۴۱) ذکورت شرط نبوتدر (۴۲) عقیب  
ضربده واقع اولان الم \* و عقیب کسرده واقع اولان انکسار \* فعل  
عبدیه متعلق دکدر (۴۳) نظر صحیحک افاده سی \* مجموع خلق  
و کسبله در \* بالکمز خلقله دکدر (۴۴) عبدک قدرتی  
فعلنده مؤثردر \* غیر مؤثر دکدر (۴۵) علل و اسباب \* اظهار  
آثار ایلدکلری ماده لرده \* قوی و طبایع کبی \* حقیقی مؤثردر  
عادی دکدر (۴۶) ایکی قادری قدرتلری بیننده \* مقدور  
واحدک وقوعی \* جائزدر (۴۷) ارواح جسم و جسمانی  
دکدر \* ماده دن مجرد اولان اموردر (۴۸) قبل البعثه  
بعض احکامک معرفتی جائزدر \* حق تعالی علم خلق اتمکله یا خود  
کسبک مدخلی اولیه رق \* تصدیق رسولک و جوبی و کذبک  
حرمتی کبی \* یا خود نظر و ترتیب مقدماتله (۴۹) صفات الهی  
بر بقایله باقیدر که \* اول بقاده نفس صفت سنیه در (۵۰) مماثلت  
جمع او صافده \* مشارکتله تحقق ایدر (۵۱) مماثلت جنسدر  
انواعی اولان مشابهت و مضاهات \* مساواته شامل اولور (۵۲)  
مثابهات اجمالا مأول اولوب \* تفصیلی حضرت حقه تفویض  
اولنور (۵۳) منشابهاتک حکمی عالم دنیاده \* رجای معرفت  
مرادک انقطاعیدر (۵۴) قضا و قدر اراده ازلیه نک غیریدر  
(۵۵) پیغمبر غیبی یلور دینلرک \* کفرینه ذاهب اولدیلر (۵۶)  
هر مجتهد مصیب دکدر \* و حق بر در (۵۷) دلیل لفظی یقین



افاده ایدر \* عند عدم المانع \* اگر معنای واحد اوزره متواتر  
اولورسه (۵۸) محبت استحماد معناسنه در \* مطلق اراده  
معناسنه دکلدر \* بوجهته طاعتک غیریه تعلق ایلر  
(۵۹) کافر دنیسه متهم اولور (۶۰) کافر فر وعله مکلف  
دکلدر (۶۱) انبیای عظام عدا صغائر دن \* ومطلقا \* کبائر دن  
معصوملر در (۶۲) مفضولک امامتی صحیحدر (۶۳) موت بنیه  
حیوانک فسادیدر \* یوقسه حیات شانندن اولانک \* عدم حیات دکلدر  
یاخود بر عرضدر که \* حق تعالی حیوانده خلق ایدر (۶۴) اعراض  
ایچون بقا یوقدر (۶۵) توبه بآس مقبولدر (۶۶) حسنی یاخود قبی  
سقوطی قبول ایلان حکمک \* نسبی جائز دکلدر \* ایمانک وجوبی  
وکفرک حرمتی کبی (۶۷) حسن و قبح عقله \* ادراک اولنان محلارده  
امر ونهیک مدلولدر (۶۸) اقرار ایمانک جزئدر \* بعضیلر عندنده  
شرطدر (۶۹) شاهی جیلده نشأت ایدوب دعوت واصل اولیان  
کسنه اوزرینه \* بالاستدلال \* صانع عالمک وجود و وحدتند  
وما لابنی ایله متصف اولدیغنه \* ایمان واجب اولور (۷۰) عقلک  
بعض شرعیاتی ادراکده \* مدخلی وارد \* هر قدر حکمنده مدخلی  
یوغبسه ده (۷۱) توضیحده ذکر اولندیغی اوزره \* حال اثبات  
ایلدیلر (۷۲) ارسال رسل واجبدر لایق معناسنه (۷۳) استطاعت  
فعله مقارندر انتهى \* واقعا ذکر اولنان اختلافاتک اکثری  
بر برینه راجعدر \* و اکثری منازعه لفظیه در \* ومعلوم اوله که  
اشبو منظومه بحر و افک ضرب اولسنددر که عروض و ضربی  
مقطوف \* و اجزای سائر سی عصب ایله مزخوفدر  
قطف \* سبب خفیفک ماقبلنی اسکاندنصرکه \* حذف ایتمکدر  
مفاعلتن فعولن اولور \* عصب خامس \* مفاعلتن اولان لامی  
اسکاندر مفاعلتن اولور \* نته که \* اذالم تستطع شبثا فدعه

وجاوزه الی ماتستطع \* یتی بو منوال اوزره در \* حزر جیده  
مسطور در \* ومن الله العون

یَقُولُ الْعَبْدُ فِي بَدْءِ الْأَمَالِي لِتَوْحِيدِ بَنَظْمِ كَاللَّامِي

یقول فعل مستقبلدر \* العبد فاعلیدر \* حرف تعریف کوفیون  
عندنده مضاف الیهن عوضدر \* عبد الله تقدیرنده در که مراد  
نفس ناظمدر \* بصریون عندنده \* معهوده اشارتی متضمن  
اولمقدمه \* اضافت مثابه سنده اولمغله \* تعویضدن مستغیدر  
فی بَدْءِ الْأَمَالِي یقول کلمه سنه متعلق ظرفدر بَدْءِ ابدا معناسنه در  
لکن ابتداک مفهومی کلفتی متضمندر \* حمل واحتمال کبی  
امالی جمع املا در \* عن ظهر الغیب یعنی من غیر استعانة الکتاب  
تحریر و کتابت معناسنه در \* وبعضیلر امالی اشبو منظومه نک  
اسمیدر دیدیلر \* لکن غیر موجهدر \* وبعضیلر بَدْءِ الْأَمَالِي  
اسم منظومه در دیدیلر \* لتوحید کلمه سنده لام عاقبت ایچوندر  
فی معناسنه مستعار اولق دخی ممکندر \* بعضیلر یقول فعلنه تعلیق  
ایلدیلر \* مأل کلام لکونه معتقدا بالتوحید \* یصفه بالقدم  
وصفات الکمال دیمک اولور \* یاخود لام تعلیلده به حمل اولنور  
کویا که \* سیاقی کلامه یاخود سائل مقدرک \* لای شی یقول سئواله  
جوابی متضمن تعلیل اولمش اولور \* علی التقادیر بَدْءِ کلمه سنه  
تعلقی نا مرئیدر \* زیرا ابتداء توحید ایله اولیوب بلکه قدم  
وصفات کمالدن بحثله در \* لکن جمله دن انسی امالی قولنه  
تعلیق ایلمکدر \* زیرا توحیددن مراد علم توحیددر که \* علم کلامه  
مشهردر \* مؤلفا لتوحید تقدیریه حال اولق دخی ممکندر \* بنظم  
بَدْءِ کلمه سنه متعلقدر \* یقول کلمه سنه ده تعلقی جائزدر \* لکن قرینت  
حسبیه اول احق \* بلکه امالی به تعلیق دخی الیقدر \* نظم لغتده



اینجوی ایله که دیزمکه دینور \* اصطلاحده مرتبه المعانی  
ومتناسقه الدلالات اولان \* کلماتی عقلک مقتضاسی اوزره \* جمع  
وتألیف ایلمکدن عبارتدر \* کالائی کاف حرف جردر \* یاخود مثل  
معناسنه در \* لائی جمع لؤلؤدر \* اینجو معناسنه کاف مدخولیه  
نظم کله سنک صفتیدر \* لکن مضاف تقدیرینه محتاجدر \* زیرامراد  
نظم کلامی نظم لائی به تشبیهدر \* تقدیر کلام یتکلم العبد فی ابتداء  
ما املأه بنظم کائن کنظم الالائی \* او بنظم مثل نظم الالائی \* لعلم  
التوحید الموسوم بالکلام دیمک اولور \* ناظم علیه الرجه  
نظمی حسن وبهاء \* وصفوت و ضیائی محتوی \* ولطافت و مطبوعیتی  
منطوی اولق جهته \* نظم لائی به تشبیه ایلمشدر \* ومفهوم  
عبودیتده لازمه ذمت مخلوق اولان \* تذال و خضاعت  
اظهارندن بشقه \* ربوبیت حق سبحانه و تعالی \* اعترافی متضمن  
اولغله \* ناظم کنندی نفسنی عنوان عبودیتله توصیف ایلمدی  
\* بیت \* لاتدعی الایا عبدا \* فانه اشرف اسمائیا \* مدلولی  
اوزره \* عبدا سمی اشرف اسماء مؤمنیندر \* نه که \* سبحان الذی  
اسرى عبده \* ایت کریمه سنده \* آنکله افضل نوع انسانی  
اولان \* حضرت رسول یمدانی معبریوردی \* خفی اولیه که خاصه  
عبودیت انبیاء علیهم التحایا \* خاصه رسالتلرندن اشرفدر \* زیرا  
عبودیتله خلقدن حقه منصرف \* و رسالتله حقدن خلقه منعطف  
اولورلر \* بناء علیه کلمه شهادته \* عبد عنوانی رسول اوزره تقدیم  
اولندی \* بعدذا توحید کله سی \* وحدتن تفعیلدر \* صانع عالم  
حق سبحانه و تعالی \* ذاتا و صفاتا واحد حقیقی اولوب \* یعنی  
شریک و نظیردن منزله اولدیغنی قلبه تصدیق \* ولسانله اقرار  
ایلمکدن عبارتدر \* بوجهته وحدت \* صفات سلویه جمله سندن  
اولور \* وتوحیدک اوج مرتبه سی وارددر \* مرتبه اولی توحید

ذاتدر که \* مقام استهلاک \* وفنا فی الله در \* مرجعی لاموجود  
فی الحقیقه الا الله مفهومیدر \* مرتبه ثانیه \* توحید صفاتدر که  
جمله قدرت مخلوقات \* قدرت شامله ربانیده مستغرق بیلک  
وعامه علومی علم کامل سبحانیده \* مضمحل بیلکه قاطبه کالاتی  
عکوس انوار کمال یزدانیدن \* برلعه کورمکدر \* مرتبه ثالثه  
توحید افعالدر که \* علم الیقین یاخود \* عین الیقین \* یاخود  
حق الیقین ایله \* وجود و ظهورده \* حق سبحانه و تعالیدن غیر  
مؤثر اولدیغنی اذعان \* وتحقیق ایلمکدن عبارتدر \* قالدیکه  
وحدانیت خدای بیهمتایی اثبات صدقده \* امام رازیدن نقل  
اولندیغنی اوزره \* متکلمینک سرمد ایلمکدری براهین عقلیه  
یکرمی به قریبدر \* اشهری \* لوکان فیها آلهة الا الله لفسدتا \*  
نص شریفک موجب اشارتی اوزره برهان تمنعدر \* یعنی صانع  
عالم ایکی فرض اولنسه \* افعالده مختلف اولورلر \* یاخود متفق  
اولورلر \* اختلاف صورتی فساد عالمی \* یعنی سموات وارضینک  
اشبو نظام محسوس بدیعندن \* خروجنی یاخود \* عدم تکوتی  
یاخود اجتماع اضدادی مستلزمدر \* مثلا بریسی \* زیدک حرکتی  
ودیکری \* آن مراده سکوتی \* اراده ایلسه \* الوهیت حسبیه  
قدرتلی مؤثر اولغله \* اجتماع ضدینی مستلزم اولورلر \* وصورت  
اتفاقد \* ینلرنده مخالفتک \* یا صحت و امکانی اولور \* یاخود اولماز  
صورت اولی محالدر \* زیرا تخالف مستحیلدر \* صورت ثانی عجزی  
مستلزمدر \* عجز ایسه اماره حدوث اولغله \* شان الهیده محالدر  
صورت دیگر \* صانع عالم \* ایکی فرض اولنسه \* احدهما یابدیرنده  
کافی اولور \* یاخود اولماز \* صورت کفایت اولده \* صانع ثانی ضایع  
وزائد اولق اقتضایددر \* بوایه نقیصه در \* ناقص ایسه صانع  
اولیه جنی کامله عباندر \* صورت کفایت ثانیده \* صانع اول ضایع



و معطل اولور ❦ صورت آخر صانع عالم ایکی فرض اولنسه ❦ تأثیر  
قدرتده ❦ یا هربری آخره محتاج ❦ یا خود مستغنی ❦ یا خود  
احدهما محتاج ❦ آخر مستغنی اولور ❦ صورت اولده ❦ ایکبسنکده  
حسب الاحتیاج نقصانلری لازم کلور ❦ نقصان ایسه ❦ شان الوهیته  
منافیدر ❦ صورت ثانی به کوره ❦ هربری مستغنی عنه اولمغله  
ایکبسنکده اله اولمامسی لازم کلور ❦ زیرا اله محتاج الیه ❦ مستغنی به  
اولمغله ❦ مستغنی عنه اولماز ❦ صورت ثالثه ❦ محتاج ناقص  
و مستغنی ❦ اله اولمق لازم کلور ❦ و بیضاوی مرحومک تقریری  
بوسیله در که ❦ صانع عالم ایکی فرض اولنسه ❦ جمیع ممکنات  
هر برینه نسبتله مقدر یته مساوی اولور ❦ زیرا علت مقدوریت  
امکاندر ❦ امکان ایسه جمیع ممکنات بینده وصف مشترک اولمغله  
ممکناتدن برشی موجود اولماق اقتضایدر ❦ زیرا موجود اوله حق  
شبهک وجودنده ❦ یا صانعین مفر و ضعیفدن برسی ❦ مؤثر اولماز  
یا خود برسی مؤثر اولسوب آخر مؤثر اولماز ❦ ایکی صورتده  
دخی ترجیح بلا مرجح لازم کلور ❦ صورت اولده ظاهر در ❦ زیرا  
ممکنک وجود و عدم طرفلرندن برینی که مفر و ضعیفده عدم  
طرفیدر ❦ بلا مرجح ترجیح لازم اولور ❦ و صورت ثانیده لزومک  
وجهی بودر که ❦ ذکر اولسان ممکن واقعک ❦ ایکی صانعدن  
هر برینه نسبتی ❦ مساوی اولمغله ❦ احدهماک تأثیر یله بولنسی  
لا محاله ترجیح بلا مرجحدر ❦ ترجیح بلا مرجح ایسه باطلدر  
واکر هربری مؤثر اولور ایسه ❦ ایکی مؤثر مستقل بالشخص  
اثر واحد اوزره تواردی لازم کلور ❦ بوا یسه محال اولمغله  
صانعین فرضی صورتده ❦ ممکناتدن برشبهک وجودی ممکن اولماز  
ملزوم ایسه ❦ لازم کی باطل اولمغله ❦ صانعک وحدانیتی ثابتدر  
صورت دیگر ❦ صانع عالم ایکی فرض اولنسه ❦ احدهما زیدک

قیامی اراده ایلدیکی صورتده ❦ آخر ایچون زیدک قعودی  
ممکن اولور سه ❦ وقوعی فرض ایده رز ❦ زیرا ممکنک وقوعی  
فرض ❦ محال دکلدر ❦ ایمی ایکیبسنکده مرادی حاصل  
اولور سه ❦ زید آن واحدده ❦ قائم وقاعد اولمق اقتضا ایدر  
بوا یسه اجتماع نقیضین اولمغله محالدر ❦ واکر بالکز برینک  
مرادی حاصل اولور ایسه ❦ آخرک عجزی لازم کلور ❦ آخرک  
عجزی ازلی اولمق محالدر ❦ زیرا عجز وجودی صحیح و ممکن اولان  
نسنه دن معقول اولور ❦ ازله مخلوقک وجودی ایسه ❦ محالدر  
پس عجز ازلی محال اولدی ❦ عجزی حادث اولمقده محالدر  
زیرا عجز ازله قادر اولوب ❦ بعده قدرتک زوالیله ❦ متحقق اولور  
بوا یسه قدیمک زوالی مقتضیدر ❦ واکر آخر ایچون ❦ زیدک  
قعودی اراده ممکن اولور سه ❦ اراده احدهما ❦ اراده آخره مانع  
اولمغله ❦ عجزی لازم کلور ❦ عاجز ایسه اله اولماز ❦ قالدیکه آیت  
مرقومه ده مذکور اولان ❦ فیها کله سی قرینه سببه مراد  
تأثیر اولمغله ❦ نفی تعدد صانع باینده ❦ حجت و ملازمت قطعیه در  
سعد الدین مرحومک حجت اقتضاییه ❦ و ملازمه عادییه در کلامی  
موجب منطوق اوزره در ❦ بو تقریر اوزره حضرت واجب الوجود  
خالق جملة موجود ❦ واحد حقیقی اولوب ❦ شریک و نظیردن  
متزه اولدیغی ثابت اولمشدر ❦ كذلك حکمای الهیونک دخی  
وحدانیت خالق بیچون و چرایی ❦ اثبات معرضنده ❦ سرد و ایراد  
ایلدکری براهین ❦ اون عدده یقیندر ❦ غایتی متکلمون طریقه انبه  
اوزره ❦ معلوله علتیه استدلال ❦ و حکما و تیره لیه اوزره  
علتدن معلوله انتقال ایلدیلر ❦ زیرا انلر ❦ وجودک وجوب و امکان  
جهتیه نظر ایله ❦ واجبک ذاته ❦ بعده وجوب و امکانک لوازمه  
نظر ایله ❦ صفاتنه ❦ و صفاتندن صدور افعالی کیفیتنه ❦ استدلال



ایلدیلر \* ابن سبنا اشارتده بومنهجی ترجیح ایتشد \* و وحدانیت  
ذات احدیته دال اولان \* دلائل نقلیه ایله قرآن کریم مشخوند  
\* قل هو الله احد \* والهکم اله واحد لا اله الا هو الرحمن الرحیم \*  
وامثالها وقالدیکه \* اهل لغت عندنده احد و واحد \* لفظلرندن  
هربری یکدیگر معناسنه در \* لکن عند التحقیق موقع استعماللری  
مغایردر \* زیرا احد ایله من جمیع الوجوه \* واحدی مراد ایدر لر  
زیرا احدیت عددیا اوترکیبیا اوتحلیلیا انحاء تعددک جمله سندن  
عاریه بساطت صرفه در \* احد مطلق متکثر \* و برشئه مشترک  
اولیوب \* کیفیات و کمیات \* والوان و اوضاع کبی \* اعراضی یوقدر  
و کندوسنه برنوع مجانس \* و بر فرد ممائل اولماز \* حسا و عقلا تجزی  
و انقسام قبول ایلز \* اجسام مختلفه الطبایع \* و اجزای لای تجزی  
و اجسام صغیره صلبه \* و هیولی و صورت کبی \* اجزای خارجییه  
و جنس و فصل کبی \* اجزای ذهنیه دن میرادر \* پس احد عنوانی  
انجق برشئه \* ممائل و مشابه و مشارک اولیان \* فرد بسیطه اطلاق  
اولنور \* اولدخی ذات مقدسه معینه الهیه در \* اما واحد  
انتفاء تعدد عددیدن عبارتدر \* پس زید واحد اولور احد  
اولماز \* قالدیکه حق جل و علی بو وجهله احد \* هم واحد در  
نهایت احدیتی اعتباری \* و واحدیتی اعتبارینک غیریدر \* زیرا مرتبه  
احدیتده \* وجود حق سبحانه و تعالی \* جمیع سلوب و اضافات  
و اعتبارات و صفاتدن \* بالتجرد اعتبار اولنور \* بو اعتبارک متعلق  
بطون ذات ربانی \* و اولیت و اولیت سبحانیدر \* مرتبه  
واحدیتده \* جمیع صفات و اعتبارات غیر متناهییه ایله اتصاف  
اعتبار اولنور \* بو اعتبارک متعلق \* ظهور ذات و آخریت و ابدیت  
صمدانیدر \* پس مرتبه احدیت کثرت نسبییه وجودیه نک انقطاع  
و استهلاکی مقامیدر \* مرتبه واحدیتده کثرت عینییه \* هر نقدر

منتفی اولدیسده \* ینه متعقل اولور \* و جمیع تعینات وجودیه غیر  
متناهییه \* بو نسبت متعقله نک مظاهریدر \* ابدی جهت احدیتله  
وجود حق مطلق \* سبحانه و تعالییه علم تعلقی \* بیرون حوزة  
امکاندر \* زیرا حجاب عزیزنده محجبدر \* پس بو اعتبار ایله  
معرفته خوض و اهماک \* و طلبنه تشوق و تمنی \* آرزوی محال  
اولور \* نته که حق جل و علی لسان رحمتله \* و یحذر کم الله نفسه  
والله رؤف بالعباد \* بیور مشدر

إِلَهُ الْخَلْقِ مَوْلَانَا قَدِيمٌ ۝ وَمَوْصُوفٌ بِأَوْصَافِ الْكَمَالِ ۝

اله قولی مبتدا در \* الخلق مصدر بمعنی المفعول مضاف الیهیدر  
اضافت لامیه در \* حرف تعریف استغراقه محمولدر \* اله جمیع  
المخلوقات سبکنده در \* بعضیلر جنسسته جل ایلدی \* و لام جنس  
بو محالرده استغراقی افاده ایدر \* زیرا جنسسته تقریر اولنسه  
ترجیح بلا مرجع لازم کلور \* مولانا \* عطف بیاندر \* یا خود  
صفتدر \* مولی الفاظ مشترک دندر \* ولی کلمه سندن مشتقدر  
وزنی مفعلدر فعلی دکلدر \* معتق و معتق و سید و مربی و قریب  
و متصرف فی الامور و ناصر و محبوب معنارینه در \* مولانا جلال  
الدوانی \* نصاب شرحنده اون درت معناسنی بیان ایتشد  
متکلم مع الغیر ضمیرینه مضافدر \* قدیم خبر و موصوف عطفدر  
یا خود اله کلمه سی \* مبتدای محذوفه خبردر \* مبتداء هو ضمیریدر  
معهودیت \* یا خود محلیت دلالتیه \* حق سبحانه و تعالییه راجعدر  
مولانا و قدیم لفظلری دخی خبرلر در \* و موصوف قدیم اوزرینه  
معطوفدر \* باوصاف جار و مجرور موصوفه متعلقدر \* اوصاف  
وصفک جمعیدر \* الکمال مضاف الیهیدر \* مفهوم بیت بودر که  
جمله مخلوقک خالق معبودی قدیمدر \* وجودی کنسیدندر



غیریدن دکلدر \* وکافه صفات کماله موصوفدر \* معلوم اوله که اله  
لفظی \* فعال وزنی اوزره در \* مفعول معناسنه در \* امام مأموم  
معناسنه اولدیغی کبی \* عبد معناسنه اولان \* لامک قتحیله اله دن  
ما خود اولدیغنه کوره \* اله الخلق معبود الخلق دیمک اولور \* بعضیلره  
کوره لامک کسریله \* اله دن ما خود در \* تحیر ودهش معناسنه  
زیرا او هام مخلوقات \* معرفت ذات الهیده \* متحیر ودهشدر  
بعضیلر عندنده \* ینه لامک کسریله \* اله دن ما خود در \* دام  
و ثبت معناسنه \* بعضیلر دیدیلر که \* لامک کسریله اله دن ما خود در  
سکن معناسنه \* زیرا قلوب ذکر یله مطمئن \* وارواح معرفته  
ساکن اولورلر \* بعضیلر عندنده لامک قتحیله \* اله دن ما خود در  
رجع الیه \* واعتمد علیه معناسنه \* زیرا هر حالده مرجع و معتمد  
خلاق ذات الهیدر \* بعضیلر دیدیلر که \* فتح لامله اله دن  
ما خود در \* ارتفع معناسنه \* زیرا ذات باری \* ممکناته مشابیه  
و محدثاته مناسبتدن رفیع و عالیتردر \* بعضیلر لامک کسریله وله لفظندن  
ما خود در \* تحیر معناسنه دیدی \* یا خود کسر لامله \* وله لفظندن  
ما خود در \* فزع و لجئ معناسنه \* زیرا جمله خلائق امور  
و حوائج لرند \* جانب الهی به التجا \* والتیاذ ایدرلر \* یا خود  
لاه یلوه کله سندن ما خود در \* علی یعلم معناسنه \* یا خود  
احتجب معناسنه \* لاه یلیه کله سندن ما خود در \* زیرا عالم دنیاده  
ابصار اهل دنیادن محتجبدر \* یا خود استتار معناسنه \* لاه کله سندن  
ما خود در \* زیرا کمال صمدیتله محتجب اولدیغی کبی \* کمال  
ظهور یله ده \* عقول و ابصار دن محتجبدر \* واشبو اله عنوانی  
معرفا و منکر اللفظه جلاله کبی \* ذات باری به مخصوصدر \* باطلده  
استعمالی اعتقاد کفار مبنیدر \* اجعل لنا الهاکمالهم آلهه \*  
کریمه سنده اولدیغی کبی \* و لفظه جلاله نک اصلی اله در

بعضیلر عندنده لاهادر \* سریانی اولغله \* الف اخیره بی حذف  
و خصیصه کلمات عربیه اولان \* حرف تعریف ادخالیه \* تعریف  
اولندی دیدیلر \* و بعضیلر عندنده اصلی ضمیر غائب اولان های  
هوزدر \* حق جل و علی \* عقولده مثبت اولوب \* بعده  
خالق و مالک اشیاء \* ذات اقدس لری اولدیغی معلوم اولغله  
اولنه لام ملک زیاده بعده \* حرف تعریف ادخال اولمشدر  
امام اعظم حضر تلی \* تأدب اشتقاقی امر نده سکوت  
ایلدیلر \* کذاک سبویه عندنده دخی علم مرتجلدر \* قدیم  
بضم الدال قدم قدما صیغه سندن صفتدر \* و جودی عدم الیه  
مستبوق اولوب \* و بقاسی مستمر اولان \* موجوده دینور \* مالی  
اول \* و آخری اولیان موجوددر \* زیرا قدمی \* ثابت اولان  
شبنک عدمی دخی ثابتدر \* قدیمک مقابلی حادثدر \* و وجوب  
قدم خدای متعاله دلیل \* دور و تسلسلک استحاله سیدر  
زیرا اگر قدیم اولیوب \* حادث اولیدی \* محدث آخره محتاج  
اولور ایدی \* و اگر محدث قدیم اولور سه \* ثبت المطلوب  
و اگر حادث اولور سه \* اولدخی بر محدثه محتاج اولغله الی غیر النهایه  
منجر اولور سه \* تسلسل لازم کلور \* و اگر عودت ایدر سه \* دوره  
مؤدی اولور \* دور و تسلسل ایسه محالدر \* محالی مؤدی اولان نسنه  
دخی محالدر \* دور \* ایکی شبنک هر برینک آخره علت اولسیدر  
یا واسطه الیه \* یا خود واسطه سز \* و شیء کندی علت اولق  
محالدر \* زیرا علت معلول اوزره مقدمدر \* پس اگر شیء \* کندی  
علته علت اولیدی \* کندی اوزرینه مقدم اولان علت اوزرینه  
مقدم اولور ایدی \* و شیء کندی نفسی اوزرینه \* ایکی مرتبه مقدم  
اولق لازم کلور ایدی \* بوا یسه محالدر \* و تسلسل ممکنک  
وجودنده مؤثر بر علت \* و اول علت مؤثره نک کندویه مؤثره



علت اخرايه هم جرا الى غير النهايه \* استناد دادن عبارت در  
بودن محالدر \* زیرا آن واحده عقلاک غير متناهيه اموری  
تصوری لازم کلور \* و اول تصور غير متناهيه اولان اموری \* غير  
متناهيه اولمقدن مخرجدر \* حال بوکه عقلاک متناهي اوليان اموری  
آن واحده استحضاری محالدر \* و ابطال تسلسله مشهور اولان  
دلیل \* برهان تطبیقدر \* برهان تطبیق اولدر که \* معلول اخیردن  
الی غیر النهايه \* برجله فرض اولنور \* و معلول اخیردن هر مرتبه ايله  
مقدم اولان معلولدن \* مثلاً الی غیر النهايه برجله فرض اولنور  
بعده اول ایکی جمله تطبیق اولنور \* شویله که \* جمله اولیدن اولی  
جمله ثانیه دن اولی مقابلنده \* و ایکنجی جمله ثانیه دن ایکنجی مقابلنده  
هم جرا وضع اولنور \* پس جمله اولادن هر برینک مقابله سنده  
جمله ثانیه دن بری بولنور ایسه \* بوشکل اوزره .....  
ناقص زائده مساوی اولور \* بوايسه محالدر \* و اگر بولنور سه بوشکل  
اوزره ..... جمله اولاده برنسنه بولنور که \* جمله ثانیه دن  
مقابلنده \* برنسنه بولنور \* پس بالضروره جمله ثانیه منقطع و منتهی  
اولور \* و ثانیه دنک تناهيسندن \* اولانک تناهيسي لازم کلور \* زیرا  
اول ثانیه دنک اوزرینه قدر متناهي ايله زائد در که \* اول بردر  
و قدر متناهي ايله \* متناهي دنک اوزرینه زائد \* متناهي اولور  
ایمدي حضرت حق قدیمدر \* از ایدر \* وجودی کند و دندر  
غیریدن دکلدر \* و خفی اولیه که \* ازل \* کله سی ضیق معناسنه  
اولان ازلدن \* مأخوذدر \* تقدیر بدایتندن قلبک متضیق اولدینگی  
نسنه به دیرلر که \* مألی بدایتی بوقدر دیمکدر \* نه که ابد لفظی  
نفور معناسنه اولان \* ابود \* دن مأخوذدر \* تقدیر نهایتندن قلبک  
نافر اولدینگی شبتدن عبارتدر که \* مألی نهایتی بوقدر دیمکدر  
ایکپسیده \* حضرت واجب الوجودک صفتلریدر \* سرمد

لفظی توالی و تعاقب \* معناسنه اولان \* سرمد \* لفظندن مأخوذدر  
مبالغه معنایی افاده ایچون \* میم زیاده اولندی \* بوجهتله  
سرمد لفظی \* حق تعالی به اطلاق اولنور \* قالدیکه \* ازلی \* و ابدی  
لفظلری یای نسبت سببیه \* مفید انتساب اولملریله \* البته اول  
و ابتدا و آخر و انتهایی بوقدر \* معناسنی اراده به محتاجدر  
پس \* تقریر مذکور اوزره \* قدم صفتی \* صفات سلبیه دن  
اولمشدر \* زیرا فی الحقیق \* وجود اوزره سابق اولان  
عدمی \* سلبدن عبارتدر \* طائفه حکما \* قدم \* وحدوثن  
هر برینه \* اوچ نوع اثبات ایدرلر \* قدم ذاتی \* قدم زمانی  
قدم اضافی \* كذلك حدوث ذاتی \* حدوث زمانی \* حدوث  
اضافی دیرلر \* قدم ذاتی \* شبتک وجودی غیردن اولماقدر  
زمانی \* وجودی عدم ايله مسبوق اولماقدر \* اضافی مدت  
ماضیه وجودی \* مدت غیردن اکثر اولمقدر \* بونلرک مقابل  
حدوث انواعیدر \* عالمه قدیم اطلاقلری \* زمانی اعتبارلرینه  
مبنیدر \* قالدیکه \* موجودات محدثاتک \* مؤثره احتیاجی  
حدوث حیثیتندی \* یوخرسه امکان و حدوث حیثیتندی  
اختلاف اولمشدر \* مذهب اول \* جمهور متکلمین مسلکیدر  
مذهب ثانی \* محققین مذهبیدر \* لکن حدوثک شرط و شطر  
اولسنده \* اختلاف ایلدیلر \* و حق سبحانه و تعالی \* جمله  
صفات کمال ايله موصوف اولدینگی بیلک \* اصول دینیه دندر  
موصوف لفظنک مصدری اولان \* وصف و صفت \* عند اهل اللغة  
مترادفلردر \* آخرنده اولان ها حرفی \* و اودن عوضدر \* وعد  
وعده کبی \* بعض متکلمین عندنده \* وصف کلام و اصفدر  
صفت ذات \* موصوفله قائم اولان معنادر \* عند المحققین  
ذات اوزره زائد اولوب \* ذاتک انفهائی ضمنده \* منفهم اولان



امور دن عبارتدر \* کړك ثبوتی \* وكرك سابی \* اولسون  
وصفت ايله موصوف پښنده \* اولان علاقه نسبت ثبوتیه در  
نسبت مزبوره \* موصوف جانبنده \* اعتبار اولنور ايسه  
اندن اتصافله تعبير اولنور \* صفت جانبنده \* اعتبار اولنور ايسه  
قبامله تعبير اولنور \* مثلاً علم صفتی زید ايله قائم \* وزید علمله  
متصفدر \* ايمدی حضرت حق سبحانه وتعالانك \* دخی  
صفتلری وارددر \* مر جعلری ثبوت \* وسلیدر \* صفات ثبوتیه ده  
ایکی نوعدر \* ذاتیه \* وفعلیه در \* ذاتیه اول صفتدر که  
اضدادیله \* ذات مقدسه \* متصف اولق جائز دکلدر \* علم  
وقدرت و حیات کبی \* صفات فعلیه اول صفتدر که \* اضدادیله  
ذات مقدسه متصف اولق جائز اوله \* رحمت و غضب کبی  
معترله عندنده ثابت اولوب \* نفی جائز اولیان صفات ذاتیه دندر  
علم و حیات کبی \* نفی جائز اولان فعلیه دندر \* خلق و اراده  
و تزئین کبی \* وعند الاشعریه \* نفی نقیصه بی مستلزم اولان  
صفات ذاتدندر \* نفینده نقیصه لازم کلیان صفات فعلدندر  
احیاء و اماته و خلق کبی \* بو تعریفه کوره \* اراده و کلام  
صفات ذاتیه دن اولور \* زیرا نفیلری نقیصه بی مستلزمدر  
و صفات سلبيه \* اثباتی جائز اولوب \* سلبي کمال اولان  
صفتلدر \* قدم و وحدت و قدوس کبی \* پس ناظمك  
صفات کالدن مرادی \* صفات ثبوتیه ذاتیه اولور که \* حیات  
و علم \* وقدرت \* و کلام \* و سمع \* و بصر \* و اراده در \* ماتریدیه  
عندنده تکوین \* و اشعری عندنده \* بقاء صفتی دخی داخلدر  
زیرا کمال اول معنادر که \* عدمی نقصان اوله \* ذاتده و افعال  
وصفا تده جاریدر \* تمام ايله فرقی بودر که \* تمامك مفهومده  
ترايد محتملدر \* لکن کمال کاملدر \* ايمدی حضرت حق سبحانه

و تعالی \* ذکر اولیان صفات کماله متصف اولسه \* اوصاف  
ناقصه ايله \* متصف اولق لازم کلور \* لازم و ملزوم \* باطل  
اولغله \* جناب رب العالمین \* حی \* و علم \* و قادر \* و متکلم  
و سمیع \* و بصیر \* و مرید \* و مکوند

﴿هُوَ الْحَيُّ الْمَدْبِرُ كُلِّ أَمْرٍ﴾ ﴿هُوَ الْحَقُّ الْمُقَدِّرُ ذَوُ الْجَلَالِ﴾

هو ضمیری \* الهه راجعدر \* مبتدادر \* الحی خبریدر \* مسندك  
تعریفی \* حصری مفید اولغله \* زید الامیر قبیلندن اولور \* زیرا  
حق تعالانك حیاتی \* بذاته و مخلوقك حیاتی \* بغیره اولوب  
و معرض زوالده اولغله \* مخلوقك حیاتی \* عدم منزله تنزیل  
اولمشدر \* یا خود الحی الکامل سبکنده در \* و مقام بسط  
کلام اولغله \* مسند الیه تکرار اولندی \* واسنیاف  
معنوی بی متضمن اولغله \* جمله اولی میانده \* شبه انقطاع  
اولمقدن ناشی \* فصل اولندی \* المدبر \* خبر بعد خبردر  
کل امر مفعولیدر \* كذلك هو مبتداء \* الحق خبردر \* مقام  
قرینه سببه \* مقدرك مفعولی محذوفدر \* کل امر تقدیرنده در  
ذوالجلال \* خبر \* بعد خبردر \* مفهوم بیت بودر که \* حضرت  
حق سبحانه و تعالی \* حیات صفتیه متصفدر \* اصلاً حیات  
ذاتندن زائل اولماز \* هر امور و احکامی \* مثبتی تعلق ایلدیکی  
اوزره \* تدبیر و قضا \* و علم از لیبی مقتضاسی اصلاح ایدر  
و هر امور و افعالی \* قدر مخصوص اوزره \* تقدیر و مقتضای حکمتی  
اوزره ترتیب ایدر \* و جوهر \* و عرض \* و جسم کبی \* واجب السلب  
اولان صفات سلبيه ايله ده \* متصف جلیل و عظیمدر \* جمله ما سوا  
سبحات جلالتده مستهلکدر \* معلوم اوله که \* حیات \* صفات  
کالدن بر صفت ازلیه در که \* صحت علم و قدرتی \* اقتضا ایدر



جهور فلاسفه عندند \* علمك ممتنع اولما مسندن عبارتدر  
معترزه دن ابوالحسن البصرى عندند \* علم وقدرتك عدم  
امتناعندن عبارتدر \* ذات باری اوزره \* وصف زائد لزومندن  
متحاشیا عدم امتناعیتله تعریف ایتدیلر \* فلاسفه عندند  
حق سبحانه و تعالی موجب بالذات اولغله \* تعریفلرنده قدرتی ضم  
ایتمدیلر \* اول طائفه قدرت واختیار الهی بی انکار ایدرلر  
مکونات مقتضای ذاتدیرلر \* پس هر فرقه اعتقادنده ذات باری  
حیات صفتیه متصفدر \* زیرا متصف اولسه \* قادر \* وعالم \* و مرید  
اولما مق اقتضا ایدر \* بصورتده نقایضی اولان \* نقایض لازم  
کلور \* ذات الهی ایسه نقایصدن مبرادر \* و محسوسمن اولان  
اشبو افعال متقنه \* و آثار بدیعه محکمه مختلفه اختیاریه \* حضرت  
حقك \* صفت حیاته موصوف اولدیغنه دلالت ایدر \* خارجه  
برکسه بی \* بر قصر بنا ایدر کورسك \* بانی مر قومك بالضروره  
حیاتده اولدیغنی ادراک ایده رز \* و حیات صفات مادحه دن  
اولوب \* جمادیت نقصان فاحش اولغله \* حضرت باری به صفت  
حیات اثباتی واجب اولور \* نته که قرآن کریمده \* الله لا اله الا  
هو الحی القيوم \* و توکل علی الحی الذی لا یموت \* کریمه لری  
بومعنایی مثبتدر \* المدبر \* تدبیردن اسم فاعلدر تدبیر لغتده عواقب  
اموری تأمل و تفکر معناسنده \* حق سبحانه و تعالی به نسبتله  
عواقب اموری علم شریفی محیط اولوب \* جمله امور و احکامی  
منزلته تنزیلدن عبارتدر \* یدبر الامر من السماء الى الارض ومن  
یدبر الامر فسیقولون الله \* کریمه لرنده تدبیردن مراد \* بومعنادر  
وقدمای فلاسفه دن ماعدا \* عامه عقلا \* حق سبحانه و تعالی نك  
علم صفتیه متصف اولدیغنده بعد الاتفاق \* اختلاف ایلدیلر که

حضرت حق جل و علا \* کندی ذاتی و جمیع اشیایی \* بالحقایق  
والدقایق ییلور \* باقیلرک مذهبی بودر که \* حق سبحانه و تعالی  
کلیات و جزئیاته \* وجه کلی اوزره \* علمی شاملدر \* لکن وجه  
جزئی اوزره \* علمی انکار ایدرلر \* بو بابده اهل سنت اعتقادی  
بودر که \* حضرت عالم الاسرار \* پنهان و آشکار \* جمیع موجوداتی  
قبول و انفعال \* و تغیر و انتقالدن بری \* علم قدیم ازلیله ییلور  
زمین و آسمانده \* حیطة علمندن مثقال ذره بیرون و عازب \* موجودك  
وجودی معدومدر \* و قلم مشبته \* لوح قضاده ترسیم ایلدیکی سعادت  
و شقاوت \* و خلق \* و رزق \* و اجل \* و ثواب \* و عقاب \* و سایر  
اموری \* بر مقتضای علم ازلی \* زمان و مکانلرینه تنزیل  
و قضا و اصلاح ایدر \* اگر عالم و مدبر اولسه \* صفت فاحش  
اولان \* جهل \* و غفلته اتصافی \* و ایجادینك سفاهتی لازم کلور  
تعالی شانه عن ذلک \* و حضرت واجب الوجود \* ذاتنده  
وصفانده \* و ما کوتنده \* حق و ثابت و موجوددر \* بعضیلر حق  
من لا یقبح فعل \* و بعض دیگر \* من لا یفتقر فی وجوده الی غیره  
عبارتیه تعریف ایتلریله \* صفت سلبیه به ارجاع ایلدیلر \* مصدر  
اولان \* حق لفظی \* صدق و واقعیه مطابق \* حکم معناسنه در  
حضرت حق جل و علا \* ید قدرتیه بلا آله \* جمیع اشیایی تقدیر  
و تعیین ایدر \* جمله خیر \* و شر \* و نفع \* و ضرر \* و مر \* و حلو  
قضا و قدر ازلیسیله حاصلدر \* تبدل و تغیر قبول ایلز \* کل کلمه سی  
منکره اضافتده \* عموم افرادی مفید اولغله \* افعال عبادده دخی  
شاملدر \* معلوم اوله که \* جناب باری \* قدرت صفتیه ده موصوفدر  
قدرت \* بر صفت ازلیه در که \* لدی التعلق \* مقدورانده مؤثر اولور  
جمله اهل حق متفقدر که \* حضرت حق تعالی \* جمیع مقدوراته  
قادر \* و کافه حوادث \* قدرتیه حادث اولمشدر \* زیرا جمیع



مقدورات \* مقدوریتده مساویدر \* زیرا مقدوریتی صحیح امکاندر  
 وجوب \* و امتناع \* مقدوریتدن متملدر \* و امکان جله ممکنات  
 یدنده مفهوم مشترک اولغله \* بعضیسنده صحت مقدوریتی مقتضی  
 اولان \* جمیع ممکناتده قائم اولغله \* مجموع ممکناتک مقدوریتده  
 استواسی واجب اولور \* وقادریته مقتضیسی \* ذات مقدسه اولغله  
 ذاتک اقتضای قادریته \* عامه مقدوراته نسبتی واحددر \* قادریتی  
 بعضه مخصوص اولسه \* مخصوصه محتاج اولغله \* کالنده غیره  
 احتیاج لازم کلمکله \* ذات الهی به نقصان ترتب ایلمک اقتضایدر  
 وقالدیکه \* اهل کلام قضا وقدرینلرین \* وجوه عدیده ایله  
 فرق ایدرلر \* شارح کشاف طیبی \* طیب الله ثراه عندنده \* قضاء الله  
 جمیع اشیانک \* وجه کلی اوزره علم اعلاده که \* حکماء عقل اول ایله  
 تعبیر ایدرلر \* ثبوتدن عبارتدر \* قدر \* جمیع موجوداتک لوح  
 محفوظده که \* حکماء نفس کلیه اطلاق ایدرلر \* صورتلرندن عبارتدر  
 وبعض محققین عندنده \* قضاء \* جمیع موجوداتک علی سبیل الابداع  
 عالم عقلیده مجمعه وجملة وجودندن عبارتدر \* قدر جمیع موجوداتک  
 مواد خارجییه سنده \* واحدا بعد واحد وجودندن عبارتدر \* حکمائک  
 مختاری بومذهبدر \* وبعض اهل تحقیق عندنده \* قضاء اعیان  
 موجودات اوزره \* من الازل الی الابد باحوالها حکم کلی اجمالدر  
 مثلاً هر نفسک ذائقه الموت اولسنه حکم کی \* قدر حکم مزبوری  
 تفصیلدر \* اسباب تعیین \* وحسب القابلیة والاستعدادات اوقات  
 وازمانه تخصیص \* واحواللرندن هر حالی زمان معینه وسبب  
 مخصوصه تعلیقه \* مثلاً زیدک فلان کون وفلان دقیقه ده فلان  
 مرض سببیه فوتی کی \* شارح طوابع اصفهانی \* علیه الرحمه  
 بیانه کوره \* قضاء جمیع مخلوقاتک کتاب مبین \* ولوح محفوظده  
 مجمعه وجملة علی سبیل الابداع \* وجودندن عبارتدر \* قدر مخلوقات

مرقومه نک بعد حصول الشرائط \* مفصله \* واحدا بعد واحد  
 شهود ووجودندن عبارتدر \* وبعض علماء دیدیلرکه \* قدر \* کیل  
 ایچون نهیته اولسان غله منزله سندهدر \* قضاء \* کیل منزلهدر  
 خارجده قدرک نظیری \* مثلاً برکاتب \* وقت فلانیده برکاتب  
 تحریری اراده \* ولوحه متخیله سنه کتب وتصویر ایدر \* قضائک  
 نظیری حلول وقت مزبورده \* اول کتابی تحریر ایدر \* سید شریف  
 قدس سره نک مختاری ذکر اولنان اهل تحقیق کلامیدر \* وبعض  
 محله قضاءدن مراد \* نفس شیء مقتضی مراد اولورته که \* اللهم انی  
 اعوذ بک من جهد البلاء ودرك الشقاء وسوء القضاء وشماتة الاعداء  
 حدیثنده اول معنایه وارد اولشددر \* زیرا بوکونه توجیه اولنسه  
 حاشا قضای الهی به \* عدم رضایی مستلزم اولور \* وراي قدرده  
 سر قدر دخی واردرکه \* اعیان موجوداتدن برینک مقتضای  
 استعدادینک خلاقی \* لابس لباس وجود اولسنک امتناعندن عبارتدر  
 بردخی سر سر قدر واردر \* استعداد مر قومک ازلی اولوب جعل جاعل  
 ایله مجعول اولمدیغندن عبارتدر \* خلاصه حضرت حق سبحانه  
 وتعالی \* لایزالده حدوثه اراده ازلیه سی متعلق اولان جله اشیایی  
 کما تکنون عالم اولوب \* مجموعنی اسباب واحوال \* وازمنه وامکنه سیله  
 لوح محفوظه کتب ورفیم ایدوب \* وفق مکتوب اوزره حکم  
 وقضا \* واصلاح وانشا ایلر \* قالدیکه اشیای کائنه ده زیدک  
 اسلامی \* وعمر وکفری دخی داخلدر \* لکن لوح محفوظده  
 علی طریق الحکم والقضاء مکتوب دکلدر \* زیرا زید وعمر و  
 اسلام وکفرلنده مجبور اولمق لازم کلور \* بلکه زید کندی اختیار  
 وقدرتیه اسلامی \* وعمر وکفری اراده ایدرلر \* عنوانیه مقیددر امام  
 اعظم رحمه اللهک فقه اکبرده کتب بالوصف لبالحکم قولندن مرادی  
 بودر \* قدرت الهی به دلیل نقلی ایله کتاب وسنت مشحوندر \* وکان



امر الله قدرا مقدورا \* وهو على كل شيء قدير \* وانا كل شيء  
 خلقناه بقدر \* وامثالها نصوص قاطعه لرذر \* ذوالجلال  
 ذو کله سی صاحب معناسنه در \* لکن استعمالده فرقاری وارد  
 ذو کله سنده مضاف مضاف الیهدن اشرف اولق لازمدر صاحب  
 کله سی بونک خلافتنه در \* بناء علیه ذوالعرش دیندی \* صاحب  
 العرش دیندی \* نه که قرآن کرمیده یونس علیه السلام  
 قصه سنده \* وذا النون اذ ذهب \* الایة عنوانده وارد اولشدر  
 نون بالی معناسنه در \* قالدیکه دیگر آیت کریمه ده \* ولا تکن  
 کصاحب الحوت \* وارد اولشدر \* نکته بودر که آیت اولی معرض  
 ثنای یونسده وارد اولدی \* نه که حوتدن اشرف اولغله مقام  
 مزبورده نون عنوانی ایراد اولندی نه که \* نون والقلم کریمه سنده  
 شرافتی بدیداردر \* آیت ثانیه اتباعدن نهی معروضده وارد  
 اولشدر \* جلال عظمت معناسنه در \* یعنی بذاته وصفاته  
 جلیل وعظیمدر عظمتی موحده توحیدی \* وعابدک عبادتیه دککدر  
 ذوالجلال وصفی \* عرض وجسم وجوهر کبی واجب السلب اولان  
 صفات سلبیه یشارتدر \* بعضیلر عزت وقهر وعلیه وانتقام  
 صفتلرینه اشارتدر دیدیلر \* بونلر کده مرجعی صفات سلبیه در  
 والسلام

مُرِيدُ الْخَيْرِ وَالشَّرِّ الْقَیِّمُ \* وَلَکِنْ لَبَسَ بِرِضَى بِالْحَالِ

مرید \* لفظی اراده دن اسم فاعلدر اراده طلب معناسنه اولان  
 روددن مأخوذدر \* ماضیسی اولان ارود کله سنده \* واوک حرکه سی  
 رایه نقل اولندقدن صکره واوالفه منقلب اولوب مضارعنده یایه  
 منقلب اولدی \* مصدرنده الف ساکنه یه مجاورت سببیه ساقط  
 اولغله آخرینه ها تعویض اولندی \* الخیر \* کله سی مریدک

مضاف الیهدر \* و مرید مبتدای محذوفک خبری اولغله \* هو مرید  
 الخیر تقدیرندهدر \* القییم شرک صفت کاشفه سیدر \* لکن \* مشدده  
 اولان لکن کله سنندن مخفف حرف استدر کدر \* کلام متقدمدن  
 متولد اولان توهیمی رفع ایدر \* شر قییمیده مریددر \* کلامندن  
 رضا توهیمی متولد اولغله برطرف ایشدر \* بصر یونه کوره  
 کله بسیطه در \* کوفون عندنده لاوکاف مزیده وان کله لرندن  
 مر کبدر \* همزه سی تخفیف حذف اولندی \* بعضا واوابلده  
 استعمال اولور \* لبس کله سی نفی حاله دالدر \* غیره دلالتی قرینه  
 معونیه اولور \* لبس خلق الله مثله کبی وفعل غیر متصرفدر  
 وزنی فعلدر بکسر العین بعده تخفیف التزام اولمشدر \* مفتوح  
 العین ومضموم العین تقدیر اولندیغنی وجهی بودر که \* مفتوح  
 العین تخفیف اولماز \* ومضموم العین دخی یائی العین هیو فعلندن  
 غیر یولنماشدر \* نجاتدن ابن سراج وفارسی ماء نافیہ منزله  
 حرف اولدیغنه ذاهب اولمشدر \* لکن مذهب اول صوابدر  
 اسم مرفوع وخبر منصوبه ملازمدر \* بوراده اسمی مستتردر  
 رضی فعل مستقبلدر فاعلی ضمیردر \* جمله سی محلا منصوب  
 لبس فعلنک خبریدر \* بالحال کله سی جار ومجرور \* رضی فعلنک  
 مفعول غیر صریحیدر \* مفهوم بیت بودر که \* صفات ذاتیه  
 الهیه دن برسییده ارادهدر \* حق سبحانه وتعالی خیر وشری  
 اراده ایدر \* لکن شره رضای شریفی تعلق ایلمز \* معلوم اوله که  
 حکما عندنده اراده حضرت حقنک نظام وجود وجه اکمل  
 اولغیچون کیفیت لایقه سننه علمندن عبارتدر \* واصطلاحلرنده  
 اکا عنایه اطلاق ایدر \* معتزله دن ابوالحسن اراده بی \* ایجاد  
 داعی اولان مصلحتنه علم ایله تعریف ایتدی \* ونجار \* مغلوب  
 ومکره اولماغله تفسیر ایلدی \* کعبی \* اراده حضرت حقنک



افعال ذاته علی \* و افعال غیره امرندن عبارت در دیدی \* مالی  
صفت اولد یعنی انکار در \* دلیلاری بودر که \* اراده تحقیقی صورته  
یا غرضه تعلق ایدر یا خود ایلز \* شق اول صورته غرض  
متعلق به البته غیر اولغله \* حضرت باری \* مستکمل بال غیر اولق  
اقتضا ایدر \* بوا یسه نقصاندر \* شق ثانی صورته عبت اولور  
عبث ایسه حکیمه لایق دکلدر \* بو که جواب ویریلور که \* مراده  
اراده نک تعلق لذاته ایدر \* زیرا حق تعالی لک اراده سی \* غرضه  
تعلقدن منزهدر \* افعالی معلله بالا غراض دکلدر \* بلکه  
اراده نک وقت معینده ایجاد مراده تعلق \* لذاتها لالغیرها واجبدر  
اهل سنت عندند \* اراده بر صفتدر که \* وجود و عدم و فعل  
وترک کبی \* ایکی مقدورک برینی \* احد اوقاتده وقوعه تخصیص ایدر  
اول ایکی مقدورک مجموعنه نسبت قدرتک استواسیله \* ابدی  
حضرت حق جل و علا اراده ایله متصفدر \* واتصافی دلیل  
عقلی و نقلی ایله مثبتدر \* دلیل عقلی بودر که \* اگر متصف اولسه  
محدثانده ترجیح بلا مرجح لازم کلور \* زیرا قدرته نسبتله اوقات  
و کیفیات و کمیات منساویه الاقدامدر \* لامحاله مخصوصه  
محتاجدر \* و مخصوص نفس قدرت دکلدر \* زیرا وجه مشروح  
اوزره قدرتک جمیع مقدوراته نسبتی یکساندر \* و وقوعه علم  
دخی مخصوص اولماز \* زیرا علم وقوعه و وقوع دخی اراده به  
تابعدر \* و هر حادثک کندوسنه مخصوص اولان وقتده حدوثی  
فائده سنه متعلق اولان علم دخی مخصوص اولماز \* زیرا فائده  
خلقتده ازمان مساویدر \* حیات دخی مخصوص اولماز \* زیرا حیات  
دخی نسبت اوقاتک استواسنده قدرت کبیدر \* سمع \* و بصر  
دخی اولماز \* زیرا بونلرده تبعیتده علم کبی در \* کلام دخی اولماز  
زیرا ایجاد تعلق یوقدر \* و اگر سؤال اولنور سه که ایجاد

عند المحققین فی الحقیقه کن امرینه متعلق دکلدر \* جواب  
ویریلور که \* کرچه حال بروجیه محرردر \* لکن امر مذکورک  
جمله مکوناته نسبتی قدرت کبی مساویدر \* بوجهله اراده نک  
مخصص حادثات اولد یعنی ثابت اولشدر \* و اراده و مثبت لفظ  
مترادفلدر \* بینلرند \* فرق یوقدر \* معتزله دن کرامیه طائفه سی  
زعم ایدر لر که \* مثبت صفت قدیمه در \* ذات مقدسه ایله قائمدر  
اما اراده حادثدر \* اهل سنت طرفندن \* بوضوئله رد اولنور که  
اگر اراده حادث اولیدی \* حق سبحانه و تعالی \* محل حوادث اولق  
اقتضا ایدوب \* كذلك اراده اخرایه احتیاج وجهیله تسلسل لازم  
کلور ایدی و دلیل نقلی \* یرید الله بکم البسر و یفعل الله ما یشاء  
و فعال لما یرید \* و اما لها نصوص قاطعه در \* قاله بیکه خیردن  
مراد \* ایمان و سائر طاعاتدر \* و شردن مراد \* کفر و سائر  
معاصیدر \* القبیح قرینه سیله مرید الخیر الحسن اولور \* خفی اولیه که  
حسن و قبح فقه و اصول و کلامده بر بحث معتنا در \* افعال باری  
عز شانه حسنله متصف اولوب \* اراده و تکوینی تحتیه قباح داخل  
اولور می اولماز می ملا یسه سیله \* اهل کلام بحث ایدر \* و فقها  
مسائل فقهیه نک جمیع محولاتی امر و نهی \* اشمال حسبیه  
حسن و قبحه \* مرتفع اولد یغندن بحث ایدر لر \* و امر ایله  
ثابت اولان حکم حسن \* و نهی تعلق ایدن شیء قبیح اولور  
مناسبیله اصولون بحث ایدر لر \* لهذا پوشیده اولیه که \* حسن  
و قبحدن هربری اوج معنایه اطلاق اولنور \* اول \* و جودی  
کمال \* و نقص اولقدر \* علم و جهل کبی \* ثانی \* طبعه ملا یم  
و منفور اولقدر \* فرح و کدر کبی \* ثالثا \* عاجلا مدح و ذم  
و آجلا ثواب و عقابه متعلق اولقدر \* معنیه اولینه کوره ثبوتی  
عقلیدر \* ثالثه کوره \* عند الاشعریه شرعی محض \* و عند الماتریدی



كذلك شرعیدر ❦ لكن بعضی بسند عقلك محالی وارد در  
مثلا ❦ خرك ازاله عقل ❦ وسائر مخطوراتی سبيله ❦ وزنانك  
تضییع نسب سبيله قبحی ❦ وصومك ریاضت نفسی موجب  
وزكوتك ❦ فقرايه اعاتی مستوجب اولدیغی کبی ❦ وبعضی بزرگوار  
عقله قطعاً محال یوقدر ❦ ایمی ایمان وطاعت حسن ❦ وكفر  
ومعاصی قبیحدر ❦ ایكسند ده اراده علیه تعلق ایدر ❦ ولکن  
قیح رضاسی یوقدر ❦ نه که ناظم ❦ لبس رضی بالحال قولیه  
اشارت ایتشدر ❦ محال ❦ ضم میم ایلده در ❦ ومحال ایکی نوعدر  
عقلی ❦ وشرعی ❦ محال عقلی اول نسنه در که ❦ عقل خارجه  
وجودینی منع ایلده ❦ محل واحد ده اجتماع نقیضین کبی ❦ محال  
شرعی اول نسنه در که ❦ ارتکابی عقابی موجب اوله ❦ كفر  
وسائر معاصی کبی ❦ بومقامده مراد محال شرعیدر ❦ ایمی  
حق تعالی عبادك ایمان وطاعتی ❦ وكفر ومعصیتی ❦ اراده  
ایدر ❦ لكن كفر ومعصيته ❦ رضاسی یوقدر ❦ معتزله شرك  
مراد الهی اولدیغی انكار ایدر ❦ حتی كافر وفاسقك ایمان  
وطاعتی مراد اولوب ❦ كفر ومعصیتی مراد دكلدر دیرلر ❦ زیرا  
حق جل و علا ❦ وجوه عدیده ایلده كفر ومعصیتی اراده  
ایلز ❦ اولایمانك نقیضی اولان كفر مرادی ایکن ❦ ایمانله امر ایلک  
عندالعقلاء محض سفا هتدر دیرلر ❦ بواحتجاج لرینه جواب  
ویریلور که ❦ اراده مر قومه نك سفه اولدیغی ممنوعدر ❦ اولوقت  
سفه اولور ایدیکه ❦ مقصود مأموریه ❦ تحصیلنه منحصر اولیدی  
مقصود ایسه انده منحصر دكلدر ❦ نه که برافندی بنده سنی  
امتحان صد دنده ❦ یاخود عصیان ایلده جکی مجزومی اولغله ❦ مرادی  
اولیان فعل اتیانله امر ایدر ❦ وجه ثانی كفر غیر مأموریه  
اولغله مراد اولماز ❦ زیرا اراده امرك مدلولی ❦ یاخود امرك

لازمیدر دیرلر ❦ جواب ویریلور که ❦ بعضی وقت امر ❦ اراده دن  
منفك اولور ❦ مثلاً بروالی برکسنه یه ❦ غلامنی بی جنحه مخالفت  
ضرب ورنجیده ایلماسنی تنبیه ایلدکده ❦ اول کسنه غلامك  
کندویه مخالفتی ادعا ❦ وتمهید عذر ضمنده حضور والیده  
اول غلامه بر ماده ایلده امر ایسه ❦ فی الحقیقه مأموریهی اتیان  
مرادی اولوب ❦ انجق غرضی حضور والیده غلامك ظهور  
عصیان اولور ❦ وجه ثالث ❦ كفر مرادی اولیدی قضاء الهیله  
اولور ایدی قضایه رضا ایسه واجبدر ❦ وكفره رضا كفردر  
جواب ویریلور که ❦ بومقامده قضا دن مراد مقضی در که ❦ اسم  
مفعولدر ❦ مراد اولان كفر قضا دكلدر ❦ بلکه مقضی در ❦ انجق  
رضا قضایه واجب اولور ❦ مقضی یه واجب اولماز ❦ وجه  
خامس ❦ كفر مراد اولیدی كافر کفریله مطیع اولوب ❦ عاصی اولماق  
اقتضا ایدر ایدی ❦ زیرا طاعت ❦ مراد مطاعی تحصیلدن عبارت  
اولغله ❦ كافر کفریله مراد الهی بی تحصیل ایدوب ❦ کفریله مطیع  
اولق لازم اولور ایدی ❦ بوکه جواب بودر که ❦ طاعت موافقت  
امر دن عبارتدر ❦ امر ایسه اراده نك غیریدر ❦ پس طاعت  
مأموریه اولان امری تحصیلدر ❦ یوقسه مرادی تحصیل  
دكلدر ❦ وجه سادس ❦ كفر مراد اولیدی ایمانله تکلیف  
طافتدن خارج نسنه بی تکلیف اولور ایدی ❦ زیرا خلاف مراد الهی  
عند المتکلمین ممنوعدر ❦ بوکه جواب ویریلور که ❦ بوکونه تکلیف جائز  
بلکه واقعدر ❦ صورت وقوعی بولیان تکلیف ❦ فعلاً یاخود عادتا  
عبدك قدرت کاسبه سنه متعلق اولیان تکلیفدر که ❦ فی نفسه ممنوعدر  
ضدینی جمع کبی ❦ یوقسه مقدور عبدی تکلیف جائز و واقعدر  
وقدرت عباد محتنده اولیان شئتک عدم تکلیفی اتفاقدر ❦ قالدیکه  
ربنا لا تحمِلنا ما لا طاقة لنا به) آیت کریمه سنده تحصیلدن مراد تکلیف



دکدر \* بلکه خارج حوزه طاقت اولان \* حادثات مهمل کاتی  
ایصالدر \* و قالدیکه ذکر اولند بیغی اوزره تکلیف مالا یطابق  
وقوعی یوقدر جوازنده اختلاف وارددر \* اشعری تجویز ایدر  
معتزله تجویز ایلر \* وجهه سابع (ولایرضی لعباده الکفر) آیت  
کریمه سیدر زیرا رضا اراده در \* بوکه جواب ویریلور که  
رضا اعتراضی ترکدن عبارتدر \* و امر ایکی نوعدر \* بری امر  
تکونی که \* وقوعندن مأمور بهک وقوعی لازم اولور \* امر مزبور  
جمله مکوناته شاملدر \* دیگری \* امر تشریعی و تدویندر که  
ثواب و عقاب مداریدر \* طاعت دیدیکمز امر ثانی به موافق اولانی  
ایان اولور \* و رضا بو امر اوزره ترتب ایدر \* و اراده خیر و شریدن  
هر برینه و رضا فقط خیره متعلق اولور \* و اراده فعله و رضا امره  
ملازم اولور \* زیرا انسان مرضیهسی اولیان بعض فعلی اراده  
و اختیار یله ایشلدیکی محسوساتنددر \* و اراده و رضایک مفهوملمری  
یئنده تفرقه و تغایر وارددر \* زیرا اراده بر حالت میلانیه در که \* فعل  
و ترکدن هر برینک ترجیحی اقتضا ایدر \* اما رضا عند البعض  
مرضی اولان شبنک حصولی مقابل ثواب اعطا سندن عبارتدر  
و عند الآخر \* فاعلنه اعتراضی ترکدن عبارتدر \* و رضایک انتفاسی  
اراده نک انتفاسی مستلزم دکدر \* زیرا اراده دن اخصددر \*  
تقریر مزبور دن معلوم اولدیکه \* حضرت پروردگار فاعل مختار  
اولغله جمله کائناتی علی سبیل الاختیار موجد اولغله \* اراده ایله  
متصفدر \* فاعل مختارک تفسیری بودر که \* مراد ایدر سه ایشلر  
و مراد ایدر سه ترک ایدر \* حکما طائفه سی انکار ایدر \* حق تعالی  
موجب بالذاتدر \* یعنی مراد ایندر سه ده ایتندن اثرک  
صدوری و اجیدر دیرلر \* شمسدن نورک صدوری کی \* بومذهبلریده  
مزیددر \* زیرا موجب بالذات \* اولسه اثر اولی \* ذاته لازم و ثبات

و دوامده تابع اولور \* زیرا مستقل ثابت اولان مؤثرک اثری دخی  
قطعی ثابتدر \* اثر اولی \* ثابت اولنجه انک اثریده و اثرینک اثریده  
ثابت اولق اقتضا ایدر \* پس ازلا و ابدا جمیع موجودات دائم  
و ثابت اولق لازم کلور بوا یسه باطلدر \* چون خیر و شر و نفع  
و ضرر جمله سی اراده علیه بیچون تعلیقله حصوله مقرون اولور  
لکن شره رضای شریفلری تعلیق ایلدیکی معلوم اولدی \* قالدیکه  
(ما اصابک من حسنة فمن الله وما اصابک من سيئة فمن نفسك)  
ایت کریمه سی فن فعل نفسك تقدیرنده در (والخير كله بيدك  
والشر ليس اليك) حدیثله سؤال اولنور سه \* جواب ویریلور که  
شر و قبیح تسمیه سی \* جانب عزتدن صدورینه نسبتله اولیوب  
عباده تعلیق اعتبارینه مبنیدر \* و هر نقدر تخلیق الهیله پذیرای  
وجود اولمش ایسه ده شر و قبیح عند الانفراد تأدبا جانب عزته  
مضاف اولساز \* زیرا اضافت ایکی نوعدر \* اضافت تحقیق  
و اضافت اکرام اولور \* اضافت تحقیق (ولله ملك السموات  
والارض) آیت کریمه سنده واقع ملک اضافتی کی \* اضافت اکرام  
یبت الله و ناقد الله و رسول الله کی \* پس ایمان و طاعت مکرم  
و مرضی اولغله \* عند الانفراد جانب ربانی به مضاف اولور \* لکن  
کفر و معصیت مضاف اولساز \* نه که خالق الخیر بر اطلاقندن  
تأدب اولنور \* و قالدیکه فرق ضاله دن جبریه طائفه سی افعالده  
قدرت عبدی سلب ایلکله \* عبد جاد مثابه سنده در قصد و اختیار دن  
عاریدر دیرلر \* کویا که \* حضرت حق شائبه شرکتدن تنزیه  
ایدرلر \* مذهبلری باطلدر \* زیرا حرکت بطشله حرکت ارتعاش  
یئنده بالضروره فرق ثابتدر \* و صحت تکلیف و افعالرینه  
ثواب و عقاب تربی مدخلیت عبده مبنی اولدیغی ظاهر در (جزاء  
بما كانوا يعملون) و امثالها آیات یئنه \* افعالرنده عبادک مدخللری



اولد یغنی ناطق در ❦ و قدریه طائفه سی عبد افعالنک خالقیدر  
حاشا خالق بیچونک مدخلی یوقدر دیرلر ❦ بومذهب دخی باطلدر  
اعتقاد اهل سنه بودر که ❦ حضرت حق خالق ❦ و عبد عازم و کاسبدر  
مواخذة الهیه عزم و کسبه متعلقدر

❦ ❦ ❦ صِفَاتُ اللَّهِ لِبَسْتِ عَيْنِ ذَاتٍ ❦ ❦ ❦ وَلَا غَيْرًا سِوَاهُ ذَا انْفِصَالٍ ❦ ❦ ❦

صفات جمع صفتدر مبتدادر لفظه جلاله به مضافدر ❦ لبست  
فعل نفیدر ❦ اسم مرفوع و خبر منصوبی مقتضیدر ❦ اسمی مستتر  
هی ضمیریدر ❦ عین کلمه سی خبریدر ❦ ذات مضاف الیهیدر  
ولاغیرا عین اوزرینه معطوفدر ❦ سواه بدلدر تا کیدی مفیددر  
ضمیر غیره راجعدر تا دباتذ کیر اولندی ❦ ذا انفصال صفتدر  
مفهوم بیت بودر که ❦ ذات الهی ذکر اولندیغنی اوزره صفات  
کماله موصوف ❦ واول صفات ذات شریفیله قائمدر ❦ لکن  
ذات شریفنک عینی ❦ و ذاتدن منفصل اولور غیری دخی دککدر  
معلوم اوله که مفهومات صفات الهیه ❦ ذات مقدسه نک عینی دککدر  
فلاسفه عندنده عینیدر ❦ و معتزله نک اعتقادی انلره قریبدر  
زیرا معتزله دیرلر که ❦ حق سبحانه و تعالی بلا علم یعنی بالذات  
عالمدر ❦ مرجعی نفی صفاتدر ❦ و استدلال ایدرلر که ❦ اگر صفات  
الهی ذاتدن زائد اولسه ❦ خالی دکل با صفت کمال اولماز ❦ یا خود اولور  
اگر اولماز ایسه نفی لازمدر ❦ زیرا ذات الهی نقصانله منصف اولمق  
محالدر ❦ و اگر صفت کمال اولورسه ❦ حق سبحانه و تعالی بالذات  
ناقص اولوب بالغیر کامل اولمق لازم کلور بوا یسه محالدر ❦ اهل  
سنت بوکونه جواب ویرلر که ❦ واقعا صفات الهیه صفات  
کمالدر ❦ و اندن ذاتک نقصانی لازم کلز ❦ بلکه کمالی لازم کلور  
زیرا کمال ذات ❦ انجق منشأ کمالات اولمقدر ❦ اگر ذاتدن منفصل

امر دن ناشی اولیدی واقعا نقصان لازم کلور ایدی ❦ صفت ایسه  
ذاتدن منفصل دککدر ❦ کرامیه طائفه سی که ❦ رئیسری مبتدعه دن  
محمد بن کرام السجستانیدر ❦ صفت ذاتک غیریدر زعم ایدرلر ❦ بعض  
محققین ❦ بوکونه ثبت صحیفه تبیین ایلشدر که ❦ جمهور متکلمین  
عندنده صفات الهیه ذاتک غیریدر ❦ زیرا حضرت حقک حی  
و عالم وقادر اولدیغنه نصوص قاطعه وارد ❦ و دلائل عقلیه دخی  
قائم اولشدر ❦ مثلاً بر شخصک عالم اولسی کند وسیله علمک  
شاهد و غائبه قیامیله معللدر ❦ سایر صفات دخی اکا قیاسدر ❦  
و عالم وقادر اکا دیرلر که ❦ علم و قدرت کند وسیله قائم اوله ❦ پس  
بالضروره صفت ذاتک غیری اولمق اقتضا ایدر ❦ لکن بوکلامده  
نوع ضعف وار ❦ زیرا غایبی شاهده قیاس ایلمک ❦ قیاس فقهی  
مع الفارقدر ❦ بوکونه توجیه اولنور که ❦ قیاس مزبور قیاس حقیقی  
اولیوب بلکه ❦ فی التحقيق تنویر سنددر ❦ یوقسه صفات مذکوره  
عباد ایله مشترکه در ❦ نهایت حضرت حقده حقیقی و بالذات  
و عبادده تخلیق الهیه در ❦ و عند اهل السنه صفات الهیه ذات  
مقدسه نک عینی دککدر ❦ زیرا مفهومات مرقومه ❦ ذات باری به  
ثابت اولماز ایسه نقص اولور ❦ زیرا صفات مرقومه وجه محرر  
اوزره کمالدر ❦ نقایضی نقایص و امارات حدوثر ❦ و اگر ثابت  
اولورسه بالضروره ذات اوزره زائد و ذاتله قائم اولور ❦ زیرا  
برشبثک صفاتی بذواتها قائم اولمق محالدر ❦ و ذات غیر ایله ده قیامی  
ممستعدر ❦ و برشی اوزره مشتقک مثلاً عالمک صدق مآخذ اشتقاقک  
یعنی علمک شیء مزبور ایله قیامی اقتضا ایدر ❦ و صفت ذاتک  
عینی اولسه ❦ الفاظ صفات اسماء الهیه ایله مترادف اولمق اقتضا  
ایدر ❦ مثلاً علم و حیات و قدرت و لفظه جلاله بینلرنده فرق معنوی  
اولماز ❦ و مثلاً علم و قدرت و حیات عالم وقادر وحی اولمق اقتضا  
ایدر ❦ بونلر ایسه محالدر ❦ و صفات الهیه ذاتک غیری دککدر ❦



زیرا غیرینک ایکی تعریفی وارد \* اولاً غیرین احدهما آخر  
اولیان ایکی ذاتدن عبارتدر \* بو تعریفه کوره صفات ذاتک  
و بر صفت آخر صفتک غیر اولماز \* ثانیاً غیرین اول ایکی نسنه در که  
احدهما نک آخر دن انفکاک می ممکن اوله \* انفکاک یا مکانله اولر ایکی  
جسم کی \* یا زمانله اولور \* اب و ابن کی \* یا وجود و عدم  
ایله اولور \* موجود و معدوم کی \* خارج دائرة اشباه در که  
باعتبارین اوزره ذاتله صفات و بر صفتله صفت آخری بینلرنده  
تغایر ثابت اولماز \* و غیریت لغة و عرفا و شرعاً انجق منفصله  
اطلاق اولنور \* صفات الهیه ایسه ذاتدن و بعضنک بعضدن  
انفکاک و انفصالی ممکن دکلدر \* غیریتی لغت و عرف و شرعله  
تعمیمک وجهی بودر که \* مثلاً بر کسنه جیمده اون درهمدن  
غیری یوقدر دیسه \* و واقعاً زیاده اولسه \* اهل لغت و عرف  
و شرعدن عاقل اولان کسه \* آنی تصدیق ایدر \* عشره نک  
غیری برو ایکی یا خود اوچ درهم یوقیدر دیو سؤال ایلز \* حتی  
یمین ایلسه حانت اولماز \* كذلك خانه ده زیدک غیری یوقدر  
دیسه \* هر کس تصدیق ایدر \* زیدک الی و یاغی و شکل و اونی  
یوقیدر دیمزل \* بو وجهله معلوم اولدیکه \* غیر انجق منفصله  
اطلاق اولنور \* و ناظمک ذات انفصال قولی وارد اولان اشکالاتی  
دافعدر \* زیرا غیر ایکی نوع اوزره در \* نوع اول \* غیر معنویدر که  
بیان اولندی \* مرجعی بحسب المفهوم وجودده تغایردر \* زیرا  
ذاتدن مفهوم اولان \* صفاتدن مفهوم اولانک \* بالاجماع غیری  
اولغله بالضروره \* احدهما آخرک غیریدر \* هر نقدر وجودده  
ذاتدن منفصل اولمازسه ده \* زیرا حق تعالانک مثلاً علمی مع عدم  
الذات \* و ذاتی مع عدم العلم \* متصور اولماز \* كذلك سایر صفات  
کمالیه دخی بو تیره اوزره در \* نوع ثانی \* اصطلاحیدر که بحسب

الوجود ذاتدن انفصالی ممکن اوله \* كذلك عینتدن مراد بی تفاوت  
مفهومک اتحادیدر \* پس رفع نقیضین هجنتی لازم کلز \* زیرا  
بینلرنده واسطه ثابت اولدی \* یعنی مفهومی آخرک مفهومی  
اولیوب \* و بلا آخر تحقق ایلز \* بو تقریردن معلوم اولدیکه \*  
صفات الهیه ذاتک عینی و غیری دکلدر \* واحد و عشر کی \* زیرا  
واحد عشره نک عینی دکلدر \* زیرا مجموع افراد \* واحدک عینی  
اولدیغی ظاهر در \* و عشره دن منفصل دکلدر \* زیرا عشره  
واحد سنز \* و عشره نک عشری اولان واحد عشره سنز تصور  
اولمز \* و معتزله طائفه سی صفاتی انکار ایدرلر \* زیرا و رای  
ذاتده صفات اولسه قدیمی حسیله توحیده منافی تعدد قدما  
لازم کلور دیرلر \* انلره جواب ویریلور که \* صفات ذاتک غیری  
اولسیدی \* واقعاً تعدد قدما هجنتی لازم کلور ایدی \* اهل سنه  
عندنده ایسه صفات ذاته مغایر دکلدر \* نه که تفصیل اولندی

صفات الذات والافعال طراً قديمات مصونات الزوال

صفات کلمه سی \* مبتدا در ذاته مضافدر \* والافعال \* الذات اوزرینه  
معطوفدر \* طراً \* جميعاً معنایسنه قديمات لفظنده مستکن اولان  
ضمیردن حال مؤکده اولق اوزره منصوبدر \* مصونات جمع  
مصوندر \* محفوظ معنایسنه خبر بعد خبردر \* الزوال مضاف  
الیهدر \* مفهوم بیت بودر که \* حق سبحانه و تعالانک مجموع  
صفات ذاتیه و فعلیه سی قدیملردر \* فنا و زوال تطرقندن  
محفوظلردر \* معلوم اوله که \* صفات الهیه نک ایکی نوعی وارد  
نوع اول \* صفات ذاتیه در که \* احداث معنایسنی مشتمل اولبه \* حیات  
و علم و سمع و بصر کی \* نوع ثانی صفات فعلیه در که \* احداث  
معنایسنی متضمن اوله \* انشا و ابداع و امانه و احیاء و ترزیق



وانماء وتصوير كې \* اشبو ذكر اولسان صفتك جله سي \* عند  
الماتريديه قديم وذات مقدسه ايله قائم در \* قديم دن مراد  
قديم بالزمانه كه \* وجودي مسبوق بالعدم اوليه \* زيرا قدم  
ذاتي كه \* وجودي غير بدن اولماقدر \* ذات اقدسه مخصوص صدر  
واشاعره صفات ذاتيه بي \* نفى نقيصه بي مستوجب اولان صفات  
تفسير ايدوب قديم \* وذات باري ايله قائم در ديدلر \* وصفات فعليه بي  
نفى نقيصه مترتب اوليان صفات تفسير ايدوب \* حادث در ديدلر  
زيرا قديم اولسه \* ذات مقدسه ازله \* مثلاً خالقيت ورازقيت ايله  
موصوف اولق لازم كلور \* حال بو كه ازله مخلوق ومرتوق  
يوقدر \* مالى تعطيل صفاتي استلزامدر \* ماتريديه ديرلر كه  
اكر صفات فعليه حادث اولسه \* ذات مقدسه نك ازله اول  
صفاتلردن خلوى \* ولايزالده اتصافى لازم كلر \* امارات حدوثن  
غير ذات \* وذات اقدسك محل حوادث اولق هيجتنى \* مستلزم اولور  
وقضيه كلييه در كه \* حوادثن خالى اوليان البته حادث اولور  
پس صفات فعليه نك قديم اولسى لازمدر \* بعض محققين ماتريديه  
واشعريه پينده دائر اولان منازعه بي \* ياكز تكوين صفتنه حصر  
ايلدى \* زيراماتريديه عندنده تكوين كه \* فعل وخلق وايجاد  
واحداث مثلاً \* الفاظ مترادفه ايله معبر \* ومعدومى عدمدن  
وجوده اخراجله مفسردر \* حضرت حقك صفت ذاتيه  
از ايسيدر \* زيراعقل ونقل \* حضرت حقك خالق وعالم اولديغنده  
متفقد \* زيرابرنسند ده مأخذ اشتقاق قائم دكل ايكن اول شبنه  
اسم مشتق اطلاق ممتنعدر \* كذلك حضرت حق تعالى ذات  
شريفنى كلام از ايسينده خالقيته وصف ايلدى \* ازله خالق  
اولسه وجه مذكور اوزره كذب \* ياخود حقيقت ممكن اولديغى  
مخلوده مجازه عدول لازم كلور \* يعنى مستقبل اعتباريله اطلاق

لازم كلور \* وازى اولمبوب حادث اولسه \* تكوين آخر ايله مكن  
اولورسه تسلسل لازم كلر \* عالمك عدم تكوينى اقتضايدير \* واكر  
تكوين آخر سنز اولورسه \* حادثك محدثن واحداثدن استغناسى  
لازم كلور بوايسه محالدر \* كذلك حادث اولسه \* فى ذاته تعالى  
اولورسه \* حضرت باري محل حوادث اولق لازم كلور \* فى غيره  
اولورسه \* نته كه معتزله دن ابوالهذيل اكا زاهددر \* هر جسمك  
خالق اولسى لازم كلور \* وتكوين مكنوك غيريدر \* وصفت قدرته  
مفايددر \* زيرا قدرت شبنك امكانه \* تكوين وجودينه متعلقدر  
لكن اشاعره عندنده تعلقدن عبارت اولغله \* سائر تعلمات صفات  
كبي حادثدر \* بعض علماء ماوراء النهر \* جله صفات فعليه بي صفات  
حقيقه ازليه در ديدلر \* علامه تفتازانى عليه الرحمه \* ديمشدر كه  
صواب اولان \* بعض محققين كلاميدر كه جله صفات فعليه نك  
مرجعى تكويندر \* مثلاً تكوين حيايه تعلق ايدرسه \* احيا وموت  
تعلق ايدرسه اماته \* ورزقه تعلق ايدرسه ترزيق تسميه اولور \*  
بو جهته مجموعى تكوين اولوب \* تعلقاتك خصوصيتيله متحقق  
اولور \* دليل نقلى ( هو الله الخالق البارئ المصور ) الايه  
مصونات الزوال \* يعنى ذات مقدسه دن صفات سنيه زائل وفانى  
اولمازلر \* زيرا قدمى ثابت اولان موجودك عدمى محالدر \*  
خلاصه جله صفات لهيه قديم \* وذات اقدس ربانيله قائم وصمدى  
وازى وابيددر ( كل يوم هو فى شأن ) مصداقنبجه كافه اشيا  
مظهر مظاهر ايددر

تسمى الله شيئاً لا كالأشياء ولا ذاتاً عن جهات الست خال

تسمى كلمه سي \* مستقبل متكلم مع الغيردر \* لفظه جلاله مفعول  
اولى وشئاً مفعول ثانيايددر \* لانا فيه در \* كالأشياء كلمه سي شئاً



کلمه سنک صفتیدر ❦ و ذاتا شبها اوزرینه معطوفدر ❦ عن جهات  
مؤخر خال کلمه سنه متعلقدر ❦ خال خلودن اسم فاعلدر ❦ مبتدای  
محدوفک خبریدر ❦ هو خال تقدیرنده در ❦ جمله سی ذاتا کلمه سنک  
صفتیدر ❦ مفهوم بیت بودر که ❦ حضرت باری عز شانه به  
شرعده شیء لفظنی اطلاق ایده رز ❦ لکن حقیقت وصفده  
اشیای سائر به مماثل دکلدر ❦ وذات ایله تعبیر ایده رز ❦ لکن شش  
جها تن منزله و مبرادر ❦ معلوم اوله که ❦ شیء لفظی عرفده موجوده  
خاصدر ❦ خارجی اولسون ذهنی اولسون واجب و ممکن و ممکنه  
شاملدر ❦ تنه که سببویه کابنده الشیء يقع عن کل ما اخبر عنه  
عنوانیه بیان ایلدی ❦ بو تفسیر اوزره ❦ حضرت حقه شیء اطلاق  
صحیح اولور ❦ و قل ای شیء اکبر شهادة قل الله شهیدینی و بینکم  
منطوقی اوزره شرعده دخی وارد اولشدر ❦ بعض مفسرین  
شیء مصدر اولغله ❦ آیت مر قومه ده شائی معناسنه در دیدی ❦  
لا کالاشیاء قولیه جهیمه طائفه سنی ❦ و مشبهه مبتدعه سنی رد  
ایلدی ❦ طائفه مر سومه ❦ حضرت حقه شیء اطلاقنی ❦ و مخلوقله  
مشترک اولان سائر اوصافک اطلاقنی ❦ خلقه مشابیهتی مفضی  
اولور دیو تجویز ایلزلر ❦ معتزله و کرامیه دیرلر که ❦ عقل حضرت  
حقک بر صفتله اتصافنه دلالت ایدرسه ❦ اول صفتنه دال اولان  
اسمی اطلاق ایلك جائزدر ❦ اذن شرعینک ورود و عدم ورودینه  
نظر ایلزلر ❦ اشاعره دن قاضی ابو بکر عندنده ❦ حضرت حقه  
ثابت اولان معنایه دلالت ایدیچی لفظک بلا توقف اطلاق جائزدر  
کبریای شان الوهیتیه موهیم نقص اولدجه بناء علیه عارف لفظنی  
اطلاق جائز دکلدر ❦ زیرا معرفتک مفهومده جزئیته و غفلتله  
مستبوقیت معتبردر ❦ اکثر اشاعره توقفه ذاهبلردر ❦ و مشبهه  
مبتدعه سی ❦ حاشا بین الله و بین خلقه مشابیهت عز و ایدوب دیرلر که

حضرت حقک صورتی و اعضاسی واردر ❦ تنه که اشبو (خلق الله  
آدم علی صورته) حدیث شریفی اکا دالدر ❦ انلره جواب  
ویریلور که ❦ علی صورته کلمه سنده ضمیر آدمه راجعدر ❦ یعنی حق  
سبحانه و تعالی ❦ آدمی کمال خلقله خلق ایلدی ❦ سائر افراد  
انسانی کی ❦ ابتدا نظفه ❦ بعده علقه ❦ و مضغه اوله رق تدریجی  
درجه انسانیه ایصال ایلدی ❦ قالدیکه ❦ ان الله خلق آدم  
علی صورة الرحمن ❦ حدیث شریفنده صورتدن مراد هیئت  
جسمانییه دکلدر ❦ بلکه امور معنویه دن شبثک ماعدادن متمیز  
اولدیغی امر معنویدر ❦ مآلی سیرت و صفتدر ❦ یعنی آدمی حیات  
و علم و قدرت صفتلریله متصف خلق ایلدی ❦ جمادات کی خلق  
ایلدی ❦ نهایت صفت آدمدر حادثدر ❦ و حدیث مر قومک  
و جوه عیدیه ایله توجیهی ❦ خصوصا صوفیه عندنده معانی  
کثیره سی واردر ❦ و خفی اولیه که ❦ صفات مشترکه اذن شرعی  
ورودیه حضرت حقه اطلاق اولدقدنه ❦ مما ثلثی نفی لازم اولغله  
ناظم لا کالاشیاء قولیه نفی مما ثلث ایلدی ❦ اما اذن شرعی  
وارد اولدیکه اطلاق جائز دکلدر ❦ انه جسم لا کالاجسام دینز  
و معلوم اوله که ❦ ذات لفظی ❦ صاحب معناسنه اولان ذو کلمه سنک  
مؤنثندن منقولدر ❦ اکا مبنی تایی تأنیث و لام محدوفدن تعویضله  
تعبیر ایلدیله ❦ بلکه اسمای مستقله مجراسنه اجرا ایلوب ❦ ذات  
قدیم و ذات محدث دیدیلر ❦ بعضیلر تایی ذات ❦ تایی وقت و موت کی  
جوهر دندر دیدی ❦ و اشبو ذات لفظیه بعض محله حقیقت  
و بذاته قائم و مفهومیته مستقل مراد اولور که ❦ صفت مقابلیدر  
بعض محله نفس و شیء اراده اولور ❦ بو صورتده تذکیری  
و تأنیثی مساوی اولور ❦ قالدیکه ❦ اطلاقا تک توقیفیه اولدیغنه کوره  
ذاتدن نفس و شیء معناسی مراد اولور ❦ حالوکه ❦ لا تفکروا



فی ذات الله \* حدیثه وارد اولمدر \* جهات ست فوق \* و تحت  
وامام \* و خلف \* و یمن \* و یساردر \* حق تعالی بوجه تاردر  
منزهدر \* زیرا جهت تحیر مقتضای سیدر \* حضرت حق مکنان  
میرادر \* و عالم ازلیده \* جهت و مکان اولمدینی ثابتدر \* مجسمه  
طائفه سی حاشا جهت اسناد و \* الرحمن علی العرش استوی \*  
آیت کریمه سیله استناد ایدرلر \* زیرا استوایی استقرار ابله تفسیر  
ایدرلر \* استوادن مراد ایه \* سیاق که تمدحدر قرینه سیله استیلا  
و تصرفدر \* قالدیکه \* کعبه قبله صاوة اولدیغی کبی  
سما دخی قبله دعا اولغله \* عند الدعاء رفع ایدی و توجه وجه  
ایلمکنن ایهام جهت لازم کن \* و حق تعالی فوق العباد قاهر  
اولغله \* آسمانه توجه موجب تعظیمدر \* وهو الذی فی السماء اله  
وفی الارض اله \* آیت کریمه سیله کرچه استدلال ایدرلر \* لکن  
مراد سماء وارضده آثار الوهتک ظهوریدر

وَلَيْسَ الْأِسْمُ غَيْرَ الْمُسَمَّى ﴿١﴾ لَدَى أَهْلِ الْبَصِيرَةِ خَيْرُ الْأَسْمَاءِ ﴿٢﴾

لیس \* اسم مرفوع خبر منصوب اقتضا اتمکله \* الاسم لفظی  
اسمی و غیرا خبریدر \* للمسمى جار و مجرور غیر اللفظنه متعلقدر  
زیرا مغایراتا و یلنده در \* لدی ظرف مکاندر \* عند معناسنه در  
حریری و سائر نجات ینلرین فرق ایدوب عند کلمه سی اعیان  
و معانی به ظرف اولور \* لکن لدی کلمه سی \* اعیانه مخصوصدر  
دیرلر \* هذا القول عندی صواب \* و عند فلان علم دینور \* لکن  
لدی صواب و لدی فلان علم دین \* معری عندند \* فرق لری  
یوقدر \* اهل کلمه سی اضافتله مجروردر \* و بصیره لفظنه  
مضافدر \* بصیرت قلبه بر نوردر که \* انکله اشیا ادراک اولنور  
نته که بصر عینده بر نوردر که \* انکله محسوسات رؤیت اولنور

آل کله سنک اصلی اهل در \* استعمالنده ایکی گونه تخصیص وارد  
اولا بلاد و صنایعه مضاف اولماز \* آل مصر و آل التجارة و آل  
الاسلام دین \* ثانیاً امر دنیا و دینده \* و یا خود بالکرامت دنیا  
خطر و شرف اصحابنه مضاف اولور \* آل النبی علیه السلام  
و آل فرعون کبی \* مفهوم بیت بودر که \* اهل سنت عندنده اسم  
یعنی بر ذاتک تعیینی ایچون \* ازاسنه وضع اوانان آد \* مسماک یعنی  
ذات مزبورک غیری دکدر \* بلکه عیندر \* معاوم اوله که مسائل  
کلامیه نک بریسیده اشواسم مسئله سیدر \* لکن بو مسئله نک  
اعتقادیاته چندان تعلقی یوقدر \* کرچه جمله کتب کلامیه ده ثبت  
اولنور \* امام بیضاوی علیه الرحه تفسیری اولنده \* و امام غزالی  
علیه الرحه \* اسماء حسنی \* شرحنده زیاده جه تفصیل ایتشدردر  
خفی اولیه که \* اشبو مسئله ده اسم وار تسمیه وار \* تسمیه مسماک  
غیری اولدیغنده شبهه یوقدر \* زیرا تسمیه معنای مصدریدر  
اما اسم ماده سننده اهل سنت اختلاف ایلدیلر \* اکثرینک قوی  
بودر که اسم \* مسماک عینی \* یعنی اسم اوزره وارد اولان حکم  
مسمی اوزره وارد اولور \* تبارک اسم ربک \* فسبح باسم ربک  
آیت کریمه لریله احتیاج ایدرلر \* زیرا تبارک تعالی معناسنه اولغله  
متعالی هر برمالا یایقدن منز اولان ذات مقدسه در \* واسم  
مسماک غیری اولسه کلمه شهادتده رسالتله \* حضرت رسول الله  
غیرینه شهادت ایلمک لازم کلور ایدی \* كذلك برکسه زوجیه سی  
اولان زینب ایچون \* زینب طالق دیسه \* لامحاله طلاق زینب اوزره  
واقع اولور \* لفظ اوزره اولماز \* كذلك حضرت حق تسبیح  
و تزیینله امر ایلدی \* تزییه ایسه نقایصدن منز اولان ذات  
قدیمه متعلقدر \* لکن بو کلامه مقاله ترتب ایدر \* زیرا اسم لفظنی  
اطلاق ایدوب مسمی اراده ایلمک \* احدهما آخرک عینی اولسنی



اقتضا ایلمز نه که \* مجازاتده واقعدر زیر تعظیم ایچون اسمی ذکر  
ایدوب مسماسنی مراد ایتک شایعدر \* زیرا تعظیما بر کسه بی  
ذکر ایلوب متعلقاتی ذکر ایله \* اول ذاتی اراده جمله صنوف  
تعظیمدندر \* حضرت عالییه و جناب عالی کبی \* لکن بحث  
مذکورده اسم ماده سی \* تعیین مسمی ایچون ازای حقیقه موضوع  
اولغله قیاس مجازی تحلل ایلمز \* و سبج اسم ربک \* قولیه  
استدلalde دخی کلام وارددر \* زیرا بعض مفسرین اجعل اسم  
ربک سبجه ای مایسج به عبارتیه تفسیر ایتشلددر \* فسج  
باسم ربک العظیم \* قول شریفی بو معنایی مؤیددر \* یعنی ربکی  
اسمیه تسبیح ایله دیمکدر \* زیرا تسبیح انجق اسمیه اولور \* مسمی  
ایله اولماز \* و بعض اهل سنت و معتزله اسم مسمانک غیری اولسنه  
ذاهب اولدیلر \* دلیل عقلی و نقلی ایله استدلال ایلدیلر \* دلیل  
نقلی \* والله الاسماء الحسنی \* آیت کریمه سیدر \* زیرا اسماء لفظی  
جعددر \* اقل مراتبی اوچدر \* اسم مسمانک عینی اولسه \* مسماده  
تعدد لازم کلور \* و بریسی ( ان لله تعالی تسعة وتسعين اسما  
من احصاها دخل الجنة ) حدیث شریفیدر \* زیرا احصاء  
اسمایه مرتبدر \* مسمایه مرتب اولماز \* دلیل عقلی اسم مسمایه  
دالدر \* عینی اولسه \* دال و مدلول شیء واحد اولمق اقتضا ایدر  
کذلک اسم مسمانک عینی اولسه \* عبودت اسم الله واکلت اسم  
الخبز و ضربت اسم زید دیمک صحیح اولور ایدی \* کذلک برکسه  
آتش ذکر ایلسه \* لسانی محترق \* و سکر و غسل تکلمیه متذوق  
اولمق اقتضا ایدر ایدی \* بو طرفه دخی بعض اجوبه مرتبدر \*  
لکن مقام تطویل دکلددر \* قالدیکه صاحب صحائف \* منازعه  
مسروده بی وتیره آیه اوزره لفظیه به ارجاع ایدوب \* دیدیکه  
اگر اسمیه \* احد ازمنه ثلثه دن \* مجرد معنایه دال اولان لفظ مراد

اولورسه \* مسمانک غیری اولدیغنده شبهه یوقدر \* واکر مسمانک  
عینی اولغله \* صحتی اولان معنای آخر مراد اولورسه \* دائرة  
تراعدن بعیددر والسلام

وَمَا مِنْ جَوْهَرٍ رَبِّي وَجِسْمٍ وَلَا كُلٌّ وَبَعْضٌ ذَوَا شَمَالٍ

ما کله سی لبس معناسنه در \* ان زائده مؤکده در \* ما کله سنک  
عملی ابطال ایلدی \* جوهر مقدم خبردر \* ربی مؤخر مبتدادر  
رب کله سی اصلده تربیه معناسنه در که شیء تدریجه کماله تبایغدن  
عبارتدر \* بعده مبالغه حق سبحانه و تعالییه وصف اولدی \* صوم  
و عدل کبی \* بعضیلر به یر به صیغه سندن صفتدر دیدیلر \*  
واللهک غیری به انجق مقید اطلاق اولور \* و جسم کله سی  
معطوفدر \* و لا کل و بعض دخی معطوفلرددر \* لا کله سی زائده در  
ذوا شمال کلک صفتیدر \* مفهوم بیت بودر که \* حضرت حق  
سبحانه و تعالی \* جوهر و جسم و کل و بعض دکلددر \* زیرا هربری  
هجنات عدیده بی مستلزمدر \* معلوم اوله که فلاسفه طائفه سی  
جوهری \* محل مقومده اولیان ممکن موجود ایله تعریف ایلدیلر \*  
کرک مخیر و مرکب اولسون \* کرک اولسون \* بعده وضعی و غیر  
وضعی به تقسیم ایتدیلر \* وضعی ایله \* اشارت حسیه بی قبول ایدن  
ممکن موجودی مراد ایتدیلر \* و بو قسمی حال و محل وایکبسندن  
مرکبه تقسیم ایتدیلر \* حاله صورت \* و محله هیولی \* و مرکبه  
جسم \* اطلاق ایلدیلر \* و جسم صورت و هیولادن مرکبدر  
اجزای لایتجزا دن مرکب دکلددر دیدیلر \* و غیر وضعی ایله  
اشارت حسیه بی قبول ایلان موجودی مراد ایلدیلر \* وانی  
عقول و نفوس ایله تمثیل ایتدیلر \* و بو عقول و نفوس خارجده  
ثابت و غیر مخیر و غیر حال ذاتلرددر دیرلر \* و تکلمین عندنده



جوهر بنفسه متخیر اولان \* ممکن موجوددن عبارتدر \* کرب  
مرکب اولسون جسم کبی \* کرب مرکب اولسون \* جزء لایتجزی  
کبی \* واشبو جزء لایتجزایه \* جوهر فرد اطلاق ایلدیلر \* وجسم  
اجزاء لایتجزا دن مرکبدر \* صورت و هیولادن مرکب دکلدر  
و ذات و صفات مقدسه دن غیری حال و متخیر اولیان شیء اثبات  
ایتدیلر \* و بعضیلر عندنده جوهر \* متخیر و منقسم اولیان جزئدن  
یعنی جزء لایتجزا دن مرکبدر \* و جسم ک قسیمدر \* و مقسملری  
بذاته قائم اولان ممکندر که عین تعیر اولنور عرض مقاباید \* ایدی  
حضرت حق سبحانه و تعالی جوهر دکلدر \* زیرا جوهر متکلمون  
عندنده متخیر دن عبارتدر \* لکن هر متخیر ماده به محتاجدر  
ماده سی اولان شیء ایسه امکانه متلازمدر زیرا حیره محتاجدر \* کذلک  
متخیر اولان حرکت و سکوندن و اجتماع و افتراق کبی \* سائر اعراض  
حادثه دن خالی اولماز \* قبول حوادث ایسه وجوب وجوده  
منافیدر \* کذلک جوهری جزء لایتجزی ایله تفسیر ایدن مذهب  
کوره ده حق تعالی جوهر دکلدر \* زیرا جزء لایتجزی دخی  
متخیر اولوب \* و اعراض حادثه دن دخی خالی دکلدر \* فلاسفه به  
کوره ده جوهر اولماز \* زیرا جوهر انلرک عندنده ممکندر \*  
حق سبحانه و تعالی ایسه \* لذاته واجب الوجوددر \* امکان و وجوب  
متافیاندر \* قالدیکه \* بعضیلر جوهری موضوع و محالدن غنی  
موجود ایله \* و بعضیلر ذات و حقیقت ایله تفسیر ایلدی \*  
بو تفسیراره کوره هر نقدر ذات اقدس اطلاقک \* صحیح و ارایسه ده  
اذن شرعی وارد اولماغله \* اطلاق مناسب دکلدر \* و حضرت  
حق تعالی جسم دکلدر \* زیرا جسم عند المتکلمین اجزای  
لایتجزا دن \* و عند الفلاسفه هیولی و صورتدن \* و عند المعتزله  
ابعاد ثلثه دن \* یعنی طول و عرض و عمق دن عبارتدر \* علی المذاهب

جسم مرکبدر \* حضرت حق مرکب اولسه \* اجزا سندن  
هر جزء قائم بنفسه اولق اقتضا ایدر \* زیرا بنفسه قائم اولمیه  
ایتلاف و ترکیب اطلاق محالدر \* بو صورتده اگر جمیع اجزاسی  
مثلاً وجوب و قدم کبی \* صفت واحده ایله متصف اولورسه  
محالی مستلزمدر \* زیرا صفت واحده ک محال متعدده ایله قیامی  
ممتعدر \* و اگر هر جزء \* علی حده بر صفت مخصوصه ایله  
متصف اولوب \* باقی اجزا ک متصف اولدقلری صفاتدن خالی  
اولورسه \* هر جزء ناقص اولق اقتضا ایدر \* زیرا صفات  
مرقومه به محتاجدر \* احتیاج ایسه امکان صفتدر \* و اگر  
هر جزء \* وجوب و علم و حیات کبی \* صفات کمالک مجموعی ایله  
قائم اولوب \* بعضیله متصف اولورسه \* اول بعض موصوفک  
الهی لازم کلور \* و اگر اضداد ایله متصف اولورسه \* صفات  
ناقصه اولماغله \* موصوفک محدث اولسی لازم کلور \* و حضرت  
حق کل اولمقدنده مزهدر \* زیرا اگر کل اولسه جزئی اولق  
لازم کلور \* جزء مزبورده یا واجب اولور \* یا خود ممکن اولور  
واجب اولورسه \* تعدد واجب لازم کلور \* ممکن اولورسه دور  
لازم کلور \* زیرا جزء ممکن واجب محتاج اولور \* واجبده مرکب  
اولق حیثیتله جزء مزبوره محتاجدر \* و حق تعالی بعض اولمقدنده  
مزهدر \* زیرا بعض اولسه \* غیرک جزئی اولماغله \* غیره محتاج  
اولور \* کذلک جزء اولسی صفت کمال ایسه \* مستکمل بالغیر اولق  
اقتضا ایدر \* صفت کمال دکل ایسه \* نقص اولماغله \* نفی و تنزیهی  
واجب اولور \* و ذواشتمال قولی \* بعضیلر ایرادنده فائده یوقدر \*  
تیم نظم ایچون ایراد اولندی دیدی \* و بعضیلر حرف عطفک  
حذفیه مسئله مستقله در دیدی \* یعنی حضرت حق تعالی زمان  
و مکانی مشتمل دکلدر \* زیرا محدود اولق لازم کلور \* لکن



بومسئله بوندن صكره ولايمضى على الديان الى اخره يينده مستقلا  
ذكر اولنه جقدر

وفي الاذهان حق كون جزء بلا وصف الممكن يا ابن خال

في الاذهان كلمه سي مؤخر حق لفظنه متعلقدر \* اذهان جمع  
ذهندر \* حق ثابت معناسنه مقدم خبردر \* كون جزء مؤخر  
مبتدا در \* بلا وصف ظرف مستقر جزئدر \* يا ابن خال  
كلامنده يا حرف ندا در \* خال برادر مادر در كه \* تركيده طايبي  
تعبير اولنور \* تكمله نظم ايچون ايراد اولندي \* مفهوم بيت  
بودر كه \* جزء لايتجزا نك كه جوهر فرد در \* وجودي عقولده  
ثابت و متحققدر \* معلوم اوله كه \* اشبو جزء لايتجزى بي اثبات  
ايلك قدم عالم ونفي حشر اجساد كي \* نيجه ظلمات فلاسفه دن  
وحركت افلاك دوامى \* وخرق والنيامك عدم قبولى كي  
نيجه اصول هنادسه دن استخلاصى مفيد در \* فلاسفه جوهر  
فرديكه جزء لايتجزا در انكار ايدرلر \* شرح عقايدده علامه  
تفتازانينك بياني اوزره جوهر فرد اثباتنده احكم ادله بودر كه  
برسطح حقيقي اوزره كره حقيقيه وضع اولنسه البته اول سطحه  
بر جزء غير منقسمه مماس اولور \* اكر ايكي جزء ايله مماس اولسه  
بالفعل خطى مشتمل اولمغله كره مزبوره كره حقيقيه اولماز \* ومشايخ  
اشعريه عندنده اشهر ادله بودر كه \* هر عين الى غير النهايه منقسم  
اولسه خردله جبلدن اصغر اولماق اقتضا ايدر \* زيرا ايكي بسيدده  
غير متناهي الاجزا در \* عظم وصغر ايسه اجزائك كثر  
وقلته ناظر در كثر وقلت اجزا ايسه \* انجق متاهيده متصور در  
كذلك جسمده اجزا يينده اولان اجتماع كه \* حضرت حقك  
مخلوقيدر \* اكر يينلرنده اجتماع بدلى افتراق خلقنه قادر دكلدر

ديرلر سه \* حضرت حقه عجز اسناد ايدرلر \* قادر ديرلر سه جزء  
لايتجزى ثابت اولور \* كذلك جزء لايتجزى ثابت اولسه \* رأس  
ابره نك الى غير النهايه انقسامى لازم كلور \* وبوماده ده طرفيندن  
مسرود اولان \* ادله ضعفندن خالى اولمغله \* امام فخر الدين  
رازى عليه الرحمه بونده توقف ايلدى

وما القرآن مخلوقا تعالى كلام الرب عن جنس المقال

ما \* لپس معناسنه در \* القرآن اسمى مخلوقا خبريدر \* تعالى  
تفاعلدن ماضيدر \* تعظم وتقديس معناسنه \* كلام الرب فاعليدر  
جمله سى علت مقامنده در \* ياخود معترضه در \* آخر كلامده ده  
وقوعنه قائل اولان مذهبه كوره \* مقال كلام معناسنه در \* مفهوم  
بيت بودر كه \* قرآن كريم كه \* الله ذوالجلالك كلاميدر \* حادث  
ومخلوق دكلدر \* ذات اقدسيله قائم صفتيدر \* وبويينده  
صفات ذاتيه دن كلام صفتى دخى ثابتدر \* معلوم اوله كه  
قرآن لفظى عند البعض \* كلام بارى يه مخصوص علم غير مشتقدر  
بعضيلرضم وجع معناسنه قرأ كلمه سندن مأخوذ مهموز در ديدى  
بعض فضلاء ديديلر كه \* قرآن اصلده جمع معناسنه در \* بعده  
عرفده مجموع ومتلو مخصوصه نقل اولندي \* خفي اوليه كه  
متكلمون اتفاق ايتديلر كه \* حضرت حق كلام صفتيله متصف  
وقرآن كريم كلاميدر \* لكن معناسنده اختلاف ايديلر \* اهل  
سنت عندنده كلام اشبو حروف والفاظك مفهوميدر كه \* كلام  
نفسى ايله مسمادر \* ويقولون فى انفسهم لولا يعذبنا الله \*  
آيت كريمه سى بو معنايه دالدر \* واخطل بويينده اشارت ايتشددر  
ان الكلام لى الفؤاد وانما \* جعل اللسان على الفؤاد دليلا \* يعنى  
كلام قلبده در \* لسان انك دليل وترجانيدر \* كذلك اهل



عربیہ ضمیرده کائن معنایہ دال اولان عبارہ یہ کلام اطلاق ایدرل  
پس کلام حسی یہ کلام تسمیہ سی مجاز اولور \* دالہ مدلول  
اسمیلہ تسمیہ قبیلندن اولور \* یوقسہ کلام حروف واصواتدن  
مسموع اولان لفظ دکلدر \* نته کہ معترله وکرامیہ وحنابلہ اکا  
ذاهبلردر \* لیکن معترله حدوثه وذات باریله عدم قیامنه قائلدر  
کرامیہ حدوثی قائل اولدقدن صکره \* ذات باریله قائمدر دیرلر  
زیرا انلر حوادثک ذات الهیله قیامنی تجویز ایدرلر \* حنابلہ قدمنه  
وذات باریله قیامنه ذاهبلردر \* خیالی مرحوم \* نونیه شرحنده  
بومجشده ایکی قیاس متعارضان ترتیب ایتشددر \* اولاکلام الله  
صفة له \* وکل صفة له فهی قدیم \* کلام الله تعالی قدیم \* ثانیاً  
کلام الله تعالی مؤلف من اجزاء مترتبة فی الوجود \* وکل مایکون  
کذلک فهو حادث فکلامه حادث \* اهل حق بویکی قیاسک  
صدقنه ذاهب اولدیلر \* قیاس اولی کلام نفسی وثانی بی لفظی  
اعتباریله معترله قیاس ثانیکن حقیقته ذاهب اولوب \* اولک صغراسنی  
قدح ایتدیلر \* حنابلہ اولک حقیقته ذاهب اولوب \* ثانیکن کبراسنی  
قدح ایتدیلر \* کرامیہ ثانیکن کبراسنی قدح ایتدیلر \* واهل  
حق قیاس اولی تصحیح ایدوب \* ثانیکن صغراسنی قدح ایتدکلری  
بعض کتب کلامیه ده مسطوردر \* بوکلام \* قرآن کریم عند اهل  
الحق بالکزنفسی اولوب \* لفظی ایله تسمیہ مجاز طریقیله اولسنه  
یاخود نفسی اجزاده ترتیبی اعتبارسز \* لفظی اولسنه مبنی اولور \*  
قالدیکه \* حق تعالی نک صفت کلامله اتصافنه دلیل عقلی  
بودر که \* کلام حی ایچون صفت کمال وعدمی نقیصه در \* پس  
حق تعالی حی اولغله \* کلامله اتصافی واجب اولور \* زیرا متصف  
اولسنه یا سکوتله که \* قدرت وارایکن \* تکلمی ترکدن عبارتدر \*  
موصوف اولور \* یاخود طفولیتله که \* بحسب الضعف وعدم البلوغ

حد القدرة آلات تکلم مطاوع اولامغله \* تکلمه عدم قدرتدن  
عبارتدر \* یاخود خرس ایله که بحسب الاصل آلات تکلم مطاوع  
اولامغله \* موصوف اولق لازم کلور \* شقوق ثلثه نقیصه اولغله  
باطلدر \* قالدیکه سکوتدن مراد سکوت باطنیدر که \* نفسنده  
کلام تدبیر ایلامکدن عبارتدر \* نته که امام حمید الدین \* خرس  
ظاهری کلام ظاهرینک \* وخرس باطنی کلام باطنینک ضدیدر  
دیدي \* کذلک دلالات معجزاته \* صداقتلری ثابت اولان انبیای  
عظام علیهم الصلوٰة والسلام حضراتی اتفاق ایلدیلر که \* حق  
تعالی کلام صفتیله متصف متکلمدر \* اشبو خبر ویردکلری کلام  
یانفسی یاخود حسی اولور \* نفسی اولورسه \* مطلوب حاصل اولور  
لفظی مراد ایسه \* حاشا حدوث الهی لازم کلور \* زیرا حروف  
واصواتدن مرکب اولان لفظک حدوثی عرضدر \* اگر ذات  
باریله قائم اولورسه \* ذات باری محل حوادث اولق لازم کلور  
غیرایله قائم اولورسه \* شبئک وصفی غیرایله قائم اولق محالدر  
بنفسه قائم اولورسه \* عرض بنفسه قائم اولماز \* معترله طائفه سی  
ذکر اولندیغی اوزره \* کرچه کلام صفتی اثبات ایدرلر \* لیکن  
اشبو حروف واصواتدن مرکب کلام لفظیدر دیرلر \* ومتکلمک  
معنای اشبو کلام مؤلفی که \* معنای مقصوده دالدر \* ملک و پیغمبر  
وحجر وشجر کی \* اجسام مخصوصه ده موجد اولمقدردیرلر  
\* حتی یسمع کلام الله \* آیتنه تمسک ایدوب مسموع اولان انجق  
الفاظ واصواتدر \* بونلر ایسه مخلوقدر دیرلر \* اهل حق  
جواب ویررلر که \* حتی یسمع کلام الله \* آیتنک معنای حتی  
یسمع مایدل علی کلام الله الذی هو المعنی النفسی دیمکدر \* یعنی  
معنای نفسی اولان کلامک دالنی ایشیدر \* السنه ده جاریدر که  
مثلاً زیدک علمنی ایشتمدم دیرلر \* مراد زیدک علمنه دال اولان



شبی ایشتم دیمکدر \* کذلک \* انا انزلناه قرأنا عریبا \*  
آیتله استدلال ایدرلر \* قرأنی عربیته وصف ایلدی \* عربیت  
ایسه لفظک وصفی اولغله حادث اولور \* بوکه ده جواب  
ویریلور که \* آیت مر قومه نک معناسی تفهیم ایچون \* قرأنی  
لسان عربیله معبرا انزال ایلدم دیمکدر \* قوله کلام الرب الخ  
یعنی حضرت حقک متصف اولدیغی کلام مخلوق کلام کبی  
حروف واصوات جنسی اولمقدن مقدسدر والسلام

﴿ رَبُّ الْعَرْشِ فَوْقَ الْعَرْشِ لَكِنْ ﴾ ﴿ بِأَوْصَافِ التَّكْنِ وَاتِّصَالِ ﴾

رب مبتدا فوق العرش خبریدر \* اضافتی تشریفی متضمندر  
رب البیت ورب جبریل کبی \* زیرا عرش اعظم مخلوقاتدر \* لسان  
حکماده فلك تاسعدر که \* فلك اعظم ومحدد الجهات دخی دیرلر  
مجموع موجوداتی محیطدر \* مفهوم بیت بودر که \* رب العزة  
حضرتلری عرشدن عالیدر \* لکن عرشده مستقر وعرشه متصل  
دکلدرد \* معلوم اوله که \* ذات اقدس الهینک جسم وعدم جسم  
ومکانی وعدم مکانی اولسندده ملیون اختلاف ایلدیلر \* مشبهه  
وکرامیه وحنابه طائفه سی ذاهب اولدیلر که \* حق سبحانه وتعالی  
جسمدر \* وعرشده متمکن ومستقردر \* کرامیه نک بعضیسی  
عرشک فوقنده در \* ذاتیله عرش میاننده مسافه غیر متناهییه  
واردردیدیلر \* وبعضیلر مسافه مابین متناهییه در دیدی \*  
یهود وغلاة روافضک مسلکی بودر که \* حق تعالی جسمدر  
بر طائفه سی دیرلر که جسمدر \* لکن اجسام مخلوقه کبی دکلدرد  
یعنی بذاته قائمدر \* مرکب و متخیز دکلدرد \* بونلر مجسمه و مشبهه  
دکلدرد \* بر طائفه دیدیلر که \* جسم واحددر \* لکن اجسام کثیره  
فوائدنی مفیددر \* بر طائفه دخی لحم و شحمندن مرکب جسمدر

دیدیلر \* خلاصه کونا کون هذیان ایلدیلر \* تفصیلی ملل ونحل نام  
کابده مسطوردر \* حق سبحانه وتعالی جسم اولوب عرشده  
متمکندر زعم ایدن طائفه \* الرحمن علی العرش استوی \*  
آیت کریمه سنه تمسک ایلدیلر \* زیرا استواء استقرار معناسنه در  
نته که \* استوت علی الجودی \* آیت کریمه سنده استقرت معناسنه در  
دیدیلر \* خفی اولیه که \* اهل سنتک عامه متقدمینی وبعض  
متأخرینی دیرلر که \* الرحمن علی العرش استوی \* کریمه سی  
مثالو آیات متشابهاتدن مطلق مراد الهی یه ایمان ایدوب علم  
حقیقتنی جانب عالم السر والحقایه تفویض ایلک اسلدر \* حتی  
امام مالک رحمه الله معنای استواء دن سؤال ایتد کلرنده  
استوا معلوم \* لکن کیفیتی مجهول \* واکا ایمان واجبدر \* واندن  
سؤال بد عتدر دیدی \* اما سائر متأخرین رحمه الله حسب  
الاقتضاء تأویللرینه ذاهب اولدیلر \* مثلا آیت مر قومه ده  
استوایی استیلاء واققدار و اتمام ایله تأویل ایلدیلر \* بو طریق  
احکمدرد \* زیرا مطاعن جهال وغفالك دفعنی مشتملدر \* ایددی  
طائفه مر قومه یه \* اهل سنت طرفدن جواب ویریلور که \*  
بو مقامده استوانک استقرار معناسنه اولسی ممنوعدر \* جائزدر که  
استیلاء معناسنه اوله \* نته که شاعرک اشبویتنده وارد اولمشدر  
\* استوی بشر علی عراق \* من غیر سیف ودم مهراق \*

یاخود اتمام معناسنه اوله \* پس سزک احتمالیه مقارن دلیلکرن  
احتیاجیه صالح اولماز \* یاخود عرشدن مراد ملک اولغله \* معنای  
شریف \* اقتدر علی الملك اوله \* نته که ثل عرش فلان دیرلر \*  
ذهب ملکه معناسنه \* یاخود بوراده استقرار معناسنی اراده صحیح  
دکلدرد \* زیرا عقل ایکی وجهله اکا مانع اولور \* وجه اول  
بودر که \* حق سبحانه وتعالی مثلا عرشده متمکن اولسه یا ساحة



عرش مقداری یا خود اندن اکبر \* یا خود اصغر اولور \* شقوق  
 نثله ده باطلدر \* زیرا عرش مقداری اولسه \* عرشدن بر جزه  
 لا محاله واجب تعالانک بر جزئه ملاقی و مماس اولغله \* واجب  
 تعالی تجزی اولمق اقتضا ایدر \* بو ایسه محالدر \* شق ثانی به  
 کوره ده تجزی هجنتی لازم کلور \* زیرا عرشدن زائد اولان  
 مقدار مساوی اولان مقدارک غیریدر \* شق ثالثه کوره خالی  
 دکل یا جزء لای تجزی مقداری \* یا اندن اکبر مقداری صغیر  
 اولور \* شق اول حقارتی مستلزم اولغله باطلدر \* شق ثانیه  
 تجزی باری بی مستوجب اولغله باطلدر \* وجه ثانی مکاندن  
 وجهتدن و سائر حوادثدن تعری \* ازنده حضرت حقده ثابتدر  
 بعد الازل اولسه \* ذات اقدسده تغیر و محل حوادث اولمق لازم  
 کلور \* زیرا حالت ثانیه لا محاله صفت کمال اولمق لازمدر \* اگر  
 صفت کمال اولمزه \* نفی لازم کلور \* و ذات اقدس صفات  
 مرقومه نک حد و ثندن اول خالی اولمق اقتضا ایتمکله \* ذات  
 قبل الاتصاف ناقص اولمق اقتضا ایدر

وَمَا النَّشْبَةُ لِلرَّحْنِ وَجْهًا ۖ فَصْنٌ عَنْ ذَلِكَ اصْنَافُ الْاَهَالِ ۖ

ما \* لبس معناسنه در \* النشبه اسم مرفوعدر \* وجهها خبریدر  
 فصن کلمه سنده فا جزائیه در \* صن صوندن فعل امردر \*  
 جمله سی شرط محذوفک جزا سیدر \* اذا لم یکن للنشبه وجهها  
 فصن عن النشبه تقدیرنده در \* عن صن کلمه سنه متعلقدر \*  
 ذاک اسم اشارتدر \* مشار الیه تشبیهدر \* کاف خطاب ایچونددر  
 اصناف الاهی مفعولدر \* اصناف جمع صنفدر \* صفتله مقید  
 نوع معناسنه در \* اهالی جمع اهلدر \* ارض و اراضی کی  
 حرف تعریف مضاف الیهدن عوضدر \* اهالی الاسلام تقدیرنده در

مفهوم بیت بودر که \* حضرت حق سبحانه و تعالی ذاتا وصفه  
 مخلوقنه مشابه دکلدر \* دلیل عقلی و نقلی ایله اهل اسلامک  
 بو اعتقاد اوزرینه ثباته سعی و اهتمام \* و مشبهه کی بادیه  
 تشبیهده سرکردان اولاملری خصوصنه اقدام قیل \* معلوم  
 اوله که \* حضرت واجب الوجود تعالی شانه ذاتا وصفه مخلوقه  
 مشابه دکلدر \* عدم مشابهنه دلیل نقلی \* لبس مکشله شیء \*  
 کریمه سیدر \* زیرا منطوق آیت کریمه مطلقا مما ثلثی نفیدر  
 و سیاق نفیده واقع اولان نکره عمومی افاده ایتمکله مفهوم نفی  
 مبالغه بی متضمندر \* و نفی مما ثلث مطلقه بحسب الذات و بحسب  
 الصفات برشی خدایه مما ثلث اولماغنی اقتضا ایدر \* اگر سؤال  
 اولنورسه که اشبو آیت کریمه مثل مثلك نفینه دال اولغله نفی  
 مثلی اقتضا ایلمز \* بلکه ذات بارینک انتفاسنی اقتضا ایدر \*  
 جواب ویریلور که \* مکشله کلمه سنده کاف زائده در \* نفی مثلی  
 تأکید ایچون زیاده اولندی \* زیرا زیاده حرف اعاده جمله  
 متراننده در \* بعضیلر آیت مرقومه ده کاف زائد دکلدر \* بلکه  
 مثل لفظی زائد در \* فان آمنوا بمثل ما آمنتم به \* آیت کریمه سنده  
 اولدیغی کی کافله ضمیر یمنی فصل ایچون زیاده قلندی دیدی  
 لکن بو کلام ضعیفدر \* زیرا حرفک زیاده اولمسی اسمک زیاده  
 اولسندن اهورندر \* محققون آیت مرقومه باب کایه دندر دیدیلر  
 تفصیلی مغنی اللیبب شرحلرنده مبسوطدر \* و دلیل عقلی بودر که  
 حضرت واجب الوجود ایله غیر یبینه مما ثلث فرض اولنسه  
 البته غیردن تمیزی بر میرزه و مخصوصه محتاجدر \* اگر میر ذات  
 الهی فرض اولنورسه ترجیح بلامر جمع لازم کلور \* زیرا مقدر  
 ذات الهینک غیر ایله استوا سیدر \* و اگر میر ذاتک غیر  
 اولور ایسه بو صورتده یا ذاتنه ملاقی اولان بر امر اولور \*



یا خود صفتی اولور \* همه حال کلام اول ملاقی به عودت ایدر  
یعنی اول ملاقینک موجب تمیزیده ذاتی اولور سه ترجیح  
بلا مرجح لازم اولور \* غیری اولور سه \* کلام مره بعد آخری  
ینه اکا منتقل اولمغله تسلسل لازم کلور \* واکر میز ذاته مباین  
امر اولور سه حق سبحانه و تعالی هویت و امتیازنده ذاتندن  
منفصل سببه محتاج اولور \* احتیاج ایسه امکان لازمه سیدر  
ایمدی حضرت حق ایله غیری بیننده مشابیهت بالضروره منتفی  
اولدی \* مشبهه طائفه سی منشابهات اولان آیات کریمه واحادیث  
شریفه ظاهر یله استدلال ایدر لر \* مثلاً \* واصنع الفلك باعیننا  
وخلقت یبدی ویا حسرتا علی ما فرطت فی جنب الله \* کریمه سی  
ورأیت ربی فی صورة شاب امر دو \* ان قلوب بنی آدم کلها بین  
اصبعین من اصابع الرحمن کقلب واحد یصرفه کیف ما یشاء  
ولا تزال جهنم یقول هل من مزید حتی یضع فیها رب العزة قدمه  
فتقول قط وعزتك \* وسائر منشابهات کبی طوابع حاشیه سنده  
مسطور در که \* شیخ ابوالحسن الاشعری صفات سبع وراسنده  
صفات آخری دخی اثبات ایشدر که \* استواء \* وید \* وعین  
ووجه در \* زیرا قرآن کریمه هر بری ذکر اولمشدر \* پس  
اشعری به کوره بوصفتر حیات \* وعلم \* وسمع \* وبصر \* کبی  
صفات ذاتیه دندر \* لکن باقیلر بونلری ظاهر لردن تأویل ایلدیلر  
وجه تأویلاری بودر که \* بزرگمال معرفتله مکلفلر زکمال معرفت  
ایسه جمیع صفاتی ادراکله حاصل اولور \* اول ایسه البته  
طریقنه تشبیهلر متبسر اولور \* وافعاله استدلال و نقایصدن  
تنزیهیدن غیری طریق یوقدر \* بویکی طریق ایسه ذکر اولنسان  
صفات سبعة دلالت ایدر \* اشعری طرفندن ذکر اولنسان ایکی  
طریقنه انحصارینی منع ایدر لر \* زیرا بر طریق دخی سمعدر دیر لر

لکن سمع طریق ناقصدر \* الزام معاندینده کفایت ایلز \* زیرا  
عقلیات یقین و نقلیات ظنی مفید اولور \* قالدیکه بوجه محرر  
منشابهاتی تأویل ایدر لر \* مثلاً عینی علم و حفظ و یدی قدرت  
و جنی طاعتله تأویل ایدر لر

❦ ولا یمضی علی الدیان وقت ❦ واحوال وازمان بحال ❦

لا نافیله در \* یمضی فعل مستقبلدر \* علی الدیان جار و مجرور  
یمضی به متعلقدر \* دیان دیندن مبالغه صیغه سیدر \* دین جزاء  
معناسنه اولمغله دیان مجازی معناسنه در \* حق تعالی انک اسمیدر  
یوم قیامت یوم مجازات اولمغله \* یوم الدین ایله تسمیه اولندی  
وقت کله سی یمضی فعلنک فاعلیدر \* واحوال وازمان معطوفلر در  
وقتندن مراد وقت معین \* یا خود جزء وقت مراد در \* وزماندن  
ازمنه مختلفه \* یا خود زمان طویل مراد در \* یا خود زماندن  
مدت مقسومه \* و وقتندن مراد \* بر امر ایچون مفروض اولان  
مدندر \* بعضیلر دیدیلر که \* وقتک اکثر استعمالی ماضیده خاصدر  
بحال یمضی به متعلقدر \* بحال من احوال الانسان \* یا خود  
بحال الحدوث \* و لا بحال القدم سبکنده در \* مفهوم بیت بودر که  
حق تعالی اوزره وقت واحوال وازمان کذران ایتمز \* مکاندن  
متره اولدیغی کبی \* زماندن وتحولات و تبدلاتدن و ترقیات  
و تنزلاتدن مترهدر \* بیت \* حضرت حقدر ترقیدن تنزلدن  
بری \* لحظه لحظه یوقسه آرتوب ماسوا اکسلده \* معلوم  
اوله که \* زمان موهوم غیر قادر الذات و متصل الاجزاء امتداددن  
عبارتدر \* ارسطو عندنده فلك اعظمک مقدار حرکتندن عبارتدر  
افلاطوندن منقولدر که \* عالم امرده بر جوهر ازلی وارددر که  
متغیراته اضافت و نسبت حسبیه متبدل و متغیر و متحد و منصرم



اولور ❖ ماضی و مستقبل و حال اندر ❖ و تقدم و تأخر انکله  
حاصل اولور ❖ جوهر مر قوم ذاتک امور ثابته به نسبتی اعتباریله  
سرمد تسمیه اولور ❖ و ما قبل متغیراته نسبتله دهر و متغیراته  
مقارنتی اعتباریله زمان اطلاق اولور ❖ و حال موصوفه راسخ  
اولیان صفت و هیئت نفسانیه به دیرلر ❖ بعد الرسوخ ملکه  
اطلاق اولور ❖ ابدی حضرت حق تعالی زمان و حال مقارنتندن  
منزهدر ❖ زیرا اگر زمانی اولسه حوادث متعاقبه ده حال اولق  
اقتضا ایدر ❖ اول ایسه تغیرات متعاقبه بی مستلزم اولغله باطلدر  
زیرا زمان ماضیده اولسی حالده اولسنک غیریدر ❖ اکا مبنی  
حوادث متعاقبه و تغیرات متوالیه به مورد اولق لازم کلور ❖ و اگر  
سؤال اولنورسه که ❖ جائزدر که حق تعالی ایچون زمان مخلوقدن  
بشقه بر زمان اولوب فی ذاته تغیری مقتضی اولیه ❖ جواب  
ویریلور که ❖ اگر حق تعالی ایچون زمان اولسه خالی اولماز  
یا اول زمان عرض اولق حسبیلله ذات باریله قائم اولور ❖ یا خود  
غیرایله قائم اولور ❖ صورت اولده ذات الهی محل حوادث اولور  
صورت ثانیده ❖ حق تعالی زمانه مقارن اولماغله مطلوب  
حاصل اولور

❖ ❖ ❖ وَمُسْتَغْنِي الْهَيِّ عَنْ نِسَاءٍ ❖ ❖ ❖ وَأَوْلَادٍ إِنَّاثٍ أَوْ رِجَالٍ ❖ ❖ ❖

مستغن قولى استغنان اسم فاعلدر ❖ مقدم خبردر ❖ الهی  
مؤخر مبتدادر ❖ مقام بیان استغنا اولغله تقدیم اولندی ❖ عن نساء  
عن اتخاذ النساء تقدیرنده در ❖ جار و مجرور مستغن کله سنه  
متعلقدر ❖ و اولاد معطوفدر ❖ اناث لفظندن بدلدر ❖ مراد  
علی قصد التکمیل تفصیلدر ❖ یا خود نصاری طائفه سی و یهود  
شرذمه سی حضرت عیسی و عزیری حاشا ابن الله ❖ و بعضیلری

ملائکه بی بنات الله ❖ دیملریله مبالغه نفی ایتشدر ❖ یوخسه ولد  
لفظی لغه و شرعا ذکور و اناته شاملدر ❖ بعضیلر بدل بعض  
اعتبار ایتدیلر ❖ لکن اورجال کله سنده او حرفی ❖ ولا تطع  
منها آتما او کفورا ❖ کریمه سنده اولدیغی کبی ❖ و او معناسنه  
اولغله بدل کل اولق اظهاردر ❖ مفهوم بیت بودر که ❖ حضرت  
خالق بیهمتا جل شانہ و تعالی ❖ زوجه اتخاذندن و اولاد تولیدندن  
منزه و مبرادر ❖ یهود مر دود حاشا حضرت عزیر علیه السلام  
و نصاری طائفه سی حضرت عیسی علیه السلام ❖ اللهم  
اوغلبدر ❖ و بنو ملیح طائفه سی ملائکه کرام اللهم قزیدر  
دیرلر ❖ بو اقوالک مجموعی دلیل عقلی و نقلی ایله باطلدر ❖ دلیل  
نقلی ❖ و قالت اليهود عزیر ابن الله و قالت النصارى المسيح ابن الله  
ذلك قولهم بافواههم و يجعلون لله البنات سبحانه ولهم ما يشتهون  
❖ قالوا اتخذ الله ولدا سبحانه ❖ و ❖ لم یلد و لم یولد ❖ کریمه لری کبی  
دلیل عقلی حق تعالی ایچون ولد اولسه جزئی اولق اقتضا ایدر  
تجزئه ایسه محالدر ❖ و نساء اتخاذ ایلسه شهوت اقتضا ایدر  
شهوت ایسه امارات حدوثندر ❖ و شهوت اثری قوای حیوانیت  
اولغله مخلوقله اتحادی مستلزمدر ❖ و اولادی اولسه البته حادث  
اولور ❖ جزء اولق حسبیلله محل حوادث اولور و السلام

❖ ❖ ❖ كَذَا عَنْ كُلِّ ذِي عَوْنٍ وَنَصْرِ ❖ ❖ ❖ تَفَرَّدَ ذُو الْجَلَالِ وَ ذُو الْمَعَالِ ❖ ❖ ❖

کذا کله سنده کاف تشبیه ایچونددر ❖ مؤخر و محذوف مستغن  
کله سنه متعلقدر ❖ ذا اسم اشارتدر ❖ مشار الیه بیت اولده اولان  
استغنادر ❖ الهی کا استغناؤه عن النساء مستغن عن کل ذی عون  
تقدیرنده در ❖ عن کل کله سی كذلك مستغن کله سنه متعلقدر  
ذی عون مضاف الیهدر ❖ عون و نصر یردم معنایینه در ❖ بوراده



مورد لری مغایر اولغله حشویت شائبه سی یوقدر ❖ عن کل  
ذی عون فی الالوهیه وعن کل ذی نصر فی دفع الاعداء والمعارضین  
سبکنده در ❖ تفرد فعل ماضیدر ❖ توحید واستقلال معناسنه در  
فاعلی ذوالجلالدر ❖ معالی جمع معلا در ❖ علو و شرف معناسنه در  
قالدیکه تفرد صیغه سی بو مقامده بدون صنع صبر ورت بناسنه  
منیدر ❖ نجر الطین کبی نکون وتولد دخی بوقیلنددر ❖ یاخود  
اصل تکلفده باقی اولوب لکن شان الهیده تکلف مستحیل اولغله  
غایتی اولان کمال اراده اولنور ❖ وجلال صفات سلویه به ❖ ومعالی  
صفات ثبوتیه به اشارتدر ❖ ومفهوم تفردده بویکی صفات  
مندرج اولغله التیام لطیفی متضمندر ❖ وتفرد جمله سی تعلیلی  
مشمولدر ❖ جلال ومعالی صفتلریله متصف ومتفرد اولان ذات  
شریف البته معین وناصر دن مستغنی اولوردیمکدر ❖ معلوم  
اوله که ❖ ناظمک بویتنی یهود ونصاری ومجوس وثویه وصائبه  
وطبیعه ووثیه طائفه لرینک ردینی مشتملدر ❖ زیرا یهود ونصاری  
طائفه لری ظاهرده اهل کتاب اولوب لکن مال مذهبلری شرکدر  
نته که ❖ وقالوا کونوا هودا اونصاری تهتدوا قل بل ملة ابراهیم  
حنیفا وماکان من المشرکین ❖ کریمه سنده نصریحیدن ابلاغ  
اولان تعریض عنوانیله طائفتین مر سومتبتک شرکری تقریر  
بیورلدی ❖ ومجوس طائفه سی ابکی اصل اثبات ایدوب ❖ برینه  
یزدان ❖ ودیکرینه اهرمن اطلاق ایدوب یزدان قدیم ❖ واهرم  
حادثدر دیرلر ❖ ثویه طائفه سی نور وظلمتک اصل ازلی ❖ وقدم  
وخالق اولسنه ذاهبلردر ❖ وثیه طائفه سی عبده اوئاندر کمی  
آتشه وکیمی صورته وسائر اختیار ابتدکلی اشباهه پرسش ایدرلر  
صائبه طائفه سی الوهیتی کواکه اسناد ایدرلر ❖ طبیعه فرقه سی  
طبایع وامزجه به عز وایدرلر ❖ مجموعی باطلدر ❖ لا اله الا الله

وحده لاشریک له ❖ خلاصه حق تعالی ذات وصفاتنده واحد  
وملک وقدرتنده ❖ وجلال وعظمتنده متفرددر ❖ انفاذ اوامر  
واحکامنده معین وناصره محتاج دکدر ❖ بلکه جمله مخلوقات  
جمع ازمنه وامکنه ده کندوسنه مقتدر ومحتاجلردر ❖ احتیاج  
لا محاله بحجز علامتدر ❖ حضرت حق سبحانه وتعالی قادر  
وغنی وقبومدر

❖ بَیَّتُ الْخَلْقَ قَهْرًا ثُمَّ یُحْیِی ❖ فِیْجَزِیْهِمْ عَلٰی وَفْقِ الْخِصَالِ ❖

بیت کلمه سی اماته دن فعل مستقبلدر ❖ فاعلی مستتر ضمیردر  
الخلق مفعولدر ❖ مخلوق معناسنه در ❖ حرف تعریف استغراق  
جنس ایچونددر ❖ قهرا تمیزیت اوزره منصوبدر ❖ یاخود مفعول  
مطلقدر ❖ قعدت جلوسا قیلنددر ❖ یاخود بقهر قهرا تقدیریه  
یاخود حالدر قاهرا تأویلیله ❖ ثم حرف عطفدر ❖ تراخی بی  
مفیددر ❖ یحیی احیادن فعل مستقبلدر ❖ علی وفق یجزی به  
منعلقدر ❖ خصال جمع خصلتدر ❖ مفهوم بیت بودر که  
حضرت حق قادر بیچون جل شانه مجموع خلایق علی سبیل القهر  
والغلبه افنا واعدام ایدوب بعده جمله سنی احیا ❖ وعرصه قیامتده  
اعماللری موافق جزا ایدر ❖ اعماللری خیرایسه خیر ❖ وشرایسه  
شرایله جزا ایدر ❖ معلوم اوله که ❖ ناظمک بویتنی برقاج مسائل  
مهمه اعتقادیه بی مشتملدر ❖ اعاده معدوم ❖ وحشر اجساد  
وجزای اعمال کبی ❖ مقدمه ونیره سی اوزره ابتدا فی الجملة روح  
ماده سندن بحثه محتاجدر ❖ کرچه حق تعالی جل وعلا حقیقتی  
سزایلدی ❖ لکن محاله تعلیق اولنما مغله بعض اصحاب تحقیق  
فی الجملة علی سبیل الرسم بیاننه تصدی ایلدیلر ❖ تفصیلی مصنف  
مرحومک منظومه روحیه ابن سینا شرحنده ❖ وسبیوطی



مرحومك رساله مخصوصه سنده مسطور در ❦ خفی اولیه که  
 اهل تحقیق روحی ایکی به تقسیم ایدرلر ❦ روح حیوانی ❦  
 و روح انسانی در ❦ روح حیوانی بر جسم لطیف در که ❦ منبعی  
 قلب جسمانیك تجویفیدر ❦ عروق ضواری واسطه سبله  
 سائر اجزای بدن سرایت ایدر ❦ روح انسانی بر لطیفه غیبیه  
 الهیه در که ❦ عالم امر دن نوع انسانه ایداع اولمشدر ❦ عالمه  
 و مدر که در ❦ روح حیوانی اوزره راکبه در ❦ ادراک حقیقتدن  
 عقول بشریه عاجز و قاصر در ❦ امام غزالیك ملخص مقالی  
 بودر که ❦ روح صویك انایه سریانی کبی حلول ایدر ❦ جسم  
 دکدر ❦ و علمك عالمه حلولی کبی دکدر ❦ و قلب و دماغه حلول  
 ایدر ❦ عرض دکدر ❦ بلکه جوهر علویدر ❦ نفسنی و خالقنی  
 و معقولاتی ادراک ایدر ❦ شاننده ❦ قل الروح من امر ربی ❦  
 وارد اولمشدر ❦ یعنی امر ایله موجود اولمشدر ❦ عالم امر دندر  
 امر غیر مادیاتده مستعملدر ❦ خلق مادیاتده مستعملدر ❦ پس روح  
 غیر مادی اولمغله لطیف نورانی و انحلاله غیر قابل و لطافتدن  
 ناشی اعضایه ساری اولور ❦ و حضرت حق سبحانه و تعالی روح  
 حیوانیه بینلرین تألیف ایلدی ❦ روح انسانی زوج ❦ و روح  
 حیوانی زوجه منزله قیلغله بر برینه متعاشق اولدیلر ❦ مادام  
 بدنده اولوب فیضان تعلقی در کار اولدقجه بدن حی و یقظان اولور  
 و لا بالکلیه یعنی هنوز تعلقی باقی اوله رق مفارق اولورسه بدن  
 نائم اولور ❦ و بالکلیه مفارق اولورسه بدن میت اولور ❦ ابتدا  
 استعداد نطفه ده نفس رحمانیه نفخ اولور ❦ بعده حلول اجل  
 موعود ایله انتزاع اولور ❦ اکثر محققینه کوره قبرده فیضان پرتو  
 آفتاب کبی ابدانه فائض اولوب بعد السؤال و الجواب ❦ بر موجب  
 احادیث شریفه محللرینه راجع و حین نشرده یننه بالکلیه بدنه

متعلق اولوب اکمال امر جزا دن صکره هر کس مقام مأمور لرینه  
 متوجه اولورلر ❦ و حق سبحانه و تعالی ید قدرتیله خلق ایلدیکی  
 نفوس ایچون عالم حیاتده آجال معلومه تقدیر و تعیین ایشدر ❦  
 مدت تعبش و بقالری منقضى اولدقده ❦ فاذا جاء اجلهم  
 لایستأخرون ساعة ولا یستقدمون ❦ کریمه سی منظوقی اوزره  
 حضرت باری عزشانه ایداع ایلدیکی امانت حیاتی استرداد ایدر  
 کذلک جمله عالم مخلوقات ایچون مدت استقرار تعیین ایشدر  
 حلول زماننده جمله سنی قهر و اعدام ایدر ❦ لمن المالك اليوم ❦  
 کریمه سی اوزره ذات احدیتدن غیری فرد واحد قالماز ❦ قرق  
 کون مقدارندن صکره نفخه ثانیه ایله جمله سنی احیا ❦ و مقتضای  
 اعماللری اوزره مجازاتلرین اجرا ایدر ❦ اهل اسلام اعتقادی  
 بودر ❦ الله الذی خلقکم ثم رزقکم ثم یمیتکم ثم یحییکم ثم الیه  
 ترجعون (و) الله الذی لا اله الا هو لیجمعنکم الی یوم القیمه لاریب فیه  
 و ❦ ان الله یمیت من فی القبور ❦ نصوص شریفه سبله ثابتدر ❦  
 فلاسفه دن طبیعیون حشری انکار ایدرلر ❦ زعملری بودر که  
 انسان اشبه هیکل مخصوصدن عبارت اولمغله موتله فانی اولدقده  
 اعاده سی ممتعدر ❦ زیرا اعاده معدوم ممتعدر دیرلر ❦ الهیون  
 فلاسفه معاد روحانی یه قائل اولوب معاد جسمانی بی اعاده  
 معدومك امتناعنه مبنی انکار ایدرلر ❦ حق اولان معاد جسمانی  
 و روحانیدر ❦ طائفه مرسومه نك احتجاجلری بودر که ❦ بعینه  
 معدومك اعاده سنی جائزدر ❦ و وقوعی مفروض اولسه انك  
 مثلی ایجاد مستأنفده جائز اولور ❦ اول مستأنفکده معاد مزبور ایله  
 وجودی فرض اولنسه بدون التمايز اثنبیت لازم کلور ❦ بوایسسه  
 بالبداهه باطلدر ❦ کذلک بعینه یعنی جمله عوارض مشخصه سبله  
 معدومی اعاده جائز اولسه وقت دخی جمله عوارضندن اولمغله



معدوم مزبور وقت اولنده اعاده اولمق لازم کله کله \* معاد مبداء  
عینی اولور \* كذلك عود ايله حکم معدومک حال عدمه صحت  
عود ايله اتصافنی اقتضا ایدر \* بوايه بدون التمايز \* متصور اولماز  
معدومات ایچون ايسه \* حال عدمه تمايز یوقدر \* احتجاج اولرینه  
جواب ویریلور که \* امتیاز عوارض مشخصه ايله در \* مثلین  
مبتدأ نیسه اولدیغی کبی \* اگر نماثل شدن من کل الوجوه اتحاد  
مراد اولور ايسه \* اثنیبت ممنوعدر \* بلکه بوصورته تماثل تصور  
اولماز \* واکر عوارض مشخصه اتحاد مراد اولورسه \* ملازمه  
مسلم بطلان لازم ممنوعدر \* زیرا بوصورته اثنیبت اعتباری  
اولمغله تغایر اعتباری کفایت ایدر \* احتجاج ثانیلرینه جواب  
ویریلور که \* زمان دیدیکمز مبداء و معاد دن \* بر شئتک عوارض  
مشخصه سندن دکلدر \* اگر عوارضدن اولیدی \* شخص واحد  
ازمنه نک تعددی حسیله \* اشخاص متعدده اولمق \* اقتضا ایدر  
ایدی بوايه سفسطه ظاهر در \* احتجاج ثالثلرینه جواب ویریلور که  
حال عدملرند ه معدومات عقلده متمایزه در \* نقدر عقلده موجود  
اولماز ايسه ده \* واهل حق طرفدن بعث و جزایه \* بو وجهله  
استدلال اولور که \* معاد فی ذاته مبداء کبی امر ممکندر \* زیرا  
معدوم اولان شیء وجوده قابلدر \* اگر قابل اولسه \* مقدماتی  
موجود اولماز ایدی \* پس لازم باطلدر \* زیرا تقدیر مز شیء  
موجود اولدقن صکره معدوم اولدی \* ملازمه نک بیانی بووجه  
اوزره در که \* اگر معدوم معهود \* وجوده قابل اولسه \* بالذات  
ممتنع اولور \* بالذات ممتنع اولسه \* ابتدا موجود اولماز ایدی \* پس  
ثابت اولدیکه \* وجوده قابل اولسه \* موجود اولماز ایدی \* قابلیت  
ايسه ماهیتدن منفک اولسه \* ممکن ممتنع منقلب اولمق لازم کلور  
لازم ايسه باطلدر \* زیرا لازمک ملزومدن انفکاکنی مستلزم

اولمغله \* دائما وجوده قابلیتی لازم اولور \* پس شیء مرقومک عوده  
قابلیتی ثابتدر \* وفلاسفه دیرلر که \* مثلاً بر انسان بر انسانی اکل  
ايسه \* مأ کول آکلدن جزء اولمق درجه سنده \* ايمدی اجزای  
مزبوره آکل و مأ کولک ایکسند ه اعاده اولمق محالدر \* اگر  
برنده اعاده اولورسه \* آخر بجمع اجزائه معاد اولماز \* زیرا بدن  
آکل و مأ کولک بعضیاری ضایع اولمق درکاردر \* جواب  
ویریلور که \* معاد اولان اول نشئندن الی آخر العمر \* باقی اولان  
اجزای اصلیه در که \* آنده مده العمر تفاوت اولماز \* زیرا عناصر  
اربعة \* وروحدن مأ خود اجزا در \* واجزای مأ کوله آکلده  
فضله در که \* سمن و همزال اکا ترتب ایدر \* واکر اعتراض  
اولورسه که \* بومقاله تناسخی اشعار ایدر \* زیرا معاد اولان  
بدن ثانی \* بدن اول اولماز \* زیرا حدیث شریفده وارد اولمشدر که  
اهل الجنة جرد مرد ) یعنی جنت اهلی بالجملة شعر و لحیه دن  
آزاده در \* وجه تسمیه دیشلری جبل احد مقداری اولور \* جواب  
ویریلور که \* تناسخ ایکی بدنک بحسب ذوات الاجزاء \* مغایرتندن  
عبارتدر \* مانحن فیهده \* تغایر هیئت و ترکیبده حاصلدر \* بر طائفه  
دخی بعث و حشری نفی خصوصنده \* بوکونه بسط هذیان ایلدیلر که  
بعثدن مقصود \* یا مبعوثی ایلام \* یا خود مبعوثدن المی دفع \* و یا خود  
مبعوثی تلذید در \* شقوق ثلثه ده محالدر \* زیرا صورت اولده  
فی نفسه \* تعذیب حیوان بلا فائده در \* بوايه حکمه منافیدر  
صورت ثانیده مقصود اولمق مناسب دکلدر \* زیرا اول ایلام  
ایدوب \* بعده رفع الم ایچون بعث ایتکده دخی فائده یوقدر \*  
رفع الم خصوصنده \* عدمی اوزره ابقا اکا کافیدر \* صورت  
ثالثه که تلذیددر \* فی الحقیقه \* بدنده حاصل اولان المی رفعدر  
مثلاً اکل و شرب \* الم جوع و عطشی رفعدن عبارتدر \* بونلره



جواب ویریلور که ❦ ایلامه مستحق اولانی ایلام حکمت وعدالتدر  
و مستحقینک المنی دفع ایلام عفو و کرمدر ❦ وتلذذ لطف  
وعنایتدر ❦ بوباده اشبو قطعه غرابی امام علی کرم الله وجهه  
حضرتلندن روایت ایدرلر

❦ زعم المنجم والطبيب كلاهما ❦ لن تحشر الاجساد قلت اليكما ❦  
❦ ان صح قولكما فليست بخاسر ❦ ان صح قولي فالحسار عليكما ❦  
طبيبدن مراد طبيعئون ومنجمدن مراد افلا کیوندن ❦ اليكما  
تبعدا عنی معناسنه اسم امر در ❦ وبحسب الاعمال هر کس مظهر  
محازات رب متعال اوله جقلری (یومئذ یصدر الناس اشتاتالیروا  
اعمالهم فمن یعمل مثقال ذرة خیرا یره ومن یعمل مثقال ذرة شریره)  
نص مبینله ❦ وابن عباس رضی الله عنهما حضرتلندن مروی  
الناس مجزیون باعمالهم ان خیرا فخیروان شرافشر ❦ حدیث  
شریفله مثبتدر ❦ دخی بوباده آیات واحادیث کشیدر

❦ لاهل الخیر جنات ونعمی ❦ ❦ ولكفار ادراك النكال ❦

لاهل جار و مجرور مقدم خبردر ❦ جنات مؤخر مبتدا در ❦ نعمی  
ضم میم وقصر ایله نعمت معناسنه در ❦ ننه که بشری ورجعی  
بشارت و رجوع معنارینه در ❦ جنات اوزره معطوفدر ❦  
وللكفار کله سنده و او عاطفه در ❦ كذلك للکفار مقدم خبر  
وادراك النكال مؤخر مبتدا در ❦ ادراك جمع درک در ❦ فمتنبهله  
یاخود سکون ایله ❦ حفرة نیراندن برحفرة ❦ یاخود طبقات ناردن  
برطبقه در ❦ همزه ایله ادراك لغتی کرچه بعض شراح تخطئه  
ایدرلر ❦ لکن موجه دکدر ❦ زیرا ادراك لفظنک جمعی درکات  
ایله مشهوردر ❦ ادراك استعمالی نادردر ❦ نکال عقوبت معناسنه در  
اضافتی لامیه در ❦ مفهوم بیت مصراع ثانی بیت اولی تفصیلدر

حق سبحانه وتعالی اهل خیراتی که ❦ مؤمن مطیعدن عبارتدر  
جنت ونعمتله ایله اثابه وتنعم ❦ وکفاری درکات بحمله تعذیب  
وتنقیم ایدر ❦ معلوم اوله که ❦ حضرت حق جل وعلا (ان الله  
یدخل الذين آمنوا وعملوا الصالحات جنات (و) اعدت للمتقين)  
وسائر نصوص قاطعه دلالتی اوزره مؤمنین قوللری ایچون جنت  
وجنده حور و غلمان ❦ ومالا عین رأت ولا اذن سمعت ❦ انواع  
نعمت اعداد ایدوب (واتقوا النار التي اعدت للكافرين (و) واعدلهم  
سعیرا) ❦ کریمه لری منظوم قبحه کافرین ایچون جهنم واند  
اصناف عذاب ونعمت تهیئه ایلشدر ❦ حالا جنت وجهنم  
مخلوق وموجود لدر ❦ آدم وحواء قصه سی واعدت صیغه لرینک  
ماضوی وجودلرینه دلالت ایدر ❦ قالدیکه ❦ تعیین مکانلری  
باینده نص صریح وارد اولدی ❦ اکثر علماء (عند سدره المنتهی  
عندها جنة المأوی) کریمه سی و ❦ سقف الجنة عرش الرحمن ❦  
وان النار تحت الارضین ❦ حدیث شریفی اوزره جنت سبع  
سمواتک فوقنده ❦ وعرشک تحتده اولدیغنه ذاهب اولدیلر ❦  
معترله طائفه سی حالا مخلوق دکلدرد ❦ بلکه یوم جزاده خلق  
اولورلر دیرلر ❦ دلیللری بودر که ❦ اگر حالا موجود اولسه لر  
یا عالم افلا کده ❦ یاخود عالم عناصرده ❦ ویاخود عالم آخرده  
اولورلر ❦ شقوق ثلثه ده باطلدر ❦ شق اول وثانی قرآن مبینده  
وارد اولدیغی اوزره ❦ جنتک عرضی (کعرض السموات والارض)  
اولغله تداخل اجسامی مستلزم اولغین عالم افلاک وعالم عناصرده  
وجودلری ممنوع اولغین ❦ لامحاله بوعالم ملک انتفالرندن صکره  
متصور اولورلر ❦ وشق ثالث ینلرنده خلا تحقیقی مستلزمدر ❦ زیرا  
فلاک ذاتنده بسیط ❦ وکری الشکلدر ❦ عالم آخر متحقق اولسه  
اولدخی کری اولغله ینلرنده خلا مفروض اولور ❦ کرک مماسین



کړک متباین اولونلر \* خلا ایسه محالدر \* کدک عالم آخردہ  
 اولسه \* لامحالہ اندہ دخی عناصر حاصل اولور \* عناصر حاصل  
 اولجہ البتہ بو عناصرہ مماثل \* وحیرلرینہ مائل \* وحیرلرینہ  
 حرکتی مقتضی اولوب \* واول عالمک حیرلرنده طبعاً ساکن اولور  
 بو صورتده جسم واحد ایچون \* بالطبع ایکی مکان اولق اقتضا  
 ایدر \* بو ایسه محالدر \* یاخود اول عالمک حیرلرنده قسراً دائماً  
 ساکن اولور \* بودخی محالدر \* اکا جواب ویریلور که \* ابتدا  
 تداخل اجسام \* اصول فلاسفہ یه متعلق اولدیغندن بشقہ \* فرجہ  
 مابین جسم \* آخرایله مملو اولق جائز اولغله \* خلا ممنوعدر \*  
 قالدیکہ \* جنت فوق السماء و تحت العرش \* اولجہ عرضی  
 عرض سموات وارضین اولقده قطعاً اشکال یوقدر \* و ذکر  
 اولمان عالمده حاصل اولان عناصرک \* بو عالم عناصرینہ تمام  
 حقیقتده تماثل ممنوعدر \* زیرا صورتده \* یاخود هیولاده اختلافی  
 ممکندر \* هر نقدر صفات ولوازمده مشترک اولورلر ایسه \* و معتزله  
 طائفہ سنک بر دلایلاری بودر که \* افعال الهی حکم و مصالحدن  
 خالی اولماز \* جنت و جهنمک خلقی \* ثواب و عقاب حکمتنه مبنیدر  
 ثواب و عقاب ایسه \* یوم قیامتدن اول واقع دکلدر \* بو وجهله  
 قبل یوم القیمہ \* خلقلرنده فائده مترتب دکلدر \* بو که جواب  
 ویریلور که \* ابتدا حضرت باری یه رعایت حکم و مصالح \* واجب  
 دکلدر \* بعد الذلیم \* فائده نک مجازاتده انحصاری ممنوعدر  
 ولوسلم یوم قیامتدن مقدم \* عدم وقوعی ممنوعدر \* زیرا حدیث  
 شریفده وارد اولدیکه \* قبرده مؤمن ایچون جنتہ \* و کافر ایچون  
 جهنمہ \* برر قیو کشاد اولوب \* مؤمنه روح جنت \* و کافره کریمه  
 جهنم حاصل اولور \* و حالاً جنت و جهنمک مخلوق اولوب  
 و علم الہده اولان مکانده اولملری \* عظمت شان الوہیتہ دال

اولق نمایاندر

وَلَا يَفْنَى الْجَحِيمُ وَلَا الْجَنَانُ وَمَا أَهْلُوهُمَا أَهْلُ انْتِقَالٍ

بعض نسخہ ده بو محلدہ \* واللجنات والنيران کون \* علیہا امر  
 احوال خوال \* بیتی ثبت اولمشدر \* لکن اکثر نسخده اولمادغله  
 اکثره اتباع اولندی \* ترکیبی واللجنات ظرف مستقر مقدم خبردر  
 کون مؤخر مبتدا در \* وجود فی الحال معناسنه در \* علیہا  
 ضمیری مذکور یه کل منہمایه راجعدر \* مر مر وردن فعل ماضیدر  
 احوال جمع حالدر فاعلیدر \* خوال جمع خالیه در صفتدر \*  
 یاخود مر کلمه سی مصدر \* احوال مضاف الیهیدر \* بر نسخہ ده  
 مر بدلی جری کلمه سی \* و خوال اہمال نقطہ ایله مشہود  
 اولمشدر \* بو که کوره حوالی جمع خالیه اولور \* مزینہ معناسنه  
 بو صورتده بالکزن جنانہ صفت اولور \* نته که (الذین یکبتزون  
 الذهب والفضة ولا ینفقونها فی سبیل اللہ) کریمہ سنده بعض  
 مفسرین ضمیری بالکزن فضہ یه ارجاع ایدرلر \* مفہوم بیت  
 بودر که \* جنات و نیران الان موجود لردر \* واوزرلرندن احوال  
 خالیات مرور ایتکده در \* تفصیلی ولا یفنی بیتندن مقدمجہ  
 گذران ایلدی \* ولا یفنی بیتنده لانا فیہ در \* یفنی دردنجی بابدن  
 فعل مستقبلدر \* الجحیم فاعلیدر \* ولا الجنان معطوفدر \* جنان  
 کسر جمیلہ جنتک جمعیدر \* وما اهلوهما کلمه سنده ما لبس  
 معناسنه در \* اهلون جمع اهلدر \* هما کلمه سنہ اضافت سببیلہ  
 نون ساقط اولدی \* ما کلمه سنک اسمیدر \* اهل انتقال خبر  
 منصوبیدر \* انتقال مضاف الیهیدر \* وصل ایله قرائی لازمدر  
 مفہوم بیت بودر که \* جنت و جهنم واهالی وسکانلری فناپذیر  
 اولماز \* و محال اخرا یه انتقال ایتزلر \* وصف خلود و تأبید ایله



متصف لر در \* معلوم اوله که \* فضل وعدل الهیله اهل سعادت  
جنته \* واهل شقاوت جهنمه داخل اولدقدن صکره \* کړک  
جنت \* وکړک جهنم \* وایکېسنگ اهل وسکانلری فانی ومضمحل  
وآخر محلالره منتقل اولماز \* نه که ( ان الذین آمنوا وعملوا  
الصالحات کانت لهم جنات الفردوس نزلا خالدين فیها لا یغفون  
عنہا حولا ) ای لا یطلبون تحویلا عن الجنة و ( ان الذین کفروا  
من اهل الکتاب والمشرکین فی نار جهنم خالدين فیها ) کریمه لریله  
( واذا دخل اهل الجنة الجنة واهل النار النار نادى مناد بین الجنة  
والنار یا اهل الجنة خلود لاموت ویا اهل النار خلود لاموت )  
حدیث مشهور لریله منصوصدر \* اهل جهنمندن مراد کافر در  
زیرا مؤمن عاصی عاقبت منتقل اولور \* وسکانلرینگ تنصیص  
خلودی جنت وجهنمک دخی خلود لرینه تنصیصدر \* جهنمه  
طائفه سی فناپذیر اولملرینه ذاهبلردر \* استدلاللری بودر که \*  
فناپذیر اولسه لر بقاء حالنده ذات الهیله مشارکت اقتضا ایدر  
بوایسه باطلدر \* جواب ویریلور که \* حضرت باری واجب  
البقاء \* وجنت وجهنم واهالبسی جائز البقادر \* وذات الهینک  
بقاسی بذاته \* وبونلرک بقالری ابقای الهیله در \* قالدیکه \*  
اطفال مؤمنین اهل جنتدر \* وآباء وامهاتنه شفاعت ایده جکلردر  
نته که ( ان السقط لیقع محنطئا علی باب الجنة ویقول لا ادخل  
الامع ابوی ) حدیث شریفی اکا دالدر \* واطفال کفار حقنده  
اختلاف ایلدیلر \* بعضیلر ( رفع القلم عن ثلثة عن النائم حتی  
ینتبه وعن المجنون حتی یفیک وعن الصبی حتی یمتلم ) حدیثیه  
و ( اطفال المشرکین خدام اهل الجنة وکل مولود یولد علی فطرة  
الاسلام ثم یهودانه وینصرانه ویمجانه ) حدیثلریله استدلال ایلدیلر  
وبعضیلر \* ولایلدوا فاجرا کفارا \* آیت کریمه سیله \* وحضرت

خدیجه دن رضی الله عنہا مروی اولان ( سئلت النبی علیه  
الصلوة والسلام عن اطفالها الذین ماتوا فی الجاهلیة فقال هم  
فی النار ) حدیثیه احتجاج ایلدیلر \* وبعضیلر دیدیلر که \* بلوغی  
تقدیرنده ایمان وطاعتی معلوم الهی اولان اطفال جنته \* وکفر  
وعصیان معلوم اولان جهنمه داخل اولور \* امام نووی صحیح  
مسلم شرحنده \* اطفال مشرکین جنته داخل اولور دیو \* تصریح  
ایتمشدر \* شیخ لقانی علیه الرحمه \* تعذیبه اطفال مشرکین  
داخل دکلدردیدی \* قاضی عیاض وقرطبی دخی بوقولی  
تصحیح ایلدیلر \* زیرا تعذیب \* تکلیف وبعث رسول فرعیدر  
دیدیلر \* وبوقوله امام بخاری دخی مائلدر \* معترله عندنده  
معذب اولمازلر \* بلکه حدیث شریف مقتضاسی اهل جنتک  
خدامیدر \* وبی جرم اولانی تعذیب ظلمدر دیدیلر \* خلاصه  
بومسئله ده اون وجه اوزره اختلاف اولندی \* بناء علیه امام  
اعظم رحمه الله توقف ایلدیلر \* لکن غالب اولان جنته داخل  
اولملریدر \* وحضرت خدیجه نک حدیثی اطفال کفارک جنته  
داخل اوله جقلرینه هنوز علم نبوی شامل اولمامغه حل اولنمق  
دائرة امکانه قریبدر

یراه المؤمنون بغير کیف وادراک وضرب من مثال

یراه ضمیری \* رب العزته راجعدر \* المؤمنون \* فاعلیدر بغير کیف  
جار و مجرور مفعولدن حالدر \* وادراک وضرب معطوفلردر  
کیف لفظی کیفیت دیمکدر \* کیف هو \* وکیف لونه \* وکیف  
شکله وطوله \* مقاله سندن یاخود عین رائیدن خارج شعاع بصرینک  
مرئی به اتصالی \* یاخود مرئی ایله رائی ینلرنده مسافه \* وجهت  
ومکان ومواجهه وصورت مرئینک مرأت عین رائیده ارتسامندن



عبارت در \* ادراك مرئی بی احاطه \* وجوانب وحد و دینه و قوف  
تخصیص یلدر \* و ضرب نوع معناسنه در \* مفهوم بیت بود که  
حضرت حق جل و علا \* جنده مؤمنین مکر مینه عرض لطف  
دیدار ایدوب \* مؤمنین دخی کیفسز \* و کنه و حقیقتنه ادرا کسر  
و صور مخلوقه دن \* بر صورت مشابیه سز \* جال شریف لریله  
شرفیاب اوله جقلدر

\* جنت ایتش طوبه لم اجد جهان ملکن بهار \*

\* هی معاذ الله جهنم در بکا دیدار سز \*

معلوم اوله که \* رؤیه لله مسئله سی \* اعظم مسائل اعتقادیه دندر  
اقرار ایدنر اول سعاده مظهر \* وانکار ایدنر \* حرمانه مکدر  
اوله جقلدر \* شرح مواقفه مسطور در که \* ائمه اهل سنت  
اتفاق ایتدیلر که \* دنیا و آخرتده رؤیت الهی عقلا جائزدر  
دنیاده رؤیتک جوازنده اختلاف ایلدیلر \* اکثری قائلدر  
کذلك منامده رؤیتده بعضیلر قائل \* و بعضیلر منکر اولدیلر  
لکن حق اولان جائزدر \* حتی شاه شجاع کرمانی \* و قرای  
سبعه دن حزه \* و بعض مشایخ سلف \* اول شرفله مشرف  
اولدقلری مشهوردر \* و رؤیت منافی مشاهده قلبیه اولمانغله  
تبعید اولنماز \* امام بیضاوی علیه الرحمه \* دخی دنیاده رؤیتک  
وقوعنه ذاهبدر \* حتی سورة بقره ده \* واذ قلتم یا موسی  
لن نؤمن لك \* آیت کریمه سنک تفسیری خلانده \* بل الممكن  
ان یری رؤیه منزّهة عن کیف وذلک للمؤمنین فی الآخرة والافراد  
من الانبیاء فی بعض الاحوال فی الدنیا عبارتیه اقرار ایلدی  
جمله معترضه اولمق اوزره بر مجلسده \* علمای اعلامدن برقاج  
ذوات کرام \* بیضاوی مرحومک ذکر اولنان والافراد  
من الانبیاء \* قولنده اسنشکال ایلدیلر \* یعنی مظهر رؤیت

اولان پیغمبرلر دن مراد کپلدر \* بعض مرتبه ینلرنده محاوره  
کذرا نند نصکره \* بو حقیر بی بضاعت \* مراد شاه مسند  
ختمیت \* علیه الصلوة والسلام اولوب \* تعظیبه بناء جمع عنوانیه  
ایراد اولندی دیدیکمده \* نوع اسنصغار ایله قبول ایلدیلر \* نه که  
عصر من علماسنک حالری بودر \* بعده اطمینان دیهرک بعض  
حاشیه استحضار ایلرلیله \* بحمده تعالی ینانمزه موافق ظهور  
ایلدی \* بو معامله بعد المجامله مشهوردن اولیحق ترا کنله  
کندیلره سؤال ایلدمکه \* اصل شبهه قویه بودر که \* بیضاوی  
مرحوم فی ذاته کامل اولغله \* روحسز کلمه ایراد ایلز \* پس  
والافراد عنوانیه ذکر ایدوب \* وفرد من الانبیاء \* وبعض من الانبیاء  
عبارتی کبی \* سائر عبارته ایله تعبیر ایلوب \* اشبو افراد  
ماده سنه تخصیصک نکته سی ندر \* دیدیکمزه بالجمله تلثم ایدوب  
عاقبت سکوت ایلدیلر \* بعد الاسئذان \* بو گونه توجیهه اجنصار  
ایلدمکه بیضاوی مرحوم صوفیه دن اولغله \* افراد تعبیری  
صوفیه تعبیر اتندن \* حضرت رسول الله مخصوص وصفدر  
نه که \* فصوصده شیخ اکبر قدس سره \* کلمه فردیه فی فص  
محمديه \* عبارته سبیله ایراد ایلدی \* وینه صوفیه حضرت  
رسول الله اوج فردیتی حاوی اولغله \* تعبیرا تلرنده همیشه افراد  
اطلاق ایدرلر \* داود قیصری علیه الرحمه \* مقام مزبور شرحنده  
تفصیل ایتشدر \* رجعنا الی ما کنا \* خفی اولیه که \* اهل سنت  
وجماعت مذهبیلری بودر که \* حق سبحانه و تعالی مؤمنینه اخرتده  
بلا کیف مرئی اولمق عقلا صحیحدر \* معتزله وفلاسفه و خوارج  
وزیدییه طائفه لری \* نفس رؤیتده و مشبهه و کرامیه \* لواحق  
رؤیتده مخالف ایتدیلر \* زیرا مشبهه و کرامیه \* حاشا جهت  
وامکان و صورت اسناد ایدرلر \* بناء علیه رؤیتی تجویز ایدرلر



اما معتزله انكار ايدرل \* تمسكلى \* لا تدركه الابصار وهو يدرك  
 الابصار \* كريمه سنه در \* بو آيت كريمه به \* ايكي وجهه  
 متمسكدر \* وجه اول بصرايله ادراك رؤيته مترادفدر \* يا خود  
 احدهما بي اثبات و اخري نفى ايلك صحيح اولماز حيثيتيله متلازلدر  
 ابصار لفظي ايسه \* جمع محلي باللام وارد اولدى \* حسب الاصول  
 صيغه عمومدر \* بو جهتيله آيت مرقومه دن مستفاد اولديكه  
 حق تعالى بي فرد افريده كوره من \* وجه ثاني كريمه مرقومه  
 حسب المقام عدم مريتيله تمدح ايچون مسوق اولمغله \* وجود  
 و رؤيت نقص اولور \* نقصدن تنزيه ايسه واجبدر \* انلره جواب  
 و يريلور كه \* بصرايله ادراك رؤيته مترادف و متلازم اولملى  
 ممنوعدر \* بلكه رؤيتدن اخصدر \* زيرا ادراك مريتلك عييده  
 ارتسامى و شعاع بصرينك عييدن خروج و مريت به اتصاليله  
 مشروطدر \* اكا مبنى رآيته وما ادركته ببصرى ديتك صحيحدر  
 پس ادراكي نفيدن رؤيتك نفى لازم كلز \* كذلك جائزدر كه منفي  
 اولان ابصارك اشبو عالم دنيا ده متصف اولديغىمز قوتله ادراكيدر  
 بلكه اكا حلي ظاهر و متبادر در \* زيرا كلامى واقع متعارفه حل  
 ايلك آتى به جلدن اولى و انسيدر \* كذلك لا تدركه الابصار  
 قضيه سى سلب عمومى مفيد در \* عموم سلبى مفيد دكلدر \* زيرا  
 يدركه الابصار قضيه سى عمومى مفيد اولمغله \* سلبى سلب عموم  
 اولور \* بو صورتده رفع ايجاب كللى اولمغله \* سلب جزئى قوه سنده  
 اولور \* يعنى بعضلر ادراك ايلز ديمك اولور \* كذلك رؤيت  
 ممتنع اولسه نفى تمدحى مستوجب اولماز \* زيرا تمدح قابل الرؤيه  
 اولوب \* حجاب كبريايله متمتع و متعز زاولديغنه مبنى \* مريت اولما مقدر  
 اهل سنت رؤيتك جوازينى \* دلائل نقليه و عقليه ايله اثبات ايتديلر  
 دلائل نقليه بوكابده سرد ايلديكمز بش دليلدر \* اول \* وجوه

يومئذ ناضرة الى ربها ناظرة \* آيت كريمه سيدر زيرا نظر  
 اكر رؤيتدن عبارتدر دينور سه مطلوب حاصل اولور \* واكر  
 مريت جانبنه رؤيت ايچون تقليب حقه دن عبارتدر دينور سه  
 رآى ايله خداى متعال ميانده مقابله محال اولمغله \* مسببى اولان  
 رؤيته حل اولور \* زيرا سببى ذكر ايدوب مسببى اراده ايلك  
 احسن وجوه مجازيه دندر \* قالديكه الى ربها كلمه سننده الى  
 لفظي نعمت معناسنه اولان آلاء كلمه سنك مفردى اولمغله \* ناظرة  
 كلمه سى منتظرة معناسنه اولمغله حل ايلك صحيح دكلدر \* نته كه  
 معتزله اكا حل ايتديلر \* زيرا نظري مورت غم واضطراب  
 اولان انتظاره حل ايتك قطعى قبيحدر \* نته كه \* الانتظار اشد  
 من النار و الانتظار موت احرديرلر \* حال بوكه آيت مرقومه  
 دار سرورده معدومها اولان \* نعم و الطاف عليه بي بيان ايچون  
 مسوقدر \* اكر سؤال اولنور سه كه \* آيت مرقومه سياق و سباق  
 قرينه سيله حالت نظر اهل جنت و جهنمك جنت و جهنمده  
 استقرارلرندن مقدم اولمغله دلالت ايدر \* زيرا سباق كه \* وجوه  
 يومئذ ناظرة \* كريمه سيدر سياق كه \* وجوه يومئذ باسرة  
 تظن ان يفعل بها فاقرة \* آيت كريمه سيدر مفهوملى  
 قبل الاستقرار اولمغله \* انتظار نعمت بعد البشارة \* و انتظار عذاب  
 بعد الانذار اولمغله \* بعد البشارة انتظار نعمت نصارت وجهى  
 مستتب سرور \* و بعد الانذار انتظار نعمت شدت عباس و وجهى  
 مستعقب غم و كدر اولديغى ظاهر در \* اكا جواب و يريلور كه  
 بو سؤال وصول نعمت و عذابك تيقنه مبندر \* تا كه انتظار  
 نعم سرورى \* و انتظار نعم عمومى مستتب اوله \* تظن انها قول  
 شريفى ايسه بونى آبي اولمغله اخبار اولنان حالت حال استقرارده در  
 وطن فعل شبيها فشبها كوره جكلرى عقوبات متنوعه به



نسبتله در \* یاخود دوامنه نسبتله در \* و بوجل مقتضای مقام  
اولان وعیدده ابلقدر \* كذلك بزم تاویلن \* اظهر واقربدر  
اظهرتی بودر که \* نظری اطلاق ایدوب \* رؤیتی مراد ایلک کثیر  
شایعدر \* خصوصا وجه و جماله مضاف اولدقده \* واذهانه  
متبادر اولان الی کلمه سی \* حرف جر عدادندن اولان الی اولقدر  
نظر لفظی دخی انی مؤیددر \* زیرا اکثری نظر ماده سی \* الی ابله  
متعدی اولور \* آلاء مفردی اولان الیه تبادر غریبدر \* تنه که  
رب کلمه سندن وحاشا وعلی کلمه لزدن متبادر اولان \* حرف جر  
اولاندر \* یوقسه فعل ماضی اولانی بعیددر \* و تاویلن اقریبتی  
بودر که \* رؤیت نظره انتظاردن اقریدر \* و جل اقرب احسن  
وانسبدر ثانی (سترون ربکم یوم القیمه کما ترون القمر لیله البدر  
لاتضامون فی رؤیته) حدیث شریفدر \* ای کما لا تشکون  
فی رؤیه القمر لیله البدر لا تشکون فی رؤیه تعالی عیا نافی الاخره  
اشبو حدیث شریفی \* بکار صحابه وائمه دن \* یکریمی بر نفر ذوات  
کرام روایت ایلکله \* مشهوردر \* حدیث مشهوری انکار  
ایدن مبتدعهدر \* ثالثا حضرت موسی علی نبینا وعلیه السلام  
رب العزتدن \* رب ارنی انظر الیک \* مصدوقی اوزره رؤیت  
نیاز ایلدی \* اگر حق سبحانه وتعالی انک رؤیتی ممتنع اولدیغنه  
عالم دکل ایسه \* حضرت موسی صفات الهیه دن برصفته عالم  
اولماقی اقتضا ایدر \* بوا یسه باطلدر \* خصوصا معتزله عندنده  
واکر ممتنع الرؤیه اولدیغنی بلدیکی حالده \* نیاز ایلد یسه \* عا بث  
بالله اولقی اقتضا ایدر \* بودخی باطلدر \* اگر بودلیله اعتراض  
اولنورسه که \* حضرت موسی رؤیتک امتناعنی ییلور \* لکن نیازی  
قومی دخی بیلک ایچون ایدی \* حتی قومی \* لن نؤمن لک حتی  
نری الله جهره دیمشلا ایدی \* بوصورتله جواز رؤیته دلیل

اولماز اکا جواب ویریلور که \* قوم حضرت موسی اکر مؤمنلرایسه  
حضرت موسی انک رؤیت الهی ممتنع دیو اخباری \* کفایت ایدر  
اگر کافرلرایسه \* احکام الهیه تصدیق ایلزلر \* حالبوکه \* من غیر  
دلیل نصک ظاهرندن عدولدر \* زیرانص مبین \* قال رب ارنی  
عنوانیله وارد اولدی \* ارحم ینظر و الیک \* عنواننده وارد اولدی  
وجوابنده حق تعالی \* لن ترانی بیوردی \* لن یرونی بیورمدی  
رابعا \* حضرت باری عزشانه \* فانظر الی الجبل فان استقر  
مکانه فسوف ترانی \* منطوقی اوزره \* رؤیتی جبلك استقرارینه  
تعلیق ایلدی \* استقراری ایسه ممکندر \* زیرا جسمدر \* وهر جسم  
ممکن الاستقرار اولغله \* ممکنه تعلیق امکان رؤیته دلالت ایدر \* اگر  
سؤال اولنورسه که \* معلق علیه \* یعنی استقرار جبل ممکن دکلدر  
زیرا تعلیق اولنان \* تجلی حالنده استقراردر \* علی الاطلاق دکلدر  
اگر علی الاطلاق اولسه \* رؤیت حاصل اولور ایدی \* رؤیت  
ایسه بالاتفاق منفیدر \* پس بوجهله آیت کریمه نک معناسی  
جبل رؤیته طاقت کتوروب \* حال تجلیده مکاننده استقراره  
مقدرا یسه \* یاموسی سنده طاقت کتور رسن دیمک اولور \* جبل  
ایسه اول حالده \* فلما تجلی ربه للجبل جعله دکا \* منطوقجه متحرک  
اولدی \* اکا جواب ویریلور که \* مقدمات مسروده نک تسلیمی  
تقدیری اوزره \* جبلك حال تحرکده استقراری ممکندر \* حق تعالی  
حرکت بدلی سکون خلق ایدر \* ممتنع اولان انجق حرکت و سکونک  
اجتماعیدر \* بوجه اوزره ده سرد جواب اولنور که \* جبله نظرایله  
امر خالی دکل \* یا حرکت یاخود استقرار حالنده اولور \* صورت  
اول اولور ایسه \* استقرار ان کلمه سیله معلق اولان مستقبله  
نظر دن صکره واقع اولور \* بوا یسه بالضروره ممکندر \* واکر  
صورت ثانی اولورسه \* معلق به دوام استقرار اولغله \* بودخی



ممکن در خامسا \* فلما تجلی ربه للجبل \* منظوقی اوزره جبله تجلی  
الهی واقع اولدی \* شیخ ابو منصور ماتریدی تحقیقی اوزره  
تجلی مر قوم \* جبلده حیات و علم و رؤیت خلقندن عبارتدر حنی  
جبل متأثر اولغله مندی اولدی \* بوجهته تجلی جواز رؤیت  
دلالت ایتشددر \* ومعتزله طائفه سنک انکار رؤیتده بردلباری  
دخی بودر که \* لن ترانی باموسی \* آیت کریمه سنده لن کلمه سی  
تأیید ایچونددر \* حضرت موسی ابدی کور میچک \* غیری دخی کورمز  
زیرا فصله قائل یوقدر \* اکا جواب ویریلور که \* بحمز رؤیتک  
جوازنده در \* ایت مر قومه ایسه \* جوازک نفینه دال اولیوب \* وجودک  
نفینه دال اولدیغنده اشنابه یوقدر \* انی لست بمربی \* یاخود لایحوز  
رؤیتی عنواننده وارد اولسیدی \* جوازک نفینه استدلال اولنور  
ایدی \* کذلک لن کلمه سنک تأییده دلالتی مسلم دکدر \* بلکه نفی  
تأکید ایچونددر \* نته که \* مریم رضی الله عنہا دن حکایه قرآن  
کریمده \* فلن اکلم الیوم انسیا \* آیت کریمه سنده وارد اولشددر  
بعنی لن کلمه سی یومه مقارن اولشددر \* تأیید ایله توقیت بیننده  
تنافی واقعدر \* وتأیید ایچون اولدیغی مسلم اولسون \* لکن تأیید  
ایلده مدت دوام دنیا اراده سی جائزدر \* نته که \* ولن یتنوه ایدا  
بما قدمت ایدیهم \* آیت کریمه سنده وارد اولشددر \* یعنی حق تعالی  
خبر و یردیکه \* کفار ابدی موتی تمنی ایلزلر \* بعده \* ونادوا یا مالک  
لیقض علینا ربک \* آیتله آخرنده موتی تمنی ایلله جککرینی اخبار  
ایلدی \* بوجهته جائزدر که \* نفی رؤیت دنیایه متعلق اولوب  
آخرته ملازق اولیه \* وموسی علیه السلام دنیاده نیاز ایتمکله  
نفی دخی دنیایه متصرف اولق ظاهردر \* دلیل عقلی بودر که  
رؤیت فعلی \* لامحاله جسم و جوهر و عرضیه متعلق اولغله \* اشیای  
مر قومهک رؤیتی بینلرنده حکم مشترک اولور \* پس حکم مشترک

ایچون علت مشترک که نک وجودی لازمدر \* اول علت مشترک که به  
وجود یا حدوث یاخود امکان اولور \* حدوث وجود لاحق  
وعدم سابقدن عبارت اولغله \* درجه علیتدن ساقطدر \* عدم  
ایسه \* نه علت و نه شطر علت اولور \* کذلک امکانده اعدای اولغله  
علیتدن ساقطدر \* پس علت مشترک که وجود اولدیغی ثابت  
اولدی \* حضرت حق موجود اولغله \* رؤیتی جائزدر \* لکن  
بواستدلالده اماره ضعف اولغله \* خصما طرفندن بوجه اوزره  
اعتراض وارد اولور که \* ابتدا مرئی جسم \* و جوهر اولدیغی  
ممنوعدر \* بلکه اضواء والوان وسطوح کبی اعراضدر \* ولوسلم  
حکم مشترکی \* علت مشترک که ایله تعلیل ممنوعدر \* مشهود  
و محسوسدر که \* حرارت نار ایلله ضیای شمس بیننده مشترکدر  
حالبو که \* ناردی علیت طبیعت ناریه \* و شمسده علت طبیعت ضیادر  
بوننده تسلیم ایده لم \* لکن بومذ کورده انحصاری ممنوعدر \* زیرا  
حصول فی الجمله \* کبی مذکور دن خارج شیء اخرده بولمق  
جائزدر \* کذلک سزک عند کزده هر شئک وجودی \* حقیقک  
عینیدر \* بو صورته اشیای مذکورده بینلرنده \* مشترک اولق  
احتمالدن بعیددر \* بوننده تسلیم ایده لم \* لکن عدمینک علیتیه صالح  
اولماسی مسلم دکدر \* واقعا \* اگر معلل اولسیدی صالح اولمازایدی  
ماده ایسه وجودی دکدر \* زیرا معلل رؤیتک جوازیدر \* جواز  
امکان معناسنه اولغله \* عدمیدر \* کذلک دلیلکزوجه آتی اوزره  
منقوضدر \* زیرا ملموسیت \* و مخلوقیت \* و کون فی الجمله \* وسائر  
اوصافک صحتی \* اعراض و جواهر و اجسام بینلرنده مشترکدر  
حکم مشترک ایچون ایسه \* علت مشترک که لازمدر \* اول علت مشترک که  
یا امکان \* یاخود حدوث \* یاخود وجود اولور \* امکان و حدوث  
ذکر ایلدیگکز کبی \* درجه علیتدن ساقط اولغله \* وجود متعین



اولدی ❖ الله ذوالجلال موجود اولغله ❖ بمحالات ذات اقدسه توارد  
ایلمک صحیح اولور ❖ تعالی الله عن ذلك ❖ بعض محققین بوکونه  
استدلال ایلدیلرکه ❖ حضرت حق سبحانه و تعالی عین ذاتی  
ادراک ایدر ❖ ورؤیت حواس باقیه ایله ادراک اولنمیان شیء ادراک  
اولغله ❖ ذات الهی ❖ مطلقا رؤیته قابل اولور ❖ زیرا قابلیت ذات  
قابلد ندر ❖ زادن اولان شیء ایسه ❖ برهینک اختلافیه مختلف  
اولماغله ❖ بزم بصرمزه نسبتله ده قابل اولور ❖ واکر تفاوت ثابت  
اولورسه ❖ رؤیتی قابل ذات جهتندن اولیوب ❖ بلکه ❖ مشاهده  
مرئی یه قوتی اولماغله ❖ رائی جهتندن اولور ❖ بزم عبودیت ایسه  
رؤیتی ممکن اولان اشیا بی رائی اولغله ❖ مشاهده یه قوتی اولور  
پس رؤیت الهی صحیح اولور ❖ واکر ذات الهی رؤیتی ممکن اولان  
اشیاد ❖ عظمت و کبریا و صفایله ممتاز اولق حسبیه عبودیتده  
مشاهده یه قوت یوغبسه ❖ حق جل و علا اول قوتی خلق  
ایلد کدنصره ❖ رؤیته قادر اولورز ❖ مؤمنون ایسه جنتده  
روحانیون اولوب ❖ حجب ریب و ظنون ❖ و شکوک و اغلاطدن متخلص  
و کدورات سائر دن صافی اولغله ❖ حضرت حق مکان  
وجهتندن ❖ و سائر امارات حدوثدن ❖ مبرا تجلی ایلد کده کورملری  
جائزدر ❖ قالدیکه ملک و جن و روح کبی ❖ موجوداتک بزره مرئی  
اولسنه ❖ عادت الهی جاری اولماغله ❖ انله رؤیت تعلق ایلمز  
یوقسه ❖ رؤیتلری محال دکلدر ❖ حضرت رسول الله صلی الله علیه  
وسلم جبریل امینی بالدفعات کور دیلر ❖ و علی القاری  
جلال سیوطی و بلقینی رحیم اللهدن نقل ایدرکه ❖ ملائکه و جن  
طائفه سی دخی شرف رؤیتله مشرف اوله جقلدر ❖ و نسوانک  
رؤیتنده مقاله وارد ❖ لکن عموم نصوص اقتضاسی انلرده  
محروم اولمازلر ❖ ان شاء الله تعالی ❖ جمله من اول نعمتله متعم اولورز

❖ فینسون النعیم اذا رأوه ❖ فیا خسران اهل الاعزال ❖

فاء ❖ فینسون تعقیب ایچوندر ❖ نینسون نسیاندن جمع غائب مستقبادر  
نسیان بوراده ترک معناسنه در ❖ فاعلی مؤمنونه راجعدر ❖ النعیم  
مفعولیدر جمله سی ❖ یراه المؤمنون جمله سی اوزره معطوفدر ❖ عقیب  
رؤیتهم الله فی الجنة ینسون النعیم سبکننده در ❖ فیا خسران کلمه سنده  
فاء جزایه در ❖ یاء حرف ندادر ❖ خسران منصوب منادادر ❖ اهل  
کلمه سنه مضافدر ❖ ان کان الامر كذلك فیا خسارة المعترلة  
علی انفسهم اخضرى فهذا وقتک موقعنده در ❖ یاخود منادی  
مخذ و فدر ❖ و خسران فعل مخذوفله منصوبدر یاقوم اخضروا  
خسارة المعترلة قوه سنده در ❖ رفع خسران جائز دکلدر ❖ بوکونه  
ندالر محضا مقام استعظام و استعجاب اولغله ❖ سامعینه تنبیه ایچون  
ایراد اولنور ❖ نته که ❖ فرآن مبینده ❖ یا بشری و یا حسرة علی  
العباد ❖ کریمه لری ویت یا ضیعة لملک والذین الحنیف و ما تلقاه  
من حادثات الدهر بغداد ❖ بینی بو و تیره اوزره در ❖ کویا که بوکونه  
احوال ❖ بداعت یاخود بشاعت و فضاغت جهتلیله ❖ نوعلرندن  
علی الکمال ممتاز اولملریله ❖ متجسم و ذوی الحیاة منزله تنزیل  
اولنور ❖ نعیم و نعمی و نعمت بر معنایه در ❖ خسران خسارت  
معناسنه در ❖ مفهوم بیت بودر که ❖ مؤمنون مکرمون ❖ دارالسرورده  
لقای شرف التقای ربانیله مسرور ❖ و استفاضه نور حبور  
ایلد کده جنتک جمله نعم و مطایب بینی ❖ خاطر لرندن فراموش ایدر لر  
زیرا جنت و جمله لطائف و نعمتی ❖ دیدار الهی یه نسبت نیر اعظمه  
مقابل ذره ❖ و اعداد غیر متناهی یه محاذی مره ❖ مثابه سنده در  
معلوم اوله که ❖ معترله طائفه سی که ❖ اکثر معظمت عقاید حقه ده  
اهل سنه مخالف ایدر لر ❖ رئیس لری و اصل بن عطا نام کسنه در



حسن بصری علیه الرحمه مجلس شریفارینه حاضر اولور  
ایدی \* برکون ارتکاب کیره مسئله سنده \* مرتکب  
کیره نه مؤمن نه کافر در دیوب \* کفر و ایمان پینده \* منزله اثبات  
ایله کله \* حسن بصری علیه الرحمه قداعتزل عنا بیور مغله  
من بعد اکا و اتباعه \* معتزله اطلاق اولندی \* کندی نفسارینه  
اصحاب عدل و توحید \* اطلاق ایدرلر \* زیرا حضرت حق اوزره  
ثواب مطیع \* و عقاب عاصی واجب \* و زعمارجه \* توحیده منافی اولان  
صفات قدیمه منتفیدر ادعایرینه مبنی \* و مخالفت ایلدکلی معظمان  
عقایدک بریدخی \* ذکر اولانان رؤیت مسئله سیدر \* وجه محرر  
اوزره رؤیتی انکار ایدرلر (انا عند ظن عبدی بی) حدیث  
قدسبسی اوزره \* منالری حرمان نعمت رؤیتدر \* زیرا ظن کله سی  
بومقامده یقین و اعتقاد معناسنه در \* حتی اضداد دندر \* دیرلر  
معنای شریف بو اولور که \* عبدی بنی مجیب الدعوه اعتقاد ایدرسه  
دعاسنی قبول ایدرم \* عفو و غفور اعتقاد ایدرسه \* عفو و غفرانه  
مظهر ایدرم \* جنتده مرئی اعتقاد ایدرسه \* رؤیتده نائل خلاصه  
نه کونه اعتقاد ایدرسه وفق اعتقادی اوزره تجلی ایدرم دیمکدر  
و بومعنای مؤید \* حدیث شریف وارد اولمشد \* مفهوم منینی  
بودر که \* عبادتده منساوی ایکی کسنه \* فضل الهیله \* جنته داخل  
اولدقلرنده \* بریسنه درجه عالیه عنایت اولنور \* دیگر یار بی  
بو قولک ایله عبادتمز برابر ایدی \* شمعی نائل درجه عالیا اولمسنک  
سبی ندر دیو سؤال ایلدکده \* حضرت حق جل و علا بیورر که  
بو قولم درگاه الوهیتدن \* درجه رفیعہ رجای دیوب \* سن آتشدن  
نجات استدعا ایدر ایدک \* هر قوله مسئو لنی اعطا ایدرم \* اکابناء  
حضرت رسول اکرم \* صلی الله علیه وسلم \* اصحاب کرامه  
(سلوا الله الدرجات العلی فانما تسئلونه کریمای) بیور دیلر

قالدیکه رؤیتی انکار ایله معتزله تکفیر اولماز \* زیرا انکاره تصدیق  
براهین عقیده ایله اولوب \* و رؤیتده دال اولان آیات و احادیثی تأویل  
ایدرلر \* مؤل ایسه مکذب اولماز \* اگر تأویل تکذیب اولسه  
جیع فرقه مکذب اولمق اقتضا ایدر \* فذلک بیان \* سعادت مند اولان  
اهل ایمان \* خطیره جنانده \* مظهر تجلی لقای رحمن اولدقلرنده  
حد و قیاسدن افزون \* و تقویم و مقیاسدن بیرون \* ولذتی من لم یدق  
لم یعرف ذاتقه سنه منوط \* و کیفیتی لبس الخبر کالعبان باصره سنه  
مشروط \* نعم کونا کونی کور یجک \* هر کس کندی نفسارینی فراموش  
ایدرلر \* زیرا دیدار الهییدن اعز و اعظم \* الطاف و نعم یوقدر  
مطلب اعلی \* و مقصد اقصی در \* اهل حقیقتک جنتی لسانه  
الدقلری \* محض اول شرف التقایه \* وسیله مکانی اولدیغنه  
منیدر \* یوقسه \* بهشت اكدیقه زاهد اکل و شربک لذتن سوبلر  
مؤداسی \* زاهد عبدالبطن کبی \* حور و غلمان هواسی و اطعمه  
واشر به اشتها سنه مبنی \* جنت نیازنده اولمازلر \* بحرزه دایر حدیث  
شریف دخی \* مشهود اولمغله ثبت \* اولندی (روی ان النبی  
عليه الصلوة والسلام انه قال \* بینما اهل الجنة فی الجنة اذ سطع علیهم  
نور فاذا الرب جل وعلا قد اشرق علیهم فلا یعطون فی الجنة  
شیئا اقر لا عنهم ولا اسر اقلوبهم من النظر الی الله تعالی فاذا  
احتجب عنهم بقی نوره و برکنه فیهم

وَمَا مِنْ فَعْلٍ أَصْلَحَ ذُو افْتِرَاضٍ عَلَى الْهَادِي الْمَقْدَسِ ذُو التَّعَالَى

مالبس معناسنه در \* ان کسر همزه ایله زائده در \* بعضیلر مخففه در  
ضمیر شان محذوفدر دیدی \* لکن ضمیر شان منصوبک ان مفتوحه  
مخففه نک غیریده \* حذفی ضعیفدر \* فعل مبتدا اصلح ضعیفدر  
ذو افتراض خبریدر \* بعض نسخده نصلبه ذا افتراض واقع



اولوب \* شارحی ما کله سنه خبر منصوب ترتیب ایلمس \* لکن سدید  
اولدیغی بدیدر \* زیرا کتب نحویه ده مصر حدر که \* ان کله سی  
ما قبلنده اولان مانک عملنی مبطلدر زیرا ما کله سی لبس کله سنه  
مشابهتدن ناشی عامل اولغله \* عملده ضعیفدر \* کندی ایله معمولی  
میانی منفصل اولیجق عملانده اولور \* وان کله سی بوکونه محالدره  
کوفیونه کوره نافیه مؤ کده در \* زائده دکدر \* دیمکده صحیح اولماز  
مکر که ینلری مفصول اوله \* واتران ایچون اصلح کله سنه کائن  
همزه نک حر که سی ما قبلنک تنوینه نقل اولنق لازمدر \* ذوا افتراض  
صاحب وجوب معناسنه در که \* واجب تأویلنده در \* علی الهادی  
ذوا افتراض کله سنه متعلقدر \* هادی اسمای صفاتیهدندر \* المقدس  
تقدیسدن اسم مفعولدر \* شان الوهیته ناشیان اولان نقایصدن  
منزه معناسنه صفت سلبیه در \* ذوال تعالی ذوال رفعة والعظمة  
معناسنه در \* مفهوم یت بودر که \* حق جل وعلا اوزره عبادی  
رعایت ایچون \* یمان وسائر اعمال صالحه کی \* اصلح افعال واجب  
دکدر \* زیرا حق تعالی فاعل مختاردر \* مراد ایدرسه ایشلر  
و مراد ایدرسه ایشلر \* معلوم اوله که \* بومسئله ده اهل سنت ایله  
معتزله میاننده اختلاف وارددر \* اهل سنت عندنده حق تعالی  
عباده اصلح اولانی اراده \* وخلق ایلمک واجب دکدر \* زیرا  
الوهیت عبودیتیه مختص اولان \* وجوبه منافی اولدیغندن بشقه  
وجوب احکامدن اولغله \* حاکمه محتاجدر \* بوا یسه ایکی وجهله  
الوهیته منافیدر \* وحق تعالی به اصلح واجب اولسه \* جمیع خلق  
دارالسلام اسلامه هدایت ایدرایدی \* ایمان و کفر ایله عبادک  
اختلافده ایسه \* اظهار عدل و ایثار فضل \* حکمتی مندر جدر  
کذلك وجوب اصلح \* جناب بارینک عباد اوزره هدایت  
ورزق وصحت کی \* فضائل ایله \* منتک ابطالنی مستوجبدر

زیرا کندی اوزرینه واجب اولان حق \* ادا ایدن کسه نک مؤدی  
علیه اوزره امتنانی قالمز \* بوا یسه \* لقد من الله على المؤمنين  
اذ بعث فيهم رسولا منهم و قل لا تمنوا على اسلامكم بل الله يمين  
عليكم ان هديكم لایمان \* کریمه سی منطوقجه باطلدر  
وبطلان منت \* بطلان جد و شکر ی مستلزمدر \* حال بو که  
جد و شکر \* حضرت حقه ثابتدر \* معتزله بغداد عندنده \* عبادک  
دین و دنیا سنده \* حکمت و تدبیره اصلح و اوفق اولانه \* رعایت  
واجبدر \* و معتزله بصره عندنده \* بالکمز دینده اوفقه رعایت  
واجبدر \* زیرا واجب اولسه \* عباد حقنده بخل ظلمی ثابت اولور  
حق تعالی ظلمدن منزهدر \* اهل سنه طرفندن \* جواب اولنور که  
طرف الهیدن منع اصلح بخل و ظلم دکدر \* بلکه عدل و حکمتدر  
کذلك اهل سنه دیرلر که \* مثلا آلام واسقامه مبتلا اولان  
کافرک حاله \* اصلح اولان خلق اولنموب \* یاخود طفولیتده فوت  
ویاخود بلوغدن اول عقلی سلب اولنمق ایدی \* جناب باری انک  
حقنده \* افعال صالحه مر قومه نک برینی تجلی ایلیموب \* بلکه خلق  
وابقا ایتمکله \* جهنمده خلودینی موجب \* افعاله مبادرت ایلدی  
کذلك ابلیس علیه اللعنه \* رب انظر فی الی یوم یبعثون \*  
استمهالنه مبنی \* حاله اصلح اولدیغی اوزره مده العمر \* ابقا و اضلام  
عباده اقدار ایلدی \* حال بو که \* ابقا و اقداری \* عذاب و عقابنک  
تزایدینی مستوجب اولدی \* بعض محققین دیرلر که \* معتزله نک  
اصلحدن مر ادلری \* من حیث الکمل \* کله نسبت اولیموب \* بلکه  
برشخصه نسبتله در \* نظام عالم خصوصنده فلا سفه نک ذاهب  
اولد قلمری کی \* بومنا سبتله ابو الحسن الاشعری علیه الرحه  
استاذی ابو علی جبائی به سؤال ایلدیکه \* مثلا اوچ برادر اولسه  
بری طاعتده \* و بریسی کفر و معصیته امرار ایدوب \* اوچنجی



هنوز طفل ایکن وفات ایلسه \* بونلرک روز قیامتده احوالاری  
نه کونه اوله جقدر \* جباتی دیدیکه \* اول نائل ثواب \* ثانی مظهر  
عقاب \* ثالث نه ثواب ونه عقابه محل اولور \* اشعری دیدیکه  
اوچنجی یار بی نیچون معمر ایلدک تا که \* صلاح و عبادت ایدوب ثوابه  
مظهر اولدم دیرسه \* حق تعالی نه یورر \* جباتی دیدیکه  
حضرت باری یورر که \* ای قولم معلوم ایدیکه \* سن متعبش اولبدک  
فسق و معصیت ایدوب \* جهنمه داخل اولوردک \* بعده اشعری  
ایکجهبسیده دیرسه که \* یار بی نیچون صغیر ایکن توفی ایلدک  
تا که سکا عصیان ایتوب \* جهنمه داخل اولییدم دیدکده \* جباتی  
مبهوت اولدی \* اندنصرکه اشعری \* جباتی مذهبنی ترک ایدوب  
آثار سلفی تبع ایدرک \* قواعد معتزله نک انهدامنه همت ایلدی  
وقالدیکه \* معتزله طرفندن بالاده بسط اولنان کلامه \* کافر مر سومک  
خلق کذلک ابلبسک ابقا و اقداری \* هر نقدر کندولرینه نسبتله  
اصلم دکلسه ده \* نظام عالمک کلپسنه نسبتله اصل لردر \* دیو  
اعتراض وارد اولماز \* زیرا بیان اولندیکه \* اصلح ایله مر اداری  
من حیث هو کل کله نسبتله در \* اگر بویله اولسیدی \* مر ادلرینه  
عارف اولان اشعری نک سؤال مذکور \* وجباتی نک بهت والزانی  
مقضى جوابی موجه اولماز ایدی \* فاضل محقق عصام رحمه الله  
مقام مزبوره بوکونه کلام ایراد ایلشدر که \* حق سبحانه و تعالی  
حقک ظهورینی \* و اهل سنتک غلبه سنی مراد ایلدی \* اگر مرادی  
اولسیدی \* جباتی به بهت لازم کلپوب \* جواب ویرر ایدیکه  
حق تعالی به اصلح واجبدر \* اگر ترکی شخص آخره نسبتله موجه  
اولان آخر اصلحک ترک حفظنی موجب اولرسه \* پس محتملدر که  
مر سوم اخ کافرک امامه سی ابوینک \* و برادرینک کفرینی موجب  
اوله مثلاً مر سومک موتی هنکامنده جزع و فزع ایدر \* بو وجهله

انلره اصلح اولان مر سومک حیاتی اولدی \* حضرت حق سبحانه  
و تعالی بو اصلحی حفظ ایتکله \* اکامتعلق اصلح و محتملدر که  
کافر مر سومک نسلنده صلحا اولوب \* انلره اصلح اولان ایجادلری  
اولغله \* اکثرینه رعایتله مر سومه متعلق اصلح فوت اولدی  
عصامک بو مقاله سی تام اولدیغی نمایان اهل کلامدر \* زیرا جباتی نک  
مذهبی بودر که \* عبده اصلح اولانی اعطا \* حضرت باری به  
واجبدر \* پس عبد مزبور حقنده اصلحی شخص آخرک اصلحی  
ایچون ترک ایلک \* حق الهیده ظلمدر \* تنزیهی واجبدر \* کذلک  
علی کلا التقدیرین جباتی نک بهتی لازم کلور \* زیرا کافر مر سومی  
صغیر ایکن امامه ایلسه \* بر شخصه نسبت اصلح اولانی ابوین  
حقنده ترک ایلک لازم کلور \* کیرایکن امامه قیلسه \* کذلک  
اصلحی مر سوم حقنده ترک ایتک لازم کلور

﴿ وَفَرَضَ لَكُمْ تَصَدِيقَ رَسُولٍ ﴾ ﴿ وَأَمَّا كَرَامٌ بِالنَّوَالِ ﴾

اتزان ایچون رسل کله سی سبنک سکونیه در \* فرض لازم  
مقدم خبردر \* تصدیق رسل مؤخر مبتدادر \* لزومه تأکید  
فرض عین اولدیغی اشعار ایچوندر \* رسل جمع رسولدر \*  
اکتفاء قیلندندر \* املاک کله سی رسل اوزره معظوفدر  
جمع ملاک در \* کرام کریمک جمعیدر \* مکرم معناسنه در \* املاک  
لفظنک صفتیدر \* وصف مزبور دن بعضیلر \* ملائکه  
زمره سندن \* کاتب اعمال اولان ملکر در دیدی \* نته که  
قرآن مینده \* کراما کاتین وارد اولشددر \* بالنوال جار و مجرور  
کرامه متعلقدر \* نوال عطا و نصیب معناسنه در \* بعض  
نسخه ده تایی فوقیه ایله بالتوالی واقع اولغله \* بالتتابع یا خود  
بالتواتر معناسنه اولور \* بو صورته محذوف جاوا کله سنه یا خود



فرض کله سنه متعلق اولور ❦ یا خود حال اولور ❦ جائین  
بالتابع تقدیر یله ❦ بعضیلر بونسخه ده بایی تصدیقه تعلیق له  
مع معناسنه حمل ایلمک ❦ مفهوم بیت بودر که ❦ عاقل بالغ مکلفه  
وحدانیت الهی ایمانی فرض اولدیغی کبی ❦ رسل و انبیای عظامه  
وملائکة کرامه ده ایمان ایلمک فرضدر ❦ معلوم اوله که ❦ کافه  
اهل اسلام ذاهل اولدیلر که ارسال رسل و انبیاء ممکنات عقلیه  
قبیلنددر ❦ بعده ینلرند ه اختلاف ایلدیلر ❦ اهل حدیث  
دیدیلر که ❦ ارسال رسل منساوی الطرفیندر ❦ یعنی مقتضیات  
حکمتدن اولدیغی عقل حکم ایلمز ❦ و عامه متکلمین دیدیلر که  
ارسال رسل واجبانددر ❦ حق تعالی به بایجاب ❦ یا خود بایجاب  
الغیر واجب معناسنه دکلدر ❦ بلکه حکم و مصالحی مقتضی اولغله  
مقتضیات حکمتدنر دیدیلر ❦ زیرا طرف الهیدن عبادی اوزره  
امر ونهیك صدوری ❦ و عبادك دنیا و آخرت صلاحلرین  
مستوجب اولان امور و احکامك اخباری ❦ حسنیا تی متضمندر ❦  
حضرت باری تعالی دخی صریح ❦ یا خود الهام صحیحله بعض  
عبادینی بو خصوصه ایثار و تخصیص ایلمک ❦ عقله بعید دکلدر ❦  
اول مخصص مأمور اولان ذات دخی ❦ مأمور اولدیغی اوزره  
عباده اخبار و تبلیغ ایدر ❦ و دعوا سنی مصدق یعنی جانب  
الهییدن مخصص و مأمور اولدیغی مبین و ناطق ❦ علامتی دخی  
اولور ❦ اول علامته معجزه دینور ❦ مثلی اثباتدن سائر ناس  
عاجز اولدیغیچون ❦ بو تقدیر جه ❦ اول ذاتی جانب حقندن معلوم  
بالضروره اولان امور و احکامده ❦ تصدیق واجبدر ❦ پس  
بو وجهله ارسال رسل یا ریاضات و مجاهدات و انقطاعات کبی  
اعراض و احوال مکئسبه به مشروط ❦ وصفای جوهر و ذکای  
فطرت کبی ❦ استعداد ذاتی به منوط دکلدر ❦ نه که حکما کا

ذاهبدر ❦ بلکه ❦ یختص برجه من یشاء من عباده ❦ منطوقجه  
ایثار سبحانی و تخصیص ربانیدر ❦ حکمای اسلام دیرلر که  
حضرت باری عزشانه انسانی امر معاشنده مستقل اولیه رق  
خلق ایلدی ❦ زیرا انسان غذا و لباس و مسکن و سلاحه  
محتاجدر ❦ جله سی صنایعه در ❦ شخص واحد ایسه ❦ ذکر اولنان  
امور لازمه سنی بالکمز جه ترتیب ایتمک ❦ خارج امکان اولوب بلکه  
بنی نوعندن معاونه و معاوضه به محتاجدر ❦ پس انسان بالطبع  
امر معاشنده تمدن و اجتماعه مضطر اولور ❦ انسان مدنی  
بالطبع دیدکلرینک معناسی بودر ❦ بعد ذلک بری برلرینه معاونه  
و معاوضه ینلرند ه معامله و عدل اولدجه منتظم اولماز ❦ زیرا  
هر کس محتاج اولدیغی نسنه به اشتها ❦ و مزاحنك دفعنه اعتنا  
ایدوب ❦ و خیر مطلوب بالذات اولغله ❦ مجموع خیرات و حسناتی  
کندی نفسیچون اختیاره عزم ایدر ❦ و بوجهتله ملا یمتاری  
مزاحمتی مؤدی اولغله ❦ حسب البشریه شهوت و غضبی جور  
و ظلمه داعی اولور ❦ بو صورتده هرج و مرج و قوعبله ❦ ینلرینه  
اختلال طاری اولور ❦ اختلال مر قوم ایحق میانلرنده تسویه  
و تعدیل تحقیقه من دفع اولور ❦ تعدیل ایسه تحت حصر  
و احصاده اولیان ❦ جزئیاته شامل اولماغله ❦ بر قانون کلی به  
محتاجدر که ❦ اکا شریعت اطلاق اولنور ❦ شریعت دخی  
وجه لایقی اوزره وضع و فرض ایدن شارع موقوفدر ❦ شارع  
اولان ذات دخی ❦ البته احاد ناسدن استحقاق طاعتله ممتاز اولغله  
محتاجدر ❦ استحقاق مزبور طرف الهیدن ورودینه دال اولان  
آیات ظاهره و معجزات باهره به اختصاصله ❦ متحقق اولور  
خوارج طائفه سی دیرلر که ❦ زمان جوازده ❦ یعنی زمان بعثت  
رسول اللهیدن مقدم ❦ رسالت ادعا ایدنلرک قولنی معجزه اقامتی



اولیه رق قبول و خبرینی تصدیق واجبدر \* توقف ایدن  
ساعتنده کافر اولور \* طائفه مسفوره نك مذ هبلری باطلدر  
زیرا من حیث الصورة \* نبی ایله متنبی فرق اولنماز \* غائبه ده  
علم مخلوق تعلق ایلمز \* سمنیه و براهمه طائفه لری دیرلر که  
ارسال رسل محالدر \* زیرا ارساللری یا عقله موافق یا خود  
مخالف اولان مواد ایچون اولور \* صورت اولده عقل مستغنی  
اولغله رسالتلرینه حاجت یوقدر \* صورت ثانی مقبول دکلدر  
بو شبهه لری باطلدر \* زیرا عقله موافق اولان ایکی قسمدر  
قسم اول \* عقل ادراکنده مستقل اولان شیدر \* قسم ثانی  
عقل ادراکنده مستقل اولمیاندر \* احتیاج قسم ثانی به  
نظر ایله در \* بلکه قسم اولده نظر ایله در \* زیرا عقل نقله  
متعارضد اولور \* و ارسال رسلک وقوعنه دلالت ایدن نصوص  
قاطعہ ایله \* کتاب وسنت مشخوند \* ایمدی حضرت آدم دن  
خاتم الانبیاء علیه افضل التحایا حضرتلرینه کلجه \* کافه انبیاء  
ومرسلینه \* و طرف الهیدن کتوردکلری بالضروره معلوم  
اولان احکامه ایمان ایلمک \* هر عاقل مکلفه واجبدر \* قالدیکه  
اجتهادات کی \* بالضروره معلوم اولمیان تصدیق لازم دکلدر  
ومنکری تکفیر اولنماز \* وتصدیق انبیاده تعیین عدد لازم دکلدر  
زیرا حجت قاطعه اولیحق \* عدد ذکرندہ داخلی اخراج وخارجی  
ادخال ایله \* و یقولون نؤمن ببعض ونکفر ببعض و یریدون  
ان یخذوا بین ذلک سبیلا اولئک هم الکافرون حقا \* وعیدی  
اوزره تکذیب \* و کفره تأدی لازم کلور \* کرچه بعضیلر جمله  
انبیای عظام \* یوزیکرمی درت پیک \* و رسل کرام اوچ یوزاون  
اوچ ذوات فخامدر \* دیور وایت ایدرلر \* لکن مقطوع دکلدر  
وبراهمه نك بعضیسی \* یالکز حضرت آدمک نبوتنه قائلدر

وصائبه طائفه سی \* حضرت شبت \* وحضرت ادریس  
علیهم السلامک نبوتلرینه ذاهبلردر \* و یهودک بعضیسی \* موسی  
علیه السلامدن غیریی انکار ایدرلر \* یوایسه نص شریفک خلافدر  
قال الله تعالی \* قل یا ایها الناس انی رسول الله الیکم جیعا  
وما ارسلناک الا کافه للناس \* الا یة و دیرلر که عرب میاکنده  
شرکک شیوعی اولغله \* ارسال پیغمبره انلر محتاج اولدیلر ایدی  
اهل کتاب محتاج دکلر ایدی \* حال بوکه \* یهود حضرت عزیره حاشا  
نبوت اسناد ونصاری تثلیثه جسارت ایدوب \* دینلری کونا کون نسخ  
وتخریفله خلل و بطلالت بولمشیدی \* وملا ثککه کرام حضر اتنیده  
تصدیق ایلمک واجبدر \* خفی اولمیه که \* ملک لفظی اصلده مألک  
ایدی الوکه دن مأخوذدر \* رسالت معناسنه بعده لام تقدیم اولنوب  
ملأک اولدقدنصکره \* همزه اسقاط اولندی \* ماهیتلرنده  
بعدالاختلاف \* بانفسهم قائمه ذوات موجوده اولدقلرینه اتفاق  
ایلدیلر \* اکثر متکلمین عندنده \* صور مختلفه ایله تشکله قادر  
اجسام لطیفه در \* تجلی والتذاذ \* انوار قدسیه دن \* اوقاتدن  
بروقته \* وحالاتدن برحالتده \* نوم وغفلت \* وشهوت عائقه لریله  
محبوب ومنوع دکلدر \* بلکه عالم قدسیدن مطالعہ ایلدکلری  
لطائف ملکوتیه ایله \* متلذذ ومتعملدر \* طاعتلری طبع  
وعصیانلری تکلفدر \* نته که \* بشر آنلرک خلافتنه در \* وتسبیحه  
اشتغاللری اعمال سائرلرینه مانع اولماز \* زیرا تسبیحلری بزم  
نفسمر منزله در \* واکل شربلری یوقدر \* لکن فوایح طیبیه یی  
محب وروایح کریهه دن مجتنبلردر \* و ذکورت وانوشله موصوف  
دکلردر \* ولا یعصون الله ما امرهم \* منظوقی اوزره قطعنا  
عصیان ایلمزلر \* یهود طائفه سنک ملا ثککه کرام واحدا بعد  
واحد \* بعضا کفری مرتکب اولوب \* حضرت باری تعالی



کند و لرینی مسخ ایدر دیدگری ❦ ذکر اولسان نص شریفه  
مبطلدر ❦ قالدیکه ابلبس علیه اللغه صحت استثنا دلا تیه  
ملائکه دن ایکن کافر اولدیمی دیو سوال اولنور سه ❦ جواب  
ویریلور که ❦ ابلبس اجنه طائفه سندنر ❦ امر ربانی یه امثال  
ایلمدی لکن باب عبادتده و رفعت درجه ده ملائکه صفاتده  
اولغله ❦ بین الملائکه مغفور و مستور اولدیغندن ❦ آنلره الحاق  
و تغلیبه استثنای صحیح اولدی ❦ یا خود اعلا یه امر ادنایه  
امری متضمن اولدیغنه مبنیدر ❦ وهاروت و ماروت قصه سنده  
اصح اولان ایکی ملکردر ❦ کند ولردن کفر و کیره صادر  
اولا مشدر ❦ و تعذیلری معاتبه وجه اوزره در ❦ نه که ❦ انبیای  
عظام زله و سهو اوزره معاتب اولورلر ❦ انما نحن فتنه  
فلا تکفر ❦ منطوقجه امتحان ایچون ناسه سحر تعلیم ایدوب  
و وقت تعلیم لرنده وعظ و نصیحت ایدرلر ایدی ❦ تعلیم سحر  
ایسه کفر دکلدر ❦ بلکه عمل و اعتقادی کفر در ❦ و انبیای عظام  
ایله تفاضلاری خصوصنده اختلاف واردر ❦ اکثر علما عندده  
رسل انبیاء رسل و غیر رسل ملائکه دن ❦ و رسل ملائکه عامه  
انساندن و مؤمنون عامه ملائکه دن افضلدر ❦ و اسمای  
ملائکه نکه مجموعی اعجمیدر ❦ الامنکر و نکیر و مالک و رضوان عریدر  
و حضرت باری تعالی ❦ وان علیکم لحافظین کراما کاتبین ❦  
منطوقجه هر آد مه ایکی ملک تعیین ایلشدر ❦ کاتبون و حفظه دخی  
دیرلر ❦ زیرا کاتبله اعمال عبادی حفظ ایدرلر ❦ بعض شراح ناظمک  
کرام قرینه سیله ملائکه دن مرادی بونلر در دیمش ❦ کر چه  
عند الله جمله سی مکرملدر ❦ مشکوة مصابیحده مسطور در که  
برکسه برکاه ایشلد که ❦ صاحب یمین اولان ملک که ❦ خیر اعمالی  
یازمغه مأمور در ❦ صاحب یساره که شر اعمالی یازمغه مأمور در

اول کاهی مکفر برحسنه صدوری مأمولیه ❦ یدی ساعت قدر  
توقفله امر ایدر ❦ بعده اول کسه برکاه ایشلسه ❦ ثم ثم درت کاه  
ایشلسه ❦ بعده کندودن برحسنه صادر اولسه ❦ من جاء بالحسنة  
فله عشر امثالها ❦ موجبجه اون حسنه اعطا اولنوب ❦ درت  
سبئه یه مقابل اولدقد نصکره ❦ باقبسی جریده سنه قید اولنور  
و بعض علما دیرلر که ❦ هر انسان ایچون درت ملک واردر  
ایکبسی نهارده و ایکبسی لیلده واقع خیر و شرک کتبنه مأمور در  
برروایتده شهود طاعتک کثیر ❦ و شهود معصبتک قلیل  
اولسیچون ❦ هر کون خیرات کتبنه ❦ برر ملک معیندر ❦ لکن  
سبئات تحریرینه مدة العمر ❦ فقط برر ملک مأمور در ❦ بودخی  
مأثور در که انسانک قعودی حالده یمین و شمالنده ❦ برر ملک ❦ نومی  
حالده بری باشی و بری ایاغی طرفنده اولور ❦ مشی حالنده  
بری قدامنده و بری خلفنده کیدر

❦ وَخَتَمَ الرَّسُلَ بِالْصِّدْقِ الْمَعْلِيِّ ❦ نَبِيِّ هَاشِمِيِّ ذِي جَبَالِ ❦

ختم الرسل مبتدادر ❦ بالصدر خبریدر ❦ المعلى تشدید لامله  
صفیدر ❦ نبی صدر دن بدلد ر مجر و در ❦ عطف بیان  
دکلدر ❦ زیرا فی نفسه ایضاح یوقدر ❦ لکن عطف بیان  
متبعندن اوضح اولمق شرط دکلدر ❦ بلکه انضمامدن ایضاح  
متمحصل اولمق شرطدر ❦ یا خود مبتدای محذوفه خبر در  
اعنی تقدیر یله ذا جبال نسخیه سی اکا معادلدر ❦ خبر اولدیغنه  
کوره بالصدر ظرف اولور ❦ ونی کله سی مقدمه بیان اولندیغنی  
اوزره رفعت معناسنه نبوتدن مأخوذ اولور ایسه ❦ فاعیل بمعنی  
مفعول اولور ❦ و غیر مهموز اولور ❦ و خبر معناسنه بناء کله سندن  
مأخوذ اولور ایسه ❦ بمعنی فاعل اولور و مهموز اولور ❦ لکن



ذریه و بریه و خایه کله لرنده متروک اولدیغی کبی ❖ بونده دخی  
متروک اولشدرد ❖ هاشمی صفتدر بآء نسبیه در ❖ جدی اولان  
هاشم بن عبد منافه منسوب اولشدرد ❖ پدر لری عبدالله ❖ وانک  
پدری عبدالمطلب ❖ وانک پدری هاشم در ❖ اسمی عمر والعلادر  
علوم مرتبه سنه بناء علا ایله توصیف ایلدیلر ❖ هشتم ثرید ایتمله  
هاشم ایله ملقب اولدی ❖ بغایت کریم الذات ❖ وعلی الجناب  
مضیاف و منعم ایدی ❖ حل ابنای سبیل و تأمین خائف و اطعام  
واسقا و اکساء و صله رحم و سائر مأثریه ایله متصف ایدی  
ذی جمال صفت بعد صفتدر ❖ مفهوم بیت بودر که ❖ حضرت  
محمد علیه السلام خاتم الانبیاء والمرسلین اولغله ❖ نبوت و رسالت  
ذات سعادت لریله ختام بولشدرد ❖ و صدر لفظی هر شبثک مقدم  
و اولنه دیرلر ❖ و سینه معنا سنه ده اولغله ❖ استعاره طریقه سیله  
بومقامده اراده اولنق ممکندر ❖ و ناظم ❖ صدر عنوانیله اولین  
خلقت اولدیغنه نازکانه اشارت ایتشدرد ❖ خفی اولیه که ❖ اول  
انبیای کرام ❖ حضرت آدم علیه السلامدر ❖ نبوته ❖ اجنباه ربه  
فتاب علیه وهدی ❖ کریمه می دالدر ❖ مفسرین اجتبادن  
مراد ❖ نبوتد ردیدیلر ❖ لکن نبوتی جننده می یوقسه ❖ خروجدن  
صکره می واقع اولدی اختلاف ایلدیلر اکثر علما عندنده  
خروجدن صکره واقع اولدی ❖ و آخر انبیای عظام حضرت  
محمد علیه الصلوٰه والسلامدر ❖ ولکن رسول الله و خاتم النبیین  
کریمه سیله منصوصدر ❖ و معلوم اوله که ❖ ابتدا حضرت خاتم  
الانبیاء علیه السلام ❖ حق پیغمبردر ❖ زیرا نبوت ادعا و معجزه  
اظهار ایلدی ❖ لا محاله بوصفت اوزره اولان پیغمبردر ❖ زیرا  
غیر حقنده ❖ ادعای نبوت عقینده ❖ معجزه اظهاری محالدر  
وقالیدیکه ❖ ادعای نبوتی تواترایله ثابتدر ❖ معجزه سی دخی جمله دن

اظهر ید مزده اولان قرآن کریمدر ❖ زیرا جمیع فحشاء و بلفشاء  
معارضه سندن عاجز اولشدردر ❖ عامه بلغا بر اقصر سوره سنه  
نظیره ایرادینه قادر اولدیلر ❖ حتی منقولدر که ❖ فصحای اقطار بلاد  
هر سنه ❖ موسم حجه ❖ مکّه مکرّمه ده مجتمع اولوب ❖ مناشده خطب  
واشعار ایدرلر ایدی ❖ علی العاده بر سنه دخی تجمع ایدوب ❖ ینلرنده  
بووجه اوزره ایراء زناده مشورت ایلدیلر که ❖ هر طرف رجالی  
میانلرندن بالغ مبلغ کمال فصاحت اولان ❖ برکسنه بی اختیار ایدوب  
اکا قرآن کریمدن برجز اعطا ❖ و بر سنه امهال ایده لر ❖ بومشورته  
صورت و پروب وقتا که ❖ سنه قابله ده ینه مکّه مکرّمه ده اجتماع  
ایلر لریله فصحای مزبور و نندن استطلاع ایلد کلرنده ❖ بریسی  
بووجه اوزره جواب ایلدیکه ❖ کامل بر سنه در خواب و خورد می  
ترک ایدوب اول حصه م اولان یالکز ❖ فلما استنأ سوا الله  
خلصوا نجیا ❖ کریمه سنه نظیره خصوصه حصر جله  
ایام و لیل ❖ و افراغ وسع و مجال ایلدم ❖ اتیان نظیره دن عاجز  
و فرومانده اولدم دیدی ❖ ایکنجیسی دخی اول صحیفه  
حصه سی اولان ❖ مثل الذین اتخذوا من دون الله اولیاء  
کمثل العنکبوت اتخذت بیتا ❖ کریمه سنه ❖ او چنجیسی  
❖ وقیل یاارض ابلی ما ئک و یا سماء اقلعی ❖ کریمه سنه  
❖ دردنجیسی ❖ یا ایها الناس ضرب مثل فاستمعوا له ان الذین  
یدعون من دون الله لن یخلقوا ذبابا و او اجتمعوا له ❖ کریمه سنه  
نظیره ترتیبندن عاجز قالد بغنی اعتراف ایلدی ❖ ایمدی  
بوکونه عجز لری دلالت ایدر که ❖ معجزه در ❖ تلقاء نفس نبویدن  
دکلدر ❖ بلکه حکیم مجید طرفندن نازل اولشدرد ❖ بعض علما  
دیدی لکه ❖ ختم نبوت خاتم الانبیاءیه ❖ دلیل عقلیه استدلال ممکن  
دکلدر ❖ لکن بووجه اوزره امکانده در که ❖ نبوت حضرت



محمد ایله تمام و کمال بولدی ❦ تمامد نصکره زیاده یوقدر ❦ زیرا  
حضرت رسول الله ﷺ کتور دیکي کتاب وسنت دنیا و آخرت  
متعلق جمیع ازمانده ❦ جمیع اممک محتاج اولدقلری عامه امور  
واحکامی مشتمل اولغله ❦ اصول اخرا دن مغنیدر ❦ جمله عقول  
و طبایع سلیمه و فاء غرضی استحسان ایلشدر ❦ و منقولدر که  
ملت سارّه اصحابدن بریسی بر فقیهدن ختمیه دال دلیل عقلی  
طلب ایدوب ❦ فقیه مزبور عاجز اولغله اول شخص بو وجه  
اوزره سرد کلام ایتشدر که ❦ نبوت ایکی قسمدر ❦ عملی و علمی  
عملی قسمی حضرت موسی مشتمل ❦ و علمی قسمی حضرت عیسی  
محتفل اولغله ❦ من بعد قسمین مزبورینده هر برینی حامل پیغمبره  
حاجت یوقدر ❦ انجیق قسمین مزبورینی حاوی ❦ پیغمبر احتمالی  
قالمشدر ❦ پس حضرت عیسا دنصکره حضرت محمد علیه  
الصلاة والسلام تشریف ایلکله ❦ بالضروره قسمین مزبورینی  
حامل اولغله ❦ کندودن صکره باب نبوت مسدود اولمشدر  
وقالديکله نصاری و یهود ❦ حضرت رسول الله ﷺ عدم رسالته  
بو وجه ناموجه اوزره احتجاج ایدرلر که ❦ رسالت محمدی نسخ  
دینک جوازینه موقوفدر ❦ نسخ ایسه باطلدر دیرلر ❦ اما مقدمه  
اولی ❦ زیرا رسول شرع جدید ❦ یاخود شرع آخرک بعضیسنی  
نسخله مبعوث اولور ❦ نسخ ایسه محالدر ❦ زیرا منسوخ فی ذاته  
حسن ایسه نسخی قبیح اولور ❦ و اگر قبیح ایسه حضرت باری  
قبیحله امر ایلک لازم کلور ❦ كذلك نسخ بدایی که بر حکمدن  
رجوع و ندامتدر ❦ موجب اولور ❦ بوايسه حضرت حقه  
نسبت محالدر ❦ اکا جواب ویریلور که ❦ برنینه بروقتده بر قومه  
نسبت حسن اولوب ❦ وقت دیگرده قوم اخره نسبت ❦ حسن  
اولماق جائزدر ❦ زیرا ناس فهم و بلادت ورد و قبول و غلظت

ودقت وانسکار و تسلیم خصوص علرنده مختلفلردر ❦ علم از لیسنده  
زمان معین ایله مقید اولغله بدا لازم کلر ❦ زیرا بو صورتله نسخ  
حکم شرعی سابقک انتها سنی بیان اولور ❦ بوايسه محال  
دکلدر ❦ والسلام علی من ارسل رجه لعامة الانام

❦ امام الانبياء بلا اختلاف ❦ و تاج الاصفیاء بلا اختلال ❦

امام الانبياء مجروردر ❦ بیت سابقده اولان نبی کله سنک  
صفیدر ❦ یاخود مبتدای محذوفه خبردر ❦ امام مقتدی معناسنده در  
وتاج الاصفیایه معطوفدر ❦ تاج معلومدر ❦ بوراده بالاستعاره  
رئیس دیمکدر ❦ اصفیاء جمع صفی در ❦ صفی اول کسنه در که ❦ صفات  
ذمیه دن مبرا و کدورات نفسانیه دن مقدس اوله ❦ مراد ملائکه  
کرام ❦ و اولیای ذوی الاحترامدر ❦ مفهوم بیت بودر که ❦ حضرت  
شاه سریر اصطفای علیه اصفی التحایا پیشوای جماعت انبیاء  
و مقتدای زمره اصفیادر ❦ و بوبابده جمله اهل اسلام متفقلردر  
معلوم اوله که ❦ ناظمک امامتدن مرادی آخرت اعتباریله یاخود  
لیله معراجده بیت مقدسده ❦ جماعت انبیایه امامت ایلدکلری  
اعتباریله در ❦ یاخود معنای بیت حضرت رسول الله ﷺ جمله انبیانک  
تفضیل الهیله افضلیدر ❦ یعنی تفضیل اعمال حبیبله دکلدر  
ته که معتزله ملائکه بی مطلقا ❦ انسان اوزره اعمال حبیبله  
تفضیل ایدرلر ❦ تفضیل الهی اولدیغنه ❦ ولقد فضلنا بعض النبیین  
علی بعض ❦ و ❦ تلك الرسل فضلنا بعضهم علی بعض ❦  
کریمه لری دلالت ایدر ❦ زیرا تفضیلات ذات الهی به مضاف اولمشدر  
❦ و قرآن کریمده ❦ کنتم خیرامة اخرجت للناس ❦ کریمه سی  
فضیلت محمدی به دلالت ایدر ❦ زیرا هرا تمک شرفی کندولره  
مبعوث پیغمبرک شرفیله اولور ❦ لیکن بومقاله به ۳ کلام وارد اولور



جائز در که خیریت امت \* سهولت انقیاد \* و وفور عقل و رشاد  
وقوة ایمان \* و کثرت اعمالی سببیه اوله \* و افضلیت محمدی به  
بو وجه اوزره ده استدلال اولنور که \* شرف و فضیلت صفات  
کمال اعتباریه در \* حضرت رسول الله جمیع انبیاء تک متصف  
اولدقلری اوصاف شریفه ایله متصف اولمغله \* جمله سفدن افضل  
واشرف اولور \* و افضلیتیه دلائل نقلیه کثیره در

وَبَاقٍ شَرْعُهُ فِي كُلِّ وَقْتٍ إِلَى يَوْمِ الْقِيَمَةِ وَارْتِحَالٍ

باقی کلمه سی مقدم خبردر \* شرعه مؤخر مبتدادر \* و ارتحال کلمه سی  
القیمة اوزره معطوف اولمغله \* الی یوم ارتحال الناس من الدنیا  
تقدیرنده در \* مفهوم بیت بودر که \* حضرت رسول الله شریعت  
سمحا و ملت بیضالری نسخ و تبدیلدن بری و قیاسته قدر  
باقیدر \* بیت مر قومه قیامتدن مراد \* ظهور ارتحال و ارتحالدن  
مراد وقوع ارتحالدر \* معلوم اوله که \* شرع لغتده اظهار و بیان  
و طریق معنایینه در \* بعده وضع الهیله موضوع و انبیادن  
بر نبی ایله ثابت طریقده استعمال اولندی \* دین لغتده جزا و عادت  
معناسنه در \* بعده ذوالعقولی اختیار محمودلریله بالذات خیره  
سائق وضع الهیده استعمال اولندی \* قلبی و قالیدن اعمدر \* اعتقاد  
و علم و صلوة کبی \* بعض محققین دیدیلر که \* انبیادن ثابت اولان  
طریقه مخصوصه \* مایه الجزاء اولدیغی حیثیله دین \* و مجتمع و عملی  
اولدیغی حیثیله ملت \* و واجب الاذعان اولدیغی حیثیله ایمان  
و تسلیم اولدیغی اعتبار ایله اسلام \* و زلال کالسه متعطشونک  
ورودی اعتباریه شریعت \* و جبریل علیه السلام اسمی ناموس  
اولمغله \* جبریل واسطه سیله وارد اولدیغی اعتباریه ناموس اطلاق  
اولنور \* قالدیکه حضرت ابراهیم علی نبینا وعلیه التسلیم ملتی ملت

محمدیده داخل اولمغله \* اتباعیه مأمور اولمشزدر و حضرت  
باری تعالی و جناب رسول الله من غیر انکار \* ذکر و بیان  
ایلدکلری شریعت سالفه بزه دخی شریعتدر \* و مجموع شرایعک  
قطعا اصولده اختلافری یوقدر \* جمله سی فروعه متعلقدر  
و حضرت رسول الله شریعتی \* قیامت، قدر باقیدر \* زیرا خاتم  
انبیاء اولدیغی نص صریحه ثابت اولمشدر \* و وحی و الهامه  
علی سبیل الاجال و التفصیل جمیع خلقک احوال و احکامی  
ضبط ایلمشدر \* و امتک علماسی بعض احکام مبهمه بی کتاب  
و سنت \* و اجماع و قیاسله بیان کافیلدر \* زیرا سائر ائم علماسندن  
اعقل و اعلمدر \* ته که \* حقارنده \* علماء امتی کا نبیاء بنی اسرائیل  
وارد اولمشدر \* قالدیکه \* حضرت عیسی علیه السلام شریعت  
جدیده ایله \* نازل اولمیه جقدر \* بلکه خلیفه رسول اوله جقدر  
ورفع جزیه بی حضرت رسول الله خبر و یرمکه \* شریعت محمدیه  
احکامندندر

وَحَقُّ امْرِ مَعْرَاجٍ وَصَدَقُ فِيهِ نَصُّ اَخْبَارِ عَوَالِي

و حق مقدم خبردر \* ثابت معناسنه در \* امر معراج مؤخر مبتدادر  
امر معراج الرسول تقدیرنده در \* و صدق حق اوزره معطوفدر  
صادق معناسنه در \* فقیه کلمه سنده فاء سببیه در \* ضمیری معراجیه  
راجعدر \* نص لفظی تصریح معناسنه در \* اخبار جمع خبردر  
عوالی جمع عالیه در \* یا خود جمع عالی در \* زیرا صفت اولان فاعل  
ذوی العقولک غیریده اولور سه \* فواعل اوزره قیاسی جعلنور  
زیرا جمع مذکر غیر عاقلک جمعی \* مؤنث عاقل مجرا سنه جاری  
اولور \* نجم طالع و طوالع و جبل شامخ و شواخ کبی \* مفهوم  
بیت بودر که \* حضرت رسول الله خصیصه معراجی ثابت

نوری بو وجهه  
در که \* الناس علی  
و عیهم مقتضاسی  
امت تابع اولدقلری  
اخلاقیه مختلف  
سنه مصدر شرف



و متحقق و واقع مطابق قدر \* زیرا ثبوتی باینده متواتر و مشهور یکی  
 اخبار عالیّه منصوص اولشدر \* معلوم اوله که \* علمای کرام  
 ذات معراجده با جمله اتفاق ایلدیلر \* لیکن یقظه حالنده میدر  
 رؤیا حالنده میدر \* یعنی جسمانییدر یوقسه روحانییدر \* و وحی  
 ظهورندن اولی \* یوقسه صکره میدر \* اختلاف ایلدیلر \* محققین  
 دیرلر که \* قبل الوحی عالم رؤیاده نائل معراج اولوب \* بعده هجرتدن  
 برسنده مقدم \* ماهر جبده یقظه حالنده یجسده عروج ایلدیلر \* نته که  
 \* سبحان الذی اسری بعبدہ لیلان من المسجد الحرام الی المسجد  
 الاقصی الذی بارکنا حواله لسنیه من آیاتنا \* الیه کریمه سی  
 میندر \* آیاتدن مراد \* لیلئه اسرا ده مشاهده ایلدکری لقای  
 انبیاء \* و سدره منتهای \* و بیت معمر \* و سایر عجائب و غرائب  
 مرویدر که \* لیلئه مر قومه ده مکّه مکرمه ده \* بیت امها نیدن مسجد  
 اقصایه که \* بیت مقدسدر \* ینلری قرق مر حله مسیره در \* اسرا  
 اولنوب حضرت محبی الاموات \* اول کیجه جمیع انبیای احیایتمکله  
 بیت مقدسده اجتماع ایلوب \* جبریل امین اذان واقامت \* و حضرت  
 امام الانبیاء اقامت ایدوب \* ایکی رکعت نماز ادا ایلدیلر \* سند  
 صحیحله مثبت اولدیغی اوزره \* حضرت رسول الله بو وجه اوزره  
 خبر و یرمشدر که \* اول کیجه بیت امها نیده چشم خوابیده و قلم  
 بیدار ایکن \* جبریل امین کلوب \* یا محمد بو کیجه لیلئه نوم دکلدر  
 بلکه لیلئه خلعت و کرامتدر \* حرکت قبل دیمکله \* بندخی قالقوب  
 ایدست الدم \* بعده خانه دن خروج ایلدم کوردمکه \* حضرت  
 اسرافیل پیشکاه بایده \* براقله ایستاده موقف انتظاردر \* و براق  
 حارندن اکبر \* و بغلندن اصغر \* حیواندر \* جبریل برکابی و اسرافیل  
 رکاب دیگر یطوتوب \* بندخی سوار اولق مراد ایلدیکمده \* براق  
 نعصبه شمسى اظهار ایتدکله \* جبریل یا براق رام اولکه

شمسی ضمه الیک  
 شنه آدم بندر مامل  
 استفسیر

بوندن افضل کسه سوار اولماز دیدکده ساکن اولوب \* بندخی  
 سوار اولدم \* براق ایکی جناحی اولوب \* قدمی مدای بصرینه  
 وضع ایلدکله در حال \* مسجد اقصایه واصل اولدق \* انده جمیع رسل  
 کرام حاضر بولمغله \* اشارت جبریل ایله \* بن امامت ایدوب  
 جماعتله ایکی رکعت نماز ادا ایلدک \* بعده حضرت حق سبحانه  
 و تعالی رسل مشار الیهکم بعضیسنی آسمانه رفع ایلدی \* بعده  
 بشخصه سمایه \* و اندن سدره منتهایه \* و عرش اعلایه عروج  
 ایدوب بعده \* فاوحی الی عبده ما ووحی \* کلزارنده کلچین  
 اسرار \* و حقایق کونا کون اولدیلر \* معتزله طائفه سی معراجک  
 رؤیاده اولدیغنه ذاهب اولدیلر \* و ما جعلنا الرؤیا الی اریناک  
 الا فتنة للناس \* کریمه سیله و اسرا آیتنده مسجد اقصانک  
 منتهی وقوعیله \* و حضرت معاویه دن مروی کانت رؤیا صالحه  
 و حضرت عایشه دن مروی (ما فقد جسد محمد لیلئه المعراج)  
 حدیثلریله احتجاج ایلدیلر \* و عقلا استبعاد و استحاله ایلدیلر  
 و حکماء کرة زمهریر \* و کرة نار دن عبور \* و افلاک خرق  
 و التیاملری محذورینه مبنی \* معراج جسمانی بی انکار ایلدیلر  
 ابتدا معتزله به جواب و یریلور که \* و ما جعلنا الرؤیا الی \*  
 کریمه سنده رؤیادن مراد عینله کورمکدر \* اگر سؤال  
 اولنورسه که \* رؤیا لفظنک متبادری \* بصیرتله کورمک اولمغله  
 تبادردن عدولک وجهی ندر \* جواب اولنورکه \* آیت مر قومه نک  
 منطوقی اولان ماده معراج \* محضا موجب افتان اولدیغی کبی \* انی  
 ناطق الفاظ دخی احتمالاتی متضمن اولمغله \* ناطق و منطوق  
 متوافق اولمشدر \* کذلک ذکر اولنان رؤیا غزوه بدرده هزیمت  
 کفارہ متعلق رؤیا اولق محتملدر \* یا خود مکّه یه دخولی مبشر  
 اولان رؤیادر \* بعض مفسرین دیدیلر که \* این شرکائی و تبره سی



یعنی مشاکله طریقه سی اوزره ❖ رؤیا ایله تسمیه ❖ مکذینک قولنه موافقتله در ❖ و حضرت معاویه نک صالحه ایله توصیفی منافی دکلدر ❖ و حضرت عایشه نک مرادی جسد رسول الله روحندن مفقود اولدی ❖ بلکه مقارنا عروج ایلدی دیمکدر ❖ وعقلا استبعاد اولماز ❖ زیرا بیضاوی مرحومک تحریری ❖ طرفین قرص آفتاب مابینی ❖ کره ارضک ایکی طرفی مابینک ❖ یوز التشدن زیاده ضعفی ایکن آفتابک طرف اسفلی اعلا سئک موضعنه ❖ ثانیه دن از مدته واصل اولور ❖ و مبرهنه در که ❖ اجسام قبول اعراضه منساویه در ❖ یعنی عنصریات ❖ و فلکیاتک هر برینه ❖ صحیح اولان آخره ده صحیح اولور حضرت حق سبحانه و تعالی ❖ ممکناته قادر اولغله ❖ بو گونه حرکت سریعه بی بدن رسول کزینده ❖ و براقده خلق ایلکه قادر در فلاسفه ده بو گونه جواب و پر بلور ❖ و خرق و التیام ماده سی کندی اصول لرینه مبنی در ❖ و نزول ملائکه بی انکاره مؤیدر ❖ العجب که هر مس هرامسه نک آسمانه عروج ایدوب ❖ اوتوز سنه مدت فلک زحل ایله دورانه قائل اولور لر ❖ و معراج نبوی بی انکار ایدر لر جمله معجزات دن شق القمر معجزه سی که ❖ وقوعی بدرکی روشنادر اصول لر نه قرص قر بر جرم کندی اللون اولوب افاضه نور خورشید ایله مستضی ایکن ❖ ایکی پاره اولوب نورانی اوله رق نازل و بعده صاعد و ملتئم اولدیلر ❖ و امام علی کرم الله وجهه حضرت تبری صلوٰه عصری اکمال ایچون ❖ شمس خلاف طبیعی رد و توقیف اولندی ❖ پس اصول قنده قالدی ❖ مخالفت زهیه کندی ❖ عالم اسیر دست مثبت دکلدر ❖ مؤداسی جمیع اشیا زبون پنجه قدرت خالق الارض و السمادر ❖ قالدیکه خاطر فاتره بو گونه لایح اولمشدر که ❖ حضرت عایشه ولادت نبونک قرق بشیخی سنه سی تولد ایلدی ❖ منازع فیه اولان امر معراج ❖ الی ایکن بی سنه سی

قبل الهجرة وقع اولدی ❖ امر زفاف مدینه منوره ده الی دردیجی سنه ده واقع اولغله ❖ فقدان جسد نبوی خصوصی نه کونه اولور و قالدیکه ❖ اثر حقیرانه مزاولان سیر حلبی ترجمه سنه تحریر اولندیجی اوزره حضرت رسول الله اوتوز درت دفعه معراجله حائز ابتهاج اولدیلر ❖ بر دفعه سی یقظه ده مکه مکرمه ده ماعداسی عالم منامده واقع اولمشدر ❖ و رأی العین مشاهد و وجود حقیقی به مظهر اولدیلر ❖ و صلوٰه پنجگانه اول کیجه مفروض اولدی و سماء اولده آدم علیه السلام و ثانیه عیسی و یحیی و ثالثه یوسف و رابعه ادریس و خامسه هرون و سادسه موسی و سابعه ابراهیم علیهم الصلوٰه والسلام حضرت انسه ملاقی اولدیلر عودنده حضرت ابراهیم امت رسول الله سلام سفارش پیور مغله حاله نمازده بزلردخی کندورینه صلوٰه و سلام اهدا ایدر رز خلاصه امر معراج حقدر ❖ لکن مسجد اقصایه اسرا کتایله و سمایه عروج احادیث مشهوره ایله و بالای عرشه صعود و خبر احاد ایله ثابتدر ❖ پس مکه دن مسجد اقصایه اسرای انکار ایدن کافر در ❖ و سمایه و سمدان مثبت الهی اولان عالمه عروجی منکر اولان مبتدعه در

❖ وَاَنَّ الْاَنْبِيَاءَ لِنِي اَمَانٍ ❖ عَنِ الْعَصِيَانِ عَمْدًا وَاَنْعِزَالٍ ❖

و اوعاطفه در ❖ ان حروف مشبه دندر ❖ الانبیاء اسم منصوبیدر لنی امان کلمه سنده لام مؤ کده در ❖ فی امان جار و مجرور ظرف مستقر خبریدر ❖ امان امن معنا سنه در ❖ عَنِ الْعَصِيَانِ امان کلمه سنه متعلقدر ❖ عَمْدًا حالدر تمیز اولوق دخی ممکندر ❖ اَنْعِزَالٍ عصیان اوزره معطوفدر و انعزالهم عن منصب النبوة تقدیرنده در مفهوم یت بودر که ❖ جمله انبیای عظام بالقصد صدور ایدن



کفر و معاصیدر ❖ معصوم و مصون و منصب و الای نبوتدن  
معزول و مهجور اولمقدن مأ مونلردر ❖ معلوم اوله که ❖ مسائل  
عقایدیه دن بری دخی انبیای عظامک کفر و معاصیدن  
عصمتلری مسئله سیدر ❖ بونده دخی اهل سنه ایله سائرک  
منازعهلری وارد ❖ اهل سنه عندنده عصمتلری ثابتدر ❖ ابتدا  
عصمت سید شریف عندنده معاصی به اقتدار وار ایکن  
اجتناب ایلمک ملکه سندن عبارتدر ❖ جلال دوانی تعریفنه کوره  
حضرت حق تعالی عبادده ذنب و عصیان خلق ایلمامکدن  
عبارتدر ❖ انبیای عظامک عصمتی اولا ❖ حضرت باری تعالی  
انلری صفای جوهر ایداع ❖ بعده فضائل نفسیه جسمیه ایله  
منحلی ایلدکدن صکره ❖ نصرت و تثبیت اقدام احسان بعده  
سکینه ازالیله شوائب معاصیدن حفظ و حایت ایلمکدن  
عبارتدر ❖ و فلاسفه عندنده عصمت فجوره مانع ملکه ملکیه دن  
عبارتدر ❖ جمله اهل ملل و شرایع اتفاق ایلدیلر که ❖ انبیای  
عظامک دعوی رسالت و تبلیغ احکام کبی ❖ معجزه مدلولی اولان  
امورنده کذب عمدیدن عصمتلری واجبدر ❖ علی سبیل السهو  
والنسیان صدورینک جوازنده اختلاف اولندی ❖ اکثر  
تجویز ایلدیلر ❖ قاضی ابوبکر جوازینه ذاهب اولدی ❖ کذلک  
سائر زنونبک تعدد بکارندن معصوم اولمورنده اتفاق ایلدیلر  
اما سهو و خطا ایله صدورنده صاحب مواقفک کلامنه کوره  
اکثرون تجویز ایلدیلر ❖ شارح مواقف دیدیکه ❖ مختار اولان  
خلافیدر ❖ و صفائرک سرقت لقمه کبی ❖ خست و نفرتی مشعر  
قسمندن سهوا و عمدا معصوملردر ❖ حاحظ و بعض معتزله  
مخالفت ایلدیلر ❖ زیرا انلر سهوا صدورنی تجویز ایلدیلر ❖ و قسم  
دیگرندن دخی معصوملردر ❖ نه که مقاصد شرحنده علامه

تفتازانی بیان ایلدی ❖ بو ذکر ایلدیکمز و حی ظهورندن صکره  
اولور ایسه ❖ اما و حی صدورندن اقدام ❖ امتناعنه دلالت ایدر  
بر دلیل تام بوقدر ❖ و امکان ذاتی امکان وقوعی بی مستلزم  
دکدر ❖ و خوار جدن فضیله طائفه سی ❖ انبیای کرام اوزرینه  
معاصی بی تجویز ایلدیلر ❖ و هر معصیتی کفر اعتقاد ایتمز ایله حاشا  
انبیای عظام حقارنده کفری تجویز ❖ بلکه اظهارنی تقیه  
ایجاب ایلدیلر ❖ زعم باطللری بودر که ❖ اظهار اسلام قتله مفضی  
اولمغله نفسی نهلکه به القا اولور ❖ بوابسه حرامدر دیرلر ❖ هذیان  
مزبورلری ❖ بو وجه اوزره مردوددر که ❖ تقیه اظهار کفر  
جائز اولسه ❖ اظهارینه انساب اولان ظهور دعوتلری هنکامیدر  
زیرا ناس اول هنکامده کندولر بی منکرلردر ❖ بو صورتله اظهار  
دعوت بر پیغمبره جائز اولموب ❖ بالکلیه اخفای دینی مؤدی  
اولور ایدی ❖ و حشویه طائفه سی کفری و اظهارنی تجویز ایتزلر  
لکن بکار اوزره اقداملر بی تجویز ایدرلر ❖ بعض طائفه عمد  
بکاری منع و عمد صفائری تجویز ایدرلر ❖ اصحاب سنت  
ذکر اولندیغی اوزره بعد الوحی ❖ عمدا و سهوا بکار و صفائری  
منع ایدرلر ❖ زیرا انبیای کرامدن عمدا ذنب و کفر صادر اولسه  
امتی اوزرینه ❖ اتبعوه لعلکم تهتدون ❖ امری موجب تبعه اتباع  
لازمدر ❖ بو وجهله وجوب و حرمتک جمعی لازم کلور ❖ کذلک  
انبیادن کفر و ذنب صادر اولسه ❖ اشد عذابله معذب اولملری  
لازم کلور ❖ زیرا درجات انبیا غایت عز و شرفده در ❖ علی الشان  
اولان ذاتلردن صدور ذنب ایسه اخش اولمغله ❖ شدت عذاب  
لازم کلور ❖ تشکم قرآن مینده ❖ یا نساء النبی من یأت منکن  
بفاحشه مینه بضاعف لها العذاب ضعفین ❖ کریمه سی انی مؤیدر  
و حدود احرارک ترایدی دخی مؤیددر ❖ زیرا عبدک حدی حرک



حدیثك نصفیدر ❖ كذلك انبیادن کفر و ذنب صادر اولسه  
حرب شیطانندن اولورلر ❖ زیرا شیطانك مرانی عمل ایلدیلر  
بوایسسه باطلدیر ❖ زیرا شیطان خاسر در ❖ كذلك انبیای عظامدن  
ذنب و کفر صادر اولسه ❖ ان جاءکم فاسق بنباء فتبینوا ❖  
کریمه سی اوزره شهادتلی مقبول اولمز ❖ بوایسسه باطلدر  
زیرا عدولدن ادنی اولملری اقتضا ایدر ❖ كذلك انبیادن کفر  
و ذنب صادر اولسه ❖ ذم و ایدایی مستوجب اولملری لازم کلور  
ذنب و کفر منکر اولغله ❖ منکری انکار واجبدر ❖ پیغمبری  
ذم و ایدایی ❖ ان الذین یؤذون الله ورسوله لعنهم الله فی الدنیا  
والآخرة ❖ کریمه سی اوزره حرامدر ❖ كذلك انبیادن  
کفر و ذنب صادر اولسه ❖ منصب نبوتدن انعزالی لازم اولور  
زیرا کافر و مذنب ظالمدر ظالم ایسه ❖ لایزال عهدی الظالمین ❖  
کریمه سی اوزره عهد نبوته نائل اولزلر ❖ اکر سؤال  
اولنورسه که ❖ آیت مر قومه نک ما قبلی اولان ❖ انی جاعلک  
للناس اماما ❖ کریمه سی سیاقیله عهددن مراد امامتدر  
نبوت دکلدیر ❖ جواب و یریلور که ❖ آیت کریمه ده عهد امامت  
نبوتدر ❖ زیرا حضرت باری تعالی ❖ حضرت ابراهیمی نبوته  
سرفراز ایلمله ❖ جاعلک للناس اماما قولندن مراد ❖ جاعلک  
للناس نبیا مراد اولغله ❖ امامتدن مراد نبوتدر ❖ و اولسم عهد نبوته  
نائل اولماق طریق اولویتله ثابتدر ❖ قالدیکه حضرت آدمک  
اکل شجره و حضرت ابراهیمک کواکبه ❖ هذاربی ❖ و بل فعله  
کیرهم وانی سقیم قوللری ❖ و موسی علیه السلامک قبطنی  
قتلی ❖ و حضرت یوسفک زلیخایه همی ❖ و حضرت داودک  
حلیله اوریا به طمعی ❖ کبی بعض انبیای کرام حقارنده منقول اولان  
حالاتک بعضیسی افترا اولوب ❖ و بعضیلری تأویلات لایق ایلله

ما اولدر ❖ اور یا قصه سی محض افترا در ❖ اما اکل شجره ماده سی  
قبل النبوه در ❖ یاخود ❖ لا تقر با هذه الشجرة ❖ قولندن مراد الهی  
نوع ایکن ❖ شخصه جل ایلدیکنه منیدر ❖ و حضرت ابراهیمک  
هذاربی قولی ❖ فرض و تقدیر جهتنه منیدر ❖ یاخود اول وقتده  
درت یاشنده اولغله ❖ قبل الوحی اولدیغنه منیدر ❖ بل فعله کیرهم  
قولی استهزا طریقنه ❖ یاخود سینه اسناد حکمنه منیدر ❖ زیرا  
حضرت ابراهیمک فعل مزبورینه سبب کفارک عموما اصناملرینه  
خصوصا صنم کیرمر سومه تعظیملریدر ❖ و بگونه سینه اسناد ایلک  
محاورانده شایعدر ❖ مثلا بواشی بکاسن ایتدک بلکه ❖ فلان ایتدی  
دیو محرکنه و سینه اسناد ایدرلر ❖ وانی سقیم قولی محتملدر که  
سقیم حالی یاخود سقیم متوقع استقبالی اوله ❖ و حضرت موسی  
قبطنیک قتلنی قصد ایتوب ❖ بلکه ضربنی قصد ایلشیدی  
و حضرت یوسفک همی جبلی اولوب ❖ اختیاری اولدیغیله  
ما اولدر ❖ یاخود ❖ ولقد همت به وهم بها ❖ آیت کریمه سندن مراد  
زلیخا قراره ❖ و یوسف فراره هم ایلدی دیمک اوله ❖ و حضرت  
رسول اللهک ❖ لم یکذب ابراهیم غیر ثلث مرات قولنده ❖ کذب  
تعبیری صورت کذبده وقوعنه منیدر ❖ لیغفرلک الله ما تقدم  
من ذنبک و ما تأخر ❖ قول شریفندن مراد ذنوب استدر ❖ یاخود  
ترک اولی در ❖ و قالدیکه انبیادن ترک اولی صدوری شرح صحیفده  
مسطور اولدیغی اوزره ❖ جائز دکلدیر ❖ بلکه اوچ وجه اوزره  
جائزدر ❖ سهو و نسیان و ترک اولی یاخود مباحه اشتباه و جهیله  
❖ محصلده امام رازی دخی بو قوله ذاهب اولدیغی مسطوردر  
وانبیای عظامک حیات و مآتده رسالتلی منقطع اولمز ❖ زیرا طرف  
ربانیدن کنور دکلی احکام و وجوب اتباع انام باقیدر ❖ و فالتربله  
منقطع اولان وجوب تبلیغ و تکلیفدر ❖ برکات الابرار مؤلفی



دیشدر که \* شیخ اشعری مذهبی بود که \* موته رسالت منقطع  
اولور \* لکن حکمی \* یا خود مقامه قائم بر حکم باقی اولور \* فی تحقیق  
حکمک بقاسبله رسالتک عدم ابطالیدر

❖ ❖ مَا كَانَتْ نَبِيًّا قَطُّ اَنْتَ ❖ ❖ وَلَا عَبْدٌ وَشَخْصٌ ذُو اَفْعَالٍ ❖ ❖

ماء نافیه در \* کانت فعل ناقص در \* نبیا خبر مقدم منصوبی و اشی  
اسم مؤخر مرفوعیدر \* قط ظرف زمانیه دن علی سبیل الاستغراق  
زمان ماضی منفی به دالدر \* ولا عبد ولا شخص معطوفلدر \* ولا کان  
عبد نبیا تقدیرنده در \* ذو افعال شخص کلمه سنک صفتیدر \* افعال  
فعل قبیح معنا سنه در \* سحر و شعبده \* و تصویر و کذب کبی  
مفهوم بیت بود که \* قطعا انبیای عظام اشی اولمازلر \* یعنی نسوان  
طائفه سندن و قول جنسندن پیغمبر کلز \* و پیغمبر ساحر و مشعوذ اولماز  
معلوم اوله که \* نسوان طائفه سندن پیغمبر اولماز زیرا \* و قرن  
فی بیوتکن ولا تبرجن تبرج الجاهلیه \* امر شریفیه انلرک تستری  
و خانه لرنده نمکن و استقرار لری واجبدر \* نبوت ایسه دعوتله اشتها  
و معجزه اظهار \* و ریاست کبی احواله محتاجدر \* انوشت بونلره  
منافی اولغله \* بالضرورة انبیای رجالدن اولمق لازمدر \* سؤال  
اولنور سه که \* طائفه نسوان بزم شریعتزده قرار و استنثار ایله  
مأمور اولدیلر \* جائزدر که \* بعثت محمدیدن اقدم مأمور اولماز لریله  
انلردن انبیای کلش اوله \* جواب ویریلور که \* و ما ارسلنا قبلك  
الا رجالا نوحی الیه فاسئلوا اهل الذکر ان کنتم لاتعلمون \*  
کریمه سی انبیای رجالدن اولدیغنه نص صریحدر \* لکن آیت کریمه  
مرسلک رجالدن اولدیغنی ناطقددر \* و قالدیکه نسوان طائفه سی  
فی ذاتهن ناقصات اولغله \* نبوت تجلیسنه که هر وجهله کمال قابلیته  
متعلقدر \* منافی اولدیغنی ظاهر در \* اشاعره نبوت انوشته منافی دکلدر

دیدیلر \* ام موسی و ام عبسی و ساره و آسیه نک نبوتلرینه ذاهب  
اولدیلر \* زیرا حقارنده و اوحینا عنوانلری وارد اولدی \* اکا جواب  
ویریلور که \* وحی نبوتی مستلزم دکلدر \* نته که \* و اوحی ربک  
الی التحل \* کریمه سنده وارد اولدی \* و جائت قبلی اربع  
نبیات کام موسی و مریم و ام عبسی و آسیه زوجه فرعون  
حدیثک صحتی ممنوعدر \* و لوسلم نبیات قوی مرفوعات فی الدرجه  
علی سائر النساء ایله مأولدر \* لکن خلاف تبادر اولدیغنی ظاهر در  
وانبیا احرار دن اولمق لازمدر \* عبد مملوک اولماز \* زیرا خدمت  
مالکنه اشتغالله امر دعوتدن منعوق اولور \* و ناس کند و سنه  
اتباعدن استنکاف ایدر لر \* و رقیب اثر کفر اولغله \* اتصاف  
جائز دکلدر \* و رقیب کماله منافیدر \* و پیغمبر \* اتباع مایوحی الیک  
من ربک امری مقتضای سنجه تابع وحی اولوب \* کندی رأیله فاعل  
و مخلق اولماز \* و ساحر و مشعوذ و مصور اولماز \* سلاطین ماضیه  
ایراندن کشتاسب شاه زماننده \* ادعای نبوت ایدن زردشت و قباد شاه  
و فتنده تبیین ایدن مزدک \* و سمیا و شعبده ایله چاه نخشیده برقرار اظهار  
ایدن ابن مقفع و مصور مانی کبی \* زیرا بو اوصاف نبوتیه منافیدر  
و عصرینک اعقل و افضل \* و افصح و صورت و سیرتده اجل  
و الملمی اولمق لازمدر \* زیرا صفات کمالدر \* و ادای رسالتیه محل  
و منفرد طباع سلیمه و منقص اولان اوصافله متصف اولماق لازمدر \*  
قالدیکه عقده ناطقه حضرت موسی فطری دکلدر \* بلکه  
حکیمه مبنی نشأت ایشدر \* زیرا فرعون منجمینک خبر ویردکری  
بودر دیوا شنباه ایتمکله \* آسیه جنابلری حضرت موسی  
او کونه التون و آتش کستور مکله \* فعل جبریل امینله  
آتشی الوب دهانه وضع ایتمکله \* لسان شریفی محترق  
اولمشیدی



❦ و ذوالقرنین لم یعرف نبیا ❦ کذا لقمان فاحذر عن جدال ❦

ذوالقرنین مبتدا ❦ لم یعرف جمله سی خبر در ❦ نبیا حال در ❦ یا حود  
لم یعرف کونه نبیا تقدیر نده در ❦ کذا مبتدا لقمان خبریدر  
غیر منصرف در ❦ فاحذر کلمه سنده فاء جزایه در ❦ احذر حذر دن  
فعل امر در ❦ جدال مجادله معنا سنه ❦ اذا کانت نبوتها مشکو کا  
فاحذر تقدیر نده در ❦ مفهوم بیت بود که ❦ ذوالقرنین و لقمان  
حضرت تارینک نبوت لری ثابت اولیامغله ❦ نبوت لری خصوص سنده  
مجادله دن کف لسان ایدوب علم الهی به احاله بیلک اسلمدر  
معلوم اوله که ❦ ذوالقرنین لقب اسکندر در ❦ واسکندر ایکی پادشاه در  
برسی رومی ❦ و برسی یونانی در ❦ رومی قاتل دارابن بزمین  
اسفند یار در که ❦ صاحب خضر علیه السلام در ❦ یونانی فیاقوس  
او غلبدر که صاحب ارسطو در ❦ محل نزاع اولیکدر ❦ یعنی  
پیغمبر میدر ولیمدر اختلاف اولندی ❦ لکن کار زونی و علامه  
ابن کمال ❦ و یسئلوک عن ذی القرنین ❦ آیت کریمه سی تفسیر نده  
یونانی در که ❦ حضرت ابراهیمه کعبه بی طواف ایلدی دیو ❦ ثبت  
ایلمسدر در ❦ سعدی چلبی بیضاوی حاشیه سنده ❦ اسکندر رومیدر  
دیو تصریح ❦ و بر حدیث شریفه استدلال و ابن کمالک کلامی  
رد ایدر ❦ و مقام مزبوری اشباع یتسدر ❦ و ذوالقرنین ایله تلقبده  
وجوه عدیده نقل ایدر ❦ بعضار عالم رؤیاده آسمانه صعود آفتاب  
ایکی قرنی اخذ ایلدیکنی ❦ و بعضار آفتابک ایکی قرنه یعنی مشرق  
و غربه مالک اولدیغنی ❦ و بعضار روم و فارسده سلطنتی ❦ و بعضار  
نور و ظلمته داخل اولدیغنی ❦ و بعضار تاجنه موازی لحدن ایکی صغیر  
قرن شکلی اولدیغنی ❦ و بعضار ❦ عمر بندن اولغله زماننده ایکی قرن  
کذران ایلدیکنی ❦ وجه تلقب ایتدیلر ❦ نبوتنده دخی اختلاف

ایلدیلر ❦ بعضار ❦ قلنا یاذا القرنین الایه ❦ کریمه سی منظوم فیه  
مظهر وحی اولغله ❦ نبوتنه ذاهب اولدی ❦ و بعضار صلاح و ولایتنه  
ذاهب اولوب ❦ وحی وحی الهامله توجیه ایلدی ❦ بعض علما  
دیدیلر که ❦ اصح اولان عالم و عامل و عادل پادشاه اولغله ❦ خطاب  
الهی به مستحق اولمشیدی ❦ امام علی کرم الله وجهه حضرت تارندن  
مر ویدر که ❦ ذوالقرنین پیغمبر دکل ایدی ❦ لکن امر ربانی به مطیع  
و بلا سنه صابر و نعمته شا کر کسینه ایدی ❦ کذا لقمان  
حضرت تارینک دخی ❦ نبوتنده اختلاف اولندی ❦ اکثر علما عدم نبوتنه  
ذاهب اولوب ❦ ولقد آتینا لقمن الحکمة ❦ کریمه سنده  
حکمتی فهم و علمه جل ایلدیلر ❦ هزار پیغمبر کزینک مشکو  
نبوت تارندن ❦ استفاضه نور حکمت ایلدیکی منقولدر ❦ استادی برکون  
امتحان و جهیله لقمانه دیدیکه ❦ برقیون ذبح ایدوب اطیب  
اعضاسندن بکا کتور ❦ لقمان دخی برقیون ذبح و لسان و قلبی  
الوب ❦ استادینه کتوردی ❦ بعد زمان ❦ ینه لقمانه برقیون ذبح  
ایدوب اخبث اعضا سنی بکا کتور دیدی ❦ لقمان ینه لسان و قلبی  
کتوردی ❦ استادی بو وضعندن استفسار ایلدکده ❦ قلب و لساندن  
اطیب یوقدر ❦ اگر طیب اولور لر سه ❦ و انلردن اخبث یوقدر  
اگر خبیث اولور لر سه دیدی ❦ کندی فرزندینه نصایح حکیمانهری  
قرآنده مسطور در

❦ و عیسی سوف یأتی ثم یتوی ❦ لدجال شی ذی خیال ❦

عیسی اعراب تقدیر یله مرفوع مبتدا در ❦ سوف اداة استقبالدر  
یأتی فعل مستقبلدر ❦ فاعلی عیسی به راجعدر ❦ ثم تراخی به دال  
حرف عطفدر ❦ یتوی اتوادن فعل مضارعدر ❦ اهلک معناسنه در  
لدجال کلمه سنده لازم زائده در ❦ یا خود بعد معناسنه در ❦ صوموا



لرؤيته ❦ حدیثنده واقع اولدیغی کبی ❦ یاخود یا تی به متعلق اولمغه  
رتبه مقدم اولور ❦ یتوی کله سنده ضمیر منصوب محذوف اولور  
یاخود یتوی کله سی یهتم فعلیه تضمین اولنوب ❦ ثم یهتم لاهلاک  
دجال تقدیرنده اولور ❦ ثلاثین فتح تایل یه یتوی بعید الاحتمالدر  
شقی و ذی خیال دجال کله سنک صفتیدر ❦ خیال فساد و نقصان  
و هلاک معنایینه در ❦ مفهوم بیت بودر که ❦ علامت قیامت اولمق  
اوزره محمد مهدی خروج ایدوب ❦ بعده دجال ظهور و قرق کون  
شرق و غرب عالمده ❦ نشر شراره فساد ایلد کد نصکره ❦ حضرت  
عبسی آسمان دن آیت سیف کبی نازل اولوب ❦ اول شقی فتانی اهلاک  
ایلیه جکدر ❦ معلوم اوله که ❦ عبسی لفظنی بعضی سربانی و بعضی  
عبرانی در دیدلر ❦ ز محشری کشفده ❦ اصل اصلی اسمی ایشوع  
در دیدی ❦ صاحب تیسیر موشی کبی ❦ شین معجه ایله عبسی ایدی  
عربیه یه نقل اولاند قدده ❦ اهمال اولندی دیدی ❦ معناسی سید یاخود  
مبارک دیمکدر ❦ بعضی عربیه ذاهب اولوب ❦ بیاض مع الشقرة  
معناسنه عبسی ❦ یاخود عبسیدن مأخوذ در دیدی ❦ دجال دجلدن  
مأخوذ در ❦ کذاب و سحرار معناسنه ❦ خفی اولیه که ❦ اهل سنت  
اتفاق ایلدیلر که ❦ آخر زمانده دجال ظهور ایدوب مشرق و مغرب  
اراسنی ❦ قرق کون کشت و کذار ایدوب ❦ کندوسنه هر ملتدن  
خصوصا یهود طائفه سندن ❦ قتی وافر اشخاص متابعت  
ایلیه جکدر ❦ امر یله سحاب امطار و زمین انبات ایدر ❦ و منظره  
ناسده برکسه بی قتل و احیا ❦ و خرابه لره اوغرا قدده کنوزلرین  
اخراج ایله امر ایله کله ❦ در ساعت جمله کنوز و دفاین ظاهره  
خروج ایدر ❦ بوجهته الوهیت ادعا ایدوب ❦ خلقی عبادتنه دعوت  
ایدر ❦ بعده حضرت عبسی علیه السلام دمشق شامده مناره  
بیضایه و آندن زمینه نازل اولوب ❦ دجالی ینه شامده لدا نام جبل

یا ننده قتل ایدر ❦ بر روایتده دجال حضرت عبسی بی کور بچک  
طوز کبی ذائب اولور ❦ یهود طائفه سی پریشان اولوب نفیر عام  
ایتمکله ❦ اهل اسلام بولدقلری محله جمله سنی طعمه شمشیر  
اعدام ایدرلر ❦ حتی متواری اولدقلری طاشلری ❦ یا عباد الله  
ایشته بوراده یهودی واردیوندا ایتمکله ❦ واروب قتل ایدرلر  
مشکوتده مسطور اولدیغی اوزره ❦ عبد الله بن عمر رضی الله  
عنهما دن مر ویدر که ❦ حضرت رسول الله صلی الله علیه وسلم  
یور دیلر که ❦ عبسی بن مریم نازل اولوب ❦ و تزوج ایلیه جکدر  
و اولادی اوله جقدر ❦ و بسبط ارضده قرق بش سنه مکث  
ایلد کد نصکره ❦ وفات ایدوب ❦ بنم قبرمه مدفون اوله جقدر  
بن ❦ و عبسی بن مریم ❦ ابوبکر ❦ و عمر ینلرنده قیام ایلیه جکر  
و مر ویدر که ❦ حضرت عبسی اولیای امت محمدیدن اولوب  
شریعت مطهره ایله حکم ایلیه جکدر ❦ مقدمه عسکری اصحاب  
کهف اوله جقدر ❦ زمانی اول درجه ده اسوده اوله جقدر که  
قبون قوردا ایله و صبیان حیات ایله مازجه و ملاعبه ایده جکدر  
و نزول عبسی یا ننده ❦ و یکلم الناس فی المهد و کله  
کریمه سیله ده استدلال اولنور ❦ حتی بعضی مفسرین و کله  
بعد ان یترک من السماء عبارتیه تفسیر ایتشدلر ❦ لکن معنای  
کهولت ❦ اوتوز دن قرق یاشنه وارنجه اطلاق اولنور ❦ قوله مبنی  
اولیوب بلکه اوتوز در تدن الی یه وارنجه اطلاق اولنور مذهب  
مسند اولمغه محتاجدر ❦ زیرا حضرت عیسی علیه السلام رفع اولندیغی سنه اوتوز  
اوج یاشنده ایدی ❦ و حضرت عبسی ❦ كذلك دجال مسیح ایله ملقبدر  
زیرا مسیح لفظی ❦ اضداد دندر ❦ مسعود و ملعون معنایینه در

❦ کرامات الولی بدار دنیا ❦ لها کون فهم اهل النوال ❦



کرامات الولی قوی مبتدادر \* لها ظرف مستقر مقدم خبر در  
کون مؤخر مبتدادر \* بدار دنیا کون لفظنه متعلقدر \* کون ثبوت  
و وقوع معناسنه در \* باء ظرفیت ایچوندر \* دنیا کلمه سی مقصور در  
افعل تفضیلدر \* فلاك قرك ما تحتہ اطلاق اولنور \* فهم ضمیری  
ولی یه را جعدر \* زیرا اضافت جمع دلالتیله حرف تعریف جنسنه  
مجمولدر \* فاء سببیه در \* نوال عطا معناسنه در \* مفهوم بیت بودر که  
دار دنیاده \* اولیاء الله بدلر نده ظهور ایدن خارق عاده کرامتدر  
حق و ثابتر \* زیرا انلرمظهر الطاسف مخصوصه ربانیدر  
معلوم اوله که \* ولی لفظی ولی یا خود ولایتدن مأخوذ در \* قریب  
و محب معناسنه در \* بمعنی فاعل و بمعنی مفعول اولمغه صالحدر \* عرفده  
حسب مایمکن عارف بالله و عارف صفات الله اولوب \* طاعاته مواعظ  
و معاصیدن مجتنب \* ولذات و شهوات حیوانیه دن معرض اولان  
ذات شریفه اطلاق اولنور \* و کرامت دعوای نبوته مقارن  
اولدیغی حالده \* طرف اولیادن خارق عاده امرک ظهوریدر \*  
ایمانه و عمل صالحه مقرون اولماز ایسه استدراجدر \* دعوای نبوته  
مقرون اولور سه معجزه در \* و سحر نفوس خبیثه اصحابیندن  
ظهور ایتم کله \* کرامتدن مفترق اولور \* لکن تستر ظاهری  
خصوصنده فرقی مشکدر \* اکا بناء ساده لوحان عوام اولمقوله  
فتانلرک مکر و تسویلاتنه \* فریفته و مأسور اولوب \* طریق ضلالتنه  
سالک اولورلر \* پس لازم اولان \* بوکونه خارق عاده ظهور ایدن  
شخصک احوالنه چشم دقت ایله امعان نظر \* و تحقیق جلایا  
و خفایای اطوار و افعالی \* قلیل و کثیر \* و جلیل و حقیر شرع منیره  
تطبیق ایلیوب \* اگر ذره ما شرعه مغایر قول و فعل صادر  
اولور سه \* صغیر الکبیر کبیر \* مؤداسی جبل عظیمه برابر اولمغه  
الحذر ثم الحذر \* زیرا اولیای کرام \* ان اولیاؤه الا المتقون مقتضاسنجه

علم و تقوا ایله متصف \* خصوصاً سر کرده جله خطیئات اولان  
حب دنیادن بالکلیه مجتنب و مستنکف اولورلر \* توفیق ربانیه بعض  
مؤمنین اخلاق مذکوره ایله متخلق اولمغه \* نائل درجه ولایت  
اولمق امکانه در \* و وقوعنه جمهور اهل سنت دلیل عقلی و نقلی  
ایله متفقدر \* اکثر معترزه انکار ایلدیلر \* وقوعنه دلیل نقلی بودر که  
قرآن مبینک ناطق اولدیغی اوزره \* حضرت سلیمان علیه السلام  
وزیری اولان آصف بن برخیا یکی آیلق مسافه محلدن بلقیسک  
سریرینی طرفه العینده ایراد و احضار ایتدی \* و حضرت عمر  
رضی الله عنه ساریه بی سر عسکر ایدوب \* ایران بلا دندن نهاوند  
اوزرینه تعیین و ارسال ایلدی \* هنکام مضافده و رای عسکر  
اسلامده واقع جبل اوزرندن \* لشکر کفار بغته خیول  
مسلمین اوزره هجوم قیدنده اولدیغی \* حضرت فاروق اعظم  
مدینه ده منبر اوزره \* خطبه قرائت ایلدیکی اناده رأی العین  
مشاهده بیورمغه \* یاساریه الجبل الجبل دیوندا \* و ساریه یه اسماع  
ایلمشدر \* نهاوند ایله مدینه نک مابینی \* بشیوز فرسخدن زیاده در  
کذاک زمان خلافت فاروقیده \* نیل مصر منقطع اولمغه \* خط  
وغلادن \* درگاه خلافتیناه عالی یه \* شکایتنامه ارسال اولندقدده  
جناب فاروق اعظم رضی الله عنه \* من عمرالی نیل مصر اما بعد  
فان کنت تجری بامر الله و قدرته فاجر صاغرا عباتیه موشح  
مکتوب تحریر و ارسال \* و حسب الامر نیله اتدقلرنده باذنہ تعالی  
جریانه باشلیوب \* الی هذا الان منقطع اولماشدر \* و خالد بن ولید  
رضی الله عنه مداین کفساردن برینی حصار \* و سکا تنی تضییقه  
ابتدار ایدوب \* اهل البسی مقاومتدن عاجز قالمیریه \* حضرت خالد  
اگر اشبور قدح زهری تناول ایدوب \* بر ضرر اصابت ایلر سه  
دین اسلامک حقیقی نمایان اولمغه \* جله مز سرفرو بردہ تسلیم



و مطاوعت اول نور ز دیو خبر ارسال ایتلریله \* حضرت خالد دخی  
منظره لر نده \* اول قدح لبریزی بلا جرعه نوش ایدوب \* وجود  
بهبودلرینه قطعاً ضرر عارض اولدی \* و سائر تابعین و صالحیندن  
ظهور ایدن کرامتله \* حد تواتره بالغ اولغله \* انکاره مجال یوقدر  
اوائله ناس یینده یوقدر حب دنیا اولماغله \* چوقلق تستر ایلزلر  
ایدی لکن \* اواخر زمانده معاذ الله تعالی خلقه محبت دنیا \* و تعلق  
جاه و غنا غالب اولغله \* ازدحام ناس غائله سیچون زوایای اختفاده  
اولورلر \* ع این مدعیان در طلبش بیخبراند \* لایحه سی اصطلاحات  
صوفیانه \* و اطوار درویشانه ایله \* و لایتفر و شلری کوی امامی بیله  
دکدر \* الحذر \* شکل و شمائل و مقاله مکر آمیز بی طائله مغبون  
اولیوب \* کار و کرداری شرع شریفه مطابق و کتاب و سنته موافق  
اولدقه رکن عصای اعتقاد اولمیه \* انلرک دخی سرا بر احوال لرینه  
اطلاع متعسر اولغله \* حقیقته ظفر یاب اولمق متعذر \* انلر پادشاه  
ملکت استغادر \* بزم کبی آلوده و مجرملردن دور و مخفی اولورلر  
\* الله تحت قباب العز طائفة \* اخفاهم فی رداء الفقر اجلا لا \*  
\* هم السلاطین فی اطوار مسکنه \* جرواعلی الفلک الخضراء ازیالا \*  
دلیل عقلی بودر که \* حق سبحانه و تعالی قادر در که \* بر صالح عبدی  
یدنده ثمره طاعتی مبین \* و صحت دینیه از دیاد بصرتی متضمن خلاف  
عاده امور اجرا ایلیه \* معتزله دیرلر که \* عرش بلقبسی ایراد ایدن  
آصف دکدر \* بلکه \* جبریل امین یا خود \* حضرت سلیماندر  
( وانا آتیک به ) کلام شریفنده خطاب عفریته در \* و دیرلر که  
خوارق عاده انبیانک عیر یسند \* ظهور ایلسه \* معجزه یه مشنبه  
اولغله \* پیغمبر غیردن ممتاز اولماز \* اکا جواب ویریلور که \* انبیای  
کرام تحدی و دعوی نبوتله متمیز اولورلر \* اولیای ذوی الاحترام  
متابعت انبیایله ادعا ایدرلر \* الحاصل کرامت اولیا ثابتدر \* و وقوعی

کثیردر \* انکار لر نده منفعت یوقدر \* کتب اهل اسلام مناقب لر یله  
مشحوندر \* حضرت حق سبحانه و تعالی بعض عبادتی نبوتله  
اصطفا ایلدیکی کبی \* بعضیسنی ولایتله اجتبا ایلک جائزدر \* بولوب  
کور ممکن انکار لازم کیز \* خفا شک آفتابی انکارندن عدم  
وجودی اقتضا ایلز \* تعصبک ضرر دن غیری نفی یوقدر  
باخصوص \* رجال الغیب حفته اثر وارد اولمشدر \* مضطربینه  
امر الهیله \* اغاثه و اعانتلری مشهوردر \* نامق الحروف دخی  
امداد لرینه مظهر اولمشدر \* مناسب اولان بودر که \* فی کل الاعصار  
وجودلرین اقرار ایدوب \* باخصوص شیخ اکبر محی الدین عربی  
و عبدالقادر کیلانی \* و حضرت مولانا \* و عبیدالله احرار انارالله  
براهینهم حضراتی تعبیرات لایقه ایله \* یاد و تذکار ایلیه لر \* ستر  
و تعبیه ایلدکری الفاظی فهم \* و ادراک ایتما مکنه استنکارلری  
روا دکدر \* علم جفر و نجوم و اکسیر کبی انلریده عوامدن اخفا  
ایلمشدر \* و اکثر کلاملری وجدانیدر \* من لم یدق لم یعرف  
قبیلنددر \* کلماتلرین فهم ایلدکدن صکره استعمال اولنماق  
الزمدر \* حق تعالی جمله مزه توفیق و بصیرت کرم ایلیه \* و کرامت  
اولیا تابع اولدیغی پیغمبر ایچون معجزه در \* فی الحقیقه اول پیغمبری  
تأید \* و ولی مشار ایله اول پیغمبرک طریقته سلو کله تکریم  
و تمجیددر

﴿ وَلَمْ يَفْضُلْ وَلِيَّ قَطُّ دَهْرًا ﴾ ﴿ نَبِيًّا أَوْ رَسُولًا فِي الْحَالِ ﴾

لم ینال ضم ضاد ایله در \* ولی فاعلیدر \* عمومی مفیددر \* قط ظرف  
زماندر \* دهر کله سیده ظرف زماندر \* قط کله سندن بدلدر  
نبیا مفعولیدر \* او کله سی و او معنا سنه در \* فی الحال لم یفضل  
کله سنه متعلقدر \* انتحال شرف معنا سنه در \* مفهوم بیت



بودر که \* اولیای کرام رسل و انبیای عظام در جه سنه قطعا بالغ  
دکلدرد \* زیرا فضیلتك ضدی نقص اولغله \* مساواتك دخی نفی لازم  
کلور \* و بمقوله کلام عرفده \* نفی افضلیت ایچون مسوق اولور  
بلکه عمده صاحبك قولی اوزره \* بر پیغمبر جمیع اولیادن افضلدر  
معلوم اوله که \* اولیای کرام \* انبیای عظامه تبعیتله درجه  
ولایت نائل اولورل \* البته متبوعك رتبه سی بالاتر اولور \* و انبیا  
مأمون العاقبه در \* لکن اولیایه خائمه دن خوف واستعاذه واجبدر  
و انبیای عظام وحی \* و مشاهده ملائکه ایله مخصوصلردر  
و انبیا اصول \* و اولیا فر و عدر \* و نبوت \* خلافت ظاهره و باطنه  
و ولایت \* خلافت باطنه در \* كذلك حضرت رسول الله علیه الصلوة  
و السلام ابو بکر الصدیق رضی الله عنه حقنده پیور مشدر که  
قسم بخدای جهان افرین که \* انبیا دنصکره \* ابو بکر دن افضل  
برکسه اوزره شمس طلوع و غروب ایلدی \* بو حدیث شریف  
دلالت ایدر که \* پیغمبر ابو بکر دن و ابو بکر سائر ناسدن افضل ایمش  
و \* کنتم خیر امه اخرجت للناس \* کریمه سی اوزره امت  
محمدك اولیاسی \* امم سالفه اولیاسندن افضلدر \* انبیادن مادون  
اولان ذات \* جنس اولیادن افضل اولنجه \* انبیا اولیادن افضل  
اولق لازمدر \* کرامیه طائفه سی \* و اهل اباحه دن بعض صوفیه  
دیرلر که \* ولیء کامل مکمل پیغمبر دن افضلدر \* الله یصطفی  
من الملائکه رسلا و من الناس \* کریمه سی و \* و انهم عندنا  
لن المصطفین الاخیار \* و حق محمدیده \* و ما ارسلناک الا رحمة  
للعالمین \* و \* و من یطع الله و الرسول فقد اطاع الله \* کریمه لری  
موجب لرنجه علمای کرام اول طائفه نک \* کفر و زندقه لرینه  
ذاهب اولدیلر \* مطاعك مرتبه سی \* مطیعدن اشرف اولدیغی  
بی اشتباهدر \* و طائفه مزبوره نک احتیاج لری بودر که \* حضرت

موسی پیغمبر ایکن \* خضر دن تعلم ایلدی \* البته معلم متعلمدن  
افضلدر \* اکا جواب ویریلور که \* بوماده حضرت موسایی ابتلایه  
منیدر \* و خضرك نبوتنه دخی ذاهب اولمشدر \* و مطلقا متعلمك  
افضلیتی ضروری دکلدرد \* بعض علوم اولسونکه \* متعلم انی غیردن  
تعلم ایلش اولوب \* لکن معلم تعلم ایلماش اوله \* حضرت خضر دخی  
احکام ظاهره شریعت موسایه متعلق \* عالم اولماق جائزدر  
قالدیکه \* علامه تفنازانی دیمشدر که \* بی ولیدن افضل اولوب  
و نبوت \* و ولایت رتبه لر یله متصف اولدقدنصکره \* رتبه نبوت لری  
یوقسه \* رتبه ولایت لری افضلدر \* بو خصوصده بین العلماء تردد  
واقع اولمشدر

وَالصَّادِقُ رَجَحَانُ جَلِيٌّ عَلَى الْأَصْحَابِ مِنْ غَيْرِ احْتِمَالٍ

لصديق جار و مجرور مقدم خبردر \* و رجحان مؤخر مبتدادر  
جلی ظاهر معنا سنه صفتدر \* علی الاصحاب رجحان کلمه سنه  
متعلقدر \* من غیر احتمال \* صفت یا خود حال موقعنده در \* مفهوم  
یت بودر که \* اقدم خلیفه رسول الله اولان حضرت ابو بکر الصدیق  
رضی الله عنه سائر اصحاب کرام حضراتندن \* افضل وارجددر  
وار جحیننده شک و احتمال یوقدر \* قطعی الثبوتدر \* معلوم اوله که  
صديق لفظی \* صدق دن مبالغه در \* حضرت ابو بکر لك لقب  
مهد بلریدر \* امر معراجی جمله دن اقدم تصدیق ایلکله  
صدیقله ملقب اولدیلر \* جاهلیتده اسم لری عبد الکعبه ایدی  
اسلامده عبد الله اولدی \* ابو بکر کنیه سیدر \* پدرینك اسمی عثمان  
و کنیه سی ابو قحافه در \* خنی اولیه که \* اهل سنت و قدما ی معتر له  
اتفاق ایلدیلر که \* انبیا دنصکره افضل انام \* ابو بکر الصدیق  
رضی الله عنه حضرت بلریدر \* شیعه طائفه سی \* و متأخرین معتر له



امام علی کرم الله وجهه حضرت تریدر دیدیلر ❁ اهل سنت کتاب  
وسنت ❁ واثرايله استدلال ایلدیلر ❁ اما کتاب ❁ وسینجهالاتی الذی  
یؤتی ماله یترکی وما لاحد عنده من نعمة تجزی ❁ کریمه سیدر  
زیرا اکثر مفسرین عندنده ❁ مراد شریف حضرت ابوبکر در  
❁ ولایاتل اولوالفضل منکم والسعة ❁ کریمه سندن  
دخی مراد ❁ ابوبکر حضرت تریدر ❁ اما سنت (لو وزن ایمان  
ابی بکر بایمان اهل الارض ر حج ایمان ابی بکر علی ایمان  
اهل الارض) حدیث شریفیدر ❁ و ابوالدرداء رضی الله عنه  
برکون حضرت ابوبکر اوکنده کتمکله ❁ حضرت رسول الله  
کور دکده (اتمشی امام من هو خیر منک والله ما طلعت الشمس  
ولا غربت بعد النبیین علی احدا فضل من ابی بکر) بیور مشلدر  
اما اثر ❁ ابن عمر رضی الله عنهما حضرت تریندن مرویدر که ❁ زمان  
حیات نبویه بزل افضل امت محمدی ❁ ابوبکر در ❁ بعده عمر  
وعثمان در دیو ❁ سویلشورایدک ❁ و امام علی حضرت تریندن (خیر الناس  
بعد النبیین ابوبکر ثم عمر ثم الله اعلم) عبارتیه مروی اولان  
حدیثدر ❁ اما امارات ایام خلافت صدیقده ❁ تألیف قلوب ❁ وتتابع  
فتوحات وقهر اهل ردت ❁ وتطهیر جزیره عرب ❁ و روم طائفه سنی  
شامدن اجلا ❁ وعجمی حدود سواد اسلامدن طرد وتبعید ایلشدر  
وجمع ناسدن اقدام نبوت رسول اللهی تصدیق وایمان ایلدی  
نته که ❁ حدیث شریفده وارد اولمشدر که (این مثل ابی بکر  
کذبی الناس وصدقنی وآمن بی وزوجنی ابنته وجهزنی  
بماله وواسانی بنفسه وجاهدمعی ساعة الخوف) و حضرت رسول الله  
حال مر ضنده امامته استخلاف ایدوب ❁ وتجهیز لریندن مقدم  
خلافت لرینده اجماع امت منعقد اولمشدر ❁ و بو حدیث شریف دخی  
فضائلنه دلالت ایدر (قال النبی صلی الله علیه وسلم لما عرجت

الی السماء وقفت بین یدی الرحمن قال لی یا احمد علی من ترک  
اهل الارض قلت یارب علی ابی بکر الصدیق فقال انه احب العباد  
الی بعدک فاقرأه منی السلام) و امامیه طائفه سی دخی زعمر نجه کتاب  
وسنت و امامه ايله احتیاج ایدر لر ❁ اما کتاب ❁ فقل تعالوا ندع  
ابنائنا وابناءکم ونساءنا ونساءکم وانفسنا وانفسکم ❁ الایه  
دیدیلر که ❁ انفسنا قولندن مراد نفسی دکدر ❁ زیرا انسان کندی  
نفسنی دعوت ایلز ❁ وفاطمه وحسین دخی دکدر ❁ زیرا انلرا بناء  
ونساء تحتند مندر جلدر ❁ البته شخص آخر اولمق لازمدر  
پس مدعو مر قوم بالا جماع ❁ حضرت علیدر و امام علی اولدیغی  
صورته ❁ افضلیتک یانی بوجه اوزره در که ❁ آیت مر قومه  
مباهله باینده که ملاعنه در ❁ نازل اولمغله ❁ امام علی بی مباهله به  
دعوتی ❁ حضرت رسول اللهک امام علی به غایتله مشفق ومهربان  
اولسنه دلالت ایدر ❁ اگر وجه محرر اوزره اولسه ❁ منافقون دیرلر  
ایدیکه ❁ حضرت رسول الله امرنده بصیرت اوزره اولدی ❁ زیرا  
مباهله ایچون زیاده محبت ❁ و وقوع عذابدن صیانت ایلبه جکی  
کسنه بی دعوت ایلدی دیرلر ایدی ❁ ومباهله به مدعو اولان کسه  
زیاده سیله شفقت ومحبتی زیاده اقرب اولدیغیچون ❁ یا خود افضل  
اولدیغیچون اولور ❁ شق اول منتقیدر ❁ زیرا حضرت عباس اندن  
اقربدر ❁ و برادری عقیل ابن ابی طالب در جده مساویدر ❁ پس  
شق ثانی که ❁ افضلیتدر ثابت اولدی ❁ بواحتیاج لری بوجه  
اوزره مر دود و مزیدر که ❁ انفسنا قولندن مراد نفس لری اولدیغی  
ممنوعدر ❁ زیرا انسان کندی نفسنی دعوت ایلز ❁ دیدیک کزدن مراد  
حقیقی ایسه مسلدر ❁ و اگر مجازی ایسه ممنوعدر ❁ نته که ❁ نفسندن  
امام علی اراده سی دخی مجازدر ❁ ایکی مجازک بریسی آخر دن  
اولی دکدر ❁ ولو سلم مباهله به مدعو اولان امام علی در ❁ لکن



دعوتدن افضلیت لزومی مسلم دکلدر ❦ مبا هله یه دعوتی حضرت رسولک مدعوه غایت شفقت زیاده قربت ❦ یاخود ❦ زیاده افضلیتده انحصاری مسلم دکلدر ❦ زیرا غایت شفقت جائزدرکه ❦ مدعوک غیرنده بولنمیان مجموع اصل اقربیت ❦ و مجموع اصل افضلیت و زیاده الف و موانست ❦ و کثرت معاشرتله اوله ❦ اما سنت برکون حضرت رسول الله بر قوش کبابی اهدا اولمغله ❦ اللهم اننی باحب خلقک الیک یا کل معی ❦ عبارتله دعا ایلد کده ❦ امام علی و رود ❦ و برابرجه تناول ایلدیلر ❦ عندالله محبوبیت افضلیننی مستلزمدر ❦ بعضیلر کلام مر قوم مطلقا ❦ احب خلق اولمغه دلالت ایلر ❦ زیرا بر شبنه نظر ایله محبوب ❦ و شیء آخره نظر ایله غیر محبوب اولمق ممکندر ❦ هر بر خصوصده می ❦ یوقسه بعض خصوصده می محبوب کدر دیو استفسار ایلک صحیحدر دیدیلر ❦ لکن بو کلامک ضعیفی ارباب قوته یندر ❦ اما اماره ذات مرتضویه علم و زهد ❦ و کرم و شجاعت و حسن خلق و مزید قوت و شدت بأس و قرب نبوی کبی ❦ مجتمع اولان مخائل کالات نفسیه ❦ و بدنیه و خارجییه در ❦ لکن بو اماره انجق کاملبت و فاضلیننه دلالت ایدر ❦ یوقسه سائر صحابه دن افضلیننه دلالت ایلر ❦ و لوسلم ابو بکرک افضلیننه دال اولان ❦ امور مذکوره ایله معارضدر ❦ بعض محققین دیدیلرکه ❦ بو ماده لرده همان اجماع منعقده اقتصار اولی و اسلدر ❦ و بو مقام لرده فضیلتدن مراد کثرت ثوابدر ❦ یوقسه ظاهرا مفضولده فاضلدن زیاده ❦ بعض خواص موجود اولور ❦ و حضرت صدیقک مدت خلافتلری ❦ ایکی سنه درت ماهر ❦ خلافتلری اجماع اصحابله در

❦❦❦ وَلِلْفَارُوقِ رُحْمَانٌ وَفَضْلٌ ❦❦❦ عَلٰی عُمَانَ ذِي النُّورَيْنِ عَلِ ❦❦❦

وَلِلْفَارُوقِ مَقْدَمٌ خَبَرٌ ❦❦❦ رُحْمَانٌ مُّؤَخَّرٌ مِّبْدَأُ ❦❦❦ فَضْلُ رُحْمَانِ

اوزره معطوفدر ❦ عثمان غیر منصرفدر ❦ ذی النورین صفت و عال صفت بعد صفیدر ❦ زیرا تنوینی مضاف الیه دن عوضدر عالی القدر تقدیرنده در ❦ مفهوم بیت بودرکه ❦ فاروق اعظم عمر بن الخطاب رضی الله عنه حضرتلری دخی عثماندن ارجح و افضلدر ❦ معلوم اوله که ❦ فاروق لفظی فرقدن مأخوذ صیغه مبالغه در ❦ حضرت عمر اسلامه کلد کده ❦ اسلام و کفرک یننی ❦ یاخود قضا یاده حق و باطلک یننی فرق ایلدیکچون فاروقله ملقب اولدیلر ❦ و ذوالنورین ایکی نور صاحبی دیم کدر حضرت عثمان رسول اللهک کریمه لری اولان ❦ رقیه و ام کلثوم جنابلرینی تزوج ایلکله ❦ ذوالنورین ایله ملقب اولدی ❦ اهل سنت اتفاق ایلدیلرکه ❦ حضرت صدیق اکبردن صکره افضل فاروق اعظمدر ❦ سنت و اثر و اماره ایله استدلال ایلدیلر ❦ اما سنت (خیر امتی ابو بکر ثم عمر ❦ و ❦ لوکان بعدی نبی لکان عمر بن الخطاب و ❦ ان الشیطان لیفر من ظل عمر ❦ و ❦ ایما دار عمر دار الحق معه) حدیث شریفلریدر ❦ و مر ویدرکه ❦ برکون جبریل امین نازل اولوب ❦ یا محمد حضرت حق سبحانه و تعالی حضرت عمره سلام اهدا ❦ و بنم کندودن راضی اولدیغم کبی ❦ کندوده بندن راضییدر دیو سوال ایلکری امر ❦ و اسلامدن صکره ینه جبریل امین نازل اولوب ❦ یا محمد اهل سماء اسلام عمر ایله استبشار ایلدیلر دیدی ❦ و ینه برکون جبریل امین نازل اولوب ❦ حضرت رسول الله ایله مکالمه ایدر ایکن ❦ حضرت عمر و رود ایتمکله جبریل امین دیدیکه ❦ سنی حق پیغمبر بعث ایدن خدای ذوالمنن حق ❦ عمرارضده معروف اولدیغندن زیاده ❦ آسمانده معروفدر ینه حضرت رسول الله ❦ یا جبریل فضائل عمردن بکایان قیل یسور مغله ❦ حضرت جبریل دیدیکه ❦ یا محمد حضرت نوحک



امتی ایچره مکت ایلدیکی مدت ❦ جناب سعادت عندنده مکت  
ایلیوب ❦ عمرک فضا ثلنی بیان ایلسم ❦ فضا ثل عمر نهایت بولماز  
اما اثر فضیلت ابی بکر ماده سنده کذران ایلدی ❦ اما اماره ایام  
خلافتنده ظاهر اولان حسن سیرت واستقامت ❦ وخلق محجه  
بیضایه سوق ❦ وکفاری استیصال ❦ وکلمه اسلامی اعلا واجلال  
وتقوی وتواضع ❦ وفتح بلاد ❦ واستقرار عباد ❦ وحیت دینی  
وصلابت یقینیه کبی ❦ مأثر سنیه لریدر ❦ حضرت صدیق آخر  
حیاتلرنده خلافت فاروقی باینده عهدنامه تحریر ❦ وبعد الختم  
صحابه کرامی جمع ❦ وصحیفه ده اسمی مکتوب اولان کسمه به  
بیعت ایلملری ضمنده امر ایدوب ❦ هرکس بیعت ایدرک ❦ امام  
علی حضرتلرینه واصل اولدقده ❦ امام علی بندخی بیعت ایلدم  
حضرت عمر ایسه بیورمغله ❦ خلافتنده اتفاق منعقد اولمشدر  
اون سنه مسند خلافتده جالس اولدقدن صکره ❦ هجرتک بکرمی  
اوچنجی سنه سی ذی الحجه سنده مغیره بن شعبه نک غلامی ابوالولؤلؤ  
یديله کسوه عالمهای شهادتی لابس اولدیلر

❦ وَذَوُ النُّورَيْنِ حَقًّا كَانَ خَيْرًا ❦ ❦ مِنَ الْكَرَّارِ فِي صَفِّ الْقِتَالِ ❦

وذوالتورین مبتدا در ❦ حقا قسمدر ❦ یاخود مفعول مطلقدر  
احقه حقا تقدیرنده در ❦ کان فعل ناقص اسمی ضمیر مستتردر  
خیرا خبر منصوبدر ❦ من الکرار خیرا لفظنه متعلقدر ❦ فی صف  
القتال کراره متعلقدر ❦ مفهوم یت بودرکه ❦ حضرت عثمان  
رضی الله عنه دخی حضرت حیدر کراردن افضلدر ❦ معلوم  
اوله که ❦ حضرت عثمانه ذوالنورین تسمیه سنک وجهی آنفا  
بیان اولندی ❦ حضرت علی دخی بغایت شجاع و جنگاور اولمغله  
کرار ابله ملقب اولدی ❦ کر حمله وصولت معناسنه در ❦ خفی  
اولیه که ❦ حضرت عثمانک فضیلتی باینده ❦ آثار کثیره وارد  
اولمشدر ❦ لوکان لی اربعون بنتا زوجت عثمان واحدة بعد واحدة

❦ حتی لا تبقی ❦

حتى لا تبقی منهم واحدة ❦ و❦ یا عثمان انت ولی فی الدنیا والاخرة  
والذی بعثنی بالحق لبشفعن عثمان بن عفان فی سبعین الفا من امتی  
قد استوجب کلهم النار ❦ و❦ الاستحیی ممن استحیی منه ملائکة السماء  
و ظهر فی الجنة برق فقال اهل الجنة ما هذا البرق ولبست الجنة  
موضع البرق فيقول الله عز وجل لبس برق ولكن يذهب عثمان  
بن عفان من حجرة الى حجرة وهذا نور شرک نعلیه ❦ حدیث شریفی  
کبی خصوصاً تبوک غزاسنه عزیمت باینده ❦ وجاهدوا باموالکم  
وانفسکم ❦ امری نازل اولمغله ❦ حضرت ذوالنورین ❦ اول هنگامده  
تجارت ایچون ایکوز دوه تجهیز ایتمش اولغین ❦ جمله اسبابیله  
مکمل کتوروب تسلیم مهار ایتمکله ❦ شاه سریر اصطفای علیه  
اصنی التحایا حضرتلری ❦ لایضر عثمان مافعل بعدها ❦ بیوردیلر  
وایام خلافتلرنده بلاد کثیره فتح ❦ ولوای شرع اجدی رسیده  
طاق سپهر زبرجدی اولوب ❦ وجیوش مسلمینی تجهیز ❦ ونصرت  
دین ومهاجرته اتفاق ایدوب ❦ وداماد نبوی اولمشدر ❦ حضرت  
عمر زخدار اولدقده امر خلافتی حضرت عثمان ❦ وعلی ❦ وعبد  
الرحمن بن عوف ❦ وطلحه ❦ وزبیر ❦ وسعد ابن ابی وقاص  
ینلرنده شوری ❦ یعنی مشورت اولمغه تعلیق ایلدی ❦ بعده  
جمله سی امری عبد الرحمن بن عوف حضرتلرینه تفویض  
وحکمنه ارتضا ایتلریله اولدخی حضرت عثمانی اختیار ❦ وخلافتنه  
بیعت وامرینه مطاوعت ایلدیلر ❦ مدت خلافتلری اون ایکی سنه در  
بعده فتنه ظهور ایلکله نشوان سلافه شهادت اولدیلر

❦ وَلِلْكَرَّارِ فَضْلٌ بَعْدَ هَذَا ❦ ❦ عَلَى الْأَغْيَارِ طَرًّا لَا بُدَّ ❦

للكرار مقدم خبردر ❦ فضل مؤخر مبتدا در ❦ بعد ظرف زماندر  
هذا کلمه سنده ها حرف تنبیه ❦ ذا عثمانه اشارتدر ❦ علی الاغیار



فصل کلمه سنه متعلقدر ❦ طرا جیعا معناسنه خالدر ❦ لا تبال  
مبالا تندن نهی حاضر در ❦ علامت جزمی آخرنده یانک سقوطیدر  
لا تبال عن اقوال الاغیار تقدیرنده در ❦ مفهوم بیت بودر که  
امام علی رضی الله عنه حضرتلری دخی سائر صحابه کرامدن  
افضلدر ❦ بعض کسه لک کونا کون اقواللرینه توجیه سامعه  
اعتبار ایلله ❦ معلوم اوله که ❦ جمله اصحاب کرام اتفاق ایتدیلر که  
حضرت عثماندن صکره ❦ افضل امام علی کرم الله وجهه ❦  
حضرتلریدر (من کنت مولاه فعلی مولاه) و (اللهم وال من وآلاه  
وعاد من عاداه) و (انت منی بمنزله هرون من موسی) و (دخلت الجنة  
فرأيت علی باب الجنة مكتوباً لا اله الا الله محمد رسول الله وعلی اخ  
رسول الله) حدیثلریله استدلال ایدرلر ❦ و مرویدر که حضرت  
عثمان عازم سوی جنان اولدقدن صکره ❦ امر خلافت مهمل  
قالوب آخر جمله بکار اصحاب کرام تجمع ❦ و حضرت مرتضادن  
امانت خلافتی قبول ایللرینی استدعا ایلدیلر ❦ قتل ذی النورینی  
استعظامله قبول ایلوب ❦ اوچ کون بو حال ارزره کذران ایلدی  
بکار مهاجرین اختلال امر دین ظهورینی یقین ایللریله ❦ ثانیاً  
حضرت مرتضایه ابرام ایدوب ❦ یمین و یرملریله ❦ بالاخره قبول  
ایدوب ❦ موجود اولان کافه اصحاب عقد بیعت ایلدیلر ❦ زیرا  
عند اهل السنه خلافت امرنده اصابت ایلشدر ❦ حضرت  
عائشه ❦ وزیر ❦ و معاویه نك منازعه لری اجتهادلرنده خطایه  
مینیدر ❦ امام علی مصبیدر ❦ زیرا حضرت رسول الله عمار بن  
یاسره (ستقتلك الفئة الباغية) بیور مغله ❦ حضرت عمار صفین  
ملحمه سنده ❦ طرف مرتضویده اولوب ❦ لشکر معاویه یدیلر شربت  
شهادت نوش ایلدی ❦ و مرویدر که ❦ طلحه سپاه شامده بولنوب  
مجرور و حیاتدن مأیوس اولدقده ❦ عسکر مرتضوی افرادندن

بر جوانه دستکی بکا ویر که امیر المؤمنین ایچون بیعت ایدمه یم دیدی  
مرادی امام عادل بیعتی اوزره فوت اولق ایدی ❦ و حضرت  
عائشه نك یوم جمله قتال ایچون خروج ایلوب بلکه ایکی فرقه  
بینی اصلاح ایچون خروج ایلدیکی مروی ❦ و خروجنه نادم  
اولدیغی رسیده درجه صحتدر ❦ و امر خلافت امام علی ايله  
واصل حد ختام اولدی ❦ نه که (الخلافة من بعدی ثلثون سنة  
حدیث شریفی وارد اولشدر ❦ و حضرت مرتضانك انتقالی  
اوتوزنجی سنه ده واقع اولشدر ❦ قالدی که امت محمد خلفای  
عباسیه ❦ و حالا خلفای عثمانیه نك خلافتلرینه اتفاق ایلدکلی  
حدیث شریفده وارد اولان خلافتی ❦ خلافت کامله ❦ و خلافت  
حقیقه به جل ايله در ❦ خصوصاً خلفای عثمانیه ایدهم الله  
تعالی بالتأییدات السبحانیه حضرتانك اصول سلطنتلری سیرت  
خلفای راشدین اوزره مؤسس اولوب جمله سی خالص اهل سنت  
و پیشه لری همیشه غزا و مجاهدت ❦ و اجرای احکام شریعت  
اولغله ❦ خلافت وصفنه احری والبق اولشدر

❦ وَلِلصَّدِيقَةِ الرَّجْحَانُ فَأَعْلَمُ ❦ عَلَى الزَّهْرَاءِ فِي بَعْضِ الْخِلَالِ ❦

للصديقة جاور و مجرور خبر مقدمدر ❦ صديقه لقب حضرت  
عائشه در ❦ الرجحان مؤخر مبتدادر ❦ زهراء لقب حضرت  
فاطمه در ❦ خلال خصال معناسنه در ❦ مفهوم بیت بودر که  
حضرت عائشه بعض خصالده حضرت فاطمه به ارجحدر  
معلوم اوله که ❦ ام المؤمنین زوجه سید المرسلین ❦ حضرت عائشه  
رضی الله عنها صديقه ايله تلقینک وجهی بودر که ❦ ترجمه  
سیرده تفصیل ایلدیکنز اوزره قلاده سنك فقدانی ماده سنده  
افك و افترايه مبتلا اولوب ❦ بعده عصمت و برائتلی باینده آیت



کریمه نازل ❦ و ذاتنده محبت و خدمت نبویه کمال صداقتی اولمغله  
صدیقه ایله ملقب اولدیلمر ❦ و حضرت فاطمه کدرت دم حیض  
و نفاسدن آزاده اولمغله ❦ زهرا ایله ملقب اولدیلمر ❦ بروقت نماز فوت  
ایلدیکی مرویدر ❦ بعضیلر وجه تلقی اشراق جال تابدار لریدر  
دیدي ❦ حتی حضرت صدیقه لبه مظلمه ده اشراق نور جال  
فاطمه ایله سوزنه رشته اسلاک ایدرم دیدکری مرویدر ❦ معلوم  
اوله که ❦ علمای امت اختلاف ایلدیلر ❦ بعضیلر فاطمه نك  
عایشه دن افضلیننه ❦ و اکثر علما حضرت عایشه نك مطلقا  
افضلیننه ذاهب اولدیلمر ❦ و بعضیلر توقف ایلدیلر ❦ زیرا  
اعتقاده تعلقی یوقدر ❦ بعضیلر عایشه نك علم نبوت و احکام  
شریعت تحصیلنده ❦ و کثرت روایت و درایت ❦ و آخرنده  
حضرت رسول اللهله درجه عالییه ده بولمق کبی ❦ بعض خصالده  
افضلیننه ذاهب اولدیلمر ❦ حتی حقارنده (اطلبوا ثلثی دینکم  
عن هذه الخیراء) وارد اولمشد ❦ حیرا صیغه تصغیر ایله لقب  
عایشه در (و فضل عائشة علی سائر النساء کفضل الثريد علی سائر  
الطعام) حدیث شریفی وارد اولمشد ❦ و حضرت فاطمه  
حقنده دخی (اما ترضین ان تكون سيدة نساء اهل الجنة) پیورلمشد  
مشارق شریفده (الارضین ان تكون سيدة نساء المؤمنین) متنبیه  
مشتدر ❦ و حضرت رسول اللهک جزء شریفلریدر ❦ ذکور دن  
اولسیدی لامحاله پیغمبر اولور ایدی ❦ و حقنده (فاطمة بضعة منی  
فن اغضبها اغضبتنی) پیورادی ❦ و حضرت عایشه دن عند  
رسول الله نسواندن صاحب قدر و محبت اولان کیمدر دیو سوال  
اولمقدده فاطمه در دیدیلر ❦ و رجالدن کیمدر دینلد کده  
زوجیدر دیدیلر ❦ بناء علیه ❦ ناظم رجحانی بعض خصالده  
تخصیص ایلدی

❦ ❦ ولم یلعن یزیدا بعد موت ❦ ❦ سوی المكشار فی الاغراء ❦ ❦

لم حرف جازمدر ❦ یلعن فعل مستقبل مجزومدر ❦ یزیدا مفعولیدر  
ضرورت وزن ایچون منصرف قلندی ❦ اتزان ایچون منون  
اولدی ❦ بعد موت بعد موته تقدیرنده در ❦ سوی المكشار فاعلیدر  
مکشار مفعال ورتنده کثرتدن مبالغه در ❦ قوال معناسنه ❦ فی الاغراء  
مؤخر غال کلمه سنه متعلقدر ❦ اغراحت و تعریض معناسنه در  
غالی غلودن مأخوذدر ❦ حدی تجاوز ایدیچی معناسنه ❦ مکشاردن  
بدلدر ❦ مفهوم بیت بودر که ❦ سلفدن برکسنه یزیدن معاویه  
حقنده لغت ایلدی ❦ انجق حدی تجاوز ایدن رفضه و خوارج  
کبی بعض اشخاص لغت ایلدیلر ❦ معلوم اوله که ❦ لعن لغتده  
طرد معناسنه در ❦ عرفده حضرت حقک بر شخصی رجندن  
طرد و تبعید ایلمسند مستعملدر ❦ نته که ❦ لعن الذین کفروا ❦  
کریمه سنی بعدوا من رحمة الله ایله تفسیر ایلدیلر ❦ و لعن  
برکسه اوزره ابدی دعا اولور ❦ شیطان و ابوجهل کبی ❦ و بعضا  
لعنی مستوجب اولان وصف ❦ زائل اولمغله موقت اولور ❦ مثلا  
کافر ایکن مسلم ❦ و فاسق ایکن تائب اولور ❦ و کفار ایله مسلم حقنده  
اولان لعنک فرقی واردر ❦ زیرا لعن کفار دائمی و ابدیدر ❦ لعن  
مسلم خیردن بعید اولمسیدر ❦ بو صورتله بعد التوبه مسلمیندن  
برینه لعن ایلک جائز دکلددر ❦ بناء علیه ناظم علیه الرحه ❦ یزیدن  
معاویه حقنده برکسه لغتله دعا ایلدی دیدی ❦ زیرا امام حسین  
رضی الله عنه حضرت تهرینک قلبیه امر ایلدیکنک تحققی صورتنده  
محممدر که ❦ قبل الموت تائب و نادم اوله ❦ نته که وحشی حضرت  
حزه بی قتل ایدوب بعده توبه و اسلامه اصحابدن معدود اولمشد  
لکن بو کلامه اعتراض اولنور که قبل الموت توبه و ایمان ایلمش



اولسه سائر خاندان نبوتدن کفید ایدر ایدی ❖ قالدیکه موتنه قدر  
خاندان عالی به انواع اهاتی متواتر در ❖ وهنکام موتنه توبه  
و ایمانی مقبول دکدر ❖ زیرا وجه آتی اوزره کفرینه ذاهب  
اولشردر ❖ اگر سؤال اولنورسه که ❖ مسلم حقنده معصبت سبيله  
لعن جائز اولسه ❖ حضرت رسول الله (لعن الله الراشی والمرثی  
ولعن الله الواشمه والمستوشمه) بیور مرلر ایدی ❖ واشمه بدنه  
سوزله نعل غزایدن مستوشمه غزایتدیرندر ❖ جواب ویریلور که  
لغت مؤمن فاجر کندیلره وعبد و تخويف ❖ وسائر لطف واحساندر  
زیرا فاجر لر خوفله توبه و انابت ❖ وسائر لری مجانبت ایدر لر ❖ ویزیدک  
کفرینه ❖ قتل حسینی امر ایلدیکندن بشقه ❖ اشبو منظومه  
صورتنده اولان هذیانله استدلال ایدر لر ❖ برکون مصحف شریفدن  
تقال ایدوب ابتدای سطرده ❖ واستفتحوا و خاب کل جبار عنید  
کریمه سی ظهور ایتکاه ❖ پر غضب اولوب اشبو قطعه بی قطع  
اوله جق لسانیه تفوه ایلشدر

❖ تخوفنی بجبار عنید ❖ وها انا ذاک جبار عنید ❖  
❖ اذا لاقیت ربک یوم حشر ❖ فقل یارب مزقنی یزید ❖  
دیهرك مصحف شریفی پاره پاره ایلدیکی منقولدر ❖ و شراب حقنده  
دخی اشبو ادا حرمت بو ما علی دین احمد ❖ فهات علی دین  
المسیح ابن مریم ❖ بیتی که تنصری استرصادر ❖ کندیدن صادر  
اولدیغی منقولدر ❖ اشبو ایات مذکوره کتب ادبیاتک برنده ینسه  
امرای امویه دن ولید بن عبدالملکه معزو اولدیغی مسطوردر  
لکن اکثرنده یزیده سند مسطوردر ❖ علامه بیهدانی سعدالدین  
تفتازانی علیه الرحه خلاصه دن نقل ایتشدر که ❖ یزیده و حجاجه  
لعن ایلک لایق دکدر ❖ زیرا حضرت رسول الله اهل قبله به  
یعنی نهی ایلدی ❖ و بعض اهل قبله حقننده ❖ لعن نبوی صدوری

معارض اولماز ❖ زیرا غیرک بیلدیکی بعض احوال ناسی حضرت  
رسول الله بیلور ❖ و بعضیلر یزید حقنده لعنی اطلاق ایلدیلمر ❖ زیرا  
حضرت حسینی قتل ایله امر ایلدیکی حینده کافر اولدی ❖ و علیا  
حضرت حسینی قتل ❖ و قتلایله امر ایدن ❖ و قتلنه اذن و رضا  
کوسترن اشخاصه ❖ لعن ایلک جائز اولدیغنه متفقدر ❖ زیرا  
حضرت رسول الله اذا اولدیغی بدیدر ❖ خارجدن برکسه نک  
جگر پاره سی اولان اولادینی قتل ایلسه لر ❖ اول کسه مطیعی  
اولور متأذیمی اولور ❖ البته متأذی اوله جفی شمسدن اظهاردر  
ایمیدی حضرت رسول الله اذا اولیحق ❖ ان الذین یؤذون الله  
لغنهم الله فی الدنیا والاخره ❖ کریمه سی منظومجه لغنه مستحق  
اولور ❖ وحق اولان بودر که ❖ یزیدک قتل امام حسین خصوصنده  
رضا واستبشاری ❖ و خاندان نبوته اهانت واضراری متواتر  
معنوی اولغله شائنده ❖ بلکه ایماننده توقف ایلوب ❖ کندوسنه  
وبویاده اعوان وانصارینه لغت ایدر زر ❖ و کجاراتمه دن بر ذات  
فضائل سمات یزیدک قتل امام حسینده امر اولدیغی بو بیتله  
ایما ایلشدر

❖ سهم اصاب ورامیه بندی سلم ❖ من بالعراق لقد ابعدت مرماکا ❖  
امام غزالدین مرویدر که ❖ بویاده دخی اسلم اولان سکوتدر ❖ نته که  
شیطان واجب اللغه ایکن لغت بدلی ❖ مثلا استغفار و صلوات  
شریفه ایله نفسکه جلب مثویات ایلک انسدیر ❖ اگر واقعا بو کونه  
خاندان نبوته اهاتنده ❖ مصر اهلک اولدیسسه ❖ سنین  
عیدیه دنبرو معذب اولوب ❖ و بوند نصکره دخی معذب اوله جقدر  
جمله دن اقدام ❖ دعوا حبسی حضرت فاطمه در ❖ حضرت  
فاطمه جهتندن دخی (فاطمه بضعة منی فن اغضبها اغضبی  
حدیثی مقتضاسی ❖ خصمی حضرت رسول الله مدر ❖ واکر



تأبأ كتمش ایسه لغت ایلمکدن نه حاصلدر ❦ اما خاندان نبوته  
در کار اولان حب جلی اقتضاسی ❦ اذا خلی وطبعه ❦ او مقوله قلوبده  
بغض و کدورات ضروری متهیج اولور ❦ مدوح اولان بودر

❦ وَ اِيْمَانُ الْمُقَلِّدِ ذُو اَعْتِبَارٍ ❦ بِاَنْوَاعِ الدَّلَائِلِ كَالنِّصَالِ ❦

ایمان مبتدادر ❦ المقلد ❦ مضاف الیه بدر تقلیددن اسم فاعلدر  
ذو اعتبار خبریدر ❦ بانواع جار و مجرور ذو اعتبار کله سنه متعلقدر  
زیرا صاحب اعتبار تاویلندهدر ❦ الدلائل مضاف الیه بدر ❦ دلائل  
دلیلک جمعیدر ❦ کالنصال ❦ حالدر مشبهه بالنصال تاویلندهدر  
نصال جمع نصل در ❦ اوق تمرنه دیرلر ❦ مفهوم بیت بودر که  
مقلد اولان مؤمنک ایمانی معتبر و اعتباری ادله قاطعه نافذه ایله  
مدلل و مبرهندر ❦ معلوم اوله که ❦ ایمان لغتده مطلقا تصدیق  
معنا سنه در ❦ امن کله سندن افعالدر ❦ اکا ایمان ابتدی دیمک  
انی تکذیب و مخالفتدن امین ابتدی دیمک اولغله ❦ تصدیق حاصل  
معنا اولور ❦ با حریفیه متعدی اولور ❦ اقرار و اعتراف معناسنی  
اعتبار ایله امت بالله قولنده اولدیغی کی ❦ و لامله ده متعدی اولور  
اذعان و قبول معناسی اعتباریله ❦ و ما انت بمؤمن لنا ❦  
کریمه سنده اولدیغی کی ❦ و عرف شرعه تحقیقنده و بالکنز  
فعل قلب ❦ و یا خود بالکنز فعل لسان ❦ یا خود ایکسکنده فعلی  
یا خود سائر جوار حکده مدخلک وجود و عدمنده اختلاف  
اراء واقع اولغله ❦ درت شقی مشتمل اولمشدر ❦ شق اوله کوره که  
بالکنز فعل لسان اولمقدر ❦ حضرت رسول اللهک طرف الیه بدن  
کتور دکلی احکامک بالضروره تصدیقنه اسم اولور  
وحدت صانع ❦ و وجوب صلوة ❦ و حرمت خمر کی ❦ مشهور اولان  
بودر ❦ و جمهور اهل سنت بونک اوزرینه در ❦ و بعضا معرفته

اسم اولور ❦ شیعہ طائفه سی ❦ و قدریه دن جهنم بن صفوان  
و ابوالحسین الصالحی مذهبلی بودر ❦ و اشعریه دخی بو طرفه  
مائلدر ❦ و شق ثانی به کوره ❦ بالکنز فعل لساندر لکن معرفت  
قبله مشروطدر ❦ حتی اقرار معرفتسز تحقق ایلمز ❦ رقاشی بو که  
ذاهبدر ❦ و قطان تصدیقک اشتراطنه ❦ و کرامیه معرفت  
و تصدیقندن هر برینک عدم اشتراطنه ذاهبدر ❦ شق ثالثه کوره که  
مجموع تصدیق و اقرارک اسمیدر ❦ اکثر محقیقک مذهبلی بودر  
و امام اعظم حضرت ثلثدن منقول اولان بودر ❦ ننه که فقه اکبرنده  
و الايمان هو الاقرار والتصديق ❦ عبارتیه تعریف الیملشدر  
لکن امام اعظم اقراری اجرای احکام دنیویه ایچون ❦ اشعری  
تصدیقیه امارت اولیق ایچون مشروط ایلمدیکنی تصریح  
ایدرلر ❦ کرچه اشعرینک مرجعیده متحددر ❦ تصدیق رکندن  
اولدیغنه کوره ❦ برکسه قلبیه تصدیق ایدوب ❦ عمرنده بردفعه  
لسانیه اقرار ایلمسه ❦ عند الله تعالی مؤمن و جنته دخول  
و جهنمدن تجاته مستحق اولماز ❦ لکن شرط اولدیغنه کوره  
عند الله مؤمن اولور ❦ نقدر احکام دنیوی خصوصنده مؤمن  
اولماز سنده ❦ منافق کی اقرار ایدوب ❦ تصدیق ایلمسه دنیاده  
مؤمن اولوب ❦ عند الله مؤمن اولماز ❦ ننه که نصو صلی بونی  
مؤید در ❦ اما بالکنز تصدیقده اسمدر دین مذهبیه کوره اقرار  
احکام دنیوی ❦ اجرا سیچون شرط اولور ❦ و شق رابعه کوره که  
سائر جوارح دخی مضاف قلمشدر ❦ تارک عمل ایماندن خارج  
و کفره داخل اولور ❦ خوار جک مذهبلی بودر یا خود کفره داخل  
اولیبوب ایکی منزله اراسنده قالور که ❦ معتزلهک مذهبلی بودر  
لکن اعمالده اختلافلی وارد در ❦ ابوعلی و ابوهاشم عندنده  
عمل فعل واجبات و ترک منہیات در ❦ ابوالهذیل و عبد الجبار



عندنده فعل طاعا تدر ❦ كرك واجب ❦ و كرك مندوب اولسون  
اشبوشق رابعده بر مذهب دخی وارد در كه ❦ تارك عمل ایمان دن  
خارج اولماز بلكه ❦ دخول جنتله وجهنده عدم خلود ايله مقطوع  
اولور ❦ اكثر سلف و جمیع ائمه حدیث ❦ و اكثر متكلمین مذهبیری  
بودر ❦ امام مالك و شافعی واوزاعی حضراتندن منقول اولان  
بودر ❦ لکن بوكه سؤال وارد اولور كه ❦ ایمانك جزئی منتفی  
اولمشیکن بقاسنه نه كونه ذاهب اولنور ❦ جواب ویریلور كه ❦ ایمان  
انلك عندنده دخول جنت یابنده ❦ كافی اولان اصله كه  
تصدیق قلبیدن عبارتدر ❦ مقولدر و بلا خلاف كامل منجی یه ده  
مقولدر نه كه ❦ انما المؤمنون الذین اذا ذكر الله وجلت  
قلوبهم ❦ كریه سی اكا اشارتدر ❦ و محل خلاف مقول اولكمی  
یوقسه ثانینكمی اسمیدر ❦ و اشاعره دیرلر كه ❦ ذكر اولنان تصدیقه  
استدلال دخی ضم اولنق لا تقدر ❦ صحت قول پیغمبری بلادلاله  
العقل بملك جائز دكدر ❦ شرح مقاصده مسطور در كه ❦ امام  
اعظم ❦ و مالك ❦ و شافعی ❦ و احمد و اوزاعی ❦ رحمهم الله دیدیلر كه  
مقلدك یعنی ❦ غیرك قولنی بغیر دلیل قبول ایدن كسه نك ایمانی  
صحیحدر ❦ لکن استدلالی تركله عاصی اولور ❦ ائمه مشارالیه  
دیرلر كه ❦ چونكه ایمانك حقیقتنی تصدیقدر موجبات كفردن  
بریه تحقق ایلامكه ❦ ایمانه ضرر ترتب ایلمز ❦ اكر سؤال  
اولنور سه كه ❦ تصدیق بدون العلم متصور اولماز ❦ زیرا علم بالتصدیق  
ذاتی یا خود ❦ شرط اولور ❦ مقلدك ایسه علمی یوقدر ❦ زیرا علم  
ضرورت استدلالدن برسبیه مستند اولان اعتقاد جازم مطابقدن  
عبارتدر ❦ اكا جواب ویریلور كه ❦ تصدیقه معتبر اولان یقین  
دكدر ❦ بلكه بعضا مطابقت ككفایت ایدر ❦ و نقیضی  
خاطره سندن سالم ❦ ظن غالب یقین حكمنده اولور ❦ تكرار

سؤال اولنور سه كه ❦ برایمان و تصدیق اولدیغنی ننی ایتمرز  
بلكه نافع دكدر ❦ ایمان یأس منزله در ❦ زیرا ایمان یأسك  
عدم نفی ابو منصور ماتریدی یسانی اوزره ❦ بوكونه معلددر كه  
عبد اولوقته ❦ شاهد ايله غائب اوزرینه استدلال ایلكه قادر  
اولماز كه ❦ حتی ایمانی عن معرفه و عن علم استدلالی اوله ❦ ایمان اوزره  
ثواب ❦ مشاق و متاعیدن متحمل اولدیغنی مقابله سیله در ❦ مشاق  
و متاعب ایسه ❦ محدثات عالم ❦ و معجزات انبیا ❦ و حجت و شبهه میاتی  
تمیزده ❦ اداب فكرت وادمان نظر و دقت ايله حاصلدر ❦ یوقسه  
اصل ایمان تحصیلنده دكدر ❦ اكا جواب ویریلور كه ❦ نص شریف  
معاینه عذاب عندنده ایمان یأسك عدم نفعنه قائم اولدی ❦ یوقسه  
ایمان مقلدك عدم نفی یابنده وارد اولدی ❦ اجماع دخی نفی  
امرنده منعقد اولدی ❦ و قیاسه تمسك ❦ هر تقدیر اصولده صحیح  
ایسه ده علت ❦ سرك ذكر ایلدیككز اولدیغنی ممنوعدر ❦ بلكه  
ماتریدی و اكثر محققین ذاهب اولدیلمر كه ❦ ایمان یأس نافع  
اولدیغنك وجهی بودر كه ❦ زیرا اولوقته ایمان محضا دفع عذاب  
ایچونددر ❦ یوقسه حقیقی ایمان دكدر ❦ كذلك اولوقته عبد  
ایچون ❦ نفسنی تصرفه و استمتاعه قدرت قالماز ❦ زیرا معاینه  
ایلدیكی عذاب دنیا ❦ عذاب آخرته مقدمه در ❦ ایمان مقلد  
بونك خلافتنه در ❦ زیرا حضرت باری یه تقرب رضاسنی طلب  
و ابتغا در ❦ و معتزله عندنده مقلدك ایمانی صحیح دكدر ❦ لکن  
پنارنده اختلاف وارد ❦ و بعضیری دیرلر كه هر مسئله ده استدلال  
عقلی یه ابتناء اعتقادی شرط دكدر ❦ بلكه معجزه ايله رسالتی  
بالمشاهده ❦ یا خود بالتواتر ❦ یا خود بالاجماع ❦ معلوم اولان ذاتك  
قولنه ابتناء كفایت ایدر ❦ بو وجهله حضرت رسول اللهك  
حدوث عالمی ❦ وثبوت و وحدانیت صانعی اخباری ❦ مقبول



اولور ❦ و بعضی را اصولدن هر بر مسئله ده دلیل عقلی به ابتدای  
اعتقادی شرط ایلدیلر ❦ لکن انی تعبیر و دفع شبهات غیر ❦ و مجادله  
خصوصه اقتدار لازم دکلدر دیدیلر ❦ و شیخ اشعری حضر تدرندن  
مشهور اولان بو کلامدر ❦ حتی کندودن ذکر اولنان شرط  
بولنمیان مؤمن اولماز مقالنی حکایت ایدر لر ❦ لکن عبدالقاهر  
بغدادی دیدیکه ❦ اول کسسه هر نه قدر اشعری عنده علی الاطلاق  
مؤمن اولماز ایسه ده ❦ تصدیق بولندیغیچون کافر دکلدر ❦ لکن  
نظر واستدلالی ترک ایلدیکی حسبیه عاصیدر ❦ حق جل وعلی یا  
عفو ایدر ❦ یا خود ذنبی مقداری عذاب ایدر ❦ عاقبتی ینه جنته  
داخل اولور ❦ عبدالقاهر ک بو کلامی مشعردر که ❦ اشعری نک  
مرادی ❦ اول کسه علی الکمال مؤمن اولماز دیمکدر ❦ تارک اعمال کی  
والامنزله بین المنزلتین ترددینه ❦ و غیر مؤمنک جنته دخولنه قائل  
دکلدر ❦ بوضوح منازعه اشعری حقیقی اولماز ❦ و معتزله دن  
بعضیلری دیرلر که ❦ ذکر اولنان ابتدای اعتقاد ایله مجادله  
خصوص ❦ و وارد اولان اشکالک حل و دفعنه ❦ اقتدار لازمدر  
بوضوحه اقتداری اولیانک ایمانیه حکم ایلزلر ❦ بلکه ابوهاشم  
کفریه حکم ایلدی ❦ قالدیکه صحیح اولان ماتریدی  
مذهبیدر که مطلقا تصدیقدر ❦ عامه اهل علم وفقها ❦ انک اوزرینه  
متقلدر ❦ مثلا برکسسه به بریسی بر خیر سوبلسه ❦ اول کسسه انی  
تصدیق ایلسه ❦ آمن به و آمن له ❦ قولی صحیح اولور ❦ پس  
مقلده ایمانی واجب اولان امور ❦ اخبار اولندقدده تصدیق ایلسه  
مؤمن اولوب ❦ مؤمنین حقارنده موعود اولان ❦ عنایاته مستحق  
اولور لر ❦ و جبریل امینک ایمان دن سئوالنده ❦ حضرت  
رسول الله ❦ ان یؤمن بالله و ملائکته و کتبه و رساله و الیوم  
الاخر و بالقدر خیر و شره ❦ یورملری مقلدک صحت ایمانه

دلالت ایدر ❦ زیرا بحر دتصدیقله جواب ویردیلر ❦ و حضرت  
رسول الله مسائل اعتقادی ده ❦ قطعا دلائل عقلیه به اشتغال  
یورمدیلر ❦ و بعضی را ایمانی معرفت ایله تفسیر ایلدیلر ❦ علامه  
تفتازانی دیمشدر که ❦ بعض قدریه ایمانک ❦ معرفتدن عبارت  
اولدیغنه ذاهب اولدی ❦ و علمای اهل سنت ❦ مذهب هر سومک  
ابطالنه اتفاق ایدوب دیدیلر که ❦ اهل کتاب که ❦ یهود و نصارا در  
اولاد لرینی ییلد کلری درجه ده ❦ نبوت رسول الله ییلور لر  
حال بو که ❦ کفر لری شرعاً مقطوعدر ❦ زیرا تصدیق لری یوقدر  
و معلوم اوله که ❦ تصدیق اخبار مخبردن معلوم اولان امر  
اوزره ❦ قلبی ربط ایلکدن عبارتدر ❦ بوجهته امر کسی اولوب  
مصدقک اختیاریه ثابت اولور ❦ بناء علیه مقابلنده ثواب  
مرتب اولوب ❦ و رأس عبادت قلنور ❦ امام معرفت بونک خلافیدر  
زیرا بعضا من غیر کسب حاصل اولور ❦ مثلا بغته بر جسمه واقع  
اولوب ❦ اول جسمک جدار ❦ یا خود حجر اولدیغنه معرفت حاصل  
اولور ❦ و بوتقیر بعض محققینک تصدیق بالاخیار مخبره ❦ صدق  
نسبت ایلکدن عبارتدر دید کلرینک مألدر ❦ و قالدیکه اکثر  
اهل اسلام ❦ تقلیدی اخذ ایدوب ❦ استدلالده قاصر یا خود  
مقصر اولدقلرندن بشقه ❦ صحابه کزین و تابعین و خلفا همان  
تقلید ناسله استفا ایدوب ❦ حقارنده احکام مسلمینی اجرا  
ایدر لر ایدی ❦ پس ذکر اولندیغی اوزره ❦ بو اختلاف لک سببی  
و بعض مجتهدینک ایمان مقلد صحیح دکلدر دید کلرینک وجهی ندر  
دیو استفسار اولنور سه ❦ جواب ویریلور که ❦ بو ذکر اولنان  
قال وقیل ❦ مثلا شواهد جبالده نشئت ایدوب ❦ ملکوت سموات  
و ارضینی تفکر ❦ و صناعی و وحدانیتی تدبر ایلیمان کسسه به برکسسه  
مفروض الاعتقاد اولان امور دینه بی اخبار ❦ اولدخی بی تفکر



وتدبر مجرد اخباریله تصدیق ایسه ❦ ایمانیله حکم ایلمک صحیح میدر  
دکلیدر ❦ اختلاف بوماده به متعلقدر ❦ یوقسه دیار اسلامیه ده  
بین اظهر العلماء نشأت ایدوب ❦ عندنده احوال نبوی و معجزات  
علیه لری ❦ متواترا مسموع اولان کسه حقنده دکلدن ❦ كذلك  
سموات وارضینک خلقنده دلیل ❦ نهاریک اختلافنده نظر و تفکر  
ایدن کسنه حقنده دکلدن ❦ اول کسه اهل نظر و استدلالدن  
اولور ❦ و شرح مقاصده مسطور در که ❦ معتزله نک صحت  
ایمان نظر و استدلاله ❦ و براهین تقریرینه اقتداره منوطدر  
دیدکاری کلامک بطلانی ❦ ضروریات دینیه به ملحقدر ❦ لکن  
کلامرینک ظاهرندن ❦ نظر و استدلالک وجوبی منفهم اولور  
هر نقدر بی نظر و استدلال ❦ ایمان صحیح اولور سه ده ❦ قالدیکه  
وجوبدن مراد لری ❦ و جوب عینی ایسه ❦ یعنی فعل بعضله  
سقوط قبول ایتمز دیمک ایسه ❦ اختلافات مذکوره ضمننده مندرج  
اولان ادله معارضدر ❦ و اگر وجوب علی الکفایه ایسه ❦ انده جمله  
متفقدر ❦ زیرا عامه کتب کلامیه ده مصر حدر که ❦ کفایه  
طریقیه هر مکلفه ازاله شبهه ❦ و الزام معاندین و ارشاد مشرشدینه  
مقدر اولمق حیثیتله ❦ تفصیل دلائل واجبدر ❦ حتی فقهای  
عظام دیدیلر که ❦ مسافه قصرده بومثالو ذاتک و جودی واجبدر  
نته که مقدمه ده ذکر اولندی ❦ و قالدیکه صحابه کرام و تابعین  
حضرت لری ذکر اولندیغی اوزره ❦ برکسه به نظر و استدلالله  
امر بیور میوب ❦ حتی بعضیلری ❦ تحت ظلال سیوفده ایمانه  
کلمر یله ❦ عندارنده مقبول اولمشیدی ❦ بدیهیدر که ❦ اومقوله کسه نک  
عندنده صانع عالمک وجود و صفاته ❦ دال اولان دلیل ظاهر  
اولما مشیدی دیو اشنباه اولنور سه ❦ جواب اولنور که ❦ طریقه  
حکمت اوزره ❦ اول امر ده نظر و استدلالله امر ایلیوب ❦ بلکه

جمله دن اقدام ❦ اقرار و انقیاد ایله تکلیف ایدوب ❦ صکره ذات  
وصفات الهیده اعتقادی واجب اولان ❦ اموری تعلیم و معارف  
الهیه بی ❦ محاورات و خطب و مواعظ اثنالرنده افاده ایدر لری ایدی  
غایتی برکت صحبت نبوی و قرب زمانی حسبیه ❦ قواعد مدونه به  
منطبق مقدمات ترتیب ❦ و دلائل تهذیبندن مستغنی اولمشلرایدی  
لکن عقاید مضبوطه لرینه ظنون ❦ و شکوک تطرق ایلمز حیثیتله  
دلائل اجمالیله به علم لری شامل ایدی ❦ الحاصل انلرمعارف  
الهیه ایله مستغنی اولوب ❦ غیر لری بر مقتضای استعداد ❦ وجوه  
شتی ایله تحصیل یقین طریقنه ارشاد ایدر لرایدی ❦ نته که اول  
زمانک عوامندن اولان براعرابی ❦ البعرة تدل علی البعیر ❦ و اثر  
الاقدام علی المسیر ❦ افسماء ذات ابراج ❦ و ارض ذات الفجاج ❦ لا تدلان  
علی اللطیف الخیر ❦ عبارتیه استدلال ایلمشدر ❦ جلال دوانیدن  
منقولدر که ❦ علم کلام جوانبیه تأمل اولنسه ❦ علم مزبوره اشتغال  
فرض کفایه اولدیغی ظاهر اولور ❦ ولوایح جمله سندندر که  
ابتدا صدور اسلامک استدلال طریقنه منسلک اولد قلرینک  
وجهی بودر که ❦ جمله دن اقدام حضرت رسول الله استدلالدن  
مستغیدر ❦ زیرا امور دینیه بالجمله و حیلله معلوم لری اولمشدر ❦ و امته  
تعلیم قصد ایلمد ک لری دخی قرآن کریمده ❦ لوکان فیها آلهة  
الا لله لفسد تا ❦ کریمه سی کی ❦ آیات و سائر احادیثده مشار  
اولدیغی ❦ اهل بصائر و روشنا اولدیغنه مبنیدر ❦ و صحابه کرام دخی  
حضرت رسول الله بر مرتبه معتقد اولمشلرایدیکه ❦ مثلا برنسنه بی  
ضدیه خبر ویرسلر ❦ ا کا حق الیقین اعتقاد ایدر لرایدی ❦ و کتب  
محققینده مسطور در که ❦ قول پیغمبری و قول اجماعی ❦ و قول قاضی  
ومفتی بی ❦ و قول عدلی قبول تقلید دکلدن ❦ علمای امتک تدوین  
علم عقاید ایدوب ❦ بعض وفاق و شقاق لری اصول دینیه ده تخالف



حدوثه مبنی اولشدر ❦ مثلاً ❦ مانحن فیهمزده مقلد دیدیکمز  
 خالی الذهن عوام ناسدندر ❦ بعض ملاحده وضالینک مبلساتنهده  
 اعتقاد ایدرلر ❦ شیطان علیه اللغه ایسه ❦ عدوی فرصتجویدر  
 نه که تورانده ❦ وشروح انا جبل اربعدهده مسطوردر که ❦ کندوسنه  
 عارض اولان شبهات سبع سبيله ❦ کندی ضال اولوب ❦ غیری دخی  
 اضلال ایتمکله ❦ الی یوم السئوال ❦ ناسی ❦ کندوسنه همحال  
 ایلمکه ❦ صرف مجال اوزره در ❦ زمانمزه ایسه ملاحده تکثر بولوب  
 شخصاً فشحصاً ❦ عوام ناسک عروق واعصابنه ❦ بلکه عقلا  
 صورتنده مشهود اولان نیجه قیافتلو اشخاصه ❦ حلول ایلبه رک  
 معاذ الله تعالی ❦ اول ساده لوحی نقوش عقاید حقه دن اعرا  
 ایلمشدر ❦ خلقک ایسه اکنساب حطام دنیوی ❦ غائله سندن  
 خالق و پیغمبر خاطر لرینه خطور ایلمز که ❦ امور دینیه لرینی  
 تعلم ایده لر ❦ سال عمری سکسانه وارمشیکن ❦ سکز یوز سنه لک  
 مال ادخاری قیدنده در ❦ وقالدیکه بعض احکام شرعیه وارد که  
 الاحکام تختلف باختلاف الازمنه والاحوال ❦ قاعده سی اوزره  
 زمانک مقتضاسی اوزره دائردر ❦ مثلاً نسوانک جماعته حضورلری  
 عند المتقدمین مریخص ❦ وعند المتأخرین مخطوردر ❦ بو وجهله  
 تحصیل ایمانده استدلالی شطرا ایدنلرک کلامی ❦ زمانه نسبت اوفق  
 کورینور ❦ تا که هر کس اربابندن نظر واستدلالک حقیقت  
 وطریقنی تعلمه مستدل اولوب ❦ رقبه سنی رقبه تقلیددن تخلیصه  
 دم عروق کبی حلول ایدن ملاحده نک اقوال مموهه باطله سنی  
 مصدق اولیوب ❦ ادله ایله ابطال ایتمکله ❦ صراط مستقیمده مثبت  
 اوله لر ❦ حالا نیجه لردن مسموعمز اولیور که ❦ افتاده دام تزوری  
 اولدیغی شرابخوری معاذ الله تعالی ❦ خفت عقیده سبيله کاه  
 ملامیوندر تسترایدر ❦ وکاه یدنده شراب حاشا ❦ آب کوثره منقلب

اولور دیو ❦ کونا کون هذیانه جسارت ایدرلر ❦ جمله فسادک منشای  
 جهالتدن متولد حب دنیادر ❦ انکچون الجهل اخوالکفر  
 دنلشدر ❦ وقالدیکه کرامات اولیا بحثنده ذکر اولندیغی اوزره  
 اولیای کرام ذره قدر مغایر شریعت وضع وعمل ایلمزلر ❦ انلر  
 مرآت الصفادر ❦ غبار دنیا ایله مغیر اولمازلر ❦ سر رسول الله  
 جمله دن ازید و او فر انلر مظهر اولغله ❦ هر آنده حضرت رسول الله  
 متابع ومقتفیلردر ❦ ذات نبویدن صادر اولیان افعال انلردن  
 صادر اولق امر محالدر ❦ بوندن بشقه نیجه خذله قومه اصولنه  
 تعظیماً مراعات ایدرز ❦ دیوبین العوام ❦ بروقف کلام وارد در  
 واقعا دیدکری مشاهیر اصول که ❦ بازید بسطامی ❦ وجنید  
 وامثاللرندن صکره ❦ صاحب طرق اولان اعزه کرامدر ❦ حضرت  
 مولانا ❦ وعبدالقادر کیلانی ❦ و بهاء الدین ❦ وبدوی حضراتی کبی  
 موقوف الکلام اولان اعلام عدیده نک ❦ تحریرلری اوزره اولیای  
 کرامدن اولدقلری متواتر معنویدر ❦ سالک طریقلری اولان اهل  
 علم ومشرع ومتدین ومتقی اولان ❦ ذواته صمیمی محبت ایده رز  
 لکن غلطهده سرشار نشوه صهبای اولوب ❦ استانبولده افراغ  
 دعوای کرامت ایدن مخاذیل سفهایه ❦ وشکل وقیافتنی شبیکه  
 اغفال عوام ایدن ❦ اصحاب زرق وریایه ❦ ومقابله کونلری حجره  
 مخصوصنده ❦ عقد انجمن یاران ایدوب ❦ اراقده علی دده نماز  
 قلنوب مقابله یه باشلدیلر می ❦ بر کره یوقله دیوب ❦ باشلدیلر ایسه  
 نارکیله بی براقوب ❦ آبد سنسنز نماز سنز ❦ مقابله یه سرعت ایدن  
 سفله منحوس اللقایه ❦ نه کونه اماله چشم محبت اولنور ❦ اصول  
 مشارالیه انلری قبول ایلمه چکی نمایاندر ❦ انه لبس من اهلك  
 مصدوقی ❦ اولمقوله لری انلره نسبت ایلمک کوه کوه بی ادبیکدر  
 قزلباش طائفه سی ❦ حضرت مر تضایه منسوب کچندکری



معلومدر ❖ بوصورته حضرت مرتضایه حرمله اول طائفه ده  
محبت ایلک لازمدر ❖ حال بوکه ❖ قتل واستیصالری مشر و عدر  
حالا راقم الحروف دخی نقشبندیه سالکی اولوب ❖ لکن طوغریسی  
بودر که ❖ شریعت مطهره به ذره قدر مغایر ❖ قول و فعلی و حب  
دنیا سی اولان شخصی ❖ جو سماعه پرواز ایدر کورسم ❖ برو جهله  
خاطریه اعتقاد دکل ظنک ظاسی خطور ایلز ❖ وبرکوی مر حومک  
دخی رد ایلدیکی اولقوله اشخاصدر ❖ یوقسه امعان اولنسه  
طریقتی عین تصوف و حقیقتدر خدما صفا دع ما کدر

❖ وَمَا عَذْرُ لَذِي عَقْلٍ بِجَهْلٍ ❖ بِخَلْقِ الْأَسَافِلِ وَالْأَعَالِي ❖

ماء نافیه در لبس معناسنه ❖ عذر اسم مر فوعیدر ❖ لذی عقل  
جار و مجرور خبر منصوبیدر ❖ بجهل نفیه متعلقدر ❖ بآء سبیه در  
یا خود حالدر ❖ ملا بسا بجهل تقدیرنده در ❖ بخلاق الاسافل  
کله سنده بآء بجهل لفظنه متعلقدر ❖ اسافل اسفلک جمعیدر  
مراد فلک قمرک ما تحتیدر ❖ اعالی اعلانک جمعیدر ❖ مراد  
ما فوقیدر ❖ مفهوم بیت بودر که ❖ عاقل و بالغ اولان کسه  
جهلی سبیله ❖ معرفت الهیدن محروم اولسه ❖ حضور رب العزه ده  
عذری قرین قبول اولماز ❖ معلوم اوله که ❖ عذر کله سنک اوج  
معناسی وارددر ❖ بری فعل معهودی بن ایشلدم دیمکدر  
❖ وبریسی شو سبیله ایشلدم دیمکدر ❖ ثالث ایشلدم لکن  
من بعد ایشلم دیمکدر ❖ بوراده مراد معنای ثالثدر ❖ وعقل  
لغته منع وقید معنای نه در ❖ موصوفی ناسزا فعلدن منع  
ابتدی کیچون ❖ قوت معهوده اطلاق اولندی ❖ وعرفده بر نور  
روحانیدر که ❖ کند وسیله علوم ضروریه ونظریه ادراک  
اولنور ❖ وعقل ایچون درت مرتبه اثبات ایدرلر ❖ مرتبه اولی

عقل هیولانی در که عقل بالقوه دخی دیرلر ❖ معقولاتی ادرا که  
استعداد محضدر ❖ عقل اطفال کی ❖ مرتبه ثانیه عقل بالملکه در که  
ضروریاته علم ونفسک ❖ اول ملکه ایله نظریات اکنسانه  
استعدادیدر ❖ مناسط تکلیف بواسطه استعداددر ❖ مرتبه ثالثه  
عقل بالفعل در که ❖ نظریات اکنسانه ملکه دن عبارتدر  
❖ مرتبه رابعه عقل مستفاد در که ❖ ادراک ایلدیکی نظریات  
غائب اولیه جفی حیثیتله کند وده حاضر اولمقدن عبارتدر  
وجهل سید شریفک عندنده وجودیدر ❖ زیرا برشی  
حقیقتک خلا فی اوزره بیلیمکدن عبارتدر ❖ معدومک ذهنده  
شیئینه ذهابله ❖ تعریفنه وارد اولان اعتراضی دفع ایتشددر  
بعضیلر جهلی بسط و مر کبه تقسیم ایدرلر ❖ وبسبطلی  
علم شانندن اولان کسه نک علمیه تعریف ایدرلر ❖ وجهل مر کی  
سید شریفک تعریفیه تعریف ایدرلر ❖ لسانمزدده بیلدیکنیده  
بیلز ایله تعبیر اولنور ❖ بعض اخبارده وارد اولشددر که ❖ جهل  
کفره ❖ بیاض عینک سوادینه قربندن زیاده قریبدر ❖ وبعض  
محققین دیدیلر که ❖ حق سبحانه وتعالی ملائکه ده عقلی بی شهوت  
ترکیب ایلدی ❖ وبها یمده شهوتی بی عقل ترتیب ایلدی ❖ وانسانده  
ایکسنی جمع ایلدی ❖ ایمدی عقلی شهوتنه غالب ❖ یعنی کبر  
و کلو سنه مغلوب اولیان کسنه ❖ ملائکه به ملحق اولور  
شهوتی عقلنه غالب اولان ❖ بهایمدن معدود اولور ❖ و خفی اولیه که  
اهل سنت دیرلر که ❖ عاقل اولان کسنه ❖ کرک صبی کرک بالغ اولسون  
معرفت خالق بیچونده جهالتی عذر دکلدر ❖ زیرا ❖ و فی انفسکم  
افلا تبصرون ❖ اولم ینظروا فی ملکوت السموات والارض ❖ و کاین  
من آیه فی السموات والارض یمرون علیها وهم عنها معرضون ❖  
کریمه لری مقتضای خالقک وجودینه دال اولان سموات



وارضین و ما فیہایہ نظر واستدلال واجبدر ❦ نته که بعض عرفای هوشمندان

❦ وفي كل شيء له آية ❦ تدل على انه واحد ❦ وبعضیله  
❦ واذا نظرت الى السماء بنظرة ❦ فاری السماء تدل انك واحد ❦  
❦ واذا نظرت الى الكواكب بنظرة ❦ فعلى المکوکب للکواكب شاهد ❦  
فرا ندینی بر آورده ساحل بیان ایلشیر نابی مر حومك اشبو  
قطعه سیده اعلا در

❦ كتاب كائنات اسرار حق بی دهن سویله ❦

❦ سواد ممکنات آثار صنعی بی سخن سویله ❦

❦ سنك كوشكده استعداد یوق ادراكه یوقسه ❦

❦ لب جوده كمال صنعی هر برك چن سویله ❦

بومبحث ❦ بیت سابق شرحی ضمنده دخی مندرج اولمشیدی  
قالدیکه ❦ علمای کرام حضرت باری تعالی یه ❦ ایمانك وجوب وكفرک  
حرمتده اتفاق ایلدیلر ❦ لکن وجوبی قلبیدر سمعیمیدر اختلاف  
ایلدیلر ❦ مشایخ حنفیه عقلی اولسنه ذاهب اولدیلر ❦ نته که  
حاکم شهید متقی نام کابنده ❦ امام اعظم حضرت نردن روایت  
ایدر که ❦ سموات وارضین خلقنی ❦ ونفسنی وسائر مخلوقات  
کور دیکچون جهلده برکسه نك عذری مقبول دکلدرد ❦ وینه  
امام اعظم نردن روایت ایدر که ❦ حق سبحانه وتعالی رسول بعث  
ایلسه ❦ خلق اوزره ❦ حضرت خالق عقلاریله بیلک واجبدر  
وروا فض وملاحده مذهبی بودر که ❦ عقلله برشیء واجب  
وحرام اولماز ❦ هر نقدر اشیانك حسن وقبحنی عقلله بیلک  
جائز ایلسه ده دلایلری ❦ وما کما معذبین حتی نبعث رسولا ❦  
کریمه سیدر ❦ زیرا بعثت رسولدن اول ❦ عذاب ننی اولندی  
اگر عقلله وجوب وحرمت ثابت اولسه ❦ ترك ایلله عذاب اولنق

لازم ایدی ❦ پس ایت مر قومه ایلله لازم منتفیدر ❦ كذلك  
ملزومه منتفیدر ❦ انلره جواب ویریلور که ❦ آیت مر قومه  
قبل البعثة تارکدن منتفی اولان صوم و صلاوة و زکوة کبی  
مشروعاتدر ❦ زیرا عقل بونلرک وجوبلرینه و کیفیت عمللرینه  
قبل البعثة مهتدی اولق ممکن دکلدرد ❦ لکن صانع قدیمک  
وجودینه و وحدانیتنه ❦ انفسی و آفاقی دلائل ثابت اولوب  
وعاقل رؤیت آثار صنعله ❦ صانعنی بیلک ممکن اولغله ❦ استدلال  
واجبدر ❦ پس برکسه ده فرصت واستدلال له قدرت اولوب  
لکن استدلال ایلوب ❦ اول حال اوزره فوت اولسه ❦ عندالله تعالی  
معذور اولماز حتی بعض مفسرین ❦ وما خلقت الجن والانس  
الا لبعدون ❦ کریمه سنی الالبعرفون ایلله تفسیر ایلدیلر  
قالدیکه میانده اولان خلاف مسطورک ثمره سی ❦ کند و سنه  
اصلا دعوت بالغ اولیان کسه حقنده در ❦ عقلی موجب ایدنلره  
کوره معذور دکل ❦ موجب اولیانلره کوره معذور در ❦ بعض  
شراحك ییانی بودر ❦ وبعضیلر دیدیلر که ❦ البته ایمان بالله واجب  
اولغله ایمان ایلدیکی صورته جهنده مخلد قالور ❦ وعامه مشایخ  
حنفیه بونك اوزرینه در ❦ وامام اعظمك ظاهر روایتی بودر که  
بیلله رك وفات ایلسه ❦ جهنده مخلد اولور ❦ واشعری عقلله  
برشیء واجب اولماز ❦ وحسن وقبح اشياء عقلله معلوم اولور  
دیرل ❦ انلره کوره معذور اولورلر ❦ امام اعظمدن معذوری  
روایتی دخی مر ویدر ❦ و آیت مر قومه ده ننی عذاب دنیاده  
واقع اولان عذاب استیصاله حل ایلشیردر ❦ وبعضیلر آیت  
مر قومه ده ذکر اولنان رسول ضمنه ❦ عقلی دخی درج ایلدیلر  
قالدیکه مخلد فی انار اولدقلری صورته ❦ کفار عقابیلله می معاقب  
اولورلر ❦ یوقسه عقابلری منتقصمی اولور ❦ بعضیلر دیدیلر که



عقاب کفار ایله معاقب اولورلر ❦ زیرا انلر کفار ایله همحالدلر  
زیرا خالق و دین و ایمانه جاهللدلر ❦ بوجهته جهالت کفر در  
❦ ولا تقولوا لمن اتى اليكم السلام لست مؤمنا ❦ کریمه سی  
(من صلی صلوته و دخل مسجده نا و استقبال قبلتنا فهو مسلم)  
حدیث شریفی احکام حقنده اولان اسلام اوزره محمولدر  
و بعض اهل تحقیق دیرلر که ❦ هر قدر جاهل ایسه ده مصدق  
اولغله عقابی منتقص اولیق جائزدر ❦ و معتزله عندنده  
عقل ایمانی و شکر نعمتی موجب ❦ و بذاته احکامی مثبتدر ❦ و قالدیکه  
صبی عاقل امرنده ❦ یعنی استدلال ممکن اولور حالده  
اولسه ❦ کندوسنه معرفت الهی واجب اولور می اولمازمی  
اختلاف وارددر ❦ شیخ ابو منصور مازیدی دیدیکه ❦ اول  
صفتده اولان صبی اوزره ❦ معرفت الهی واجبدر ❦ و اکثر  
مشایخ عراق بومذهبه متابعت ایلدیلر ❦ لکن بعض مشایخ  
دیدیلر که ❦ قبل البلوغ برشی واجب دکلدلر ❦ زیرا مکلف دکلدلر  
کذلک (رفع القلم عن ثلاث عن الصبی حتی یحتمل الحدیث)  
یورلمغله ❦ صبی اوزره احکام ترتب ایلز ❦ مازیدی حضرتلری  
قلبی شرایعه حل ایلدیلر ❦ یعنی صوم و صلاوة کی احکام  
ترتب ایلز ❦ ابو منصور کدلیلی ❦ ان السمع والبصر والفؤاد  
کل اولئک کان عنه مسئولا ❦ کریمه سیدر ❦ زیرا  
سمع مسموعاته ❦ و بصر مبصراته ❦ و قلب معقولاته مختصدر  
حال بوکه سمع بصر عقلدن مستغنی دکلدلر ❦ زیرا سمع حتی  
و باطلی استماع ایدر ❦ لکن ینسلرین عقلله تمیز ایدر ❦ کذلک  
بصر کوردیکی حق و باطلی ❦ عقلله فرق ایدر ❦ بوحیثله  
مدار معارف و مواجب عقل اولدی ❦ بالغ ایله صبی عاقل ایسه  
عقل خصوصنده منسا و یلدردر ❦ پس ناظمک لندی عقل قول

تعصیه اشارت اولور ❦ یعنی صبی عاقل ایمان باللهک عقل  
واسطه سبيله وجوبنده بالغ کی دیمکدر ❦ نته که قبل البلوغ  
اسلامه کلسه ❦ بالاتفاق اسلامی ❦ کذلک ارتدادی صحیح اولور  
اما صبی عاقلک ارتدادی صحیح اولیوب ❦ لکن اسلامی صحیح  
اولور ❦ اما احکام شرعیه ترتبندن حسب البنیه ❦ بالغ ایله غیر بالغ  
بیننده فرق وارددر ❦ و قالدیکه بعض اهل تحقیق بیان ایلشدلر که  
برکسه میانده اسلامده نشأت ایدوب ❦ جهل و غفلت سبيله عقایدی  
تصحیح ایلماش اولسه ❦ اول کسه به حکما رد تله حکم اولور  
والله الهادی الی سبیل الرشاد

❦ وَمَا اِيْمَانُ شَخْصٍ حَالٍ بِأَسٍ ❦ بِمَقْبُولٍ لِفَقْدِ اِمْتِثَالٍ ❦

ما نافیدر لیس معناسنه ❦ ایمان شخص اسم مرفوعیدر ❦ بمقبول  
کله سی خبر منصوبیدر ❦ حال بأس ظرفیت اوزره منصوبدر  
زمان بأس سبکنده در ❦ بأس شدت و مضرت و عذاب  
معنارینه در ❦ یای تحیه ایله بأس دیمدیکی ❦ فلم یکن ینفعهم  
ایمانهم لما رأوا بأسنا ❦ کریمه سنه موافقت ایچوندلر  
همره سنی الفه قلب ایلکده جائزدر ❦ مفهوم بیت بودر که  
معاینه عذاب وقتنده حادث اولان ایمان که ❦ ایمان بأس  
و ایمان یأس دخی دیرلر ❦ مقبول دکلدلر ❦ یعنی اول کسه  
عندالله مؤمن اولماز ❦ زیرا مقدما امر الهی به امتثال ایدوب  
ایمانه کلمدی ❦ معلوم اوله که (ان العبد لن یموت حتی یری  
موضع من الجنة والنار) حدیث شریفی اوزره مسلم و کافر  
جمله سی البته فوت اولمازدن مقدم ❦ جنت و جهنمده ❦ مضیر  
وما والری اوله جنت مکانلرین معاینه ایدرلر ❦ بعض مؤمنه  
حین انتقالده انبساط و بنشاط حصول اکا مینیدر ❦ پس



عمرینی کفر و ضلالتند کچر مش بر کافر مرد اولور ایکن  
 ذکر اولنان حدیث شریف مقتضای لا محاله مصیرینی و کندی  
 ایچون تهیئه قلنان عذاب و عقوبتی معاینه ایتمکله ❦ ایمانه کلسه  
 ایمانی عندالله تعالی مقبول اولماز ❦ زیرا حضرت حق جل و علا  
 ❦ فَمَنْ يَنْفَعُهُمْ إِيمَانُهُمْ لَمَّا رَأَوْا بَأْسَنَا ❦ بیور مشدر ❦ والذین  
 یؤمنون بالغیب ❦ کریمه سی مقتضای ایمان غیبی ایله  
 مأمور اولمغله کافر مر سومک ایمانی ایمان عینی اولور ❦ كذلك  
 ❦ ولبست التوبة للذین یعملون السبئات حتی حضر احدهم  
 الموت قال انی تبت الان ❦ کریمه سی مقتضای سبجه مقبول  
 دکدر ❦ زیرا سبئاتدن مراد کفر ❦ یاخود نفاقدر دیدیلر ❦ كذلك  
 فرعون خصوصنده وارد اولان ❦ حتی اذا درکه الغرق قال  
 آمنت انه لا اله الا الذی آمنت به بنوا اسرائیل وانا من المسلمین ❦  
 کریمه سی مصداقی اول آن بأسده اولان ایماتی حق جل  
 وعلی انکار ایدوب جوابنده ❦ الان وقد عصیت قبل وکنت  
 من المفسدین ❦ بیور مشدر ❦ اگر سؤال اولنور سه که ❦ بأسدن  
 مراد ذکر اولندیغی اوزره آخرته مخصوص اولان معاینه  
 عذاب شدتیدر ❦ یاخود سكرات موتدر ❦ فرعونده ایسه اولخالده  
 ایکبسیده یوقدر ❦ زیرا معاینه ایلدیکی استیصال دنیوی ایدی  
 جواب ویریلور که ❦ اولابأس مطلقا شدت و عذابدر ❦ نهایت  
 اول آنده سببی معاینه عذاب اولمغله ❦ مسببی سببه اطلاق اولور  
 والا تحت ظلال سیوفده اولان ایمان دخی ❦ مقبول اولماق لازم  
 کلور ❦ ولوسلم محتملدر که ❦ اثنای غرقده مصیرینی دخی  
 معاینه ایتمش اوله ❦ و غرق حالتی سكرات مقامنده در ❦ قالدیکه  
 حضرت شیخ اکبر ❦ وبعض اصحاب تحقیقک بوبابده نیجه  
 کلماتی وار ❦ لکن بزرگ مبلغ ادراکی دکدر ❦ و ذکر اولنان

دلیله ❦ یونس علیه السلام قومک ایمانیله اعتراض وارد اولور  
 زیرا ❦ فلولا کانت قریة آمنت فنفعها ایمانها الا قوم یونس  
 لما آمنوا کشفنا عنهم عذاب الخزی ❦ کریمه سی اوزره  
 ایمانلری بأس حالده ایکن ❦ مقبول بدرگاه اله اولمشدر ❦ اکا  
 جواب ویریلور که ❦ قوم یونسک ایمانلری بأس حالده دکدر  
 بلکه حضرت حق تعالی ❦ ایمان و اطاعت ایللریچون عقوبت  
 علامتی ارائه ایلدی ❦ بعینه توراة امرینه امثال ایلک ایچون  
 قوم موسی علیه السلام اوزره ❦ جبل رفع اولندیغنه مما ثلدر  
 وبعض مفسرین آیت مر قومه ده واقع ❦ الا کله سنی استثنایه  
 حل ایللیوب ❦ لکن معناسنه دریدی ❦ اوصورتده مفهوم شریف  
 ایمان قوم یونس اختیارلریله اولمغله ❦ اوزر لرندن کشف عذاب  
 ترتب ایلدی دیمک اولور ❦ خلاصه معلوم اولدیکه ❦ ایمان بأس  
 مقبول دکدر ❦ قالدیکه توبه بأس ❦ یعنی مؤمن عاصینک بأس  
 حالده توبه سی مقبولدر ❦ زیرا ❦ وهوالذی یقبل التوبة  
 عن عباده ❦ کریمه سی مطلقدر ❦ مخصی یوقدر  
 كذلك (ان الله یقبل التوبة مالم یغفر) حدیث شریفی دخی  
 دلالت ایدر ❦ اما کافرک معرفت الهیدن بهره سی اولما مغله  
 ابتداء ایمان و عرفاندن محرومدر ❦ مؤمن عاصی حصه مند  
 معرفتدر ❦ و حالی حال بقادر ❦ البتده بقا ابتدادن اسهلدر  
 بعض عرفا ایمان بأسی وقتنده غرس اولنوب ❦ لکن نشو و نما دن  
 بری اولان شجره تشبیه ایلدیلر ❦ و توبه بأسی ملائمت هوا سببیه  
 ایام شتاده مثمر اولان شجره تمثیل ایلدیلر

❦ وَمَا أَفْعَالُ خَيْرٍ فِي الْحِسَابِ ❦ ❦ مِنَ الْإِيمَانِ مَفْرُوضُ الْوَصَالِ ❦

مالبس معناسنه نافیه در ❦ افعال خیر اسم مر فوعیدر ❦ افعالک



اضافتی موصوفک صفتی قبیلندندر ❦ مسجد الجامع کبی  
بعضیلر بیانیہ در دیدی ❦ فی الحساب محلا منصوب مانک  
خبریدر ❦ من الایمان حساب کلمه سنه متعلقدر ❦ مفروض  
الوصول ایمانندن حالدر ❦ تذکیری مذکور اعتباریله در  
مفهوم یت به در که ❦ وصالی مفروض اولان صوم و صلوٰۃ کبی  
اعمال حسنه ایمانندن محسوب دکلددر ❦ یعنی ایمانک مفهومیمنده  
داخل دکلددر ❦ هر نقدر وجود ده وصالی مفروض ایسه ده  
زیرا ایمانندن عاری اولان اعمال صالحه ❦ معدوم مثابه سنده در  
❦ معلوم اوله که ❦ و ایمان المقلد یتنک شرحنده تثبیت اولندیغی  
اوزره ایمانک مفهومیمنده درت وجه اوزره اختلاف اولندی  
بعضیلر ایمانندن شطر عد ایلدیلر ❦ امام اعظم حضر تلی  
عمل ایمانده داخل دکلددر دیدیلر ❦ و وجوه عدیده ایله احتجاج  
ایلدیلر ❦ اولاً ایمان لغتده نقل شهادتی ❦ و موارد استعمال دلالتیله  
تصدیقہ دیرلر ❦ و شرعده معنای آخرده نقل اولندی ❦ پس  
تصدیق دیدیکمز ذاتنده زیاده نقصان قبول اتمز بر معنادر ❦  
مثلاً مصدق تصدیقنه طاعات ضم ایسه ❦ یا خود معاصی  
ارتکاب ایسه ❦ تصدیقی ینه بر حال اوزره اولوب ❦ قطعاً متغیر  
اولماز ❦ اگر طاعات متفاوتہ نک اسمی اولیدی ❦ قلت و کثرت  
جهتیه متفاوت اولور ایدی ❦ بناء علیه امام رازی و سائر بعض  
کار دیدیلر که ❦ اشبوز کر اولنان تفسیر ایمانک فرعیدر ❦ اگر  
تصدیق دینور سه تفاوت یوقدر ❦ و اگر اعمالدر دینور سه  
تفاوت در کاردر ❦ وجه ثانی ❦ مقدمه بیان اولندیغی اوزره  
نص واجبا علیه ثابت اولدی که ❦ ایمان معاینه عذاب حالنده  
نافع دکلددر ❦ بوضورتده بدیهیدر که ❦ معاینه عذاب حالنده  
مقدور اولان انجیق تصدیق و اقراردر ❦ یوقسه اعمال

دکلددر ❦ وجه ثالث ❦ ایمانی اثباتندن صکره ❦ یا ایها الذین آمنوا  
کتب علیکم الصیام ❦ کریمه سی کبی ❦ اوامر و نواهی به  
دال اولان نصوص قاطعه در ❦ وجه رابع ❦ ایمان و اعمالک  
متفارق اولدقلرینه دال اولان نصوصدر ❦ ان الذین آمنوا  
و عملوا الصالحات ❦ کریمه سی کبی ❦ زیرا عملی ایمان اوزره  
عطف ایمانک مغایرتی اقتضایدر ❦ اگر سؤال اولنور سه که  
عمل حقیقت ایمانک جزئیدر جزء ایسه ❦ کلمه مغایر اولمغله  
عملی ایمان اوزره عطفندن ❦ عملک حقیقت ایمانده داخل اولماسی  
لازم کلز ❦ جواب و یریلور که ❦ اگر حقیقت ایمانده غیر داخل  
اولسه تکرار بلا فائده لازم کلور ❦ و اگر اعتراض اولنور سه که  
تخصیص بعد التعمیم قبیلندن اولسون ❦ جواب و یریلور که  
رمزینفه مبنی اولور ❦ شاننه اعتناء کبی تصدیق ❦ یا خود اقراری  
تخصیص ایلک هر وجهله اهدر ❦ كذلك ❦ و من بعمل  
من الصالحات وهو مؤمن ❦ کریمه سیده عمل ایمانده  
داخل اولدیغنه دلالت ایدر ❦ زیرا آیت مر قومه ده عمل  
صحت ایمانه شرط اولدی ❦ شرط ایسه مشروطک غیریدر  
وجه خامس ❦ بعضا ایمان و معاصینک اجتماعلرینه ❦ دال اولان  
آیات کریمه در ❦ الذین آمنوا ولم یلبسوا ایمانهم بظلم ❦ و ❦ والذین  
آمنوا ولم یهاجروا ❦ و ❦ وان طائفتان من المؤمنین اقتتلوا ❦  
کریمه لری کبی ❦ وجه سادس ❦ ایمانک شرط عبادات  
اولدیغنه اجماعک ثبوتیدر ❦ وجه سابع ❦ اگر ایمان اسم طاعت  
اولیدی یا مجموعہنک اسمی یا خود بعضینک اسمی اولور ایدی  
صورت اولده بعض اعمالک انتفا سیله ❦ ایمانک انتفا سی لازم  
کلور ❦ بوضورتده تصدیق و اقرار ایدوب ❦ هنوز صلوٰۃ و صوم  
کبی عبادات اتیان ایلان کسه مؤمن اولماق اقتضایدر



اجماع ایسه بونک خلافت \* و تصدیق و اقرار عقینده وفات ایدن  
کسه نك مؤمن اولسنه منعقد در \* و صورت ثابته تعیین  
شرعی صادر اولما مشدر \* وجه ثامن \* جبریل امین ایمانی  
سؤال ایلدکده حضرت رسول الله ( ان تؤمن بالله و ملائکته )  
الح عبارتله تصدیق عبارت اولدیغنی بیان ایدوب \* وان عمل  
عنواتی ضم ایلا مشدر \* امام مالک و شافعی و اهل حدیث  
و اشاعره و معتزله و اهل ایدوب \* اعمال حسنه ایمانده  
داخلدر \* و زیاده و نقصان قبول ایدر \* دعوا لرینه عقلی  
و نقلی احتجاج ایلدیلر \* دلیل عقلی بودر که \* اگر ایمان و عمل  
متفاوت اولسیدی احاد امتک \* بلکه فسق و فجور منهک اولان  
اشخاصک ایمانلری انبیای عظام \* و ملائکه کرامک ایمانلرینه  
متساوی اولق لازم اولور ایدی \* لازم ایسه قطعاً باطلدر \* دلیل  
نقلی بوبابده وارد اولان نصوص کثیره در \* و اذا تلیت علیهم  
آیاته زادتهم ایمانا \* و لیرزادوا ایماناً مع ایمانهم \* و یزداد الذین  
آمنوا ایمانا \* کریمه لری کبی \* و ابن عمر رضی الله عنهما  
مروی اولان ( قلنا یا رسول الله ان الایمان یزید و ینقص قال نعم  
یزید حتی یدخل صاحبہ الجنة و ینقص حتی یدخل صاحبہ  
النار ) حدیثی و ( لو وزن ایمان ابی بکر یا ایمان هذه الامه لرجح به )  
حدیث شریفی کبی حنفیه طرفندن بونلره وجوه عدیده ایله  
جواب و یریلور \* وجه اول \* مراد دوام و ثبات و کثرت ازمان  
و ساعات حسبیه زیاده اولقدردر \* وجه مر قوم امام حرمینک  
کلام آتییی مألبدردر \* زیرا مشارالیه دیمشدر که \* جناب  
رسول الله حضرتلرینک افراد ناسه تفضلی تصدیق نبوینک  
استمراری و حضرت حقک کندوسنی مخامره شکو کردن  
عصمتیه در \* و تصدیق امر عرض اولوب \* بقاسی تجدد امثاله

اولغله \* حضرت رسول الله متوالیا و ماعداده فترات اوزره  
واقع اولق ملا بسه سی \* حضرت رسول الله بوجهله  
اعداد ایمان ثابت اولور که \* ماعداده انک بعضی ثابت اولور  
یس بوشبوه اوزره اولان زیاده منازع فیه دکلدر \* مراد  
ذکر اولندیغنی اوزره بحسب الازمان اولوب \* لا بحسب  
اصل ایمان اولماغله \* حصول مثل شیئک انعدا مندن صکره  
اولغله \* زیاده ترتب ایلزد بواعتراض وارد اولماز \* مع هذا  
مانحن فیه زیاده اعداد در \* وجه ثانی \* زیاده دن مراد مؤمن به  
زیاده سی حیثیتیه در \* مثلاً صحابه کرام ابتدای اسلاملرنده  
فی الجملة یعنی بطریق الاجمال ایمان ایدوب \* اول اوانده  
متعاقباً فروض متواردده اولغله \* هر فرض خاص نزولنده  
ایمان ایدر لر ایدی \* بوجهله مؤمن به میا نلرنده تفاوت وار ایدی  
خلاصه سی بودر که \* ایمان اجمالاً معلوم اولان ماده ده اجمالاً  
واجب و تفصیلاً معلوم اولان ماده ده تفصیلاً واجبدر \* کثرت  
و قلت جهتندن ملاحظه تفاصیلده \* ناس ایسه متفاوت اولغله  
بوجهله ایمانلری زیاده و نقصان ایله متفاوت اولور \* وجه ثالث  
زیاده دن مراد ثمره ایمان و قلبده نور پنک اشراقیدر که \* طاعتله  
متراند و معاصی ایله متقص اولور \* عرفانک \* ایمان له اصل  
و ثمره \* دید کلری بوکه اشارتدر \* امام رازی توفیقنه ذاهب  
اولوب دیدیکه \* تصدیق طاعتله کامل اولور \* قالدیکه  
ایمانک زیاده و نقصان قبول ایلدیکنه دلالت ایدن \* دلیلار  
تصدیقندن عبارت اولان اصل ایمانه متصرف \* و زیاده  
و نقصان قبولنده دلالت ایدن دلیلار \* ایمان کامله منعطف  
اولور \* علامه تفننا زانینک عقاید شرحنده \* وجوه مسروده  
طاعاتی ایمان کاملدن رکن عد ایدن مذهب کوره متمشی اولماز



تنه که امام شافعی اکاذا هبدر دیمکله \* امامله محمد اولدیلر  
وبعض محققین دیدیلر که \* حقیقت تصدیق زیاده ونقصان  
قبول ایلمدیکی مسلم دکلدر \* بلکه ضعف وقوت جهتیه  
متفاوت اولور \* بو کلام صحائف صاحبک کلامنه قریبدر  
صاحب صحایف دیمشدر که \* حق اولان بودر که \* ایمان زیاده  
ونقصانه قابلدرد \* کرک طاعات معناسنه اولسون \* وکرک  
تصدیق معناسنه اولسون \* طاعات معناسنه اولورسه ظاهر در  
تصدیق معناسنه اولدیغی حینده تصدیق قلبله اولور که  
اعتقاد جازمدن عبارتدر \* بویایسه ضعف وشدتی قبول ایدر  
قالدیکه \* علم کلامده بومبحث دخی طویل الذیل اولمغله  
تفصیلاتی شرح مواقف \* وشرح جوهره التوحید کی \*  
مفصلا تده مشبع ومشعرد والسلام

﴿ وَلَا يُقْضَىٰ بِكُفْرٍ وَارْتِدَادٍ ﴾ ﴿ بَعْثُوا بَقِيَّةَ قَوْمِ الْأَشْجَلِ ﴾ ﴿

لانا فیه در \* یقزی \* قضادن مستقبل مجهولدر \* بکفر فاعل  
 مقامنه قائمدر \* بآ الصافیہ در \* لایقزی احد بکفر سبکنده در  
 وارتداد معطوفدر \* بعهر لایقزی فعلنه متعلقدر \* یاء  
 سیبیه در \* عهر عین مهمله نك قحی و هانك سکونیه زنا  
 معناسنه در \* اختزال انقطاع معناسنه اولغله \* مراد قطع  
 اعضا و غضب اموال کی ظلم و جنایتدر \* مفهوم یت بودر که  
 برکسده یه محظورات شرعیه دن اولان زنا \* وقتل نفوس  
 و غضب اموال کی \* افعال منهبه ارتکایله کفر و ارتداد یله  
 حکم جائز دکدر \* معلوم اوله که \* کفر کلمه سی لغتده ستر وانسکار  
 معنارینه در \* طائفه کفره \* حتی ستر وانسکار ایتد کلر یچون  
 کافر ایله تسمیه اولندیلر \* و عرف شرعده ایمان شانندن اولان

کسسه نک عدم ایماننه اطلاق اولنور \* پس ایمانله ینلرنده تقابل  
العدم والمملکه اولور \* وکفری واجب الایمان اولنلری انکاردن  
عبارتدر \* دینلره کوره ینلرنده تقابل تضاد اولور \* وکفران  
اکثری نعمتده استعمال اولنور که \* شکر مقابلی اولور \* وکفور  
انکار دینده \* وانکار نعمتده ده استعمال اولنور \* وکفر قول ایله  
وفعل ایله ده اولور \* ایمانی معرفت ایله تفسیر اید نلره کوره  
کفر جهل بالله اولور \* وایمانی طاعتله تفسیر اید نلره کوره  
کفر معاصیدن اولور \* خوارج اکا ذاهبدر \* بعض علمانک  
بیاننه کوره معتزله دیرلر که \* معصیت اوچ قسمدر \* بر قسمی  
کفردر که \* جهل بالله دلالت ایدن معصیتدر \* سب رسول  
ومصحف شریفی قاذوراته القا ایلک کبی \* وبر قسمی \* فاعلی کفر  
وفسوقله متصف اولماز \* وانکله متصف بالایمان اولوق ممتنع  
اولماز \* سفه وکشف عورت کبی \* وبر قسمی \* ایماندن خروجی  
وکفر ایله اتصافی موجب اولماز \* بلسکه فسوق وفجور ایله  
اتصافی مستوجب اولور \* قتل عمد وزنا وشرب خمر کبی \* وایمانی  
تصدیقدن عبارت ایدنلره کوره \* کفر تکذیبدن عبارت اولور  
امام غزالیمنک معتبری بودر \* لکن بوکه کوره مصدق ومکذب  
اولمیان کافر اطلاق اولنماق اقتضایدر \* مترددین کبی لکن  
توجیه اولنور که \* هر کس ایمانله وکفردن اجتنابله مأمور اولمغله  
محضا ایمان امریله مؤتمراولمدیغیچون ونظر واستدلالله ایمان  
ایلمدیکیچون اطلاق اولنور \* وتصدیق وتکذیب میاننده شک  
اولوب شک ایسه کفر اولدیغی بی شکدر \* وکفردرت نوع اوزره در  
\* نوع اول \* کفر انکاریدر که \* قلب ولسانیه انکاردن  
عبارتدر \* کفر ابوجهل کبی \* نوع ثانی \* کفر بخودیدر که قلبیه  
یلوب لسانیه اعتراف ایلمامکدر \* کفر ابلیس ویهود کی



نوع ثالث ❦ کفر عاریدر که قلبیه ییلوب اعتراف ایدر ❦ لکن مثلبه  
 عاردر زعمبله متدین اولماز ❦ کفر ابو طالب کبی بعضیلر بو که  
 کفر عنادی اطلاق ایدر ❦ نوع رابع ❦ کفر نفاقیدر که لسانله  
 اقرار ایدوب قلبیه تصدیق ایلامکدن عبارتدر ❦ کفر ابن ابی بن  
 سلول کبی انوا عنک اذلی بودر ❦ پس کافر ایمانی اولمیان  
 کسه در ❦ لکن عرف واستعمالده وحدانیتی انکار واسناد شرکت  
 ایدنه مشرک ❦ و رسالت رسول اللهی سلب ایدنه کافر ❦ واعتقادینی  
 اخلال ایدوب ظاهر ایمان اظهار ایدنه منافق ❦ وبعد ایمان  
 کفر طریان ایدنه مرتد ❦ وبعض کتب وادیان منسوخه ایله  
 متدین اولانه کابی ❦ و قدم دهری قائل اولوب ❦ حوادثی دهره  
 اسناد ایدنه دهری ❦ و قطعاً خالق اثبات ایمانه معطل ❦ و نصوصه  
 مغایر محض کفر اولان عقاید تبطین ایدوب ❦ ظاهر اسلام اظهار  
 ایدن ملحد زندقه ❦ اطلاق اولنور ❦ و معاصی دخی ایکی قسمدر  
 کبیره و صغیره در ❦ کبیره ابن عمر رضی الله عنهما دن مروی  
 اولدیغی اوزره طقوزدر ❦ شرک بالله تعالی ❦ بغیر حق قتل نفس  
 و قذف محصنه ❦ وزنا ❦ و فرار عن الجهاد ❦ و سحر ❦ و اکل مال یتیم  
 و عقوق الوالدین المسلمین ❦ و الحاد ❦ یعنی خروج عن مأمور  
 الشرع فی الحرم ❦ ابو هریره رضی الله عنه اکل ربابی ❦ و علی  
 کرم الله وجهه سرقه و شرب خمری زیاده ایلدیلر ❦ و بعضیلر  
 اصرار اولنسان کناه کبیره ❦ و اصرار اولنمیان صغیره در دیدی  
 صاحب کفایه دیمشدر که ❦ کبیره و صغیره اسم اضافیلر در  
 ما فوقه نسبت اولنسان معصیت صغیره در ❦ مادونه اضافت  
 قبلنسان کبیره در ❦ لا صغیره مع الاصرار ❦ ولا کبیره مع الاستغفار  
 قولی کلام اولی مؤید در ❦ بعد هذا اهل سنت اتفاق ایتدیلر که  
 شرکدن ماعدا کبیره مؤمنی ایماندن اخراج ایلز ❦ بلکه اول مؤمن

ایمانبله مطیع ❦ و فسق سبیله عاصیدر ❦ زیرا ایمانک مفهومی  
 اولان تصدیق کند و سبیله قائمدر ❦ و حق سبحانه و تعالی آیات  
 عدیده ده مذنبین و عاصینه ❦ ایمان اسمنی اطلاق ایلشدر  
 ❦ یا ایها الذین آمنوا کتب علیکم القصاص فی القتل ❦  
 کریمه سنده اولدیغی کبی و ❦ ان الله لا یغفر ان یشرک به و یغفر  
 ما دون ذلك لمن یشاء ❦ کریمه سی کبی زیرا بو آیت کریمه  
 دلالت ایدر که ❦ اهل کباردن بغیر التوبه فوت اولان کسه  
 مظهر غفران اولوب ❦ لکن اهل شرک محروم اولور ❦  
 مرجئه طائفه سی زعم ایدر ❦ مؤمن ارتکاب کبیره ایدر سه ده  
 فاسق و عاصی اولماز ❦ بلکه مؤمن صالحدر ❦ و اکا عقاب جائز  
 اولماز ❦ من غیر توبه فوت اولور سه ده ❦ زیرا مرجئه عندنه  
 حسنه کفر ایله نافع اولدیغی ❦ سبئه ده ایمانله مضر اولماز  
 مذهب عا طلاری باطلدر ❦ زیرا فسق و عصیان طاعتدن  
 خروجدر ❦ مرتکب کبار بلکه مرتکب صغائر طاعتدن  
 خارج اولغله عاصیلر در ❦ از ارقه طائفه سی دیدیلر که ❦ صاحب  
 کبیره مشرکدر ❦ زیرا هم الله ایچون وهم غیری یعنی یا نفسی  
 و یا خود شیطان ایچون عمل ایدر ❦ بودخی باطلدر ❦ زیرا  
 اصطلاح شرعه مشرک ❦ حق تعالی به الوهیتده شریک اعتقاد  
 ایدن کسه دن عبارتدر ❦ صاحب کبیره بو حالده اولدیغی  
 ظاهر در ❦ و جمهور خوارج ذاهب اولدیلر که ❦ کبیره یا خود  
 صغیره ارتکاب ایدن کسه کافر اولور ❦ و بعضیلر صغیره ایله  
 کبیره یئنی فرقی ایلدیلر ❦ جمله سی مرتکب کبار جهنمده مخلد  
 اولور دیر ❦ و معتزله مذهبی بودر که ❦ مرتکب کبیره کافر  
 دکلدرد ❦ زیرا مصدق در ❦ مؤمن دخی دکلدرد ❦ زیرا ایمان  
 مأمور اولدیغمن جمیع طاعاتی ایباندن عبارتدر ❦ کباردن



اجتناب ايلك دخي جمله مأمورا تندرد \* بوجهتله مؤمن اولوب  
بلكه فاسق اولغله \* توبه سز فوت اولور سه \* مخلد في النار  
اولور \* ومعتزله نك شبهه لر ينك برى بودر كه \* صاحب كبيره نك  
فاسق اولديغى متفق \* لكن كافر اولديغى مختلف اولغله  
مختلفى ترك ايدوب \* متفقى اخذ ايلك واجيدرد \* اكا جواب  
ويريلور كه \* بو حكم بلكه متفقى تركرد \* زيرا يا مؤمن اولور  
يا خود كافر اولور \* ينلرنده واسطه يوقدر \* اتفاق دكل بلكه  
بر فردك قائل اولديغى اخذ ايلكدر \* بر شبهه لرى بودر كه  
\* اغن كان مؤمنا كن كان فاسقا \* كريمه سى ( ولا امان  
لمن لا امانه له ) حديثى اوزره فاسق مؤمن دكلدر \* زيرا مؤمنه  
مقابل ذكر اولندى \* انلره جواب ويريلور كه \* آيت مرقومه ده  
فاسقدن مراد كافر در \* زيرا كفر اعظم فسوقدر \* وحديث  
شريف فاسقك مؤمن اولديغنه دال اولان آيات واحاديث  
دلائيله تغليظ \* ومعاصيدن زجر \* وخطرده مبالغه طريقه سى  
اوزره وارد اولمشدر \* بر شبهه لريده بودر كه \* فاسق حقنده  
مال و دمك عصمتى ومسلمدن وارثيتى ومناكه وغسل و صلوة  
جنازه سى ادا ومقابر مسلمينده دفن اولمق كى مؤمن مطلق  
احكامى \* ودم ولعن وامامتة وقضا وشهادة عدم اهليت كى  
كافر احكامى جارى اولور \* بوجهتله انلرايچون منزله  
بين المنزلتين اولوب \* كنديلره نه مؤمن ونه كافر اطلاق اولنور  
بو كه جواب ويريلور كه اثبات ايلديككر احكام كافر مؤمنه تجاوز  
ايليان خواص دكلدر \* بلكه كافره \* وبعض مؤمنينه عام اولان  
احكامدر \* وخوار جك شبهه لرى \* عصا نك كفرينى ناطق  
نصوصدر \* ومن يعص الله ورسوله يدخله ناراً خالدا فيها \*  
و \* بلى من كسب سيئة واحاطت به خطيئته فاولئك اصحاب النار

هم فيها خالدون \* و \* ومن لم يحكم بما انزل الله فاولئك هم  
الكافرون \* و \* ومن يقتل مؤمنا متعمدا فجزاؤه جهنم خالدا  
فيها \* كريمه لرى ( ومن ترك الصلوة متعمدا فقد كفر )  
حديث شريفدر \* زيرا آيتين اولين ورابعه \* عاصينك مخلد  
في النار اولمرينه دلائل ايدر \* خلود في النار ايسه كافره  
مخصوصدر \* آيت ثالته وحديث \* عاصينك كافر اولسنه دلائل  
ايدرلر \* انلره جواب ويريلور كه \* نصوص مرقومه ظواهر لرى  
اوزره محمول دكلدر \* زيرا مرتكب كبيره نك عدم كفرينه  
دال اولان دلائل قاطعه واردرد \* پس آيتين اولين كفار  
مكذبين حقلرنده اولوب \* وآيت ثالته نك معناسى \* كفرا واعنادا  
حكم ايليان \* وحديث شريفك معناسى كفرة قريب اولور  
ديك \* يا خود استحلال اعتباريله اولمق جائزدر \* وآيت  
رابعه دخي استحلاله مبنيذر \* نته كه ابن عباس اكا ذاهيدر  
زيرا في الحقيقة قصدا قتل مؤمن \* انجق مستحيلدن صادر اولور  
يا خود مشتق وموصوفه حكم حيثيتى مشعر اولغله \* معنای  
شريف مؤمنى ايماني ايچون قتل ايدن ديمك اوله \* يا خود نقدر  
دوام معناسنده ظاهر ايسه ده بومقامده ادله ينلرين جمع ايچون  
مكت طويل مراد اوله \* نته كه تور اتده دخي \* دوام معناسنه  
اولان عولام لفظي مكت طويل معناسنه استعمال اولمشدر  
اكر سؤال اولنور سه كه \* خلودك متبادرى دخي معنای تأييددر  
كذلك \* وما جعلناك لبشر من قبلك الخلد \* كريمه سنده  
مراد معنای حقيقي اولان تأييددر \* كذلك \* خالدن فيها ايدا \*  
كريمه لرنده تأييد لفظيله مؤكد اولغله بر شبي تأييد مدلولنى  
تقويه در \* كذلك خالوده مقرون اولان عمومات كفاره ده  
متناول اولغله \* كفار حقنده خالوددن مراد تأييد اولديغى



متفقد ❦ پس فساق حقه ده دخی معنای مر قوم اراده  
اولنور ❦ زیرا اراده اولنسنه مشترک ایکی معناسی و یا خود  
حقیقت و مجازینلین جمع لازم کلور ❦ شرح مقاصد ده ذکر  
اولندیغی اوزره ❦ انله بو وجهله جواب و بریلور که ❦ خلود  
لفظندن متبادر استعمالده شایع و ذایع اولان دوام معناسی  
اولدیغی بی اشتباهدر ❦ لکن بعضا مکث طویل منقطعده دخی  
استعمال اولنور ❦ سجن مخلد و وقف مخلد کی ❦ بو جهته محتمل  
اولوب قطعی اولماز ❦ ومطلق مکث طویل معناسی اراده ده نی  
اشترک اولمغله اولویتی ثابتدر ❦ بعده مکث طویل کرک معنای  
حقیقی و کرک مجازی اعتبار اولسون ❦ حق کفارده دوامله  
و حق فسادده انقطاعله اولمقدن اعمدر ❦ بو صورتده جیعا  
اراده اولملرنده محذور یوقدر ❦ و بصورتده تأیید تأکید اولیوب  
بلکه تقييد اولور ❦ ولوسلم مراد طول مکثی تأکید در حبس مؤبد  
وقف مؤبد تعبیر اولندیغی کی والسلام

❦❦❦ وَمَنْ يَنْوَارِدَا بَعْدَ دَهْرٍ ❦❦❦ يَصْرُ عَنْ دِينٍ حَقِّ ذَا انْسِلَالٍ ❦❦❦

من کله سی شرطیه در ❦ ینوی نیتدن فعل مستقبلدر ❦ من جزم  
ایلمکله آخرندن یاء ساقط اولمشد ❦ فاعلی من کله سنه راجعدر  
ارتدادا مفعولیدر ❦ بعد دهر ظرفدر ❦ یصر کله سی صار یصیردن  
فعل ناقصدر ❦ اسم ضمیر مستنیر من کله سنه راجعدر ❦ ذَا انسلال  
خبریدر ❦ جمله سی جزایه در ❦ علامت جزم آخرندن حرکه نک  
سقوطیدر ❦ اجتماع ساکنین محذوری ایچون یاء دخی ساقط  
اولدی ❦ عن دین حق ❦ مؤخر انسلال کله سنه متعلقدر ❦ صاحب  
انسلال سبکندهدر ❦ انسلال خفیه چیقمق معناسنه در که ❦ ترکیده  
صیرلق تعبیر اولنور ❦ مفهوم بیت بودر که ❦ موقتا معاذ الله تعالی

ارتداد قصد و نیت ایدن کسنه ❦ فی الحال دیندن چیقوب کافر  
اولور ❦ معلوم اوله که ❦ یا ایها الذین آمنوا ❦ کریمه سنده آمنوا  
لفظی ❦ اثبتوا فی الایمان ایله مفسر اولمغله ❦ ایمان مأمور ایمان ثابت  
و مستدام اولمغله ❦ زمان استقبالده رده نیت ایدن کسه نیتی انده  
اسلامدن خارج و کفره داخل اولور ❦ زیرا نیت کفر نیت تصدیقی  
ازاله ایدر ❦ كذلك کفر نفسنه راضی اولمش اولور ❦ بوايسه  
بالاجماع کفردر ❦ و ناطمک نیتدن مرادی عزم و قصددر ❦ کفری  
قصدایسه کفر اولمغله ❦ بالاتفاق معفودکلدر ❦ زیرا حق سبحانه  
و تعالی ماعدای شرکی عفو ایدر ❦ لکن سبئه به قصد بونک  
خلافه در ❦ زیرا سبئه به قصد کرچه سبئه در (فامامن هم بسبئه  
ولم يعملها لم یکتب علیه شیء وان عملها کتب علیه سبئه) حدیث  
شریفی مقتضاسی معفودر ❦ معتزله و خوارج دیدیلر که ❦ سبئه به  
قصد دخی کفره قصد کی معفودکلدر ❦ و خنی اولیه که ❦ دفتر  
اعماله مکتوب اولیان قصد سبئه خاطره اولوب ❦ ارتکابی معزوم  
اولیاندر ❦ یوقسه محققون دیدیلر که ❦ معزوم اولان سبئه  
جریده به کتب اولنور ❦ لکن تحت مشیت الهیده اولمغله ❦ عفو  
قابلدر ❦ وقالدیکه ❦ کفرک معزوم اولیان خطراتی ❦ خارج حیظه  
وسع اولمغله کفر دکلدر ❦ و تردد دخی کفردر ❦ زیرا تصدیقه منافی  
اولمغله متردد اولوب ❦ مؤمن قطعی اولماز ❦ بو جهته امام اعظم  
حضرتلری استثنایی منع ایلدی یعنی ❦ انا مؤمن ان شاء الله دیمک  
جائز دکلدر ❦ بلکه انا مؤمن حقا دیمک لازمدر دیدی ❦ زیرا تصدیق  
امر معلومدر ❦ تحقیقی حینده تردد اولماز ❦ و تحقیقده تردد ایدن  
مؤمن اولماز ❦ وجههور معتزله و خوارج و کرامیه بحسب الاستقبال  
جائزدر ❦ بحسب الحال جائز دکلدر دیدیلر ❦ دلیللری بودر که  
زیرا بو مقامده استثناء ترک ایچوند ❦ شک و تردد ایچون دکلدر



نه که ❦❦❦ لتدخلن المسجد الحرام ان شاء الله آمین ❦❦❦ کریمه سنده  
فقط تبرک ایچوندر ❦❦❦ زیرا حق تعالی اوزره شک و تردد ممتنعدر ❦❦❦ كذلك  
حضرت رسول الله علیه الصلوة والسلام مقابره خرو جلرنده  
وانا ان شاء الله بکم لاحقون ❦❦❦ بیوردیلر استثناسی موت لحوقنده  
شکه مبنی اولدیغی بی اربابدر ❦❦❦ بو کلامله ینه جواب ویریلور که  
انامؤمن ان شاء الله قولي ❦❦❦ ایمانک مشیت الهی تقدیر یله ثبوتنه  
حکمدر ❦❦❦ یوقسه فی الواقع حکم دکلدر ❦❦❦ بوا یسه شکی موجبدر  
وعند التبرک ❦❦❦ بومعنائی مراد ایدرسکن ❦❦❦ حاصل معنی بزایمانزده  
تبرک ایچون شک ایده زدیمر اولور ❦❦❦ بوا یسه ظاهر الفساددر  
واکر بومعنائک غیر مراد ایه اصلا تبرک بولماز ❦❦❦ زیرا تبرک انجق  
حکمی مشیت الهی یه تعلیقده اولور ❦❦❦ حال بو که تصرف مزبور  
لفظی غیر مدلولنه صرف ایلمکدر ❦❦❦ و آیت مر قومه تمسک رینه  
جواب ویریلور که ❦❦❦ جائزدر ❦❦❦ کلام مر قوم ❦❦❦ قل تقدیر یله حضرت  
رسول الله ❦❦❦ یاخود جبریل امینه مستند اولغله ❦❦❦ معنای شریف  
❦❦❦ قل لهم لتدخلن المسجد الحرام ان شاء الله ❦❦❦ دیمک اوله ❦❦❦ بوجهته  
استثناء حضرت رسول الله ❦❦❦ یاخود جبریل امین حضرت لر ینه مستند  
اولور ❦❦❦ یاخود کلام مزبور ❦❦❦ حق تعالی یه مستند اولور ❦❦❦ لکن شک  
سامعه نسبتله اولور ❦❦❦ یاخود ان شاء کله سنده ان لفظی  
اذ معنایه جل اولنور نه که ❦❦❦ واتم الاعلون ان کنتم مؤمنین  
کریمه سنده اذ کنتم معنایه در ❦❦❦ وحید مذ کوره تمسک رینه  
جواب اولنور که ❦❦❦ ذکر اولنسان کلام نبویدن موتی مشیت تعلیق  
منفهم اولماز ❦❦❦ بلکه قبور مخصوصه اهلنه حقوق وانلرایله اجتماعی  
مشیت تعلیق فهم اولنور ❦❦❦ بوا یسه امر ممکن اولغله ❦❦❦ شک تطرقنه  
قابلدر ❦❦❦ و بحسب الاستقبال استثنای تجویز ایدنلرک احتیاج لری  
بودر که ❦❦❦ مفید اولان موت دمنده باقی اولان ایمان اولوب ❦❦❦ و هر کس

انده لامحاله شک ایدر اولغله ❦❦❦ بحسب العاقبه استثنای صحیح اولور  
هر نقدر بحسب الحال صحیح اولماز سنده ❦❦❦ بو که جواب ویریلور که  
هر نه کونه اولور ایه ایمانده شک (من شک فی ایمانه فقد کفر  
حدیثی منطوقجه عین کفری ❦❦❦ یاخود قرب کفری موجبدر  
کذلك شک و تردد هر نقدر بحسب الاستقبال اولور سنده ❦❦❦ حال  
شکده ضعف ایمانی مستوجب اولور ❦❦❦ زیرا اول حالده ایمان  
استقبال بسنده شکی واقع اولور ❦❦❦ كذلك حالده دخی شکی موهم  
اولور ❦❦❦ بوندن بشقه شک و تردد طرفینی مساوی اولان مادهده  
اولور ❦❦❦ طرفک بری راجع اولدقده ❦❦❦ انده شک و ترددک معنایی  
یوقدر ❦❦❦ و برشی فی الحال حاصل اولسه ❦❦❦ خلافتنه دلیل قائم اولدقجه  
استقبالده دخی حصولی ظاهر وغالبدر ❦❦❦ حال بو که مؤمنه  
واجبدر که ❦❦❦ قادر اولدقجه ایمان اوزره مستمر اولمق نیتنه ثابت  
اوله نه که ❦❦❦ ولا تموتن الا و اتتم مسلمون ❦❦❦ کریمه سی انی ناطقدر

❦❦❦ وَلَفْظُ الْكُفْرِ مِنْ غَيْرِ اعْتِقَادٍ ❦❦❦ بِطَوَعٍ رَدِّ دِينٍ بِاغْتِفَالٍ ❦❦❦

ولفظ الکفر مبتدادر ❦❦❦ من غیر اعتقاد ❦❦❦ جار و مجرور حال  
موقعنده در ❦❦❦ بطوع کله سنده بآ مع معنایه در ❦❦❦ رد دین مبتدایک  
خبریدر ❦❦❦ باغتفال کله سنده بآ سببیه در ❦❦❦ اغتفال غفلتدن  
افتعالدر ❦❦❦ مفهوم یت بودر که ❦❦❦ برکسه جهالتی سببیه کفر  
اولدیغی بیلیرک طوع و اختیار یله برکله کفر تفوه ایلسه ❦❦❦ اول  
کسه دائرة اسلامدن چیقوب ظلمت آباد کفره داخل اولور  
معلوم اوله که ❦❦❦ بومسئله دن دخی اختلاف وارددر ❦❦❦ ائمه بحاری  
وسمرقند اتفاق ایلدیلر که ❦❦❦ جاهل طائعا کله کفری تفوه ایلسه  
کافر اولور ❦❦❦ زیرا جهل معذور دکلدر ❦❦❦ و فتوی دخی بوقول  
اوزره در ❦❦❦ پس اول کسه یه استغفار ❦❦❦ و تجدید ایمان و تجدید



نکاح ایلک واجب اولور ❦ بعض علما دیدیلرکه ❦ عامه علمانک دخی  
 قولی بودر ❦ و بعضیلردن کافر اولیه جخی مرویدر ❦ و بوقولی  
 تصحیح ایدرلر ❦ لکن ظاهرا بعض مزبورک کلامی اول کسه تفوه  
 ایلدیکی کلمه کفر اولدیغنی ییلوب ❦ و معناسنه اعتقادی اولدیغنی  
 صورته مبنیدر ❦ لکن کلمه کفری تفوه ایدوب ❦ و معناسنی بیلمسه  
 قاضیخانده ذکر اولنان اختلاف من غیرتر جمیع مسطور اولمغله  
 اکاکوره طرفینده رجحان ثابت دکلدرد ❦ و اگر بالا اعتقاد تفوه  
 ایدرسه ❦ بالاتفاق کافر اولور ❦ و اگر علی سبیل الخطاء سبق لسان  
 واقع اولور ایسه ❦ بالاتفاق کافر اولماز ❦ لکن مؤمنه لایق اولان  
 بودرکه ❦ اولمقوله کلماته لسانی آشنا ایلوب ❦ طبعی شوخ و بذله  
 جوی ایسه ده ❦ دائما مساع شرعی تحتده اولان ❦ کلامله مانوس  
 اوله ❦ زیرا لسان فواحشه مألوف اولور سه ❦ اولمقوله کلمات  
 تفوهنه مؤدی اولور ❦ قالدیکه ❦ ذکر اولنان مسئله طوع و اختیار یله  
 تکلم ایتدیکی صورته در ❦ اما اگر اهله تفوه ایدرسه ❦ انده تفصیل  
 اولمشدر ❦ اگر اکر اه قتل و اتلاف اعضا و ایلام شدید ایله  
 اولور ایسه کافر اولماز ❦ لکن بای حال قلبده ثبات و اطمینان  
 لازمدر ❦ اما بوضورتده عدم کفری استحسانیدر ❦ زیرا قیاس  
 کفری مقتضیدر ❦ زیرا بعض ائمه عندنده مختار اولان تصدیق  
 و اقرار اولمغله ❦ لسانه کلمه کفر اجرا سیله اقرار ❦ انکاره مؤدی  
 اولمغین کفر اولور ❦ و اگر اکر اه حبس و قید و اتلاف مالله  
 اولور ایسه بالاتفاق کافر در ❦ و من یکفر بالایمان فقد حبط  
 عمله ❦ کریمه سی منطوقجه عملی حبط اولور ❦ و زوجه سی بیننده  
 فرقت واقع اولور ❦ تجدید ایمان ایدرسه ده ❦ امام شافعی دیمشدرکه  
 عمل انجق کفر اوزره انتقال ایدرسه باطل اولور ❦ لکن امام  
 اعظم حضرت نلری عندنده ❦ اولانده محبوطدر ❦ پس حجتی و ارایسه

اعاده ایلک واجبدر ❦ زیرا حجت وقتی آخر عمره قدر ممتدر ❦ کذلک  
 اول وقتده ادای صلوة ایلد کدنصرکه ❦ آخر وقتده اسلامه  
 کلسه ❦ صلوة مزبورک اعاده سی واجبدر ❦ اما ایام ارتدادده واقع  
 اولان فوائتک قضاسی اتفاقا واجب دکلدرد ❦ قالدیکه مؤمنه  
 لازمدرکه ❦ هر صباح و مساتضرع و نیاز ایله ❦ اشبو دعای شریفه  
 دمساز اوله ❦ اللهم انی اعوذ بک من ان اشرك بک شئنا و انا اعلم به  
 و استغفرک مما لا اعلم و انت تعلم

❦ وَلَا يُحْكَمْ بِكُفْرٍ حَالٍ سَكْرٍ ❦ بِمَا يَهْدِي وَيَلْفُو بِأَرْجَالٍ ❦

لا ناهیه در ❦ بحکم مستقبل مجهولدر و مجزومدر ❦ بکفر ناثب  
 فاعلدر ❦ حال سکر ظرفیت اوزره منصوبدر ❦ بما یهدی کلمه سنده  
 بآء سببیه در ❦ ماء مصدریه در ❦ یهدی هذیاندن مستقبل معلومدر  
 هذیان ساقط الاعتبار اولان ❦ کلام یا خود کلام فاحشدر ❦ یلغو  
 لغودن مستقبلدر ❦ عبث کلامه دیرلر ❦ یهدی و یلغو کلمه لرینک  
 فاعل لری سکرانه راجعدر ❦ زیرا معنامذکور اولان مبنامذکور  
 معرضنده در ❦ بآء تبحال کلمه سنده بآء یهدی فعلنه متعلقدر ❦ ارجحال  
 من غیر تفکر ❦ یعنی بالبدیهه تکلم معناسنه در ❦ مفهوم بیت بودرکه  
 کیفیت خرایله سرخوش اولان کسه ❦ سکرنده کلمه کفر تفوه ایلمسه  
 کفر یله حکم اولنماز ❦ معلوم اوله که ❦ سکر برحالتدر که شارب ایله  
 عقلی بیننه عارض اولور ❦ بعضیلر عندنده برسروردر ❦ که  
 بعض اسبابنه مباشرتله عقله غالب اولوب ❦ انسانی موجب عقلیه  
 عملدن منع ❦ و حد سگری امام اعظم حضرت نلری ارضی سمدن ❦ و رجلی  
 مرأه دن تمیز ایلما مکه بیان ایلدی ❦ و امامین کلامک مختلط  
 اولوب مستقیم اولما سیله تفسیر ایلدی ❦ مرجع بیانین واحددر  
 سکرانک وجه مشروح اوزره عدم کفری استحسانیدر ❦ قیاس



اولان کفریدر \* زیرا کلام کفری متفوه اولدی \* بناء علیه  
 طلاق واقع \* وعتاقی وبيع شراسی صحیحدر \* وجه استحسان  
 بودر که \* سکران اول هذیانله \* کفری قصد واعتقادا یلدیکنندن  
 بشقه عقلنده نوع خلل عارض اولمشدر \* و تحریم خربابنده  
 نازل اولان آیات کریمه دن \* یا ایها الذین آمنوا لا تقریوا الصلوة  
 وانتم سکاری \* کریمه سنده و او حالیه اولوب \* واحوال  
 شروط اولمغله \* خطاب سکارایه اولمغین مؤمن ایله تسمیه  
 اولملری دلیلدر \* سکرانک ایسه حال سکرنده \* کلام کفر تفوهندن  
 سلامتلی نادر در \* حتی فقهای عظام طلاقک وقوعنی زجره  
 بناء ایلدیلر \* و آیت مرقومه نک سبب نزولی اولان وقعه دخی  
 عدم کفرینه دلیلدر \* وقعه بودر که \* اصحابدن بری سرشار کیف  
 ایکن صلوة مغربده امامت ایدوب سورة کافرون تلاوت ایتمله  
 بالجملة لا آت نافیہ بی نفیله قرائت ایلشدر \* و سکرانافوت اولسه  
 بحر یکران عفو و عنایت ربانیدن قطره مغفرت رجا اولنور  
 \* انه هو الغفور الرحیم \* والسلام

وَمَا الْمَعْدُومُ مَرِيئًا وَشَبَّاهُ لَفَقْدِ لَاحٍ فِي يَمَنِ الْهِلَالُ

ماء لبس معنا سنده در \* المعدوم اسم مرفوعیدر \* مریئارؤیتدن اسم  
 مفعولدر \* خبر منصوبدر \* و شبها معطوفدر \* لام لفقه تعلیلیه در  
 فقه فهم و علم معنا سنده در \* لاح ظهر معنا سنده در \* جمله سی صفتدر  
 یمن الهلال صفتک موصوفه اضافتی قبیلنددر \* اخلاق ثیاب  
 کبی فی الهلال المیمون المبارک تأویلنده در \* هلال اول شهر دن  
 اوچ کیجه لکه قدر اطلاق اولنور \* مفهوم بیت بودر که \* معدومه  
 حال عدمنده رؤیت الهی تعلق ایلز \* واکاشی لفظی دخی اطلاق  
 اولنماز \* بودعوایه بکا هلالدن ظاهر اولان علم دلیلدر \* زیرا قبل

الطلوع معدوم اولمغله \* غیر مرئی اولوب طلوع ایلدیکجه تدریجی  
 مرئی اولور \* قبل الطلوع مرئی اولدیغندن \* معلوم اولدیکجه رؤیتک  
 انتقاسی علتک \* ورؤیتدن اولان شرطک \* یعنی وجودک انتقاسندن  
 ناشیدر \* و وجود شاهدده علت اولمغله \* غائبده دخی علت اولور  
 زیرا شاهد و غائبده علتک تبدیلی ممتنعدر \* و خفی اولیه که \* معدومک  
 ایکی نوعی وار \* بری معدوم ممتنع \* و بریسی معدوم ممکندر \* معدوم  
 ممتنع \* وجودی ممتنع و عدمی واجب اوله \* شریک باری کبی  
 واجتماع ضدین کبی \* معدوم ممکن \* وجود و عدمی کندوسنه  
 نسبتله مساوی اوله \* نوع اوله \* بالاتفاق رؤیت تعلق ایلز  
 و بالاتفاق شی اطلاق اولنماز \* زیرا من کل الوجوه ثبوتی ممتنعدر  
 نوع ثانییه \* قبل وجوده رؤیتک تعلقنده اختلاف وارددر \* اهل  
 سنت دیدیلر که \* معدوم ممکنه \* رؤیتک تعلق ممتنعدر \* زیرا  
 علت رؤیت وجوددر \* وجود ایسه متفیدر \* كذلك حال  
 عدم من حیث هو هو \* رؤیت و عدم رؤیتله متفاوت اولماز  
 معدوم ممتنع بالاتفاق رؤیت تعلق ممتنع اولنجه ممکن الوجود  
 اولان معدومه ده تعلقک امتناعی لازم اولور \* زیرا الحاله هذه  
 اودخی معدومدر \* سامیه و مقعیه طائفه لری دیرلر که \* عالمه  
 قبل الوجود ازده \* رؤیت الهی تعلق ایلشدر \* زیرا رؤیت  
 صفت الهی اولمغله \* سایر صفات کبی کامله اولق لازمدر \* اگر  
 معدومه رؤیتی تعلق ایلسه \* بعض صفاتنده قصور اولق اقتضا  
 ایدر \* حضرت حق سبحانه و تعالی قصور دن مزهدر \* انلره  
 جواب ویریلور که \* کلامکره کوره مثلاً \* اجتماع نقیضینه ده  
 قدرتک عدم تعلقندن نقص نظرقی اقتضا ایدر \* حال بوکه  
 فی ذاته مستحیل اولمغله تحت مقدورده داخل اولماغله صفت  
 قدرته قصور لازم کلز \* كذلك حال عدمده معدومه رؤیتک



عدم تعلقی نقصی موجب دکلدر ❦ و معدوم مرئی اولسه ❦ عالمک  
 قدمی لازم کلور بوا یسه باطلدر ❦ كذلك ❦ فقل اعلموا فیسری الله  
 عملکم و رسوله ❦ کریمه سنده رؤیتی صیغه استقباله تعبیر  
 بیور مغله ❦ عملارینک قبل الوجود غیر مرئی اولدیغنه دلالت ایدر  
 و معدوم ممکنه شیء اطلاقنک جوازنده دخی اختلاف ایلدیلر  
 معتزله دیدیلرکه ❦ معدوم ممکن خارجده ثابت اولغله ❦ شیء اسمی  
 اطلاق اولنور ❦ و بود عوارینه وجوه ایله احتجاج ایلدیلر ❦ وجه  
 اول ❦ معدوم ممکن متمیزدر ❦ و هر متمیز ثابت اولغله ❦ معدوم دخی  
 ثابتدر ❦ وجه تمیزی بودرکه ❦ زیرا بعضا معلوم و بعضا مقدور  
 و بعضا مراد اولغله ❦ غیر معلومدن و غیر مقدوردن و غیر مراددن  
 متمیز اولور ❦ اما کبری که هر متمیز ثبوتیدر ❦ زیرا عقل عندنده  
 انجق هذا و ذاك مدلولی کبی ❦ اشارت عقلیه ایله متصور اولور  
 اشارت ایسه مشارالیهک ثبوتی اقتضا ایدر ❦ زیرا نفی صرفه  
 اشارت بالضروره ممنعدر ❦ اکا جواب ویریلورکه ❦ اگر مراد  
 متمیز خارجده ثبوتی اقتضا ایدر دیمک ایسه ممنوعدر ❦ اگر متمیز  
 بحسب الخارج اولیدی ثبوت خارجی لازم اولور ایدی ❦ و اگر  
 مراد دهنده ثبوتی اقتضا ایدر دیمک ایسه ❦ فائده یی مفید اولدیغی  
 ظاهر در ❦ وجه ثانی ❦ معدوم معهود ممکندر ❦ و هر ممکن ثابتدر  
 زیرا امکان وصف ثبوتی اولغله ❦ بالضروره موصوف ثابت اولور  
 اکا جواب ویریلورکه ❦ امکانک ثابت فی الخارج اولق معناسنه  
 وصف ثبوتی اولسی ممنوعدر ❦ بلکه اعتبار عقلی اولغله ❦ موصوفک  
 عقلده ثبوتی کفایت ایدر ❦ وجه ثالث ❦ معدوم ممکنک خارجده  
 ثابت اولسی محققدر ❦ زیرا مثلا سواد معدوم فی نفسه سواد در  
 کرک غیر موجود اولسون کرک اولسون ❦ زیرا سواد اولسی بالغیر  
 اولسه ❦ اول غیرک ارتفاعده سوادک سواد اولسیده مرتفع اولور

لازم ایسه باطلدر ❦ زیرا سوادک سوادیتی موجب اولان غیرک  
 ارتفاعده سواد موجودک سواد اولدیغی حالده عدم بقاسنی  
 مستلزم اولور بوا یسه محالدر ❦ اکا جواب ویریلورکه ❦ استلزام  
 مر قوم ممنوعدر ❦ سوادک وجودی سوادیتی موجب اولان غیرک  
 ارتفاعده باقی اولیدی ❦ استلزام مر قوم متحقق اولور ایدی بوا یسه  
 ممنوعدر ❦ زیرا جائزدرکه ❦ اول غیرک ارتفاعی سوادک ارتفاعی  
 موجب اولدیغی کبی ❦ وجودینکده ارتفاعی موجب اوله ❦ زیرا  
 ذکر اولسان غیر سوادک وجودینه و لازمده علت اولور ❦ اهل  
 سنت مذهبی بودرکه ❦ معدوم ممکنه شیء اطلاقی جائز دکلدر  
 زیرا شیء لفظی موجود ایله مراد فدر ❦ یعنی هر موجود شیء  
 و هر شیء موجود اولغله ❦ مفهوم لری متحد اولق ملا یسه سی لفظان  
 مترادف اندر ❦ نه که زکریا علیه السلام قصه سنده ❦ وقد خلقتک  
 من قبل ولم تک شيئا ❦ کریمه سی ناطقدر ❦ زیرا قبل الخلق یقینا  
 معدوم اولوب و کسندودن شیء اسمی سلب اولندی ❦ و معتزله نک  
 تمسک ایلد کلری ❦ ان زلزلة الساعة شیء عظیم ❦ کریمه سنده  
 زلزله معدوم ایکن شیء ایله تسمیه اولندی ❦ كذلك ❦ انما قولنا  
 لشيء اذا اردناه ان نقول له كن فيكون ❦ کریمه سنده قبل الوجود  
 شیء ایله تسمیه اولندی ❦ انلره جواب ویریلورکه ❦ زلزله یه  
 كذلك مراد الهی اولان غیر موجوده شیء اطلاق لری مایول  
 الیه اعتبار یله مجازدر ❦ انک میت و انهم میتون ❦ قبیلندندر  
 شرح عقائده علامه تفتازانی دیمشدرکه ❦ اگر شبهه ثابت متحقق  
 مراد اولور سه حکم ضروریدر ❦ معتزله دن غیرینک بونده  
 نزاعی یوقدر ❦ زیرا معتزله معدوم ممکن خارجده ثابتدر دیرلر  
 و اگر معدومه شیء اطلاق اولماز ❦ مراد اولنور سه بحث لغوی  
 اولغله شبهی موجود ایله یا خود معدوم ایله تفسیره مینیدر ❦ وجه



محرر اوزره اساس نزاع ابتدا تعریفیدر \* طوالع شارحی اصفهانی  
مر حومك بسطی بو و تیره اوزره در که \* اولاً \* معلوم خارجده  
متحقق اولور سه موجود \* و اولماز سه معدومدر \* بعضیلر تقسیمی  
تثلیث ایدوب دیدیلر که \* خارجده متحقق اولان اگر تحقیقی غیره  
تابع اولمیوب بالنفس اولور سه موجود \* و اگر تحقیقی غیره تحقیقه  
تابع اولور سه حالدی \* اجناس و فصول کبی \* معتزله بو گونه  
تقسیم ایدیلر که \* اگر معلوم فی نفسه خارجده متقرر و متمیز  
اولور سه شیء و ثابتدر \* و اگر اولماز سه منفیدر ممتنع کبی \* ثابت  
دخی اعیانده کندی ایچون کون اولور سه موجود \* و اگر اولماز سه  
معدومدر \* بو وجهله منفی یه معدوم اطلاق ایدرلر \* و ثابتی موجوددن  
اعم اعتبار ایدرلر \* و معدومی منفیدن اعم دیرلر \* و بعضیلری  
حال دخی اثبات ایدرلر \* فلاسفه نك دخی تقسیمی بشقه در  
وهر مذهبك مرجع مخصوصی وارددر \* مفصلاً تده مذکوردر

❦ وَ دُنْيَانَا حَدِيثٌ وَالْهَيُولَى ❦ عَدِيمٌ الْكَوْنِ فَاسْمِعْ بِاجْتِدَالِ ❦

دنیا نامبتدا در متکلم مع الغیر ضمیرینه مضافدر \* اضافتی تحقیر  
مبنیدر \* حدیث خبریدر \* فعلیل بمعنی فاعل اولغله تذکیر و تأنیثی  
مساویدر \* الهیولی مبتدا در \* عديم الكون خبریدر \* باجتدال  
حال موقعنده در \* ملتبساً باجتدال تقدیرنده در \* اجتدال فرح  
و سرور معناسنه در \* مفهوم یت بودر که \* دنیا که اشبو عالم  
کون و فساددر \* جمیع اجزاسیله حادثدر \* یعنی صکره دن وجوده  
کشددر \* و فلاسفه نك هیولی دیدکلری \* اصل عالم اوله جقدر  
اصلی یوقدر \* عديم و غیر موجوددر \* سن فرح قابله بو کلامی  
آویزه کوش هوش ایله \* معلوم اوله که \* دنیا فلک قرک ماتحتیدر  
لکن بوراده مراد آخرت مقابلیدر که \* اشبو عالم علوی و سفلیدر

وحدوث عدمدن وجوده خروجدر \* کافه اهل سنت عندنده  
جمله سموات وارضین و ما فیها جمیع اجزاسیله محدثدر \* معدوم  
ایکن ایجاد رب العالمینله موجود اولدی \* و خفی اولیه که حدوث  
اجسامده بحسب الفرض محتمل اولان درتدر \* وجه اول \* محدث  
الذات والصفات اولق \* ثانی \* قدیم الذات والصفات اولق  
ثالث \* قدیم الذات محدث الصفات اولق \* رابع \* محدث الذات قدیم  
الصفات اولمقدر \* اشبوردربی احتمالیه بر فرد قائل دکدر \* لکن  
اویج اولمکی یه \* احتمالاتده اختلاف واقع اولمشدر \* احتمال اوله که  
ذاتاً و صفاتاً محدث اولسیدر \* اهل اسلام و نصاری و یهود  
و مجوس قائل اولدیلر \* احتمال ثانی یه \* حکمای متقدمیندن ارسطو  
و ثاوفرسطس و ثامسطیوس و برقلس \* و متأخریندن ابونصر  
فارابی و ابن سینا ذاهب اولوب دیدیلر که \* افلاک بذواتها و صفاتها  
المعینه قدیملردر \* صفات معیندن مراد لری \* مقدار و شکل  
و امور قاره لازمه دن \* بونلرک مجراسنه جاری اولنلردر \* لکن  
حرکات و اوضاع لری حادثدر \* آخر ایله مسبوقدر دیرلر \* کذلک  
عناصر بموادها \* و صور جسمیه سی بنوعها \* و صور نوعیه سی  
بجنسها قدیمدر \* بشخصها حادثدر دیرلر \* زیرا هر اتصال  
طریان انفصالله منتفی اولغله \* اتصال آخرت محدث ایدر \* و احتمال  
ثالثه \* ارسطودن مقدم اولان فلاسفه ذاهب اولدیلر \* ثالبس  
و انکساغورس و فیثاغورس و سقراط کبی \* و مانویه و ویصانیه  
و مرقبونیه و ماهانیه و ثنویه طائفه لری دخی \* بو مذهب اوزره دیرلر  
بعده ماده نك حقیقتنده اختلاف ایدیلر \* بر فرقه سی ماده  
جسمدر دیدیلر \* ثالبس حکیم صودر \* زیرا هر صورته قابلدر  
تکشف و انجماد ایله کندودن ارض \* و تلطفله نار و هوا تبکون  
ایلدی دیرلر \* و بر فرقه سی اصل ماده ارضدر \* باقی تلطفله



کنندیدن حاصل اولدی دیرلر ❦ وانکسبالبس حکیم هوادر دیدی  
 ابرقلیطس نار در دیدی ❦ انکساغورس خلیط غیر متاهیدر  
 دیدی ❦ ذیمقراطیس کریه الشکل قسمت و همیه به قابل اجزای  
 کیره در دیدی ❦ وهربری مذهبنه کوره ادله واهیه ایله اثبات  
 قیئنده اولدیلر ❦ بو مختصر تفصیلنه محل دکدر ❦ وهیول لفظ  
 یونانیده قطن معناسنه اولغله ❦ حکماء طینت عالمده استعمال  
 ایلدیلر ❦ بعد ذا عالمک بذواتها وصفاتها حدوثه اهل اسلام  
 بوکونه استدلال ایلدیلر که ❦ عالم دیدیکمز اعیان و اعراضدن  
 عبارتدر ❦ اعیان بنفسه قائم اولان شئدر ❦ جسم و جوهر کی  
 اعراض غیر ایله قائم اولان شئدر ❦ حرکت و سکون و لون و صوت  
 کی ❦ اما اعیانک حدوثی ثابتدر ❦ زیرا حادث اولسه ازلی  
 اولق اقتضا ایدر ❦ ازلی اولدیغی صورته لامحاله ساکن اولور  
 زیرا ساکن اولسه بالضروره متحرک اولور ❦ بوایسه متمعدر  
 زیرا حرکت ازله منافی غیر ایله مسبوقیت اقتضا ایدر ❦ زیرا  
 ماهیت حرکت غیرک فنا سندن صکره بر امرک حصولیدر ❦ بوایسه  
 غیر ایله مسبوقیتی اقتضا ایدر ❦ حال بوکه ازل غیر ایله لامسبوقیت  
 اقتضا ایدر ماهیتدر ❦ لازم حرکت اولان مسبوقیت بالغیر ایله  
 لازم ازل اولان لامسبوقیت بالغیر یئرلرنده منافات وارد ❦ ولایمک  
 منافاتی ملزومک منافاته ملزوم اولغله ❦ حرکت و ازل ییننده  
 منافات تحقق ایلمکین اجسامک ازله تحرکی متمع اولدی ❦ زیرا  
 متافیان یینی جمع ایلمک متمعدر ❦ ایمدی اجسامک ازله متحرک اولسی  
 متمع اولنجه ازله ساکن اولسی متعین اولدی ❦ بو صورته اجسامک  
 ابدی متحرک اولماسی لازم کلور ❦ لازم ایسه ظاهر الفساد در  
 زیرا جمیع اجسام فلکیه و عنصریه نک حرکاتی مشاهددر  
 و ملازمه نک یانی بودر که ❦ ازله ساکن اولانک سکونی بالذاته

اولور ❦ یاخود لغیره اولور ❦ لذاته اولور سه سکونک انفکاک  
 متمع اولور ❦ لغیره اولور سه سکونه علت اولان غیر مر قوم البته  
 موجب اولق لازمدر ❦ زیرا موجب اولر سه بالضروره مختار  
 اولور ❦ مختار اولدیغی صورته فعلی محدث اولغله مختاریت  
 جائز دکدر ❦ پس موجب اولق متعین اولدی ❦ بو صورته  
 اول موجب یا واجب ❦ یاخود واجب منتهی اولور ❦ زیرا صورت  
 خلافی دور و تسلسلی مستلزمدر ❦ وجوب یا وجوبه انتها صورتلرنده  
 دوام موجبله سکونک دوامی لازم کلور ❦ دوامی حینده اجسامک  
 ابدی عدم حرکتی اقتضا ایدر ❦ بوایسه باطلدر ❦ پس جسمک  
 ازله متحرک ❦ یاخود ساکن اولسی متمع اولنجه ازله وجودی  
 دخی متمع اولغله مطلوب اولان حدوثی ثابت اولور ❦ اما اعراضک  
 حدوثی بعضی مشاهده و بعضی دلیل ایله ثابتدر ❦ زیرا مثلاً  
 ساکن متحرک اولدقده حرکتک حدوثی بالمشاهده ییلنور  
 و سکونک حدوثی بالدلیل ییلنور ❦ زیرا حدوث حرکت ایله سکون  
 منعدم اولغله عدمه قابل اولور ❦ عدمه قابل اولان شیء ایسه  
 حادثدر ❦ زیرا قدیم اولسه قدم عدمه منافی اولغله عدمی محال  
 اولور ❦ وحدوت عالمه دال اولان ادله نقلیه ایله کتاب و سنت  
 مشهوردر ❦ و بعض کتب کلامیه ده مذهب فلاسفه تفریق  
 اولنیوب علی الاطلاق بوکونه تقریر اولنمشدر که ❦ فلاسفه  
 طائفه سی دیرلر که ❦ هیولی اصل عالمدر ❦ قابلدر و قدیمدر ❦ عالم  
 انک صورتیدر و مقبولیدر ❦ احدهما آخردن اصلا منفک اولماز  
 و تغیر اعراض حادثه کسبیدر ❦ زیرا حادث مسبوق بالعدم اولان  
 شیء اولغله اعراض حادث زمانی اولور ❦ وحدوت زمانی تقدم  
 ماده و مدتی اقتضا ایدر ❦ ماده دن مراد لری حادثه موضوع  
 و محل اولان شئدر ❦ اگر عرض اولور ایسه ❦ یاخود هیولادر



اگر صورت اولورایسه ❦ یا خود متعلقیدر ❦ اگر نفس اولورایسه  
و تقدم ماده اقتضاسنك دليلی بودر که ❦ چونکه حادث مسبوق  
بالعدم اولغله ممکن اولور ❦ زیرا انقلاب ممتددر ❦ هر ممکن ایچون  
ایسه لامحاله امکان متحققدر ❦ و امکان وجودیدر اضافی اولغله  
و عرضدر ❦ عرض ایسه محل موجود استدعا ایدر ❦ محل موجود  
حادث مر قومك نفسي دکلدر ❦ زیرا شئتک نفسي اوزره ❦ تقدیمی  
لازم کلور ❦ و امر مفصلده دکلدر ❦ زیرا امکان شئتک امر  
منفصل ایله قیامک معناسی یوقدر ❦ بلکه متعلق اولور که ماده ایله  
مراد بودر ❦ پس ماده نک تقدیمی ثابتدر ❦ و تقدم مدت اقتضاسنك  
وجهی بودر که ❦ حادث انجق وجودی عدم ایله مسبوق اولان  
شیدر ❦ عدمک وجودی اوزره ❦ سبق انجق زمانه متعلق اولور  
و بودیلارینک مناسی بودر که ❦ فلاسفه بالاستقراء تقدیمی  
بش نوعه حصر ایتدیلر ❦ اول ❦ تقدم بالعلیه در ❦ حرکت یدک  
حرکت مفتاح اوزره تقدیمی کبی ❦ ثانی ❦ تقدم بالطبعدر ❦ جزو ک  
کل اوزره تقدیمی کبی ❦ ثالث ❦ بالزماندر ❦ ابک ابن اوزره تقدیمی کبی  
رابع ❦ بالشرفدر ❦ عالمک متعل اوزره تقدیمی کبی ❦ خامس ❦ بالرتبه در  
بو تقدم بعضا حکم ترتیب و بعضک بعض اوزره ❦ تقدیمیه اولغله  
حسی اولور ❦ و بعضا ترتیب و تقدیم مذکور امور معقوله ده  
اولغله عقلی اولور ❦ و بونلردن هر بری بعضا بحسب الطبع  
و بعضا بحسب الوضع اولور ❦ رأسک رقبه ❦ و امامک مأموم  
و جنسک نوع و بعض مسائل علمک بعض اوزره ❦ تقدیمیه کبی  
و معلومدر که ❦ عدم حادثک وجودی اوزره تقدیمی ❦ انجق بالزمان  
اولور ❦ فلاسفه نک دلیل اوللرینه جواب ویریلور که ❦ اگر  
امکانله ماهیت ممکنه دن ❦ امکان ذاتی مراد اولورایسه ❦ خارجده  
موجود محل استدعا در ❦ امر متحقق اولق معناسنه وجودی

اولسی ممنوعدر ❦ و اگر امکان استعدادی مراد اولورایسه  
هر حادثک قبل الوجود امکان استعدادی ایله ممکن اولسی ممنوعدر  
زیرا ماده سز ❦ و امور معدده ماده سز حادث اولق جا نذر  
و بو کیفیت انقلاب اولماز ❦ زیرا وجوب و امتناعه مقابل اولان  
امکان ذاتیدر ❦ امکان استعدادی دکلدر ❦ و دلیل ثانیلرینه  
جواب ویریلور که ❦ تقدمک ذکر اولندیغی اوزره ❦ انواع خسته ده  
انحصاری ممنوعدر ❦ زیرا دونکی کونک بو گونه تقدیمی که بعض  
اجزای زمانک بعضی اوزره تقدم میدر ❦ بالعلیه و بالطبع و بالشرف  
و بالرتبه اولندیغی کبی بالزمان دخی دکلدر ❦ زیرا مقدم و مقدم علیه  
نفس زمانلردر ❦ زمانی دکلدر ❦ کرچه بو جوابه ده اعتراض  
وارد اولور ❦ لکن بوقباله محلی دکلدر ❦ مصلاته مر اجعت اولنه

❦ وَاِنَّ السُّحْتَ رِزْقٌ مِّثْلُ حَلٍ ❦ وَاِنْ يَكْرَهُ مَقَالِي كُلِّ قَالٍ ❦

ان حرف مشبهه بالفعلدر ❦ السحت اسم منسوب ❦ رزق  
خبر مر فوعیددر ❦ سحت ضم سبتله حرام معناسنه در ❦ حل  
کسر حایله حلال معناسنه در ❦ و ان یکره کلمه سنده ان وصلیه در  
واوی عاطفه در ❦ ان لم یکره المحب و ان یکره فمکذا تقدیرنده در  
قال کلمه سی قلادن اسم فاعلدر بغض معناسنه در ❦ مقال ایله قالی بیننده  
جناس ناقص وارددر ❦ مفهوم بیت بودر که ❦ حرام دخی حلال  
کبی رزق در سوق الهیله انسانه واصلدر ❦ معتزله بونک خلافنه  
اولغله راضی دکلدر ❦ معلوم اوله که ❦ رزق اول نسنه در که  
حق جل و علی آتی حیوانه سوق و حیوان اکل ایلیه ❦ بعض  
معتزله رزق اول مملو کدر که ❦ انی مالکی اکل ایدر ❦ بعضیلر عنندنه  
اول نسنه در که ❦ کندو سیله انتفاعدن منع اولنیه ❦ پس اهل  
سنت تعریفنه کوره حرام دخی داخلدر ❦ معتزله تعریفلرینه کوره



حلاله مختص اولور ❖ واهل سنت عندندە حيواناتدن هر بری  
 حلال و حرام رزق مقدرینی استیفا ایدر ❖ وانسان کندی رزقنی  
 اکل ایتمک ❖ یاخود غیرک رزقنی اکل ایتمک متصور اولماز ❖ اما  
 معترله عندندە انسان کندی رزقنی اکل ایتمک ❖ وغیرک رزقنی  
 اکل ایتمک متصور در ❖ و ذکر اولنان اختلافک مبناسی بودر که  
 رزق اهل سنت عندندە دخی تغدی ایچون مقدر غدا در ❖ علامه  
 تفتازانی دیمشدر که ❖ رزق حضرت حقک حیوانه منتفع بهدن  
 سوق ایلدیکی شیء اولغله انسان و دواب و سائرک رزقنی داخل  
 اولور ❖ و منتفع به اولیان خارج اولور ❖ نقدر سوق انتفاع ایچون  
 ایسه ده ❖ زیرا برکسه بر شئ مالک ❖ وانکله انتفاعه مقدر  
 اولسه ده انکله انتفاع ایلمسه اول کسه نک رزقنی دکل ایمش دیرلر  
 سید شریف قدس سره شرح مواقفده ثبت صحیفه بیان  
 ایلدیکی بودر که ❖ اشاعره عندندە رزق ذی حیات اولانک  
 هر انتفاع ایلدیکی نسنه دن عبارتدر ❖ کرک تغدی و کرک غیری  
 وجه ایله اولسون ❖ و کرک مباح یاخود حرام اولسون ❖ و شرح  
 مقاصدده مسطور در که ❖ رزق حضرت حقک عبادە سوق  
 ایدوب وانلرک اکل ایلدیکی نسنه ایله تعریف ایدلره کوره عرفا  
 غیر ما کول رزق اولماز ❖ هر نقدر رزق اطلاق صحیح ایسه ده  
 نه ککه رزقه الله ولدا صالحا دیرلر ❖ و عبدی تغلیبا بهایمه ده  
 نعمیم ایلمک لازمدر ❖ و انتفاع ایله تفسیر ایدلر منتفع به مراد  
 ایدرلر ❖ یاخود رزق ارتزاق معناسنه مصدر مبنی للمفعول اخذ  
 ایدرلر ❖ ایمدی حضرت رزاق بیچونک حیوان معینه تقدیر ایلدیکی  
 رزق معین سائر غدا اولماز ❖ کرک اول غدا به مالک اولسون  
 کرک اولسون ❖ وانسان حلاله تغدی ایلدیکی کبی ❖ حرامله ده  
 تغدی ایدر ❖ اگر سؤال اولنورسه که ❖ حرام رزق اولوب و معنای

رزقده حضرت حقه اضافت معتبر ❖ والله ذوالجلال لدن غیری  
 رزاق ناموجود اولدیغی صورته ❖ حق تعالی عبادە حرامی  
 رزق تعیین ایلمک لازم ❖ و بو تقدیرده عباد اکل حرام ضمنندە  
 عقابه مستحق اولماق مقتضی اولور ❖ زیرا حضرت باری به  
 مستند اولان شی قبیح و مرتکبی ذم و عقابه محل وجدیر اولماز  
 اکا جواب ویریلور که ❖ وجه محرر اوزره اکل حرامک عقابه  
 استحقاقی سببه مباشرتی و سوء اختیاری ❖ و امر الهی به مخالفته  
 مبنیدر ❖ و معترله عندندە ذکر اولنان تعریفلری موجبجه رزق  
 ملک اولغله حرام ملک اولماز ❖ نه که ❖ و بما رزقناهم ینفقون ❖  
 کریمه سی اکا دالدر ❖ زیرا و بما ملکناهم ینخرجون الزکوة  
 والصدقه معناسنه در ❖ كذلك عباد حقنه تقدیر رزق حلال  
 اصلدر ❖ تقدیر حرام صورتی ظلمی مستوجبدر ❖ انلره جواب  
 ویریلور که ❖ آیت مرقومه ده رزق تقدیر غدا ایله مفسردر  
 بوایسه تملیکک غیریدر ❖ شرح مقاصدده مسطور در که ❖ رزق  
 ملک ایله تفسیر مطرد و منعکس دکلدر ❖ یعنی اغیارینی مانع  
 وافرادینی جامع دکلدر ❖ زیرا اول تعریفه کوره ملک الهی داخل  
 و رزق دواب ❖ بلکه رزق عبید و آماء خارج اولور ❖ کرچه  
 دوابک اکل ایلدیکنه رزق اطلاق مملوک ما کول انسانه تشبیه  
 طریقنه مبنی اولغله ❖ رزق لفظی دوابه نسبت مجازدر ❖ لکن  
 حقیقت و مجازی بنی جمع خصوصاً تعریفانده مجاز استعمالی هجنتی  
 لازم کلور ❖ و معترله به اعتراض وارد اولور که ❖ برکسه مدت  
 عمرنده حرامله تعبش ایلمسه ❖ حق تعالی انی مرزوق ایلمامک  
 لازم کلور ❖ بوایسه ❖ و ما من دابة الا علی الله رزقها ❖ نص  
 شریفله باطلدر ❖ معترله طرفندن بوکه جواب ممکندر که ❖ حضرت  
 حق اول کسه بی ارتزاق مباحه سوق ایلدی ❖ لکن سوء اختیاری



سببيله اندن اعراض ايلدى ❦ مثالى قتي وافر در

❦ وَلِلدَّعَوَاتِ تَأْثِيرٌ بَلِيغٌ ❦ وَقَدْ يَنْفِيهِ أَصْحَابُ الضَّلَالِ ❦

للدعوات جار و مجرور ظرف مستقر خبر مقدم ❦ دعوات فتح عينه جمع دعوه در كه ❦ دعا معنا سنده در ❦ تأثير مؤخر مبتدا در بليغ صفتيدر ❦ وقد ينفيه كنه سنده واو حاله در ❦ قد تحقيق ايجوندر ❦ ينفي نفیدن فعل مستقبلدر ❦ ضمير تأثيره راجعدر اصحاب الضلال فاعلدر ❦ مفهوم بيت بودر كه ❦ صلحا وزهاد وعامة مؤمنينك احياء وامواتلى حقنده دعا لى مؤثر ❦ وآثار ومنافعلى متواصل اولور ❦ لكن معترله طائفه سى انكار ايدر لر معلوم اوله كه ❦ دعائك تأثيرى وعدم تأثيرى باینده اهل سنه ايله معترله میاننده اختلاف وارد در ❦ اهل سنه عقیده لری بودر كه مؤمنينك احياء واموات حقارنده دعا لى مؤثر در ❦ احياء حقارنده دعائك تأثيرى ❦ واذا سألك عبادى عنى فانى قريب اجيب دعوة الداع اذا دعان ❦ و ادعونى استجب لكم ❦ كريمه ليله و (ان الدعاء ينفع مما نزل وما لم ينزل) حدیثله ثابتدر ❦ واموات حقارنده تأثيرينك دليلى بودر كه ❦ حضرت رسول الله صلى الله عليه وسلم (اهدوا امواتكم) بيوروب صحابه كرام (ما الهدية) تعبيريله استعمالرنده (الدعاء لهم) بيور مشلدر ❦ الميت فى قبره كالغريق ينتظر دعوة تلحقه من ابنه او اخيه او صديقه فاذا لحقت كان احب اليه من الدنيا وما فيها ❦ معترله طائفه سى ديرلر كه ❦ كرك احياء وكرك اموات حقارنده دعائك تأثيرى يوقدر ❦ احياء حقنده مؤثر اولمديغلك وجهى بودر كه ❦ زيرا دعا اولنه جق ماده يه قضاي الهى تعلق ايلديسه بلادعاء حاصل اولور ❦ والا دعا قضاي رد ايلز ❦ بوكه جواب ويريلور كه (الدعاء يرد البلاء

وان الدعاء ينفع مما نزل وما لم ينزل) حديثى دعائك رد قضاده تأثيرينه دليل ساطعدر ❦ زيرا قضا ايكي نوعدر ❦ مبرمكه محسومدر ❦ ومعلقدر كه تبديلى بعض اسبابه منوطدر ❦ واموات حقارنده مؤثر اولمديغلك وجهى بودر كه ❦ انسان ❦ وان لبس للانسان الاماسعى ❦ كريمه سى منظوقنجه كندى عمليله مجزى اولوب غيرك عمليله مجزى اولماز ❦ بوكه وجوه ايله جواب ويريلور وجه اول ❦ آيت مرقومه ❦ والذين آمنوا واتبعتهم ذريتهم بايمان الحقنا بهم ذريتهم ❦ كريمه سيله منسوخدر ❦ وجه ثانى آيت مرقومه حضرت ابراهيم وموسى عليهما السلام قوملرينه خاصه در ❦ وجه ثالث ❦ آيت مزبوره ده انسانله مراد كافر در ❦ اما مؤمن بنفسه سعى ايلديكنه ❦ وكندى ايجون غيرك سعى ايلديكنه نائل اولور ❦ بو وجهك تفصيلى مفصلا تده در ❦ وجه رابع ❦ انسان بطريق العدل كندى مسعا سنده نائل اولوب بطريق الفضل كندى حقنده غيرك سعى ايلديكنه نائل اولمق جائزدر ❦ وبوبابده وارد اولان اخبار صادق قتي وافر در (ما من ميت يصلى عليه امة من المسلمين يبلغوا مائة كلهم يشفعون له الا شفعوا فيه) ❦ و ان العالم والمتعلم اذا مرا على قرية فان الله تعالى يرفع العذاب عن مقبرة تلك القرية اربعين يوما ❦ و (ما على الارض رجل مسلم يدعو الله بدعوة الا اياه الله اياها او كف عنه من الشر مثلها) حديث شريفلى كى ❦ بناء عليه محققون ديديرلر كه ❦ دعاي مؤمنين اجابته قريندر ❦ هر نقدر اثرى عن قريب ❦ و يا خود مسئولنك عينيله ظهور ايلز سه ده ❦ اما دعاي كافرين جهوره كوره ❦ ومادعاء الكافرين الا فى ضلال ❦ كريمه سى اوزره مردود در قالديكه (ان دعوة المظلوم وان كان كافرا تستجاب) حديث شريفلى كفران نعمته محمولدر ❦ بعض علماء اجابت دعاي كافرينى



تجويز ايتديلر ❖ نه كه ابليس عليه اللغه نك ❖ رب انظرني ❖  
 رجاسنه ❖ انك من المنظرين ❖ منظوقيله استجابت بيورلشدر  
 وبعضيلر ديديلر كه ❖ دعای كافرين امور دنيايه متعلق اولور سه  
 مستجاب اولور ❖ زيرا امور دنيايه رحمت الهي مؤمنين وكافرينه  
 عام وشاملدر ❖ امور آخرته متعلق اولور ايسه ❖ مستجاب اولماز  
 زيرا آخرته رحمت الهي مؤمنينه خاصدر ❖ وخفي اوليه كه  
 بعضا اتر دعائك في الحال ظهور ايلماسي ❖ وجوه عديده يه مبندر  
 وجه اول ❖ اجابت لامحاله حاصلدر ❖ زيرا اجابت دعا قضای  
 حاجتك غيريدر ❖ زيرا اجابت دعاء عبد يار بي ديد كده ❖ حضرت حقك  
 ليك يا عبدی قول شريفندن عبارتدر ❖ بوايسه هر موحد ايچون  
 موعود موجوددر ❖ وقضای حاجت اجابتك لازميدر كه ❖ مسئولی  
 اعطا ايلكدر ❖ بوايسه في الحال وبعضا في المال اولور ❖ وجه  
 آخر ❖ اجابت جهت واحده ايله اولماز ❖ بلكه جهات عديده ايله  
 اولور ❖ نه كه ( لا ترد دعوة المسلم الا لاحدى ثلث اما ان يعجل له  
 في الدنيا واما ان يؤخر في الآخرة واما ان يصرف من سوء بقدر  
 مادي ) حديث شريفي اكا دالدر ❖ وجه آخر ❖ اجابت دعا  
 هر نقدر ❖ اجيب دعوة الداع اذا دعان ❖ كريمه سنده مطلق  
 ايسه ده ❖ بل اياه تدعون فيكشف ما تدعون اليه ان شاء ❖  
 آيت كريمه سنده مشبته تعليقه مقيد اولغله ❖ مطلق مقيد محمول  
 اولور ❖ وجه آخر ❖ اجابت الهي اجابت عبد ايله مشروطدر  
 نه كه ❖ فليستجيوا لي ويؤمنوا بي ❖ كريمه سي اكا دلالت ايدر  
 فليستجيوا عملا وليؤمنوا بي اعتقادا عبارتيله تفسير اولمشدر  
 ايمدی بوصفته موصوف اولان مرد ❖ تحريك شفه ايلديكي آنده  
 دعای مستجاب اولور ❖ جزري عليه الرحمه دعائك اجابتی  
 خصوصنده ثبت صحيفه تحقيق ايلديكي اوزره شروط عديده سي

واردر ❖ ما كولات ومشروبات وملبوسات ومكسوبات ده حرامدن  
 اجتناب ❖ واخلاص وتنظيف لباس وتطهر ووضوء واستقبال  
 قبله ❖ وديز اوزره قعود ونافله نماز ❖ وتقديم عمل صالح ❖ وجد  
 وثنا ❖ وصلوات شريفه ❖ ورفع يدين ❖ وتأدب وخشوع  
 وتذلل ❖ واسماء حسني ايله سؤال ❖ وانبيای عظامه ❖ وعباد  
 صالحينه توسل ❖ وخفض صوت ❖ وكاهه اعتراف ❖ وتوبه  
 واستغفار ❖ وادعية صحبحه اختيار ❖ وعزم واستحضار قلب  
 ورغبت والحاح ❖ واجتهاد وتكرار ايله دعا واثم وقطيعه رجله  
 عدم رجا ❖ وآخرنده تأمين ❖ والارين يوزه مسح ❖ وينه حمد  
 وصلوات شريفه يه موقوفدر

❖ وفي الأجدات عن توحيد ربي ❖ سبيلي كل شخص بالسؤال ❖

في الأجدات مؤخر سبيلي كله سنه متعلقدر ❖ عن توحيد ربي  
 سؤاله متعلقدر ❖ اجدات جمع جدث در ❖ فقتبته قبر معناسنه  
 سبيلي كله سنده سين اداة استقبالدر ❖ يبلي بلاء لفظندن مأخوذ  
 فعل مستقبل مجهولدر ❖ بلاء امتحان معناسنه در ❖ كل شخص  
 نائب فاعليدر ❖ مفهوم بيت بودر كه ❖ جمله انسان فوت اولوب  
 قبره دفن اولندقدن صكره لامحاله توحيد الهيدن سؤال اولنه جقلدر  
 معلوم اوله كه ❖ سؤال قبر مسئله سیده اصول دينه دن اولغله  
 وقوعنه اعتقاد ايلك فريضه دندر ❖ بومحذده جهيمه طائفه سيله  
 بعض معترزه مخالفت ايلديلر ❖ طائفه مرسومه نك ديلاري  
 بودر كه ❖ حیات وفهمدن عاری اولان جهاداته سؤال محالدر  
 كذلك ❖ وما انت بمسمع من في القبور ❖ كريمه سي منظوقجه  
 موتايه اسماع كلام منفيدر ❖ انلره جواب ويريلور كه ❖ حضرت  
 باری عز شانه ❖ قادر در كه موتاك جميع اجزاسنده ❖ يا خود



بعض اجزا سنده سؤالی متعلق ❖ وجوابه مقتدر اوله جق مرتبه  
نوع حیات افاضه ایلده ❖ و آیت مرتومه ده عدم اسماع هنوز  
حیات و سمع خلق اولمديغي تقديره مجملدر ❖ اما خلق اولندقد  
حضرت رسول و ملائکه عليهم السلام اسماع ايدرلر ❖ و صحیحاً  
ثابتدر که ❖ بدرغز اسنده مقتول اولان کفار ❖ امر حضرت  
سید الابرار ايله بر قوی یه القا اولندقدن صکره ❖ حضرت  
رسول الله اول قوی اوزره واروب اول قتلانک هر برینه اسملریله  
یا فلان دیوندا ایلدکن صکره (هل وجدتم ما وعدکم الله ورسوله  
حقاً فانی وجدت ما وعدنی ربي حقاً) بنس العشیره کنتم کذبونی  
و صدقنی الناس) ❖ کلامیله توبیح یورمغله ❖ عمر بن الخطاب  
رضی الله عنه یار رسول الله اشباح بی ارواحه می خطاب یوررسز  
دیدکده ❖ یا عمر بنم ❖ کلامی سز انلردن زیاده ایشتمز سز انلر  
ایشیدر ❖ لکن رد جوابه استطاعتلری یوقدر یوردیلر ❖ محققین  
اهل سنت دیدیلر که ❖ کیفیت سماعلری روحک دم سؤوال  
منکرینده اولدیغی کبی ❖ کلا او بعضاً عودتنه مبنی آذان رؤسلریله  
واقع اولمشدر ❖ یا خود توجه سؤوال برزخ ❖ یا لکزر روحه اولمق  
مذهبنه کوره آذان ارواحلریله واقع اولمشدر ❖ لکن ظاهراً  
وما انت بسمع من فی القبور ❖ کریمه سنه منافی اولمغله ❖ افانت  
تسمع الصم او تهدی العمی ❖ کریمه سنه تمثیل برله توفیق ایلدیلر  
یعنی کفار مرده دل اولوب کلام حق عدم قبول ❖ و صورت صدق  
وصوابی مشاهده دن نکول ایلدکلری حسبیه موتی و اصم و اعمی  
منزللرینه تنزیل اولندی ❖ تفصیلی سیر حلبی ترجمه مرده  
مستوردر ❖ و سؤوال قبر حقنده وارد اولان اخبار صحیحه رسیده  
حد توا تردر ❖ اکثر ائمه تفسیرک بیانی اوزره ❖ یثبت الله الذین  
آمنوا بالقول الثابت ❖ کریمه سی عذاب قبر خصوصنده

نازل اولمشدر و (استز هو البول فان عامه عذاب القبر منه) و (اذا قبر  
المیت اتاه ملکان اسودان ازرقان یقال لاحدهما المنکر وللآخر  
النکیر فیقولان له ما کنت تقول فی هذا الرجل فان کان مؤمناً فیقول  
هو عبدالله ورسوله اشهد ان لا اله الا الله واشهد ان محمدا عبده  
و رسوله فیقولان قد کنا نعلم انک تقول هذا ثم یفصح له فی قبره سبعون  
ذراعاً فی سبعین ذراعاً ثم ینور له قبره ثم یقال له ثم فیقول ارجع الی اهلی  
فاخبرهم فیقولان ثم کنومه العروس الذی لا یوفطه الا احب اهله  
الیه حتی یبعثه الله من مضجعه ذلک وان کان منافقاً فیقول سمعت  
الناس یقول قولاً فقلت مثلهم لا دری فیقولان قد کنا نعلم انک  
تقول ذلک فیقال للارض التأمی علیه فلتتم علیه فتختلف اضلاعه  
فلا یزال فیہ معذبا حتی یبعثه الله من مضجعه ذلک) حدیث  
شریفلری کبی ❖ بعض علماء دیدیلر که ❖ منکر و نکیر مذنبینک  
سؤاللرینه مؤکل اولان ملکلرک اسمیدر ❖ مطیعینک سؤاللرینه  
مؤکل اولنلرک برینک اسمی بشیر ❖ و برینک اسمی مبشردر ❖ و امام  
سیوطی علیه الرحه دن منقولدر که ❖ قبرده سؤوال اولنمیان یدی  
طائفه در ❖ اول شهداء ❖ ثانی مبطون ❖ ثالث مرابطون  
رابع بالخاصه ابو بکر الصدیق رضی الله عنه ❖ خامس اطفال  
مسلمین ❖ سادس جمعه کونی یا خود کیجه سی وفات ایدن مؤمن  
سابع ❖ هر کیجه منامدن مقدم سورة ملک تلاوته مداوم اولان  
مؤمندر ❖ قالدیکه برکسه بی برقاچ جانور اکل ایلسه ❖ یا خود  
محررق و یا خود غریقاً فوت اولسه ❖ سائرلری کبی لا محاله مسؤل  
و منعم و معذب اولور ❖ بعض علماء دیرلر که ❖ میت مادام دفن  
اولمديجه سؤوال اولنماز ❖ و اکثر علماء انبیای عظامک دخی مسؤل  
اوللرینه ذاهب اولدیلر ❖ بعضیلر خلافتنه ذاهب اولدیلر ❖ ظاهر  
کلاملردن منفعهم اولور که ❖ بی آخر ملتی اوزره اولان انبیاء



ملت متبوعه سندن سؤال اولوب صاحب شریعت اولنلرامتی  
احوالندن وتبلیغ احکام مأموره سندن مسئول اوله لر ❦ واطفال  
مسلمین سیوطیدن منقول اولان کلامه کوره مسئول دکدر  
مسئولیتلرینه ده ذاهب اولدیلر ❦ ومجنون حالنده بعضلر توقف  
ایلدی ❦ وبعضلر اوله نك عمومیه نظرا مسئولیتلرینه ذاهب  
اولدی ❦ وملائکه کرام حقنده دخی اختلاف اولدی ❦ ابن  
عبدالبررحه الله علیه دیدیکه ❦ کافر صریح مسئول اولماز ❦ بلکه  
من غیر سؤال معذب اولورلر ❦ لکن منافقین مسئول اولورلر  
واطفال کفره نك سؤال ❦ وجنته دخوللری خصوصنده امام اعظم  
حضر تلی توقف ایلدی ❦ بعضلر خدام اهل جنت اولغه ❦ وبعضلر  
ناره دخوللرینه ذاهب اولدیلر ❦ والله اعلم بحقیقه الحال

❦ وَلِلْكَافِرِ وَالْفَاسِقِ بَعْضًا ❦ عَذَابُ الْقَبْرِ مِنْ سُوءِ الْفِعَالِ ❦

للكفار جار ومجرور مقدم خبر ❦ عذاب القبر مؤخر مبتدا در  
والفساق کفار اوزره معطوفدر ❦ بعضا کلمه سی فساقدن حالدر  
غین معجزه ایله اولان نسخه یه کوره ❦ مبغوضین تأویلله ینه  
حالدر ❦ یاخود مفعول له اولور ❦ من سوء کلمه سنده من لام جاره  
معناسنه در ❦ مقدر اولان ثابت کلمه سنده متعلقدر ❦ وبعض  
نسخه ده بعضا بدلی یقضى واقع اولمشدر ❦ فعال کسر فایله  
شده وقحله خیره استعمال اولنور ❦ مفهوم بیت بودر که  
نسخه اولایه قدر جمیع کفار عذاب برزخه گرفتار اولوب ومن غیر  
توبه وفات ایدن بعض عصاة مؤمنین حقنده دخی درکار اولور  
معلوم اوله که ❦ اهل سنت اتفاق ایتدیلر که قبرده سؤال ❦ وجهه  
کفاره وبعض عصاة عذاب واقعدر ❦ معتزله دن ضرار بن  
عمرو ایله بعض سفهای معاندین خلافتنه ذاهب اولدیلر ❦ اهل

سنتك دلیلی (القبر روضه من ریاض الجنة او حفرة من حفرة  
النيران) و (نعوذ بالله من عذاب القبر) و (استترهوا من البول فان عامة  
عذاب القبر منه) و (ان الميت لیعذب ببكاء اهله علیه) حدیث  
شریفلریدر ❦ وحضرت رسول الله برکون ایکی قبر اوزرینه  
اوغرا یوب بیور دیلر که (انهما لیعذبان وما یعذبان فی کبیره بل لان  
احدهما کان لایستتره من البول والاخر کان یمشی بالنیمه) وآل  
فرعون حقنده نازل اولان ❦ النار یعرضون علیها غدوا وعشیا ❦  
وقوم نوح علیه السلام حقنده نازل اولان ❦ اغرقوا فادخلوا  
نارا ❦ کریمه لری دالدر ❦ فای فادخلوا تعقیبه اولمغله ناره  
ادخاللری قبل البعث اولدیغی ثابتدر

❦ حِسَابُ النَّاسِ بَعْدَ الْبَعْثِ حَقٌّ ❦ فَاَكُونُوا بِالتَّحَرُّزِ عَنْ وِبَالِ ❦

حساب الناس مبتدا حق خبریدر ❦ بعد ظرفیت اوزره منصوبدر  
فای فاکونوا جزایه در ❦ اذا کان الحساب حقا کونوا سبکنده در  
کونوا کوندن فعل امردر ❦ اسم مرفوعی ضمیردر ❦ بالتحرز  
خبر منصوب مقامنده در ❦ زیراملا بسا بالتحرز تقدیرنده در ❦ تحرز صاقنق  
معناسنه در ❦ و بال واو ک فحیله عبد جهندن اولان کاهدر ❦ ظلم  
وقتل کی ❦ مفهوم بیت بودر که ❦ نفخه ثانیه ایله جمله موتی دیریلوب  
عرصة محشرده هرکس اقوال و افعالندن حساب اولنق حقددر  
اعتقادی واجبدر ❦ خلاف شریعت غرا اعمالدن احتراز ایلمکز  
لازمدر ❦ معلوم اوله که ❦ اشبو بعث مسئله سیده اهل سنتك اصول  
معتاسندن اولمغله ❦ جمله سی بو عقیده ده متفقدر ❦ فلا سغه  
طائفه سی انکار ایدرلر ❦ اهل سنت دیرلر که موتی قبور دن بعث  
ونشر اولنق حق و واقعدر ❦ وبعثدن مراد لری اجسامك ارواحله  
معادلریدر ❦ لکن معادك معناسنده اختلاف ایتدیلر ❦ بعضلر



اعاده معدومك امكانه ذاهب اولوب ديديلر كه \* حضرت حق جل  
وعلى اجزای جسميه بي بالکليه اعدام ايلد کد نصکره \* اعاده  
وافاضه روح ايدر \* وبعضا اعاده معدومك امتناعه ذاهب  
اولوب حق سبحانه وتعالى \* اجزای اصلیه بی تفریق ایلد کد نصکره  
جمع واعاده حیات ايدر ديديلر \* على کلا التقديرين بعث ومعادك  
ثبوتنه اتفاق ايلديلر \* زیرا فی ذاته ممکن \* هر ممکن ايسه مقدور  
الهيدير \* و بوياده دلائل سمعيه کثير در \* ثم انکم يوم القيمة  
تبعثون \* و \* قل يحياها الذي انشاها اول مرة \* و \* بحسب  
الانسان ان لن نجمع عظامه بلى قادرين على ان نسوي بنانه \*  
کريمه لری کي \* دهری \* طائفه سی قیامت و حشر و نشری  
انکار ايدرلر \* و افلاطون و ارسطو و سقراط کي حکمای الهیون  
مذهبري بودر که \* معاد نفسا نيدر \* جسمانی دکلدر \* زیرا انلرک  
عندنده نفس جوهر مجرددر \* جسم و جسمانی دکلدر \* لکن تعلق  
تدبیر ايله جسمه متعلقدر \* بوجهته بدن خراب اولد کد نصکره  
نفسک بقاسی جائز اولمغله معاد انجق نفسه مرتب اولور \* و معاد  
نفسانی انلرک عندنده قطع تعلقدن عبارتدر \* زیرا نفسک بدنه تعلق  
اشغال حیوانیه اشتغالندن ناشی \* عالم روحانیسندن خروج اولمغله  
قطع تعلق \* عالم روحانیسنه رجوع اولور \* اما معاد جسمانی  
انلرک عندنده ممتنعدر \* زیرا اعاده معدوم محالدر دیرلر \* و طبیعیون  
عندنده نفس مزاجدن عبارت اولمغله \* بعد الموت عدم بقاسی  
و جسمک دخی انعدامی \* و معدومك امتناع اعاده سی جهته  
جسمانی \* و نفسانی \* معادی سلب ايدرلر \* جالینوس  
بو ماده ده اظهار تحیر ايله توقف ایلدی \* زیرا انک عندنده نفس  
مزاجیدر \* یوقسه بعد فناء البدن جوهر باقیمیدر \* ظاهر اولماشدر  
اولدخی اعاده معدومك امتناعه ذاهبدر \* و اهل سنتك حق تعالی

اجزای اصلیه انسانی جمع \* واعاده حیات ايدر \* قوللر یله معارضه  
مواکله ناقضه لری ساقط اولور \* نکه بیت الخلق اه ییتی  
شرحنده تفصیل اولدی \* بعض علما ديديلر که \* قرآن کریمده  
جسمانی و روحانی معادك هر برینه اشارت وارددر \* اما روحانی  
\* فلا تعلم نفس ما اخفى لهم من قرة عين \* و \* للذين احسنوا  
الحسنی و زیاده \* و \* رضوان من الله اکبر \* کريمه لریدر  
اما جسمانی اکثر من ان تحصی در \* و بعد البعث جمع ناسک \* اقوال  
وافعال لرندن حساب ویره جکری دخی حقددر \* حضرت  
عالم السر و الخفیات \* هر کسک اعمالنه عالم ایکن \* حساب امرنده  
حکمتی \* دنیاده لا ابالیانه اطوار دن مؤمنینی عائق اولد یغندن بشقه  
اهل عرصاته متقینک فضا ئل و منا قبلرینی \* و عصاتک قبا یح  
و مثالبیرین اظهار ایلکدر \* اولدخی مسرت مؤمنینی تئیم \* و حسرت  
مذنبینی تکمیل حکمتنه مبنیدر \* و بعض علما ديديلر که \* انبیای  
عظام ایچون حساب یوقدر \* كذلك اطفال مؤمنین \* و عشره  
مبشره ایچونده حساب یوقدر \* لیکن نفی اولنان مناقشه حسابیدر که  
نیچون بویله ایلدک نیچون ایلدک کي \* و قلیل و کثیرینی استقصا  
ایلدک کي \* اما حساب عرض که شویله ایلدک \* اما بندخی عفو  
ایلدیم دیمک \* انبیای عظام و صحابه کرام حق لرنده دخی واقعدر  
وجن و ملائکه تک دخی \* حساب لرینه ذاهب اولدیلر (حتی یقتص  
لخلق بعضهم من بعض حتی للجماء من القرناء و حتی للذرة  
من الذرة) و (لیختصمن کل شیء يوم القيمة حتی الشاتان فیما انطحتا)  
حدیث شریف لری منطوق قبحه \* سا ر حیوانات دخی محاسب  
اوله جق لرینه ذاهب اولدیلر \* و ذکر اولسان احادیثک مقتضاسی  
اوزره \* يوم قیامتده قصاص \* تکلیف و تمیزه توقف ایلمامکله  
طفل و مجنون دخی داخل قصاص اولور \* و حسابک وقوعنی



\* ان الينا اياهم ثم ان علينا حسابهم \* و \* اقرب للناس  
حسابهم \* كريمة لري و (من نوقش في الحساب يهلك) و (لن تزول  
قدم عبد يوم القيمة حتى يسئل عن اربع عن عمره فيما افناه وعن  
شبابه فيما ابلاه وعن ماله من اين اكتسبه وفيما انفقه وعن علمه  
ماذا عمل به) حديث شريف لري ناطقد

و يعطى الكتب بعضا نحو معنى \* و بعضا نحو ظهر و الشمال \*

يعطى عطاء دن فعل مستقبل مجهول \* الكتب مفعول اوليدر  
فاعل مقامه قائم اوليدر \* ازان ايچون تاي اسكان اولندي \* بعضا  
مفعول ثانيا سيدر \* تنويني مضاف اليه دن عوضدر \* بعض الناس  
تقدير نده در \* كچه اولي اولان بعضا مفعول اول اولق ايدى  
لكن اهميت مقام تقديمي اقتضا ايلدى \* نحو ظرفدر جهت  
معنا سنه معنى غير منصرفدر حبل كبي \* نحو مضاف اليهيدر  
و بعضا معطوفدر \* ينه بعض الناس تقدير نده در \* ظهر ظهره  
و الشمال و شماله تقدير نده در \* مفهوم بيت بودر كه \* بعد البعث  
هر كسك خير و شري محتوي دفتر اعمالى كه \* ايام حيات نده قيد  
و تحريره مؤكل اولان \* كرام كاتين ملكرى ثبت ايلشيدى \* مؤمنينك  
صاغ جانيلرندن \* و كافرينك ارقه وصول جانيلرندن و يرلسى  
حق و واقعدر \* معلوم اوله كه \* مطففين سورة سنك تفسير نده  
ثبت صحيفه صحت اولديغى اوزره \* بعد البعث جملة خلائق  
حضور معنوى به مثول ايلد كده \* كرام كاتين نام ملكرك خير  
و شريف ايلد كلى كتب اعمال كه \* مؤمنينك عملارى عليين  
نام ديوانده \* و كافرينك عملارى سجين نام ديوانده مثبتدر \* مؤمنينك  
يمينلري طرفندن \* و كافرينك شمال و ظهر لري طرفندن اعطا  
اولنوب و هر كس \* كندى كتابى قرأت ايله جكي حقدرا اعتقادى  
جملة اصول دينيه دندر \* و نخرج له يوم القيمة كتابا يلقاه  
منشورا \* اى مفتوحا \* و اما من اوتى كتابه يمينه فسوف يحاسب

حسابا يسيرا \* و اما من اوتى كتابه بشماله فيقول يا ليتني لم اوت  
كتابيه \* و اما من اوتى كتابه وراء ظهره فسوف يدعوا ثورا  
و يصلى سعيرا \* نص شريف لريه ثابتدر \* معتزله بونى دخی انكار  
ايدرلر \* زيرا حضرت حق جل و على عالم اولغله \* عبثدر ديرلر  
ابطال مذهب لري سؤال بحثنده ذكر اولندى \* حال بوكه اعمال  
مهلكه اصحابى الزامى مشتملدر \* و مقتضاي صفت عادليتدر \* بعض  
علما ديمشدر كه \* كتابى ظهري طرفندن و يريلان كافر \* صاغ الى  
ملا شكه لر كردنه بند ايدوب \* كتابى ظهر طرفندن صول الله  
و يرلر \* و هر كس كتابى قرأت ايلد كده حقدرا \* شرح مقاصد ده  
مستور در كه \* عرصه محشورده وقوع عياب اوله جق اهوالك  
بريسى اشو دفتر اعمال اعطا سيدر \* و بريسى هول و قوفدر كه  
بعضا بريك سنه \* و بعضا لى بريك سنه مدت دريدى \* و قفوه هم انهم  
مسئولون \* كريمة سى انى ناطقدرا \* و بريسى سؤال هوليدر \* فوربك  
لنساء لنهم اجمعين \* كريمة سيله ثابتدر \* و بريسى شهود عشره نك  
شهادت لري هوليدر كه \* لسان ويد و رجل و سمع و بصر و جلد  
وارض و ليل و نهار و حفظه كرامدر \* يوم تشهد عليهم السنتهم  
وايد يهم و ارجلهم بما كانوا يعملون \* و يوم يشهد عليهم سمعهم  
وابصارهم و جلودهم بما كانوا يعملون \* كريمة لري (و اما من يوم  
وليلة يا تى على ابن آدم الا قال انا ليل جديد و انا فيما يعمل في شهيد)  
حديثه و يوم معاده نهار حقدرا اولان حديث (و جائت كل نفس معها  
سائق و شهيد) كريمة سيله ثابتدر \* و بريسى تغير الوان هوليدر  
\* يوم تبيض و جوه و تسود و جوه \* كريمة سى ناطقدرا  
و بريسى سعادته يا خود شقاوته ندا هوليدر كه \* بر منطوق حديث  
شريف هر كفه ميزان عند نده بر ملك قائم اولوب كفه خير متر جم  
اولد كده بلند آوازه ايله الا ان فلانا سعد سعادة لا شقاوة بعدها



ابدایوندا \* و عکسندہ ملک ثانی \* الا ان فلا ناشقی شقاوۃ لاسعادۃ  
بعدها ایدا \* دیوندا ایلہ جکدر \* و ذکر اولسان احوالک اثری  
\* تنزل علیہم الملائکۃ الاتخافوا ولا تحزنوا \* و \* الا ان  
اولیاء اللہ لا خوف علیہم ولا هم یحزنون \* کریمہاری مقتضای  
انبیاء و اولیاء و صلحاء حقارندہ سلامتدر

و حق وزن اعمال و جری \* علی متن الصراط بلا اہتبال

و حق خبر مقدم \* وزن اعمال مبتدای مؤخر در \* اعمال مضاف  
الیہدر \* تنوینی مضاف الیہدن عوضدر \* اعمال العباد تقدیرندہ در  
و جری مبتدادر \* خبری مقدر حقدر \* جملہ سی معطوفدر  
علی جری کلمہ سنہ متعلقدر \* متن ظہر معناسنہ در \* بلا اہتبال  
کلمہ سنہ حرف جری یا خود خبر مقدری \* حق کلمہ سنہ متعلقدر  
جار و مجرور \* حال موقعندہ در \* یا خود جری کلمہ سنہ خبریدر  
اہتبال کذب معنا سنہدر \* مفهوم بیت بودر کہ \* عرصۂ حشر دہ  
ہر کسک خیر و شر عملاری وزن اولحق حقدر \* کذلک جملہ عبادک  
جہنم اوزرہ \* عمد و صراط اوزرندن مرورری حق و واقعدر  
معلوم اولہ کہ \* اصول دینہ مزک برسیدہ عرصۂ حشر دہ اعمالر  
میران عدالتہ وزن اولمقدر \* و نضع الموازین بالقسط لیوم القیۃ  
و \* فاما من ثقلت موازینہ فهو فی عیشۃ راضیۃ و اما من خفت  
موازینہ فامہ ہاویۃ \* نصوصیلہ ثابتدر \* اکثر مفسرین دیدیلر کہ  
فی الحقیقہ میزان موجود در \* ایکی کفہ سی و ایکی لسانی وارد  
معترلہ ہونیدہ انکار ایلدیلر \* زیرا اعمال اعراض اولغلہ \* وزنی ممکن  
دکدر \* خصوصاً زائل و متلاشی اولہ بلکہ میزاندن مراد جملہ  
اشیاء ثابت اولان عدلدر \* و اکابناء جمع صیغہ سیلہ موازین  
وارد اولدی \* یوقسہ میزان مشہور واحد در \* و بعضیلر دیدیلر کہ

میراندن مراد ادراک اولغلہ \* الوانک میرانی بصر \* واصواتک سمع  
وطعومک ذوق \* و مشمومک شامہ \* و ملموسک لامسہدر \* و معقولانک  
میرانی علم و عقلمدر \* و بعضیلر دیدیلر کہ \* میزان بر ملک اسمیدر  
حسناتی سببائہ مقابلہ ایدر \* احد ہمادہ رجحان یا خود تساوی  
ظاہر اولحق ایچون \* انلرہ جواب و یریلور کہ \* حدیث شریف  
موجنبہ وزن اولنہ حق صحائف اعمالدر \* و جمع صیغہ سی  
موزونات اعتباریلہدر \* یا خود استعظام ایچونددر \* یا خود ہر مکلف  
ایچون بر میزان مخصوص ترتیب اولنور \* و میزان کبیر بر اولور \* جلالت  
امری \* و عظم مقامی اظہار ایچون \* بعض علمادیدیلر کہ  
امر الہیلہ حسنات اجسام نورانیہ \* و سببائہ اجسام ظلمانیہ بہ  
تشکل ایلکلمہ وزن اولنہ حق ینہ ذات اعمالدر \* و معترلہ نک  
بویابدہ دخی عبثہ ذاہب اولملری باطلدر \* زیرا مؤمنینک دنیادہ  
بوکونہ امورہ ایمانلہ \* آخرتدہ ثوابتلیرنک کثرتنہ و اظہار عدل  
و فضل الہی بہ \* و مؤمن و کافر ایمتحانلہ ملائکہ بہ اراشت \* و ہر کس  
اعمالی ادراکلمہ عدالت الہی بہ ارتضا \* و اہل نارک حسب الاعمال  
درجۂ عذابلرین حفظۂ جہنمہ \* و اہل جنتک سائر ملائکہ  
کرامہ اراشتی حکمتلرینہ \* و سائر مطلع اولدیغمر حکمتلرہ مبنی اولہ  
قالدیکہ \* وجہ مشروح اوزرہ \* ہر کسک اعمالی کشیدہ میزان  
امتحان اولدقد نصکرہ \* کفۂ حسناتی مترجم اولنلرجنتہ \* و کفۂ سببائی  
مترجم اولنلر تحت مشبت الہیدہ اولوب \* مراد ایدرسہ یا خود  
شفاعت شفعاہ مظہر اولورسہ \* بلا عذاب اولدخی جنتہ \* و مراد  
ایدرسہ \* عصیان راجحی مقدار ی \* تعذیب ایلدکد نصکرہ  
جنتہ ادخال \* و عنداللہ مرتبہ سی قدر \* ثوابت اعطا اولنور  
واکر کفتان منساوی اولورایسہ \* اعرافدہ بر مدت حبس و توقیفلہ  
تعذیب اولدقد نصکرہ \* فضل و رحمت سبحانیلہ جنتہ ادخال



اولنور ❖ بعض سلف دیدیلر که ❖ اعراف جنت و جهنم بیننده  
واسطه در ❖ و اهل اعراف ❖ حسناتی سبئانیله برابر اولان مؤمندر  
لکن مرجعلری جنت اولغله ❖ دارالخلد دکلدر ❖ و بعضراهل  
اعراف اطفال مشرکیندر دیدیلر ❖ و بعضار زمان فترده  
وفات ایدن کسه لر در دیدی ❖ و اصلا سبئانی و قطعاً حسناتی  
اولیان ایچون وزن و میزان اولماز ❖ و عقائد دینه مزک بریسی  
صراطک و جودینه ❖ و جمله نک اندن مرورینه ایمان ایلکدر  
خفی اولیه که ❖ صراط من جهنم اوزره ممدود بر جسر عظیمدر که  
قیلدن اینجه و قلیچدن کسکیندر ❖ اولون و آخرون انک اوزرندن  
مرور ایلیه جکدر ❖ شرح مقاصده مسطور در که ❖ وان منکم  
الا واردها ❖ کریمه سنده ورودایله مراد مروردر ❖ معتزله دن  
قاضی عبدالجبار ❖ و اکثر معتزله انکار ایلدیلر ❖ زیرا اول صفتده اولان  
جسر اوزرندن مرور ممکن دکلدر ❖ امکانی صورتده تعذیبدر  
و مؤمننه تعذیب یوقدر دیدیلر ❖ بلکه مراد ❖ سید بهم و یصلح  
بالهم ❖ کریمه سنده اشارت اولنان طریق جنتدرو ❖ فاهدوهم  
الی صراط الجحیم ❖ کریمه سنده اشارت اولنان طریق جهنمدر  
دیدیلر ❖ و بعضیلری دیدیلر که ❖ مراد ادله واضحده در ❖ و عند البعض  
صلوة و زکوة کبی عباداتدر ❖ و بعضیلری عندنده اعمال رديه در که  
اندن مسئول و موأخذ اولمیرله کویا که ❖ اوزرلندن مرور و کثر تبیه  
طویل و قلیتیه قصیر اولور ❖ بونله جواب ویریلور که  
صوا اوزرندن مرور ❖ و هواده طیران کبی خارق عاده قیلندن اولغله  
اولدخی ممکندر ❖ حضرت قادر مطلق جل شانہ عبوره  
قدرت خلق ایدوب ❖ مؤمننه تسهیل و تیسیر ایلکله ❖ آثار صحیحه  
دلالتی اوزره ❖ بعضی برق خاطف و بعضی باد و کیمی اسب  
جواد کبی کذران ایلیه ❖ حاشیه عقائدده عصام علیه الرحه

دیمشدر که ❖ صراط اوزرندن عبورک تعذیب مؤمنین اولدیغنی  
بعد النسلیم جائزدر که ❖ مؤمنینی ذنوبدن کمال تطهیری متضمن اوله  
قالدیکه ❖ سلامت و متانت اعتقاد بوکونه خلاف عاده مواد واموره  
ایمان و اعتمادایله متمیز اولغله ❖ نصوص بیننک منطوق و مقتضای  
اوزره بو مثللو امورک ذاته اعتقاد ایلک واجبدر ۷

❖ و مرجو شفاعه اهل خیر ❖ ❖ لاصحاب الکبائر کالجبال ❖

مرجو مقدم خبردر ❖ رجاء دن اسم مفعولدر ❖ شفاعه مؤخر  
مبتدادر ❖ اهل مضاف الیه بدر ❖ اضافت بمعنی من در ❖ مفهوم بیت  
بودر که ❖ انبیاء و اولیاء و علماء و صلحاء کبی ❖ اخبارک روز قیامته  
جبال کبی کبائر مر تکبیرینه شفاعت ایدوب ❖ مستحق اولدقلری  
عذاب و عقابدن تخلصه وسیله اوله جقلری مأمولدر ❖ معلوم  
اوله که ❖ شفاعت غیر ایچون علی سبیل الضراعه فعل خیری  
وترک ضرری سؤالدن عبارتدر ❖ بو اصلده دخی اهل سنت ایله  
معتزله میاننده اختلاف وارددر ❖ اهل سنت عندنده شفاعت جائزدر  
معتزله انکار ایدر ❖ مناسی عفو و مغفرتک وقوعیدر ❖ شرح مواقف  
و شرح مقاصد و سایر مفصلاتک تلخیص کلاملری بودر که ❖ جمله  
اهل سنت نصوص بینه منطوقی اوزره اتفاق ایلدیلر که حضرت  
حق جل و علا عفو و غفوردر ❖ مطلقاً صغائر و بعد التوبه  
کبائر عفو و مغفرت ایدر ❖ و مطلقاً کفری تخلید فی النار  
دال اولان نصوص قاطعه موجبجه عفو ایلز ❖ هر قدر عقلاً جائز  
ایسه ده زیرا عقاب حق اولغله اسقاطی جائزدر ❖ بعض علماء  
اشبو جواز عقلی بی منع ایدر ❖ زیرا غایت احسان ایله محسن  
و نهایت اسائه مسی اولنلرک بینلرینی تفرقه حکمته مخالفدر دیرلر  
لکن بو کلاملرک ضعیفی ظاهردر ❖ زیرا محشرده مؤمننه اولان

۷ تا که آخر  
معتزله اعتقادلرینه نشانی  
ایدرک مطهر اولور



معامله مر افقت ❦ و کفار اولان معامله شدتن بشقه ❦ مدت مدیده  
انواع عذابه تعذیب اولمغله تفرقه حاصل اولور ❦ قالدیکه بدون  
التوبه بکارتک عفوئی خصوصنده اختلاف اولندی ❦ جهور  
اهل سنت عندند مطلقا بکارتک بعضنی عفو ❦ و بعضیله عذاب  
ایلمک جائزدر ❦ لکن بعضان مذکورانک برینه ده اعتنا ایلمدیلر  
و بعضلری دیدیلرکه ❦ بلا توبه بکارتک عفوئی بایند مطلق یوقدر  
بلکه مرجو و مامولدر ❦ و معتزله دیدیلرکه ❦ مطلقا بکارتک عفوئی  
سمعا ممتنعدر ❦ نقدر عقلا جائزایسه ده ❦ و بعضلری جواز  
عقلی بی دخی منع ایتدیلر ❦ صنف اولک تمسکری ❦ فساق و اصحاب  
بکارتک و عیدلری متضمن اولان نصوصلردر ❦ یا خصوصله در  
آکل اموال ناس حقنده نازل اولان ❦ و من یفعل ذلک عدوانا  
و ظلما فسوف نصلیه نارا ❦ کریمه سی و زحیف و تولی جهاد ایدنلر  
حقنده ❦ و مأواه جهنم و بنس المصیر ❦ کریمه سی و حدود  
مواریثی تعدی ایدنلر حقنده ❦ یدخله نارا خالدافیه ❦ کریمه سی کبی  
یا خود خلودی ناطق ❦ وارد اولان عموماتده دخولله در ❦ ایدمی  
و عید تحقیق ایلمدیکی حبنده ❦ عفو و ترک عقوبت دخی تحقیق ایدرسه  
و عیدده خلف و اخبارده کذب لازم کلور ❦ لازم باطل اولمغله  
ملزوم دخی باطلدر ❦ بوکه جواب و یریلورکه ❦ بوبایده وارد اولان  
نصوص عمومی تقدیری اوزره ❦ وقوعه دلالت ایدر ❦ و جوبه  
دلالت ایلمز ❦ عفو باینده ایسه ❦ نصوص متکثر اولمغله ❦ عمومات  
و عیددن مذهب مغفور مخصص اولور ❦ و عفو عدم جواز  
عقبسنه ذاهب اولنلرک تمسکری بودرکه ❦ جواز عفو قبایحه  
اغرا در ❦ زیرا مکلف عفو کجوازینی یلمدیکی صورتده ❦ عفو اعتمادایله  
قبایح ارتکابنه تجاسر ایدر ❦ بوا یسه قبیح اولمغله ❦ حضرت باری به  
استنادی ممتنع اولور ❦ بوکه ده جواب و یریلورکه ❦ اولاحسن

و قبحک عقلی اولدیغی ممنوعدر ❦ نه که مقدمات تفصیل اولندی  
بعد التسلیم مجرد عقوبت احتمالی ❦ عاقلی باطل ارتکابندن زاجر  
و عائق اولور ❦ حال بوکه اولبایده عذاب وقوعنی ناطق آیات قاطعه  
و وعیدات شایعه اولمغله ❦ ترک عقوبت احتمالی نه و جهله  
متصور اولور ❦ و اهل سنتک تمسکری ❦ اولبایده وارد اولان نصوص  
بیننده در ❦ و هو الذی یقبل التوبه عن عباده و یعفو عن السبئات  
و ❦ او یوبقهن بما کسبوا و یعفو عن کثیر ❦ کریمه لری کبی  
واجماع امت منعقد اولمشدرکه حضرت رب العالمین عفو  
و غفوردر ❦ عفو ایسه انجق عقاب مستحق ترکله تحقیق ایدر  
و معتزله قبل التوبه صغائر ایچون ❦ و بعد التوبه بکارتک ایچون ❦ عذاب  
و وقوعنی منع ایدر ❦ زیرا قبل التوبه صغائر ایچون و بعد التوبه  
بکارتک ایچون ترک عقاب ❦ انلرک مذهبنده واجب اولمغله ❦ عفو ک محل  
و معنایی قالمز ❦ نهایت قبل التوبه ❦ بکارتک ایچون عقوبتک اسقاطنه جل  
اولنور ❦ ثابا ❦ ان الله لا یغفر ان یشرک به و یغفر ما دون ذلک  
لمن یشاء ❦ کریمه سنده مراد ❦ مادون شرک اولمغله ❦ بکارتک و صغائر  
شامل اولور ❦ و ایکی وجهله مراد قبل التوبه در ❦ وجه اول ❦ اگر  
مراد قبل التوبه اولسد ❦ شرکله مادونی بیننده فرق متوجه اولماز  
لازم ایسه بالضروره باطلدر ❦ وجه ثانی ❦ اگر مراد قبل التوبه  
اولسد ❦ رأی معتزله اوزره مشبته تعلیق توجه ایلمز ❦ لازم ایسه  
باطلدر ❦ زیرا حق سبحانه و تعالی ❦ غفرانی مشبته تعلیق ایلمدی  
بیان ملازمه بودرکه ❦ زیرا مراد قبل التوبه اولبوب ❦ بعد التوبه اولاسه  
معتزله عندنده بعد التوبه غفران واجب اولمغله ❦ مشبته تعلیق متوجه  
اولماز ❦ زیرا واجبک مشبته و عدم مشبته عندنده ❦ فعلی واجب اولور  
ثالثا ❦ وان ربک لذو مغفرة للناس علی ظلمهم ❦ کریمه سیدر ❦ زیرا  
علی کله سی حاله دال اولور ❦ مثلا رأیت الامیر علی عدل دینور



عدله ملتبس اولديغي حالده ❦ ايمدي آيت مرقومه عبدك ظلمه  
اشغالالي حالده مغفرت حصولي اقتضا ايدر ❦ وبواقتضاء  
قبل التوبه حصول مغفرت دالدر ❦ وبوبابده آيات واحاديث  
متوافدر ❦ بعد هذا اهل ملت بيضا اتفاق ايلديلر كه ❦ انبيا ورسلك  
مذنبينه شفاعتلي ثابتدر ❦ لكن معتزله مطيعين وتائبينه قصرايدوب  
وشفاعتي رفع درجات وزياده مثوباته حل ايلديلر ❦ اهل سنت  
ديديلر كه ❦ اهل بكرايچون دخي حط سبئانه شفاعت جائزدر  
ياناره دخولدن اقدم ياخود ذكر اولنان دلائل موجبي اوزره  
ناره دخولدن صكره اولور ❦ كذلك حضرت رسول عليه السلام  
فاعف عنهم واستغفر لهم ) و ( واستغفر لذنبيك وللمؤمنين والمؤمنات )  
كريمه لارنده ذنوب مؤمنين ايچون استغفار ايله مأمورا اولوب ❦ مرتكب  
كبيره ده مؤمن اولمغله ❦ امثال الامر استغفار ايدرلر ❦ پس  
حضرت رسول الله قبل التوبه صاحب كبيره ايچون استغفار ايتلر يله  
حق جل وعلي ❦ ولسوف يعطيك ربك فترضى ❦ منظوقجه  
مرضاة نبوي ضمنده شفاعتلي دخي قبول ايدر ❦ كذلك شفاعتي  
لاهل الكبار من امتي ) حديث شريفي دلالت ايدر كه ❦ شفاعت نبوي  
مرتكب بكاره ثابتدر ❦ كرك قبل التوبه وكرك بعد التوبه اولسون  
معتزله ديرلر كه ❦ شفاعت نبويك اسقاط عذاب خصوصنده تأثيري  
يوقدر ❦ واحتجاجلري بودر كه ❦ و اتقوا يوما لا تجزي نفس  
عن نفس شئنا ❦ كريمه سي عموم وجهيله اولمغله ❦ اسقاط عذابده  
تأثير شفاعت نبوي مؤثر اولمق مقتضاي آيته منافيدر ❦ كذلك  
❦ وما للظالمين من حيم ولا شفيع يطاع ❦ كريمه سنده حضرت  
حق جل وعلي شفيع ظالميني على العموم نفي ايدوب عصاة دخي  
ظالم اولمير يله انلره ده شفاعت اوليه جغي مقرر در ❦ بووجهله  
عصاة حقنده شفاعت ثابت دكلدر ❦ كذلك ❦ من قبل ان ياتي

يوم لا بيع فيه ولا خلة وشفاعه ❦ كريمه سي على سبيل الظهور  
مطلقا شفاعتكم نفيه دلالت ايتكله ❦ عصاة حقنده شفاعت  
ثبوتكم عدم ثبوتى ثابتدر ❦ كذلك ❦ وما للظالمين من انصار ❦  
❦ كريمه سيده شفاعتكم انتفاسنه دالدر ❦ زيرا شفيع دخي جمله  
انصار دن اولمغله ❦ ظالمينه شفيع اوليوب ❦ عصاة ظالم اولمغله  
حقارنده شفاعت اوليه جغي ثابت اولور ❦ ذكر اولنان احتجاجلرينه  
بووجه اوزره جواب ويريلور كه ❦ آيات مرقومه اعيان وازمانده  
عام اولما مغلله ❦ محل تراجمه شامل اولماز ❦ ولوسلم عصاة حقنده  
ثبوت شفاعت نبوي به دال اولان ❦ آيات مذكوره مخصوصلر در  
پس نفي شفاعت خاصة كفاره شامل اولمغله ❦ عصاة مؤمنين  
بهره ياب فياضه شفاعت اوله جغلري ثابتدر ❦ وشفاعت خصوصنده  
بش نوع بيان ايدرلر ❦ نوع اول كه ❦ اعظم شفاعتدر ❦ فصل  
قضا و طول ❦ وقوف ومختندن اراحه به متعلقدر ❦ بوشفاعت ايچون  
خلايق نيا بعد ني تردد واستغاثه ايدرلر ❦ سيد جمله كائنات  
عليه اكمل الصلوات حضرت لارنده مقرر اولمغله ❦ شفاعت مرقومه  
حضرت ختميت پناهه مختصدر ❦ نوع ثاني ❦ قوم مخصوصي بغير  
حساب جنته ادخال خصوصنه متعلق اولور ❦ امام نووي  
عليه الرحمه قولي اوزره بودخي حضرت رسول الله مختصدر  
❦ نوع ثالث ❦ جهنمه مستحق اولان كسهرلر ❦ عدم ادخاله متعلقدر  
قاضى عياض عليه الرحمه قولي اوزره ❦ شفاعت مرقومه حضرت  
رسول الله مختص دكلدر ❦ نووي بوبابده تردد ايلدي ❦ سبكي  
عليه الرحمه ديديكه ❦ اختصاص مزبورلر ثبوت ونفيه دائر  
نصريح وارد اولمدي ❦ نوع رابع ❦ موحدندن جهنمه داخل  
اولمرك اخراجلرينه متعلقدر ❦ بوشفاعته انبياء ❦ واولياء ❦ وعلماء  
وشهداء ❦ وملائكه مشتركلر در ❦ نوع خامس ❦ خلود في النار



مستحق اولنلرك تخفيف عذابلرینه متعلقدر \* ابوطالب حقنه  
واقع اولان شفاعت کبی \* برکون حضرت رسول علیه السلام  
حضورنده ابوطالب ذکر اولمغله \* حضرت علیه السلام  
بور دبلرکه مر جودرکه \* حقنه شفاعتم نافع اولوب ضخماح  
نارده اوله و (انا اول شافع و مشفع) حدیث شریفی دخی ثبوت  
شفاعت نبوی بی ناطقدرد \* و علمائک شفاعتی \* والذین اوتوا العلم  
درجات \* کریمه سی و (العلماء ورثة الانبیاء) حدیثیه  
ثابتدر \* زیرا آیت مر قومده درجات شفاعتله مفسردرد \*  
و حدیث مر قومده ارثی شراح علیهم الرحه \* خلقی حقنه دعوت  
وقیامتده شفاعتله بیان ایلدیلر \* اللهم یسر لنا شفاعتہ نبیک  
النبیہ المرتضی المصطفی

وَذُو الْاِيْمَانِ لَا يَبْقَى مُقِيمًا بِشُومِ الذَّنْبِ فِي دَارِ اشْتِعَالٍ

ذوالایمان مبتدادر \* لایبقی جمله سی خبردر \* مقیم لایبقی کلمه سنک  
ضمیر فاعلندن حالدر \* بشوم الذنب کلمه سنده باء سببیه در  
شوم الذنب بایله مجرور لایبقی فعلنک مفعول به غیر صریحیدر  
فی دار اشتعال مفعول فیهدر \* اشتعال آتش یا لکلمتی معناسندهدر  
شوم ضد سعادتدرکه \* اغور سزلق تعبیر اولنور \* و دار اشتعالدن  
مراد جهنمدر \* بعض نسخه ده غین معجمه ایله ثبت اولمش لکن  
مهملدر \* مفهوم بیت بودرکه \* صاحب کبیره اولان کسنه من غیر  
توبه فوت اولوب شامت عصبانی سببیه \* جهنمه داخل اولسه  
کفار کی ابدی قالمیوب لامحاله خروج \* و جننه دخول  
ایله جکدر \* معلوم اوله که \* بومسئله ده دخی اهل سنه ایله \* معتزله  
ینلرنده اختلاف وارددر \* اهل سنت مذهبلی بودرکه \* مرتکب  
کبیره بغیر توبه فوت اولوب ناره داخل اولسه مخلص قالماز

معتزله عندنده مخلص اولورلر \* اهل سنت دیرلرکه \* مرتکب کبیره  
مؤمندر \* و هر مؤمن جننه داخل اوله جقلری \* اعدت للذین  
آمنوا بالله و رسله \* و وعد الله المؤمنین و المؤمنات جنات  
تجرى من تحتها الانهار \* کریمه لری \* و (من قال لا اله الا الله  
یصدق قلبه لسانه دخل الجنة) حدیث شریفیه و سایر آیات  
واحادیث صحیحیه ایله ثابتدر \* ابدی صاحب کبیره نک جننه  
دخوللری ثابت اولمغله \* مخلص فی النار اولملری ممتنع اولور \* والا خلف  
وعد لازم کلور \* و جننه دخولدنصکره تکرار جهنمه دخول  
بالا اتفاق باطلدر \* كذلك \* فن یعمل مثقال ذره خیرایره \*  
کریمه سببیه ثابتدر \* زیرا مرتکب کبیره اهل ایماندن اولوب  
مثقال ذره خیر عملنه موفق اولشدرد \* خصوصا اعظم عامه خیرات  
اولان ایمانه مظهر اولمغله \* آیت مر قومده اقتضاسی جتنده  
ثوابی کورمک لازمدر \* و ثوابی عذابدن خلاص اولدقدنصکره  
کوره جکدر \* زیرا بالاتفاق عقابدن اقدم ثواب یوقدر \* و خلاص  
اولدقدنصکره ثوابی رؤیت نارده عدم خلودی موجبدر \* كذلك  
\* قل یاعبادی الذین اسرفوا علی انفسهم لا تقنطوا من رحمة الله  
ان الله یغفر الذنوب جمعا \* کریمه سی \* و ان الله لا یغفر  
ان یشرک به و یغفر ما دون ذلك لمن یشاء \* کریمه سببیه شرک  
مخصوص اولمغله \* ذنوبدن شرکک ماعداسنده معمول به قالمشدر  
غفران ذنوب ایسه نارده عدم خلودی مستلزمدر \* كذلك نارده  
تخلید اعظم عقوبات اولمغله \* انجق اکا اعظم جنایاتی که \* کفردر  
مرتکب اولان مستحق اولور \* مقدما ثبوت یافته اولدیغی اوزره  
مؤمن ارتکاب کبیره ایله کافر اولماز \* زیرا کندوده نور تصدیق  
باقیدر \* مخلص فی النار اولسه عقوبت قدر جنایتدن زائد اولمق  
اقتضایدر \* بوا یسه ظلم اولمغله \* حضرت عادل حکیمه نسبت اولماز



خصوصا حضرت حق جل و علی ❦ قدر جنایتدن زیاده عقوبتی  
ومرتب اولدیغی ظلمی ❦ ومن جاء بالسبئة فلا یجزی الا مثلها وهم  
لا یظلمون ❦ کریمه سبیله نفی ایلدی ❦ كذلك جله امت ❦ زمان  
سعادتدنبرومیتک مرتکب کبیره اولوب اولدیغی ❦ تفحص اولمیه رق  
موتای اهل قبله اوزرینه ❦ صلوة ودعا واستغفار ایله متوارث اولورلر  
بلکه ❦ مرتکب کبیره اولدیغی معلوملری ایکن ❦ ینه دعا واستغفار  
ایدرلر ❦ ارتکاب کبیره نک حکمی ❦ خلود فی النار اولیدی ❦ دعا  
واستغفارلری ❦ عبث وضایع اولوق اقتضا ایدرایدی ❦ بوایه  
باطلدر ❦ ومعتزله نک احتجاجلری وجوه متعدده ایله در ❦ وجه اول  
❦ ومن یقتل مؤمنا متعمدا فجزاؤه جهنم خالدا فیها ❦  
کریمه سی دلالت ایدرکه ❦ قاتل متعمد مخلد فی النار اولور  
کرک کافر ❦ وکرک غیری اولسون ❦ بونک جوابی تغلیظه محمول  
اولدیغی مقدا ذکر اولندی ❦ كذلك آیت مر قومه ده من کله سنک  
صبغه عموم اولدیغی بعدالنسلیم ❦ بوراده عموم مراد دکلدرد ❦ زیرا  
تائب واصحاب صغائرک خروجی قطعیدر ❦ قاتل متعمد دخی آیات  
وادله سابقه ایله ❦ خارج اولمقده مانع یوقدر ❦ عام مخصوص ایسه  
قطعی مفید اولدیغی اتفا قیدر ❦ وجه ثانی ❦ وان الفجار  
لنی جیم یصلونها یوم الدین وما هم عنها بغائین ❦ کریمه سی  
دلالت ایدرکه ❦ فرقه فجارکه ❦ اصحاب کبائر اول جله دندر ❦ نارد  
مخلد اوله جفلردر ❦ زیرا ناردن غائب اولماق ناردده خلود  
واستقراردر ❦ اگر خالد اولسه لر ❦ ناردن غائب اولورلر ایدی  
وناردن غیبوتلری مقتضای آیه منافیدر ❦ بوکه ده جواب ویریلورکه  
فجاردن مراد ❦ فجورده کاملردیمکدر ❦ انلرایسه ❦ اولئک  
هم الکفرة الفجرة ❦ کریمه سی منظوقجه کفاردرد ❦ وجه ثالث  
کبیره مرتکبی کبیره بی ارتکابی سبیله ❦ عقابه مستحق اولور

وارتکابه عقابه استحقاقی ❦ کبیره بی ارتکابدن اقدام ❦ مستحق اولدیغی  
ثوابی اسقاط ایدر ❦ زیرا ثواب ❦ وعقابه ❦ استحقاق متنافی اولملریله  
مجمع اولمازلر ❦ زیرا ثواب مع التعظیم ❦ منفعت خالصه دائمه در ❦ وعقاب  
مع الالهانه ❦ مضرت خالصه دائمه در ❦ بوکه ده جواب ویریلورکه  
ثواب وعقابک مفهومملرنده ❦ باخصوص عقابک مفهوممنده  
خلوص ودوام قیدلری مسلم اولماغله ❦ ثواب وعقاب متنافی اولمازلر  
بروقتده معاقب اولوب صکره ❦ مثاب اولوق جائزدر ❦ ولوسلم  
استحقاقینک تنافیلری لازم کیز ❦ زیرا من جهة الطاعة ❦ منفعت دائمیه  
ومن جهة المعصیه مضرت دائمیه ❦ مستحق اولوق ممکندر ❦ ولوسلم  
استحقاق عقابک ❦ مستحق اولان ثوابی اسقاطی عکسندن اولی دکلدرد  
بلکه ❦ ان الحسنات یذهبن السبئات ❦ منطوقی استحقاق ثوابک  
عقابی اسقاطی اولی واقوادرد ❦ وسبئه مثلیله مجزی اولوب حسنه  
اون مثلیله ❦ بلکه آثار صحیحه مقتضاسی یدیوزده قدر ❦ مجزی اولوق  
ثابتدر ❦ بعدذا ذکر اولندیغی اوزره مرتکب کبیره ❦ مؤمن اولمغله  
بغیر توبه وفات ایتدکلری صورته (صلوا خلف کل برو فاجر  
وصلوا علی کل برو فاجر) حدیث شریفی اوزره ❦ اوزرلرینه صلوة  
جنازه ادا اولنور ❦ زیرا مؤمنک ❦ انه لایش من روح الله ❦ موجبی  
هرقدر فاسق ایسه ده ❦ رجاری منقطع اولماز ❦ روح قح رابله  
ثواب معناسنده در ❦ ویزم عذم مزده ❦ عفو وعقابه قطع یوقدر ❦ بلکه  
ایکبسیده مشیت الهیده در ❦ لکن تعذیب تقدیری اوزره مخلد  
فی النار اولماملری مقطوعدر ❦ بلکه وعد سابق الهی مقتضاسی  
خروج وجنته دخول ایدرلر ❦ وخوارج دخی فاسقک مخلد فی النار  
اولمیرینه ذاهبلردر ❦ دلیللری بوندن اقدام بیان اولندی والسلام

❦ وما المقتول مقطوعا علیه ❦ سوی ذاعند اصحاب الضلال ❦



ما نافیه در ❦ مقتول اسم مرفوعیدر ❦ مقطوعا علیه خبریدر ❦  
 فاعلی مقدر اجل کلمه سیدر ❦ سوی ذا مبتدادر ❦ ذا مقطوعینه  
 اشارتدر ❦ مفهوم بیت بودر که ❦ مقتول اولان میتک اجل  
 منقطع دکلدر ❦ یعنی قتل اولنمسه ده اول حینده فوت اولوب  
 اولیه جغی مقطوع دکلدر ❦ بومسئله ده دخی اهل سنتله معتزله  
 میاننده اختلاف وارد ❦ عند اهل السنه مقتول اجلیه یعنی مدت  
 عمری منقضی اولوب ❦ ووقت مقدری حلول ایتکله ❦ وفات ایدر  
 یوقسه موت اجل اوزره تقدم ایلز ❦ معتزله دیرلر که ❦ مقتول اجلیه  
 میت دکلدر یعنی موتی اجل اوزره تقدم ایدر ❦ قتل اولنمسیدی انفاست  
 معدوده سی انقضایسنه قدر تعیش ایدر ایدی ❦ احتجاجلری بودر که  
 اگر اجلیه میت اولسه ❦ قاتلی ذم وعقاب و دیت وقصاصه مستحق  
 اولماز ایدی ❦ زیرا مقتولک موتی خلق الهی ❦ وکسب مقتولله دکلدر  
 دعوالری مذهبلری اوزره ❦ فعل قاتله تولید موتک ضرورتیدر  
 اکا جواب ویریلور که ❦ قاتله عقاب وقصاصک وجوبی مخظوری  
 ارتکاب وعقبنده علی جری العاده ❦ حضرت حقک موتی خلق  
 ایلیه جکی ❦ فعلی اکثساب ایلدیکنه مبیدر ❦ زیرا قتل کسبا  
 قاتلک فعلیدر ❦ هر قدر خلقا دکل ایسه ❦ ومعتزله بعض طاعا تک  
 عمری زیاده ایلیه جکنی ناطق ❦ احادیثله احتجاج ایدرلر (الصدقه  
 ردالبلاء وتزید العمر) و (صلة الرحم تزید فی العمر) حدیثلری کبی  
 اکاده جواب ویریلور که ❦ حضرت حکیم مطلق ❦ جل شانہ  
 بعض احکامی ❦ معلقا مراد ایلشدرد ❦ شخص مزبورک کر چه  
 مدت عمری مثلاً یتیش سنه تقدیر ایلوب ❦ لیکن اوتوزینی طاعت  
 معهوده منوط ایلکله ❦ اتیان ایدر سه ❦ مستحق اولوب ❦ اتیان  
 ایلز سه ❦ اربعینده وداع عالم فانی ایدر ❦ واتیان وعدم اتیان علم  
 ازلیله معلومیدر ❦ لیکن مقتضای صفت معبودیت ❦ ومبتغای غیرت

الوهیت ❦ عبودیت وطاعت اولغله ❦ عبادی حث وتحریض حکمتنه  
 بناء اول کونه اراده ایلشدرد ❦ بوتقریر ایلله تعدد اجل واهمه سی  
 طریقان ایلز ❦ وبعض علماء احادیث مرقومه ❦ خبر آحاد اولغله  
 آیات قطعیه به معارض اولماز دیدیلر ❦ بوصورته زیاده دن مراد  
 خیر وبرکتدر که ❦ فوز وسعادت ابدیهیه وسیله اولان ❦ کمالات انسانیه  
 تکمیلنه مدار اولوب ❦ هوا وهوسده رأس المال حیاتک عدم  
 اضاعتیدر ❦ ومعتزله دن ابوالرهیل مذهبی بودر که ❦ مقتول قتل  
 اولنمسیدی ❦ اول انده قتل بدلی فوت اولور ایدی ❦ زیرا اول انده  
 وفات ایلسه ❦ قاتل ❦ اجل مقدر میتی قاطع اولق اقتضا ایدر  
 بوابسه محالدر ❦ اکا جواب ویریلور که ❦ شخص مزبورک مقتول  
 اولماسی ❦ علم الهی تقدیری اوزره متصور اولور ❦ زیرا حضرت  
 حق جل وعلی ❦ اول شخصک آن مزبورده ❦ قتل اولنیه جغی  
 ازله ییلور ایدی ❦ بوجهتله محالیت ثابت اولماز ❦ بعض محققین  
 بومسئله ده واقع نزاعی ❦ لفظی به ارجاع ایلشدرد ❦ لیکن علامه  
 بیدانی سعدالدین تفتازانی تحقیقه حمل ایدر ❦ سلکوتی مرحوم بسط  
 ایلشدرد ❦ اهل سنتک مذهبی بودر که ❦ مقتول اجلیه میتدر عدم  
 قتلی تقدیرده ❦ اجلک وجود وعدمی مقطوع اولماغله ❦ موت  
 وحیاتدن بریله قطع یوقدر ❦ ودلیللری بودر که ❦ حضرت باری  
 تعالی وفق علم ❦ واراده ازلیسی اوزره ❦ بلا تردد آجال عبادیله  
 حکم ایلشدرد ❦ اگر عبدک اجلی مقطوع اولق اقتضا ایدی  
 حاشا جهل نسبتی لازم کلور ایدی و ❦ اذاجاء اجلهم لایستأخرون  
 ساعة ولا یستقدمون ❦ نص شریفی قاطعیدر ❦ اگر سؤال  
 اولنور سه که ❦ اجل حلول ایلدکه ❦ استقدام منصور اولماغله  
 نفینده فائده یوقدر ❦ جواب ویریلور که ❦ لایستقدمون جمله سی  
 جمله شرطیه اوزره معطوف اولغله ❦ شرطله متقید اولماز ❦ زیرا



قید معطوف علیه دن جزء اولدیغی حینده ❖ قید مزبورده  
معطوف مشارک اولماز ❖ زیرا بوضورتده قید معطوف علیده  
داخل اولغله ❖ احکامندن معدود اولماز که ❖ حتی معطوف دخی  
مشارک اوله ❖ پس آیت مرقومه ❖ لکل امة اجل فاذا جاء اجلهم  
لا یستأخرون عنه ❖ ولکل امة اجل لا یتقدّمون علیه  
تقدیرنده اولور قالدیکه ❖ تأویل مرقوم خلاف متبادر اولغله  
بعض محققین بگونه تأویل ایلدیلر که ❖ لا یتقدّمون قولى  
وفق التبادر ❖ لا یتأخرون اوزره معطوفدر ❖ حق جل وعلی  
انکله تنبیه ایلدیکه ❖ اجل حلول ایلدیکی وقتده اقصر مدته  
تقدم ممتنع اولدیغی کبی ❖ تأخری دخی ممتنعدر ❖ نقدر تأخری  
عقلا ممکن اولور سه ده ❖ زیرا تقدیر ❖ وعلم الهینک خلافی محالدر  
سلکوتی علیه الرجه ❖ مجموع شرط ❖ وجزاء اوزره عطفی  
ترجیح ایلدی ❖ وبعض علما ❖ خلق الموت والحیوة ❖ منظوقجه  
موتک وجودی المفهوم ❖ اولدیغنه ذاهب اولغله ❖ موت میتله قائم  
ومخلوق الهیدر ❖ انده عبدک تخلیقا وکسبا مدخلی یوقدر ❖ دیدیلر  
وعدمی اولدیغنه ذاهب اولنلر ❖ آیت مرقومه ده ❖ خلق لفظنی  
قدر کله سبیله تأویل ایدرلر ❖ واجل عند اهل السنه واحد در  
متعینان معترله دن کعبی خلافتنه ذاهبدر ❖ انک عندنده مقتولک  
ایکی اجلی وار بری قتلدر که ❖ عبد طرفندن حاصلدر ❖ وبری  
موتدر که ❖ جانب الهیدن واصلدر ❖ حیات مقتول اجل قتلله باطل اولور  
اگر قتل اولنمیددی ❖ اجل موت حلولنه قدر ❖ تعیش ایدر ایدی  
وفلاسفه دیرلر که ❖ هر حیوان ایچون اجل طبیعی اولور که ❖ وقت  
موتیدر ❖ رطوبت غریزه سی منحلل ❖ وحرارتی منطقی اولنجه  
فوت اولور ❖ و حیوان ایچون آجال اخترامیه واردر ❖ یعنی آفات  
وامراض عارضه تطرقبله ❖ حیاتی مخترم ومنقطع اولور دیرلر

اهل سنت عندنده بونلرک جمله سی ❖ تقدیر خداوند قدیره مستنددر  
بومناسبتله ❖ بدیعه آتیه خطوط ایلکله ثبت اولندی ❖ شیوخ  
موثوقه مزک برندن ❖ شرح عقاید تدریسی خلانده ❖ مبحث مسرود  
سبقنده مسموعمز اولمشدر که ❖ ایام تحصیلده ❖ مدرسه مزه قریب  
برائتمکجی فرنی وار ایدی ❖ فرنجی برذمی ایدی ❖ هر صباح واخشام  
واروب نان عزیز اشترا ایدر ایدم ❖ برسنه غایتله غلا اولغله ❖ پیشگاه  
دکان ازدحام ناسله ❖ محشردن نشان اولور ایدی ❖ براخشام وقتی اتمک  
المق ایچون ینه دکان مزبوره واروب ❖ ایستاده مقام اشترا اولدم  
فرنجی بندنصکره ❖ کلنلرک حاجتترین قضا ایدوب ❖ اصلا بکا التفات  
ایلز ایدی ❖ هر نقدر الحاح ایلدمه ❖ اماله سامعه اصفا ایتما مکله  
یوبازیت حسبله ❖ پرتهور اولوب ❖ زمینده برمناسیجه سنکیاره  
منظورم اولغله ❖ فرنجی به حواله قصدیله ❖ اکیلوب اول سنکیاره به  
ال صوندیغمده ❖ هنوز برقارش مقداری ❖ فاصله وار ایکن سنکیاره  
مرسوم ❖ همان خود بخود قالقوب الیه کلدی ❖ بحسب العلم اول انده  
ذهنم مستجمع اولوب ❖ تکرار حوقله ایلبرک ❖ البته بونده بر حکمت  
واردردیه رک ❖ اول سنکیاره بی بر محل معینه وضع ❖ بعده بر مقدار دخی  
صبرایله اتمک الوب ❖ حجره مه عودت ایلدم ❖ برماه مرو رندنصکره  
ینه دکان مزبوره واروب کور دمکه ❖ مسفور ذمی محلنده بر دیگر  
نصرانی جالس اولمش ❖ اولکسیدن استفسار ایلدیکمه خسته اولوب  
لکن جانی جمله اعضا سندن کشیده اولوب ❖ اون کوندر که  
سینه سنده هیجان اوزره محتضردر ❖ بودکلورهای بین کلوب  
قرأت انجیل ❖ وسائر کونه تدبیر ایدرلر ❖ قطعاً متأثر اولوب  
الحاله هذه ❖ اول حال اوزره اولغله ❖ جمله مزه حیرت وسأمت کلمشدر  
دیدکده خاطریعه ❖ سنکیاره قصه سی خطور ایلکله ❖ همان واروب  
محل مزبور دن اول سنکیاره بی اخذ ❖ و ذمبله برابر خانه مرسومه



عزم ایلدم ❦ واقعا جان سینه سنده مضطرب اولمغله ❦ همان  
اول سنکپاره بی پروجه سهولت ❦ سینه سنه وضع ایتدیکم انده  
مرد اولدی

❦ لَقَدْ بَسَّتَ لِلتَّوْحِيدِ نَظْمًا ❦ بَدِيعَ الشَّكْلِ كَالسَّحْرِ الْحَلَالِ ❦

لام لقد ❦ قسم محذوفه جواهدر ❦ والله لقد البست تقدیرنده در ❦  
قد تحقیقه در ❦ البست کلمه سی الباسدن ماضی متکلمدر ❦ للتوحد  
کلمه سی مفعول اولیدر ❦ لام زائده در ❦ نظما مفعول ثانیسیدر  
منظوم معناسنه در ❦ بدیع الشکل ❦ نظما لفظنک صفتیدر ❦ بدیع  
صفت اولمغله ❦ اضافتی لفظیه اولوب ❦ و اضافت لفظیه انفصال  
حکمنده اولغین ❦ نکره یه صفت واقع اولشددر ❦ کالسحر صفت بعد  
صفتدر ❦ الحلال سحرک صفتیدر ❦ ناظم علیه الرجه ترغیب طلاب  
قصد یله ❦ اشبو منظومه غراسنی ❦ مدح مقامنده بیوررلر که  
توحد حضرت واحد بیچون و چرا یه ❦ شکل وهیئت بدیع وزیا  
وسحر حلال آسا دلر با خلعت نظم الباسبله تزیین وترصیع ایلدم  
معلوم اوله که ❦ شکل برشی حدود یله محیط اولان هیئته دیرلر  
وسحرک ایکی معناسی وارددر ❦ بری باطلی صورت حقه اخراج  
وایکنجیسی بعض معجز و محیر اولان علم و عمل ایله ❦ نفوس شخصیه ده  
تأثیردر ❦ تأثیر مذکورده ❦ یا اول شخصک عقلنی سلب ❦ یا خود  
قوتی اخذ ❦ یا خود طبیعتنی تفسیر ایله اولور ❦ ایکی نوعی دخی  
حرآمددر ❦ لکن بعض بلیغ و بدیع کلامه اطلاق اولنور ❦ غرابت  
و بداعی نفوسده مؤثر اولوب ❦ طباع و قلوب بی اختیار ❦ مستمیل  
و مجذوب اولمق علاقه سیله ❦ نه که (ان من البیان لسحرا) حدیث  
شریفنده واقع اولشددر ❦ ناظم بوراده سلاست الفاظ ❦ و عذوبت  
عبارات و حسن نظم و ترتیب یه بی اختیار ❦ کندوسنه قلوبک

مصطاد و منقاد اولدیغی جهته ❦ منظومه سنی ابتدا سحره تشبیه  
وبعد حلال ایله توصیف ایلدی ❦ زیرا مطلق سحره تشبیه ایلسه  
ذهن حرام اولان سحره متبادر اولمغله ❦ طباع اسلامه تنفر  
حاصل اولور ❦ لکن حلاله موصوف اولیحق ❦ اتیان مثلندن غیری  
معجز اولدیغنی افاده مراد اولدیغنی ❦ مستبان اولمغله ❦ هر کس شوق  
درونله راغب اولورلر ❦ بعض شراح کایه طریقیله الباسدن  
تزیین اراده ایلش ❦ زینت الباسه لازم اولمغله ❦ کویا که ملزومی  
ذکر ایدوب لازمی مراد ایتش ❦ لکن نظم توحد ایله متزین اولور  
یوقسه علی العکس اولماز ❦ بلکه تعبیر مزبور ❦ استعاره قییلنددر  
توحدی کنندی نفسنده ❦ کرامت علاقه سیله آدمی یه تشبیه ایتدکله  
ستعاره بالکنایه ❦ و الباسی دخی تخیل ایلدی

❦ يُسَلِّي الْقَلْبَ كَالْبَشَرِيِّ بِرُوحٍ ❦ وَيُحْيِي الرُّوحَ كَالْمَاءِ الزَّلَالِ ❦

یسلی کلمه سی تسلیه دن فعل مستقبلدر ❦ فاعل ضمیری نظمه  
راجعدر ❦ القلب مفعولیدر ❦ جمله سی نظما کلمه سنه صفت  
بعد صفتدر ❦ یا خود مبتدای محذوفه خبردر ❦ هو یسلی تقدیرنده در  
کالبشری یسلی یه متعلقدر ❦ بشری کلمه سی بشارت معناسنه  
مصدردر ❦ رجعی رجعت معناسنه مصدر اولدیغی کبی ❦ بای بروح  
بشری یه متعلقدر ❦ روح قمع را ایله راحت معناسنه در ❦ یحیی  
احیادن فعل مستقبلدر ❦ ضمیری نظمه راجعدر ❦ الروح ضم را ایله  
مفعولیدر ❦ کالما یحیی یه متعلقدر ❦ الزلال صفتیدر ❦ مفهوم یت  
بودر که ❦ اشبو منظومه غرا ❦ قلوب اهل ایمانی مرده عظیمه کبی  
ایراث طرب و راحتله منسلی ❦ و منبسط ایدوب ❦ آب زلال کبی  
روحک حیات ابدیه سنه وسیله اولور ❦ تسلیه کشف و تجلیه معناسنه در  
معلوم اوله که ❦ قلب که فارسیده دل ❦ و ترکیده کوکل تعبیر اولنور



مقلوبیت و قابلیت ❦ و سرعت خواطر و تلون سبیلہ ❦ متقلب اولدین  
 ایچون قلبه تسمیه اولندی ❦ صدرك یسارنده مودوع صنوبری  
 الشکل مضغه در ❦ وانکله قائم اولان ❦ لطیفه ربانیه که  
 بصیرت ایلہ تعبیر اولنور ❦ قلب دخی اطلاق ایدرلر ❦ بدک صلاح  
 و فسادنده معول و معتمد اولان رئیسدر ( لایسغنی ارضی و لاسمائی  
 ولكن یسغنی قلب عبدی المؤمن النقی الوراع ) حدیث قد سبسی  
 موجبجه جانب حقندن سعه ایلہ موصوف اولان ❦ اشیا نك اعظمیدر  
 ونفس انسانی به متعلق روح حیوانینك معدنیدر ❦ حکما اکا  
 نفس باطنه ❦ و روح باطنه اطلاق ایدرلر ( الا ان فی الجسد مضغه  
 اذا صلح صلح الجسد کله ) حدیث شریفی دخی معول علیه اولدینغه  
 دلالت ایدر ❦ بعض محققین دیدیلر که ❦ قلبك یدی طبقه سی وار  
 اول ❦ صدر در که ❦ محل اسلام و محل وسواسدر ❦ ثانی ❦ قلبدر که  
 محل ایماندر ❦ ثالث ❦ شغاف در که ❦ محل محبت خلقدر  
 رابع ❦ فؤاد در که محل رؤیت حقدر ❦ خامس ❦ حبه القلبدر که  
 محل محبت حقدر ❦ سادس ❦ سویدا در که ❦ محل علوم  
 دینیه در ❦ سابع ❦ مهجه در که ❦ محل نجلی صفاتدر ❦ پس عند  
 التحقیق ❦ محل استعمال لری متفاوت اولمغه ❦ امعانه دقیقه سنه  
 واصل اولنه ❦ و بشارت ❦ بشره و جهك تغیرینی موجب صادق  
 خبره دیرلر ❦ اغلب استعمالی خیرده در ❦ روح عالم امره متعلق  
 لطیفه مستأثره الهی اولمغه ❦ حدی بیرون حدادرا کدر ❦ خالقنی  
 یلوب و مشاهده ایتکله ❦ مظهر روح و سرور ❦ یاخود مدار  
 روح مخلوق اولدینندن ❦ روح ایلہ تسمیه اولندی دیرلر ❦ زلال  
 قطعات تغیر اولیان ❦ عذب و صافی صویه دیرلر ❦ ناظم علیه الرجه  
 اشبو منظومه سنی ❦ قلوب جاهله به دفع عطش جهالتله ❦ ایراث  
 حیات یاخود قلوب عالمیه ❦ ابقای حیاته آب زلاله تشبیه ایلدی

❦❦❦ فحوضوا فیہ حفظا و اعتقادا ❦❦❦ تنالوا جنس اصناف المنال ❦❦❦

فای فحوضوا جزا بیه در ❦ خوضوا خوض لفظندن فعل امر در  
 خوض شروع معناسنه در ❦ جمله سی شرط محذوفه جزا در  
 اذا علمت ان المنظوم یحیی القلوب فاشرعوا فیہ تقدیرنده در ❦ حفظا  
 و اعتقادا تمیز لردر ❦ یاخود حافظین معتقدین تأویلله حالدر در  
 تنالوا ❦ جواب امرده واقع اولمغه ❦ مجزومدر ❦ بومسئله ده اوچ  
 قول وارد در ❦ اول ❦ خلیل و سببویه قولیدر که ❦ جواب امرک  
 جزمی نفس طلب ایلده در ❦ ان شرطیه معناسنی متضمن اولدینچون  
 ثانی ❦ سیرافی و فارسی قولیدر که ❦ ینه طلب ایلده در ❦ لکن  
 شرط مقدر اولان جازمک مقامنه قائم اولدینچون ❦ یوقسه معنای  
 شرطی متضمن اولدینچون دکل ❦ ثالث ❦ جمهور نحاة قولیدر که  
 طلبدن صکره شرط مقدر ایلده مجزومدر ❦ مثلا بومقامده ان تخوضوا  
 تنالوا تقدیرنده اولور ❦ بعض محققین اشبو مذهبی ترجیح ایلدی  
 زیرا حذف و تضمن هر نقدر خلاف اصل اولمغه مشترکرایسه ده  
 تضمن معنای اصلاک تغیرینی متضمندر ❦ كذلك فعلک حرف معناسنی  
 تضمنی مشهور دکلدر ❦ و برشبئک نا ئی ❦ اولشبئک معناسنی مؤدی اولور  
 طلب ایسه ❦ شرط معناسنی مؤدی اولماز ❦ منال عطاء معناسنه در  
 اصنافك مناله اضافتی ❦ خاتم فضة قبیلندندر ❦ جنس تعبیرنده  
 مبالغه اولدینغی ظاهر در ❦ زیرا توحید و ایمان ❦ جمله عطایای  
 الهیه به وسیله در ❦ مفهوم بیت یودر که ❦ اشبو منظومه غرائک  
 مطالعه سبله اکتفا ایتوب ❦ بلکه از بر و اعتقاد دینه همت  
 ایلله سز که ❦ انواع الطاف ربانی ❦ و اصناف اعطاف صمدانی به  
 نائل اوله سز ❦ اللهم ثبتنا علی عقیدتنا الحقه الکامله ❦ واجعلنا  
 مستحقا لا لطافك الشامله



وَكُونُوا عَوْنًا هَذَا الْعَبْدَ دَهْرًا ۞ بِذِكْرِ الْخَيْرِ فِي حَالِ ابْتِهَالٍ ۞

کونوا کون کلمه سندن فعل امر در ۞ اسم مرفوعی ضمیر در ۞ عون  
هذا العبد خبر منصوب بدر ۞ هذا مضاف الیه بدر ۞ عبد هذا نك  
مضاف الیه بدر ۞ عون معین معناسنه در ۞ عبد دن مراد نفس  
ناظم بدر ۞ دهر ظرفیت اوزره منصوب بدر ۞ دهر معرف اولور ایسه ابد  
ومدة العمر معناسنه ۞ ومنكر اولور ایسه ۞ زماندن برقطعه به اطلاق  
اولور ۞ امامین حضرت نری منكر اولور سه ۞ حین معناسنه در  
وحین مقامنه قائم اولور دیدیلر ۞ وحین لفظی معرفا ومنكر التی ماه  
مدته اطلاق اولور ۞ تنكه ابن عباس رضی الله عنهما ۞ تأتي اكلها  
كل حین ۞ کریمه سنده التی ماه مدته تفسیر ایلدی ۞ لکن  
حل مزبور ۞ اعدل و اوسط محامل اولق حسبیه در ۞ یوقسه بعضا  
وقت صلوة کی ۞ مدت قصیره ده دخی استعمال اولور ۞ تنكه  
فسبحان الله حین تمسون وحین تصبحون ۞ کریمه سنده  
واقعدر ۞ قال دیکه ( لا تسبوا الدهر فان الدهر هو الله ) حدیثنده  
مضاف محذوفدر ۞ فان خالق الدهر تقدیرنده در ۞ یاخود نقشی دم  
وتعیر ۞ نقاشه راجع اولغله ۞ فاعلنه مستند اولور ۞ بعض علما  
دهری اسماء حسنی جمله سندن دیدی ۞ بذکر الخیر عون کلمه سنه  
متعلقدر ۞ فی حال کلمه سی ذکره متعلقدر ۞ ابتهال تضرع  
معناسنه در ۞ تنوین مضاف الیه دن عوض اولغله ۞ فی حال ابتهالکم  
سبکنده در ۞ مفهوم بیت بودر که ۞ درگاه الهی به حضور و خضوعه  
متوجه اولدیغکز و قتلرده ۞ اشبو منظومه نك سبب نظمی اولان  
عبد ضعیفه ۞ ذکر بالخیر ودعا واستغفار ایله ۞ اعانت ایلیه سز ۞ زیرا  
( دعوة الغائب للغائب اسرع اجابة ) حدیث شریفی موجبجه  
عن ظهر الغیب ۞ دعا استجابته اقر بدر ۞ ناظم علیه الرحه انتقال

معناسنی متضمن اولان ۞ صبروا عنوانندن ثبات ودوام معناسنی  
متضمن ۞ کونوا عنواننه عدولنده ۞ بروقت دعا ایدوب بعده طرح  
کوشه نسیان ایلامرینه اشارت ایلشد رحه الله

لَعَلَّ اللَّهَ يَعْفوَهُ بِفَضْلِ ۞ وَيُعْطِيهِ السَّعَادَةَ فِي الْمَالِ ۞

لعل حرف توقع وترجیدر ۞ لفظه جلاله اسم منصوبی ۞ يعفو  
جمله سی خبر مرفوع بدر ۞ بفضل يعفو کلمه سنه متعلقدر ۞ بفضل  
تقدیرنده در ۞ زیرا عفو وغفران اثر فضل واحساندر ۞ و يعطى  
کلمه سی اعطادن فعل مستقبلدر ۞ فاعل ضمیری مستتر الله  
راجعدر ۞ ضمیر بارز مفعول اولدر ۞ السعادة مفعول ثانیه سیدر  
فی المال يعطى به یاخود سعادت متعلقدر ۞ مال اولدن اسم مکاندر  
مرجع معناسنه که ۞ مراد آخرتدر ۞ مفهوم بیت بودر که ۞ مرجو  
ومسئولدر که ۞ دعای خیر کز برکاتیه ۞ حق جل وعلی بو عبد حقیرک  
سیأتی فضل و کرمیه عفو ایدوب ۞ آخرتده فوز عظیم اولان  
دیدار شریفلیله ۞ مظهر سعادت ابدی ایلیه ۞ اللهم اعف عني  
وعنه واعطني واعظه السلامة الدينية ۞ والد نیویه و یسرلی  
و یسرله السعادة السرمدية ۞ ناظم مرحومك سعادت آخرتی  
استدعاسی ( اللهم لا عيش الا عيش الآخرة ) حدیث شریفنه  
اشارت ایلشد ۞ سعادت دنیوی معرض زوالده اولغله ۞ سعادت  
اطلاقنه شایان دکلدر ۞ مکر که سعادت اخر وی به وسیله اوله

وَإِنِّي الدَّهْرَ أَدْعُو كُنْهَ وَسْعِي ۞ لِمَنْ بِالْخَيْرِ يَوْمًا قَدْ دَعَا ۞

بعض نسخه ده ۞ وانی الحق ادعو واقع اولشد ۞ لکن نسخه اولی  
یوما مقابله سیله ارجدر ۞ ان حروف مشبهه بالفعلند ۞ ضمیر منکم



متصل محل نصبده اسمیدر \* الدهر ظرف منصوبدر \* عاملی  
 مؤخر ادعو کله سیدر \* ادعو مستقبل متکلمدر \* فاعلی مضمی  
 انالفظیدر \* جمله سی ان کله سنک محل رفعده خبریدر \* کنه وسعی  
 تزع حافضه منصوبدر \* بکنه وسعی تقدیرنده در \* وسع بای  
 متکلمه مضافدر \* کنه عایت \* ووسع طاقت معناسنده در \* لام لمن  
 ادعو کله سنه متعلقدر \* من اسم موصولدر صله اقتضایدر \* قد دعای  
 جمله سی صله سیدر \* ضمیر فاعلی اسم موصوله راجعدر \* قد دعای  
 جمله سی صله سیدر \* ضمیر فاعلی \* اسم موصوله راجعدر \* بالخیر  
 ادعو کله سنه متعلقدر \* اهتمام ایچون تقدیم اولندی \* یوما ظرفدر  
 عاملی دعی کله سیدر \* لی کله سی دخی دعی به متعلقدر \* موصول  
 صله سیله محل جرده در \* مفهوم بیت بودر که \* برکسه بنم ایچون  
 برکون که \* مراد بروقتدر \* دعای خیر ایدر سه \* مدت عمرده  
 نهایت قدرتمی \* آنک خیر دعا سنده افراغ ایدرم \* فزجو  
 من الله العیم المراحم \* البسیط المکارم \* ان یعفو عنا  
 وعن الناطم \* ویرحنا ویرحم آباءنا \*  
 وامهاتنا \* و مشایخنا \* واحباؤنا \* وجیع  
 المؤمنین \* بجرمه رسوله الامین \*  
 \* ولله الحمد \* اولاً و آخراً \*

قصیده نصیده امالی و شرح نادیده مرح المعالی مطلع دیوان  
 شوکت و شان و حسن مطلع شه بیت معد لتعنوان پادشاه جهان  
 و شهنشاه دوران \* سلطان عبدالمجید خان \* افدمز حضرتلرینک  
 عصر محاسن حصر ملوکانه لرنده محمد رجائی قوللرینک نظارت  
 و معرفت عاجزانه سیله تقوی بخانه عامره لرنده طبع و تمثیل  
 و بیک ایکوز التمش الی سنه سی رجب شریفک او اسطنده  
 محله زیب تکمیل اولمشدر